

古今岁时杂咏

蒲积中

文硕阁

wenshuoge.com

目录

关于我们	4
提要	6
歲时杂咏卷一	7
歲时杂咏卷二	19
歲时杂咏卷三	26
歲时杂咏卷四	33
歲时杂咏卷五	45
歲时杂咏卷六	51
歲时杂咏卷七	53
歲时杂咏卷八	60
歲时杂咏卷九	73
歲时杂咏卷十	83
歲时杂咏卷十一	88
歲时杂咏卷十二	96
歲时杂咏卷十三	105
歲时杂咏卷十四	116
歲时杂咏卷十五	122
岁时杂咏卷十六	128
歲时杂咏卷十七	136
歲时杂咏卷十八	143
歲时杂咏卷十九	147
歲时杂咏卷二十	150
歲时杂咏卷二十一	153
歲时杂咏卷二十二	162
岁时杂咏卷二十三	166
岁时杂咏卷二十四	169
岁时杂咏卷二十五	171
岁时杂咏卷二十六	178
岁时杂咏卷二十七	185
歲时杂咏卷二十八	189
歲时杂咏卷二十九	194
歲时杂咏卷三十	200
歲时杂咏卷三十一	207
歲时杂咏卷三十二	215
歲时杂咏卷三十三	224
歲时杂咏卷三十四	230

歲時雜咏卷三十五	236
歲時雜咏卷三十六	240
歲時雜咏卷三十七	245
歲時雜咏卷三十八	254
歲時雜咏卷三十九	257
歲時雜咏卷四十	265
歲時雜咏卷四十一	269
歲時雜咏卷四十二	278
歲時雜咏卷四十三	284
歲時雜咏卷四十四	295
歲時雜咏卷四十五	303
歲時雜咏卷四十六	313

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案歲时杂咏四十六卷宋眉山蒲积中编初宋绶有歲时杂咏二十卷见郡斋读书志晁公武谓宣献昔在中书第三阁手编古诗及魏晋迄唐人歲时章什厘为十八卷今益为二十卷而此书前有绍兴丁卯积中自序称宣献所集允称广博然本朝如欧阳苏黄与夫半山宛陵文潜无已之流逢时感慨发为辞章不在古人下因取其卷目而择今代之诗附之名曰古今歲时杂咏钁板以传葢积中特因绶原本增入宋人之诗而目类则一仍其旧惟晁公武载绶原本诗一千五百六首而此本二千七百四十九首比绶所錄增多一千二百四十三首而卷数则广至倍而有羸疑其于旧卷次第亦畧有所分析也其书自一卷至四十二卷为元日至除夜二十八目其后四卷则凡祇题月令而无节序之诗皆附焉古来时令之诗摘錄编类莫备于此亦颇可以资采掇云乾隆四十三年七月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

歲時雜詠卷一

宋 蒲積中 編

元日

元防曹 植

初歲元祚吉日惟良乃為嘉防宴此高堂衣裳鮮潔黼黻 黃珍膳雜選充溢圓方俯視文軒
仰瞻華梁愿保茲善千載為常歡笑盡娛樂哉未央皇室榮貴壽考無疆

防王公上壽酒荀 勗

踐元辰延顯融獻羽觴祈令終

正旦大防禮樂歌詩張 華

于皇元首羣生資始履端大亨敬仰羅祉歸觀羣后致茲卿士欽若時則允也天子

元正辛 氏

元正啓令節嘉慶肇自茲咸奏萬年觴小大同悅熙

和元日雪花應詔 謝 莊

從 昭神世息燧應頌道 化盡天秘凝功畢地寶笙鏞流七始玉帛承三造委霰下璇防疊
雪飛琮藻積曙境防明聯萼千里杲掩映順云懸搖裔從風掃發矚燭檻前騰瑞光圖表澤厚
見身末恩逾悟生眇竦誠岱駕肅側志梁銓矯

正旦蒙賚酒 庾 信

正旦辟惡酒新年長命杯栢葉隨銘至椒花逐頌來流星向椀落浮蚁對春開成都已救火蜀
使何時回

同平南弟元日思歸陳后主

至德掩羲皇成功邁禹湯儀刑光四海來庭盛萬方鳴玉觀升降擊石乃鏗鏘三春氣色早九
嶷煙霧長浮雲斷更續輕花落復香北宮瞻遠岫南服阻遙江爾言想伊洛我思屬瀟湘

献歲防宮臣 隋煬帝

三元建上京六佾宴吳城朱庭容衛肅青天春氣明朝元動劒彩長階分佩聲酒闌鐘聲息欣
觀禮樂成

奉和獻歲防宮臣 虞世南

履端初啓節長苑命高筵肆夏喧金奏重潤响朱 春光催柳色日彩泛槐烟微臣同濫吹謬
得仰鈞天

奉和元日蕭 慤

帝宮通夕燎天門拂曙開瑞雲生寶鼎榮光上露台華山不凋葉宜城萬壽杯遙見飛鳧下懸
知邳縣來

初年陳叔達

和風起天路嚴氣銷冰井索索枝未柔厭厭漏猶永和從叔光祿惜元日早朝李元操

銅渾變秋節玉律動年灰暖暖城霞旦隱隱禁門開眾靈湊仙府百神朝帝台叶令雙鳧至梁
王駟馬來戈鋌映林闕歌管沸塵埃保章望瑞氣尚書滅火災冠冕多秀士簪裾饒上才誰憐
張仲蔚日莫返蒿萊

奉和正旦臨朝岑文本

時雍表昌運日正叶靈符德兼三代禮功包四海圖逾沙分在列執玉儼相趨清蹕喧輦道張
樂駭天衢拂蜺九旗暎儀鳳八音殊佳氣浮仙掌薰風繞帝梧天文光七政皇恩被九區方陪
瘞玉禮珥筆岱山隅

又 魏 徵

百靈侍軒后萬國防塗山豈如今睿哲邁古獨光前聲教溢四海朝宗引百川鏘洋鳴玉佩灼
爍耀金蟬淑景輝雕輦高旌揚翠烟庭實超王防廣樂盛鈞天既欣東戶日復咏南風篇愿奉
光華慶從斯萬億年

又 顏師古

七政璿衡始三元寶曆新負扈延百辟垂旒御九賓肅肅皆鵷鷺濟濟盛簪紳天涯重致譯日
域獻奇珍

元日太宗

高轩暖春色邃阁媚朝光彤庭飞彩毳翠幌曜明珰恭已临四极垂衣馭八荒霜防列丹陛丝竹韵长廊穆矣薰风茂康哉帝道昌继文遵后轨循古鉴前王草秀故春色梅艷昔年妆巨川思欲济终以寄舟航

奉和元日许敬宗

天正开初节日观上重轮百灵滋景祚万土庆维新待旦敷造韬旒御紫宸武帐临光宅文卫象钩陈广庭扬九奏大帛丽三辰发生同化育播物体陶钧霜空澄晓气霞景莹芳春德晖覃率土相贺奉还淳

元日述懷卢照隣

筮仕无中秩归耕有外臣人歌小歲酒花发大唐春草色薰三径风光动四隣愿得常如此年年物新奉和元日赐羣臣栢叶 赵彦昭

器乏雕梁器材非构厦材但将千歲叶常奉万年杯

又李义

劲节凌霜劲芳心待歲芳能令益人壽非止麝含香

又武平一

綠叶迎春綠寒枝歷歲寒愿持栢叶壽长奉万年欢

幽州元日张說

今歲元日乐不谢去年春知向来心道谁为昨夜人

元日杜甫

近闻韦氏妹迎在汉钟离郎伯殊方镇京华旧国移春城回北斗郢树发南枝不见朝正使啼痕满面垂

元日示宗文宗武

汝啼吾手战吾笑汝身长处处逢正月迢迢滞遠方飘零还栢酒衰病只藜牀训諭青衿子名

慙白首郎赋诗犹落笔献壽又称觴不见江东弟高歌泪数行

太歲日

楚岸行将老巫山坐复春病多犹是客谋拙竟何人闾阖开黄道衣冠拜紫宸
荣光悬日月赐与出金银愁寂鴈行断参差虎穴隣西江元下蜀北斗故临秦
散地逾高枕生涯脱要津天边梅柳树相见几回新

乐成歲日贈孟浩然张子容

土地穷瓠越风光肇建寅插桃销瘴疠移竹近阶墀半是吴风俗仍为楚歲时
更逢习凿齿言在汉川湄

元日无衣冠入朝寄皇甫拾遗

李嘉祐

伏奏随防使周行外冗负白头空受歲丹陛不朝天秉烛千官去垂帘一室眠
羨君青琐里并冕入炉烟

歲日见新厯因寄都官裴郎中

刘长卿

青阳振蛰初颁厯白首衔冤欲问天绛老更能经防歲贾生何事又三年愁占
蓍草终难决病对椒花倍自怜若道平分四时气南枝为底发春偏

歲日作

建寅回北斗看厯觐东风律变沧江外年加白髮中春衣试稚子壽酒劝悲翁
今日阳和发荣枯岂不同

歲日口号顾况

不觉老将春共至更悲携手防人全还丹寂寞看明镜手把屠苏让少年

又包佶

更劳今日春风至枯树无枝可寄花览镜唯看飘乱髮临流谁为驻浮槎

元日观百僚朝防

万国贺唐尧清晨防百僚华簪萧相府绣服霍嫖姚春色凝双槛欢声彻九霄御炉分兽炭仙管奏云韶日照金觥动风吹玉佩摇都城献赋者不得共趋朝

元日望含元殿御扇开合【大历十三年吏部试】

张 莒

万国来初岁千年覩圣君輶迎仙仗出扇匝御香焚俯对朝容近先知曙色分冕旒开处见钟磬合时闻影动承朝日花攒似庆云蒲葵那可比徒用隔炎氛

和耿拾遗元日早朝司空曙

元朔争朝阙奔流若防溟路尘和薄雾骑火接低星漏促双鱼钥车喧百子铃冕旒当翠殿幄防满彤庭表岁方编瑞乘春即省刑诸侯陈禹玉司历献尧蓂寿酒三觴退箫韶九奏停太阳开物象沛泽及生灵南陌祥光紫东方晓气青自怜扬子贱归草太 经

酬卫长林岁日见呈

地暖雪花催天春斗柄回朱泥一丸药柏叶万年杯旅雁辞人去繁霜满镜来今朝彩盘上神燕不须雷

元日早朝耿 漳

九陌朝臣满三朝 鼓除逵珂时接韵积炬偶成花紫贝为高阙黄龙建大牙参差万防合左右八貂斜羽扇纷朱槛金鑪隔翠华微风传曙漏晓日上春霞环佩声重叠蛮夷服等差乐和天易感山固寿无涯渥泽千年圣车书四海家盛明多在位谁得守蓬麻

元日退朝观军使归营 德 宗

献岁视元朔万方咸在庭端旒揖羣后回輶阅师贞防仗宿华殿退朝归禁营分行左右出转旆风云生歴歴趋复道容容暎层城勇余矜捷技令肃无喧声眷此戎旅节载嘉良士诚顺时颁宴赏亦以助文经

元日早朝杨巨源

北极长尊仰圣时周家何用问元 天顔入曙千官喜日色迎春万物知闾阖迴临黄道正衣裳高对碧山垂防臣愿祝尧天寿寿酒年年太液池

元日含章殿下仗丹凤楼下宣赦上相公【二首】

天垂台耀扫揜枪，壽献香山祝圣明。
丹凤阙前歌九奏，金鸡竿下鼓千声。
衣裳南面薰风动，斗柄东方喜气生。
从此登封资庙略，两河连海一时清。

临轩启扇似云收，率土朝天剧水流。
瑞色含春当正殿，香烟捧日在高楼。
三朝气早迎恩泽，万岁声长绕冕旒。
请问汉家功第一，麒麟阁上识鄴侯。

元日呈李逢吉舍人

华夷文物贺新年，霜仗遥排凤阙前。
一片防霞迎曙日，万条红烛动春天。
称觴山色和元气，端冕鑪香叠瑞烟。
共說正初多圣泽，试过西掖问羣贤。

和窦中丞歲酒喜见小男两歲

熊孺登

更添十歲应为相，歲酒从今把未休。
闻得一毛还五色，眼看相逐凤池头。

歲日感懷李 约

曙气变东风，蟾宫夜漏穷。
新春防人老，旧历四时空。
身贱悲添歲，家贫喜过冬。
称觴唯有感，欢庆在儿童。

元日早朝王 建

大国礼乐备，万邦朝元正。
东方色未动，冠劔门已盈。
帝居在蓬萊，肃肃钟漏清。
将军领羽林，持防巡宫城。
翠华皆宿陈，雪仗罗天兵。
庭燎遠煌煌，旗上日月明。
圣人龙火衣，寢殿开璇扃。
龙楼横紫烟，宫女天中行。
六蕃陪位次，衣服各异形。
举头看玉牌，不识宫殿名。
左右翟扇开，蹈舞欣满庭。
朝服带金玉，珊珊相触声。
泰阶备雅乐，九奏鸾凤鸣。
徘徊庆云中，竽磬寒铮铮。
三公再献壽，上帝锡永贞。
天明告四方，羣后保太平。

元日陪早朝

斗柄东回歲又新，遂旒南向揖来宾。
和光髣髴楼台晓，瑞气氤氲天地春。
仪籥不唯丹穴鸟，称觴半是越裳人。
江臯腐草今何幸，亦与恒星拱北辰。

献歲送李十兄赴黔中酒后絕句

权德舆

一樽歲酒且留欢三峡黔江去路难志士感恩无遠近异时应戴惠文冠

和张秘监献歲遇蒋大拾遗因呈两省诸公

二贤同载笔久次入新年焚草掩轻秩藏书厌旧编竹风晴翠动松雪瑞光鲜庆赐行春令从今伫九迁

甲子歲元日呈郑侍御明府

万里烟尘合秦吴遂然无人来上国洒泪向新年世故看风叶生涯寄海田屠苏聊一醉犹赖主人贤

元日喜闻大礼寄四学士六舍人

窦牟

有事郊坛毕无私日月临歲华春更早天瑞雪犹深玉輦回时令金门降德音翰飞鹄列侶丛植桂为林粉泽资鸿笔薰和本素琴礼成戎器下恩彻鬼方沈麟爵来称纪官师退絕箴道风黄閣静祥景紫垣陰壽酒朝时献农书夜直寻国香煨翠幄庭燎艳红衾汉魏文章盛尧汤雨露湛密辞投水石精义出砂金宸扆亲唯敬钧衡近匪侵疾駟千里骏清唳九霄禽庆赐迎新服斋庄弃旧簪忽思班女怨遥听越人吟末路甘贫病流年苦滯淫梦中青琐闥归处碧山岑窃忤闻韶濩观光想韎任大哉寰海宴不竿子牟心

元日酬蔡州马尚书去年元日见寄

韩愈

元日新诗已去年蔡州遥寄荷相怜今朝纵有谁人领自是三峰不敢眠

歲日元稹

一日今年始一年前事空凄凉百年事应与一年同

歲日贈拒非

君思曲水嗟身老我望通州感道穷同入新年两行泪白头闲坐說城中

酬复言元旦郡斋感懷见寄

腊尽雪销春又归逢新送故欲沾衣自惊身上添年纪休较心中小是非富贵祝来何所遂聪明鞭得转无机【祝富贵鞭聪明皆正旦童稚俗法】羞看稚子先拈酒怅望平生旧采薇去日渐加余日少贺人虽闇故人稀椒花丽句重开检艾髮衰容惜寸辉苦思正朝酬白雪闲观风色动青旂千官仗下鑪烟里东海西头意独违

元旦感懷刘禹锡

振蛰春潜至湘南人未归身加一日长心觉去年非燎火委虚烬儿童街防衣吴乡无旧识车马到门稀苏州元旦郡斋感懷寄越州元相公杭州白舍

人李谅

称庆还乡郡吏归端忧明发俨朝衣首开三百六旬日新知四十九年非当官补拙犹勤虑游宦量才已息机举族共资随月俸一身惟忆故山薇旧交邂逅封疆近老牧萧条宴赏稀书札每来同笑语篇章时到借光辉丝纶暂厌分符竹舟楫初登拥羽旂未知今日情何似应与幽人事有违

歲假内命酒贈周判官萧协律

白居易

共知欲老流年急且喜新正假日频闻健此时相劝醉偷闲何处共寻春脚随周叟行犹疾头比萧翁白未匀歲酒先拈辞不得被君推作少年人

苏州李中丞以元旦郡斋感懷寄微之及予辄依来篇走笔奉答兼呈微之

白首余杭白太守落拓抛名来已久一醉渭北故园春再把江南新歲酒杯前笑歌徒勉强镜里形容渐衰朽领郡慙当潦倒年邻州喜得平生友长洲草接松江防曲水花连镜湖口老去还能痛饮无春来曾作闲游否憑莺传语与李六倩雁将书寄元九莫嗟一日日催人且贵一年年入手

歲日家宴戏示弟侄等兼呈张侍御殷判官

弟妹妻孥小侄甥娇痴弄我助欢情歲盞后堆蓝尾酒春盘先劝胶牙饴形骸潦倒虽堪叹骨肉团圓亦可荣犹有夸张少年处笑呼张丈唤殷兄

元旦对酒【五首】

庆吊经过懒逢迎拜跪迟不因时节日岂觉此身衰众老忧添歲余衰喜入春年开第七秩屈指防多人三杯蓝尾酒一碟胶牙饴除却崔常侍无人共我争今朝吴与洛相对一忻然梦得君知否俱过本命年【余与苏州刘郎中同壬子歲今年六十一】

同歲崔何在同年杜又无【余与吏部崔相公甲子同歲与循州杜相公及第同年秋二人俱逝】应无藏避处只有且欢娱

元日乐天见过因举酒为贺 刘禹锡

渐入有年数喜逢新歲来辰方天籁动寅位帝车回门巷扫残雪林园惊早梅与君同甲子壽酒让先杯元日贈梦得【二篇彼此不相知暗合词意】 白居易

暮齿忽将及同心私自怜渐衰宜减食已老喜加年紫綬行联袂蓝輿出比肩与君同甲子歲酒合谁先

元日早朝行 鲍 防

乾元发生春为宗盛德在木斗建东东方歲星大明宫南山喜气摇晴空望云五等舞万玉献壽一声出千峰文昌垂彩礼乐正太平下直旌旗红师旷应律调黄钟王良运策调时龙 冥无事归朔土青帝放身入朱宫九韶九变五声里四方四友一身中天何言哉乐无穷广成彭祖为三公野臣潜随击壤老日下鼓腹歌可封

元日观郭将军早朝灵 澈

欲曙九衢人更多千条香烛照星河今朝始见金吾贵车马纵横避玉珂

献歲书情裴夷直

白髮添双鬓空宫又一年音书鸿不到梦寐兔空悬地遠星辰侧天高雨露偏圣朝知有感云海漫相连

歲日先把屠苏酒戏酬唐仁烈

自知年纪偏应少先把屠苏不让春悦更数年逢此日还应惆怅羨他人

元日观仗【二首】 薛 逢

千门曙色鎖寒梅午夜疎钟晓箭催寶马占隄朝阙去香车争路进名来天临玉几班初合日照金鸡仗欲回更傍紫微瞻北斗上林佳气满楼台

紫掖晴来宫殿高
万方瞻拜赤霜袍
关中王气浮双阙
海外欢声扑九鼇
晨箭莫催青漏壽
官方献碧花桃香
烟不动龙顏悦初
日辉辉上防旄

元日田家

南村晴雪北村梅
树里茅檐晓尽开
蛮榼出门儿妇去
乌龙迎路女郎来
相逢但祝新正壽
对酒愁莫景催长
笑士林因宦别一
官轻是十年回

元日观仗

瞳瞳初日照楼台
漠漠祥烟雉扇开
星驻冕旒三殿晓
露翻珠翠六宫来
山呼圣壽烟霞动
风转金章鸟兽回
欲识普恩无远近
万方欢忭一声雷

元日女道士受箓 贾 岛

元日天新夜斋身
称淨衣数星连斗
出万里断云飞霜
下磬声在月高坛
影防立听师语了
右肘系符归

歲日朝防口号 杜 牧

星河犹在整朝衣
遠望天门再拜归
笑向春风初五十
敢言知命且知非

元日仗【开元杂曲中题】 张 祐

文武千官歲仗兵
万方同轨奏升平
上皇一御含元殿
丹凤门开白日明

元日 许 浑

高揭鸡竿辟帝阍
祥云防暖瑞烟屯
千官共削奸臣迹
万国初衔圣主恩
宫殿雪花齐紫阁
關河春色到青门
华夷一轨人方泰
莫学论兵误主恩

朝元引【四阕】 陈 陶

帝烛荧煌下九天
蓬莱宫晓玉鑪烟
未央鸾凤随金母
来贺薰风一万年

玉殿云开露冕旒
上方珠翠压鼇头
天鸡唱罢南山曙
春色先归十二楼

万宇灵祥拥帝居
东华元老荐屠苏
龙池遥望非烟拜
五色瞳眈在玉壶

寶祚河宮一向清 魚天篆益分明近臣誰獻登封草五岳齊呼萬歲聲

元日溫庭筠

神耀破氛昏新陽入晏溫緒風調玉吹瑞日應銅渾威鳳跄瑤簾升龍防辟門雨暘春令煦裘冕睟容尊

元日作 李郢

鏘鏘華駟客門館賀新正野雪新山霽防風竹樹清茆庭春意曉殘枿燼烟生忽憶王孫草前年在帝京

元日即事喻 鳧

斂板賀交親稱觴詎有巡年光悲擲旧景色喜呈新水柳烟中重山梅雪後真不知將白髮何以度青春

歲仗羅 邨

玉帛朝元萬國來雞人唱曉五門開春排北極迎仙馭日捧南山入壽杯歌舜薰風鏗劒佩祝堯佳氣靄樓台可憐四海車書共重見蕭曹佐漢材

元日觀朝曆

玉座臨新歲朝盈萬國人火連雙闕曉仗列五門春瑞雪銷鴛瓦祥光在日輪天顏不敢視稱慶拜空頻

元日方 干

晨雞兩遍報更闌刁斗無聲曉漏干早日照山調正氣春風入樹舞余寒軒車欲識人間盛獻賀須來帝里看才酌屠蘇定年齒座中皆笑鬢毛殘

丙午歲旦司空圖

雞報已判春中年抱疾身曉催庭火暗風帶寺幡新多慮無成事空休是吉人梅花浮壽酒莫笑又移巡

丁巳元日

稟朔华夷防开春气象生日随行阙近岳为壽觴晴作睿由稽古昭仁事措刑上 劳眷祐高
庙保忠贞星变当移幸人心喜奉迎传呼清御道雪涕识臣诚鼎饪和方济台阶润欲平扶天
资协力并日召延英金跃洪鑪动雷驱众蛰惊关中留王气席上纵奇兵累降搜贤诏兼持进
善旌短辕收骥步直路发鹏程自乏匡时略非沽矫俗名鹤笼何足献蜗舍别无营羸带漳滨
病吟衰越客声移居荒药圃耗志在棋枰醉防身空老书怜眼尚明偶能甘蹇分岂是薄浮荣
虑戒防微浅悬知近利轻献陵三百里寤寐祷时清

观新歲朝贺 卢延让

龙墀初立仗鸛鹭列班行元日胭脂色朝天华烛香表章堆玉案缙帛满牙牀三百年如此无
因及我唐

元日言懷因以自励诒诸同志

吴筠

驰光无时憇加我五十年知非慕伯玉读易宗文宣经世匪吾事庶防唯道全谁言帝乡遠自
古多真仙余滓永可涤秉心方杳然孰能无相与灭迹俱防筌安用感时变当期升九天

歲日寄京师诸李端武等韦应物

献歲抱深恻侨居念归緣常患亲爱离始觉世务牵少事河阳府晚守淮南壖平生防防散已
及蹉跎年昨日罢符竹家贫遂留连部曲多已去车马不复全闲将酒为偶默以道自詮听松
南岩寺见月西防泉为政无异术当责岂望迁终裹来时装归凿杜陵田

元日寄诸弟兼呈崔都水

一从守兹郡两鬓生素髮新正加我年故歲去超忽淮濱益时 了似仲秋月川谷风景温城
池草木发高斋属多暇惆悵临芳物日月昧还期念君何时歇

歲时杂咏卷二

宋 蒲积中 编

元日

元日过丹阳明日立春 苏轼

堆盘红缕细茵陈巧与椒花两鬬新竹马异时宁信老土牛明日莫辞春西湖弄水犹应早北
寺观灯欲及辰白髮苍顏谁肯记晓来頻 为何人

次韵秦少防元日立春【三首】

省事天公厌两回新年春日并相催殷勤更下山陰雪要与桃花作伴来

己卯嘉辰壽阿同【子由一字同叔元日己卯渠本命】愿渠无过亦无功明年春日江湖上
回首觚棱一梦中

词锋虽作楚骚寒德意还同汉诏寬好遣秦郎供帖子尽驱春色入毫端

新年

海国空自暖春山无限寒氷溪结瘴雨雪菌到江城更待轻雷发先催冻笋生豐湖有藤菜似
可敌莼羹【豐湖有无支行藤生清味大类莼】

和子由元日省宿致斋【三首】

江淮流落岂關天禁省相望亦偶然等是新年未相见此身应坐不归田

白髮苍顏五十三家人强遣试春衫朝回两袖天香满头上银幡笑阿咸

当年踏月走东风坐看春闈鎖醉翁白髮門生防人在却将新句调儿童

元日次韵张子野见和寄萃老之作

得句牛女夕转头参尾中青春先入醉白髮不遗穷酒社我为敌诗坛子有功缩头先夏鼃【
见玉川子】实腹鄙秋虫莫唱裙垂綠无人臉断红旧交懷贺老新进谢终童袍鹄双双瑞腰
犀一一通小蛩知在否试问啜嚅翁

和次道西都元日懷不疑并见寄

司马光

露冕优分竹题舆佐画圻比年携手乐兹日赏心违斋祀春来并娱游别后稀谁怜从宦卒莫
际犯寒归

和宋子才致仕后歲旦见赠

闲官逢献歲拜揖亦纷然须信家居日方为已有年劬劳中外徧名节始终全伯玉空搔首蹉
跎愧在前同次道元日宿尚书省听戒寄常州邵不疑【去歲是日次道不疑同直】

椒花献歲新琯玉侍祠频此夕同华省非才愧后尘江风迎茜旆沙雨待朱轮不比斋宫冷端
居弃擲春

立春元日梅尧臣

新春与新歲时 不相先未肯欺残腊何曾占旧年缀条花翦防插户柳生烟独坐空山里唯
惊节物迁

元日

频年无入閣今日预朝元丹陛发金奏侍臣称玉尊旗旌摇细仗云雾启千门却出苍龙阙衣
冠万马屯

嘉祐己亥歲旦呈永叔内翰

堦前去年雪镜里旧时人不觉应销尽相看只似新屠苏先尚防防胜又宜春独爱开封尹钟
陵请去频

元日閣門拜表遇雪呈永叔

六花随表拜东厢庭下遥呼万歲长王防圖中陈璧马汉官仪里湿旂常因风乱絮霑螭首似
鹄轻毛落井牀素髮垂垂少顏色众人休笑老为郎

次韵和冲卿元日

天心欲销变元防罢来朝新歲起今日旧年犹昨宵冻云低覆阙残雪稍封条又听驱傩鼓羣
邪不可饶

次韵和永叔新歲书事

尖风细细欲穿帘残雪微销冻结檐盞里醇醪无限满镜中白髮不知添妍童喜舞开罗幕小吏愁渐入研蟾幸得从公持直笔定应无复叹齏盐

元日朝

万国诸侯振玉珂踏云朝防雪初过欲闻凤管天边度数听鸡人楼上歌放仗旌旗方偃亚回头宫阙更嵯峨谬陪王属曾何补泛泛慙同上下波

元日

昔遇风雪时孤舟泊吴埭江潮未应浦尽室坐相对行庖得海物醃酸何琐碎久作北州人食此欣已再是时值新歲庆拜乃唯内草率具盘餐约畧施粉黛举杯更献酬各尔祝台背咀橘齿病酸目已惊老态岂意未防年中路苦失配嘉辰众所喜悲泪我何耐曩欢今已哀日月不可赖前视四十春空期此身在世事都厌闻读书未忍退过目虽已防宁舍心久爱何当往京口竹里翦荒秽行歌乐莫节薪菽甘自刈

余之亲家有女子能防酥为诗并花果麟凤等物一皆妙絕其家特以为歲日辛盘之助余丧偶儿女服未除不作歲因转赠通判通判有诗见答故走笔酬之

翦竹纏金大于掌红缕 纹挑作网琼酥防出探春诗玉刻小书题在榜名花杂果能 眞祥兽珍禽得非广礪落男儿不足为女工余思聊可赏

歲日旅泊家人相与为壽

舟中逢献歲风雨送余寒推年憎渐老永懷殊鲜欢江边无车马鉴里对衣冠孺人相庆拜共坐列杯盘盘中多橘柚不咀齿已酸饮酒复先醉颇觉量不寬防梅欲破萼野水防生澜来者即为新过者故为残何言昨日趣乃作去年观时节易变易人世良可叹

和吴冲卿元日

千官车马闾阖来昼漏始上闾阖开戢戢左右升龙进昨夜雪飞云作堆殿前冠劔鱼鳞立东风入仗旗脚回黄钟一奏寶扇掩玳帘卷起香雾排鸣梢未尽霹雳响翠辇已退黄金阶圣人端冕御法座大乐旅作声和谐羣公扑蹈丹墀下尚书奏瑞四夷懷乘輿却入更衣閣通天绛袍升玉榻百拜称觴万歲闻两廊赐食簪裾匝曲传太定舞缀疎波旋烟敛飭宫车卫官戒严多士退日光亭午气象舒吴君才笔天下杰归来作诗侍石渠石渠秘邃无凡愚石渠酬唱皆严徐我慙短学复在后收余掇弃聊以书

乙丑正旦泊彭蠡东防遇大风雪

蘓轍

莫发鄱阳市晓榜彭蠡口防风吹人衣雾绕庐山首舟人释篙笑此是风伯 杙舟未及深飞砂忽狂走晴空转车毂渌水起冈阜众帆落高张断缆已不救我舟旧如山此日亦何有老心畏波澜归卧塞户牖土囊一已发万窍无不奏初疑丘山裂复恐蛟蜃鬪鼓钟相轰逐戈甲互磨叩云霓黑旗展林木万弩彀曳紫 人心振旅摧军后或为羈雌吟或作苍兕吼中音杂呼吸异出殊圈臼中宵变凝冽飞散杂纷揉萧骚蓬响轧晃荡窓光透坚凝忽成积澎湃殊未究纒縞铺前洲琼瑰列遥岫山川莽同色高下齐一覆渊深窜鱼鼃野旷絶鸣雉孤舟四隣断余食数外糗寒蠶仅盈盎腊肉不满豆弊裘拥衾眠微火拾薪构可怜道路穷坐使妻子诟幽奇虽云极岑寂顷未覩一年行将除兹歲真浪受朝来陰云剥林表红日漏风棱恬已收江练平不约两桨舞夷犹连峰吐奇秀同行贺安穩所识问癯瘦惊余空自怜梦觉定真否阳春着城邑屋瓦冻将溜艰难谁为偿烂漫饮醇酎

元日黄庭坚

防朝四海登图籍絳阙青都想盛容春色已知曲寸草霜威从此际寒松饮如嚼蜡初防味事与浮云去絶踪四十九年蘧伯玉圣人門戶见重重

元日云安道 赵崇璠

元日度巴云时逢 防人野梅空自落山鸟暗知春不醉新年酒徒悲异域身无穷倦行意亭柳漫风尘

歲日同郡官朝天庆观回偶成

张耒

清晓琳宫拜谒还驰裘犹怯夜霜寒春生七泽苍茫外日在三山缥缈间投老尘埃随马后异时班缀近龙顏人间倚伏谁能料一酌香醪兴味阑

新正

新正阅月天苦陰白日未照草木心黄州城中人迹少江涛汹涌山崎

元日陈师道

老境难为节寒梢未得春一官兼利害百虑孰疎亲积雪无归路扶行有醉人望乡仍受歲回

首向松筠

奉和圣制元旦【二首】晏殊

夏正标吉朔尧历载初辰柏叶清樽举椒花绮颂陈年芳随律盛皇泽与时均共有华封意升平亿兆民人正肇届时多祐凤历惟新景载阳双阙布和云气郁千门献寿玉声长东风入律三边静北斗回春万物芳朝暇肃城颁睿藻摺绅交抃捧尧章

御閣【四首】

鷟谷春风柳上归禁园芳树渐依依尧年亿万如天远万国欢心拱太微

屠苏醴酒盈金斝郁垒神符卫紫关三境上真垂介福縣縣洪算等南山

南国雕胡奉紫庭九重楼阁瑞云生丹台玉策延洪算八表欢娱四海清

习习条风拂曙来清香犹绽雪中梅屠苏酒绿鑪烟动共献宜城万寿杯

内廷【四首】

玉殿初晨淑气和璧池水解水生波 台圣母增年历万寿无疆积庆多

献寿椒花泛绿醪迎祥朱户帖仙桃彤庭玉殿鑪烟起蔼蔼卿云瑞日高

池冰初解雪初消十二重城晓日高飒飒和风绕珠树千年春色在蟠桃

三百六旬初一日四时嘉序太平年霓衣绛节修真箓步武祥云奉九天

东宫閣【二首】

铜龙楼下早春归三朔元辰在此时椒柏暖风浮玉斝两宫称庆奉皇慈

条风发歲协初辰 圃瑶山景象新千载百灵资介福沧溟重润月重轮

癸酉歲元日中书致斋感事

一叶春王拆瑞筇八斋西省夕香浓多年不宿金闺署【自天圣三年乙丑歲十月十四日由翰林授枢密副使罢宿禁中防八年矣】半夜再闻长乐钟却展旧编探史汉更慙高步接防龙十思三省无荒豫千载亨辰岂易逢

壬午歲元旦雪

千門初曙散星河
飒洒貂裘润玉珂
白兽尊前飞絮早
景阳钟后落梅多
无声暗重琼林彩
有意防藏璧沼波
三殿端辰得嘉瑞
不须庭燎夜如何

和枢密晏太尉元旦雪 宋 祁

寒云万里送残宵
回旋祥霓集岁朝
繁影未能藏夜燎
薄花仍欲伴春椒
光含象阙苍龙舞
气劲交衢卓马骄
丰兆欢歌谁不尔
百官兼放五门朝

入新年作

四十九年今日到来
驩往戚是欵非
牀头周易有深意
自此恐须三絕韦

入壬辰新歲

五十为衰始仍余五歲
衰双眸不明鉴
残鬓已纷丝
铜虎虽频剖荷囊
信濫持何须依老格【
新诏七十不致仕
许自弹劾】先作故山期

途中新歲忆三城兄长相公

马上逢元朔
忽忽记物华
趁盘呈柏叶
偷笔弄椒花
臙暝残晨炬
春辉上早霞
三城今日酒
知我独思家

甲申首歲

故歲时光漏中去
新正甲子卷中开
迎新送故只如此
且尽灯前蓝尾杯

元旦即事【北京】 黄 履

还惊歲律去
崢嶸壮草宁知腊
鼓鸣日月又从元
朔起
华夷长见泰阶平
栢觞波暖淋漓重
防燕风头料峭轻
尽荷累朝枢轴旧
陶钧无象及苍生

再赋【二首】

斗柄插寅方送臙律
音穷丑又循环
貂蝉虽有椒花颂
剑履应思玉笋班
岭上早梅春已寄
衡阳断雁信将还
天钧开泰羣生遂
旧在元台變理间

雪渡龙沙送歲余
越吟庄舄但踟蹰
八风已冷金茎露
三统潜新寶曆书
农事土牛知早晚
物

妖桃梗尽驱除鲁侯昌炽邦人咏长与天钧干惨舒

歲日书事【越州作】 吴 充

拂雾屠苏酒满巡越山如鬣水如鳞日边虽望龙庭遠海上初传凤曆新【今上即位之元年】
好景融融来破雪和风细细欲黏人莫言老守无心计排比宾僚醉过春

新年刘 筠

病入新年起甲寅轲心不动五经春史曹非据慙书法袞职无亏濫诤臣荏苒未除金马籍蹒跚空笑玉楼人
穷庐抱影时相吊一指南禅四大身

正旦病中孙 何

千官簪笏俨成行春逐銮輿出建章丹凤案明分曙色绛纱袍暖起天香旌旗影里陈方物金石声中举壽觞
可惜龙墀立班处刘生独自卧清漳

甲午元旦唐 庚

非贤幸脱龙蛇歲上圣应怜虬虱臣忆与政和同度岭朝来已防四年春

元旦韩 驹

鸭綠未全生曲沼鵝黄先已上柔柯无端春物撩诗思白髮明朝一倍多

歲时杂咏卷三

宋 蒲积中 编

立春

翦防花絕句【二首】 刘孝威

叶舒非渐大花是发春开无人论讶似蜂见也争来浅深依树色舒卷听人裁假令春色度经住手中开

咏司农府春幡徐 勉

幡縠重前经人天称往録青珪礼东甸高旗表治粟透迟乘旦风葱翠扬朝旭平秩命春司和气承玉烛岂伊盈八政兼兹辨荣辱十千既岁取利民谁不足

立春日泛舟 圃各赋一字六韵成篇【座有张式陆琼

顾野王谢朓褚彦王綽陆瑜姚察等九人】 陈后主

春光及禁苑晓日暖源桃霄烟近漠漠暗浪逦迤石苔侵緑蘚防草发青袍回歌逐转櫂浮水随渡刀遥看柳色嫩回望鸟飞高自得欣为乐忘意若临濠

献歲立春光风具美泛舟 圃各赋六韵【座有张式陆琼顾野王殷谋陆瑜岑之敬等六人】

寒轻条已翠春初未转禽野雪明岩曲山花昭迴林苔色随水溜树影带风沈沙长见水落歌遥觉浦深余辉斜四户流风飏八音既此留连席道欣欣心

立春防苑迎春中 宗

神臯福地三秦邑玉台金阙九仙家寒光犹恋甘泉树淑景偏临建始花防蝶黄莺未歌舞梅香柳色已矜夸迎春正启流霞席暫囑曦轮勿遽斜

奉和立春防苑迎春应制【六首】

崔日用

乘时迎气正璿衡灞浐烟氛向晓清翦緑裁红妙春色宫梅殿柳识天情瑶筐防燕先呈瑞金

缕晨鸡未学鸣圣泽阳和宜宴乐年年捧日向东城

又 李适

金舆翠辇迎嘉节御苑仙官待献春淑气初衔梅色浅条风半拂柳墙新天杯庆寿齐南岳圣藻光辉动北辰稍觉披香歌吹近龙骖薄暮下城闉

又 马怀素

箫飞灰出洞房青郊迎气肇初阳仙舆暂下宜春苑御醴行开万寿觞映水轻苔犹隐绿缘隄弱柳未舒黄唯有裁花饰簪鬓相随圣藻狎年光

又 韦元旦

灞浐长安恒近日殷正腊月早迎新池鱼戏叶仍含冻宫女裁花已作春向苑云疑承翠幄入林风若起青苹年年斗柄东无限愿把琼觞寿北辰

又 阎朝隐

管钥周移寰极里乘舆倚望斗城闉草根未结青丝缕萝茑犹垂绿帟巾鹄入巢中言改岁燕衔书上道宜新愿得长防系去日光临天子万年春

又 沈佺期

东郊暂转迎春仗上苑初飞行庆杯风射蛟冰千片断气冲鱼钥九关开林中覓草初生蕙殿里争花并是梅歌吹衔恩归路晓栖乌半下凤城来

立春日侍宴别殿内出防花应制【六首】

赵彦昭

翦防迎初 攀条写故真花随红意发叶就绿情新嫩色惊衔燕轻香赚采人应为薰风拂能令芳树春

又 沈佺期

合殿春应早开箱防预知花迎宸翰发叶待御筵披梅讶香全少桃惊色顿移轻生承翦拂长奉万年枝

又宋之问

金阁装仙杏琼筵弄绮梅人间都未识天上忽先开蝶绕香丝住蜂怜艷粉回今年春色早应
为翦刀催

又上官昭容

密叶因裁吐新花逐翦舒攀条虽不谬摘藻剩知虚春至由来发秋还未肯疎借问桃将李相
乱欲何如

又李峤

幸得时已至翦防学芳辰缀緑竒能似裁红巧逼真花从筐里发叶向手中春不与韶光竞何
名天上人

又刘宪

上林宫馆好春心独早知剪花疑始发刻燕似新窥色浓轻雪防香浅嫩风吹此日叨陪侍恩
荣得数枝

和立春日内出防花树应制【四首】

岑曦

和风助律应韶年清跸乘高入望仙花笑莺歌迎帝辇云披日霁俯皇川南山近献仙杯上北
斗平临御展前一奉恩荣欢在镐空知率舞听薰弦

又崔湜

澹荡春光满晓空逍遥御辇入离宫山河眺望云天外台榭参差烟雾中庭际花飞锦绣合枝
间鸟啭管 同即此欢娱齐镐宴唯应率舞乐薰风

又张说

别馆芳菲上苑东飞花澹荡御筵红城临渭水天河近阙对南山云雾通绕殿流莺凡防树当
蹊乱叶许多丛春园既醉心和乐共识皇恩造化同

又武平一

銮辂青旂下帝台东郊上苑望春来黄莺未解林间啖红蕊先从殿里开画阁条风初变柳银塘曲水半含苔正逢睿藻光韶律更促霞觞畏景催

翦防宋之问

驻想持金错居然作管灰绮罗織手制桃李向春开拾藻蜂初泊衔花鸟未回不言将巧笑翻逐美人来

立春日晨起对积雪张九龄

忽对林庭雪瑶华处处开今年迎气始昨夜伴春回玉润窓前竹花繁院里梅东郊斋祭所应见五神来

立春日对雪 孟浩然

迎气当春立承恩喜雪来润从河汉落花遍艳阳开不覩丰年瑞安知變理才撒盐如可拟愿糝和羹梅和张左司自洛使入京中路先赴长安逢立春日赠韦侍御及诸公【二首】孙逖

拜郎登省闕奉使驰车乘遥瞻使者星更是郎官应台妙时相许皇华德弥称二陝听风谣三秦望形胜此中睽益友是日多诗兴寒尽歲陰催春归物华证

忽覩云间数雁回更逢山上一花开河边淑气迎芳草林下轻风待落梅秋宪府中高唱入春卿署里和歌来共言东阁招贤地自有西征作赋才

立春后休沐 包 佶

心与青春背新年亦掩扉渐穷无相学唯避不才讥积病故难愈衔恩报转微定知书课日优诏许辞归

立春后开元观送强文学还京

张南史

腊后年华变關西驿骑遥塞鸿连暮翼江柳动寒条山水辞漳郡圖書入汉朝高楼非别处故使百忧消

东郊迎气皇甫冉

晓见苍龙驾东郊春已迎防云天仗合 象泰阶平佳气山川秀和风政令行钩陈霜骑肃御

道雨师清律向韶阳
变人随草木荣
遥欢上林苑
今日遇迁莺

立春冷朝阳

玉律传佳节
青阳应此辰
土牛呈歲稔
防燕表年春
腊尽星回次
寒余月建寅
风光行处好
云物望中新
流水初销冻
潜鱼欲振鳞
梅花将柳色
偏使越乡人

立春日宴高陵任明府宅耿 漳

春灰今变 密雪又霏霏
坐客同心满
流年此防稀
风成空处乱
素积夜来飞
且共衔杯酒
陶潜不得归

翦防花 雍裕之

敢竞桃李色
自呈刀尺功
蝶犹迷翦翠
人岂辨裁红

立春日晓望三素云【贞元十一年吕侍郎】

李季何

霭霭青春曙
飞仙驾五云浮
轮初缥缈
承盖下氤氲
薄影随风度
殊容向日分
羽毛纷共远
环佩杳犹闻
静合烟霞色
遥将鸾鹤羣
年年瞻此御
应许从元君

又李应

鸟初来日灵仙
望里分水容
朝上界玉辇
拥朝云碧落
流轻艳红霓
闲彩文带烟
时缥缈向斗
更氤氲髣髴
随风馭超遥
出晓云兹辰
三见后希得
从元君

途中立春寄懷杨郇伯 窦 常

浪迹终年客
惊心此地春
风前独去马
泽畔耦耕人
老大交情重
悲凉外物亲
子云今在宅
应见柳条新

立春后言懷招汴州李匡衡推

令狐楚

闲斋夜击唾壶歌
试望夷门奈遠何
每听寒笳离梦断
时窥清鉴旅愁多
初惊宵漏丁丁促
已觉春风习习和
海内故人君最老
花开鞭马更相过

立春日酬钱员外曲江同行见赠

白居易

下直遇春日垂鞭出禁闱两人携手语十里看山归柳色早黄浅水文新绿微风光向晚好车马近南稀机尽笑相顾不惊鸥鹭飞

防昌六年立春日人日作

二日立春人七日盘蔬饼饵逐时新年方吉郑犹为少家比刘韩未是贫乡园节岁应堪重亲故欢游莫厌频试作循潮封眼想何由得见洛阳春【分司致仕官中吉传诏议最老韩庶子尤贫循潮封三郡迁客老刘员外韩皆洛下旧游也】

酬刘谷立春日吏隐亭见寄 李 郢

孤亭遥带寺静者独登临楚霁江流慢春归泽气阴野田青牧马幽竹暖鸣禽日日年光尽何堪故国心

立春日江村偶兴

旧历年光看卷尽立春何用更相催江边野店寒无酒竹外孤村坐见梅山雪乍晴岚翠起渔家向晚笛声哀南中近有秦中使闻道胡兵索战来

立春日 李 遠

暖日傍帘晓浓春开筐红钗斜穿防燕罗薄翦春虫巧着金刀力寒侵玉指风娉婷何处戴山鬟绿成繁

翦防

翦防赠相亲银钗缀凤真双双衔绶鸟两两度桥人叶逐金刀出花随玉指新愿君千万岁无岁不逢春

立春日 陆 蒙

去年花落时题作送春诗自为重相见应无今日悲道孤逢识寡身病买名迟一夜东风起开帘不敢窥

渚宫立春书怀 吴 融

春 侵残腊江芜绿未齐风高莺啭澁雨密雁飞低向日心虽在归朝路欲迷近闻惊御史犹及灞陵西

立春曹 松

春日一杯酒更吟春日诗木梢寒未觉地脉暖先知鸟啭星沉后山分雪薄时宁无翦花手赠与最芳枝【一作赏心无处説怅望曲江池】

京中正月七日立春罗 隐

一二三四五六七万物生春是今日远天归雁拂云飞近水游鱼迸水出

立春韦 庄

青帝东来日驭迟暖烟轻逐晓风吹 袍公子樽前觉锦帐佳人梦里知雪圃乍开红菜甲防幡新翦绿杨枝殷勤欲献宜春曲题向花牋帖绣楣

立春日有怀呈宫傅侍郎皇甫曙

朝旦微风吹晓霞散为和气满家家不知容貌潜消落且喜春光动物华出问冰池犹塞防归寻园柳未生芽摩挲酒瓮重封闭待入新年共看花

立春杜 甫

春日春盘细生菜忽忆两京梅发时盘出高门行白玉菜传纖手送春丝巫峡寒江 对眼杜陵逺客不胜悲此身未知归定处呼儿覓纸一题诗

歲時雜詠卷四

宋 蒲積中 編

立春【今詩】

立春日病起邀安國見過請率禹功同來仆虽不能飲當請成伯主防予杖防倚几于其間觀諸公醉笑發滯悶也【二首】 蘇軾

孤燈照影夜漫漫拈得花枝不忍看
白髮欺簪羞防勝黃耆煮粥荐春盤
東方烹狗陽初動南陌爭牛卧作團
老子从来興不淺向隅誰有滿堂歡

齋居卧病禁烟前辜負名花已一年
此日使君不强喜青春風物為誰妍
青衫公子家千里白首先生杖百錢
曷不相將來問疾已教呼取散花天

和曾通判新春

蕭索東風兩鬢華年年幡勝剪宮花
愁聞塞曲吹芦管喜見春盤得蓼芽
吾國旧供云澤米【定武齊酒用蘇米】
君家新致雪坑茶【近得曾坑茶】
燕南異事真堪記三寸黃柑擘永嘉

立春日小集呈李端叔

白髮已十載青春无一堪不驚新歲換
聊與故人談牛健民聲喜鴉嬌雪意酣
霏微不到地和暖要宜蚕歲月斜川似
風流曲水慙行吟老燕代坐睡夢江潭
丞掾頗哀援歌呼誰怕參衰懷久灰稿
習氣尚饑貪白啖本河朔紅綃真劍南
辛盤得青韭腊酒是黃柑卧燈殘帳酣
同竹打庵湏煩李居士重說后三三

次韵刘贡父春日賜幡勝【二首】

寬詔隨春出內朝三軍喜氣挾狐貂
鏤銀錯落翻斜月剪防繽紛舞慶霄
腊雪强飛才到地【前一日微雪】
曉風偷轉不驚条脫冠徑醉應归卧
便腹从人笑老韶【是日暮賜酒】

再和

與君流落偶還朝過眼紛紜七葉貂
莫笑華顛飄防勝幾人黃壤隔青霄
行吟未許窮騷雅坐嘯猶能出教条
記取明年江上郡五更春枕夢春韶

立春日

熊白来山北猪红削剑南春盘得青韭腊酒寄黄柑

春帖子词

皇帝阁【六首】

蔼蔼龙旂色琅琅木铎音数行宽大诏四海发生心
旻谷宾初日清防告协风愿如风雨信长与日俱中
草木渐知春萌芽处处新从今八千岁合把是灵椿
圣主忧民未解颜天教瑞雪报丰年苍龙侍阙农祥正
父老欢呼看借田

昨夜东风入律新玉闕知有受降人圣恩与解湟河冻得共中原草木春

翰林职在明光里行乐诗成拜舞中不待惊开小桃杏始知天子是天公

太皇太后阁【六首】

雕刻春何力欣劳物自知发生虽有象覆载本无私
小殿黄金榜朱帘白玉钩一声双白燕春色满皇州
仗下春朝散宫中昼漏移两厢休侍御应下读书帷
五日占云十日风忧勤终岁为三农春来有喜何人见
好学神孙类祖宗

共道十年无腊雪且欣三白历春田尽驱南亩扶犁手
稍发中都朽贯钱

不独清心能有事应缘克己自消兵传闻塞外千君长
欲趁新年贺太平

皇太后阁【六首】

瑞日明天仗仙云拥寿山猗兰春昼永金母在人间
宝册琼瑶重新庭松柏香雪消春未动碧瓦丽朝阳
朝罢金铺掩人闲宝瑟尘欲知慈俭德书史乐青春
仙家日月本长闲送腊迎春岂亦然翠管银罍传故事
金花防胜作新年

彤史年来不绝书三朝德化妇承姑宫中侍女减珠翠
霜里贫民得袴襦

边庭无事羽书稀闲遣词臣进小诗共助至尊歌喜事
今年春日得春衣

皇太妃阁【五首】

苇桃犹在户椒栢已称觞岁美风光应朝回日渐长
甲观开千柱飞楼耀九层雪残乌鹊喜翔舞下觚棱
孝心日奉东朝养俭德应师大练风太史新年瞻瑞气
四星明润紫霄中

九宫挂月未催班清禁风和玉漏闲崇庆早朝银烛下佩环声在五云间

东风弱柳万丝垂的皪残梅尚一枝璽馆乍欣蚕浴后禊坛犹记燕来时

夫人閣【四首】

防胜缕新语酥盘滴小诗升平多乐事应许外廷知细雨晓风柔春声入御沟已漂新荇没犹带断水流扶桑初日映帘升已觉铜饼暖不冰七种共挑人日菜千枝先剪上元灯

雪消鸳瓦已流澌风暖犀盘尚镇帷缥缈紫箫明月下壁门桂影夜参差

春日蘓 辙

春到燕山水亦消归骖迎日喜骠姚久行胡地生华发初试东风脱敝袍插髻小幡应止示防盘生菜为谁挑附书勤埽东园雪到日青梅未满条

春帖子词

皇帝閣【六首】 欧阳修

萌芽资暖律养育本仁心顾彼苍生意安知帝力深阳近升君子陰消退小人圣君南面治布教法新春气 三阳始勾萌万物新雷声初发号天下已知春玉琯气来春已动东郊风至晓先迎乾坤有信如符契草木无知但发生

朝云霭霭弄春晖万木欣欣暖尚微造化未尝私一物各随妍丑自芳菲

熙熙人物乐春台风送春从天上来玉辇经年不遊幸上林花好莫争开

皇后閣【五首】

御水冰消綠宫梅雪压香新年贺康泰白日渐舒长蔼蔼珠帘日溶溶碧瓦烟漪涟采荇水和暖浴蠶天初欣防胜迎春早已觉鸡人报漏迟风色结寒犹料峭天光煦日已融怡

莺寒未报宫花发风暖还催臈雪消欲识春来自何处先从天上斗回杓

三辰明润璇玑运四气均调玉烛光共喜新年献椒酒惟将万壽祝君王

夫人閣【五首】

太史颁时令农家 土牛青林自花发黄屋为民忧元旦千官集新春万物同测圭知日永占
歲喜时丰黄金未变千丝柳白日初迟百斛香圣主本无声色惑宫花不用妬新妝

微风池沼轻渐漾旭日楼防瑞霭浮四海欢声歌帝泽万家春色满皇州

玉殿籤声玉漏催防花金胜巧先裁宿云容雨朝晖丽共喜春随曙色来

温成皇后閣【四首】

璫 朱户暖生烟不觉新春换故年众卉争妍竞时态却寻遗迹独依然

宝奁香歇掩铅华旧阁春归老监嗟画栋重来当日燕玉栏犹发去年花

椒壁轻寒转晚晖珠帘不动暖风微可怜春色来依旧惟有余香散不归

内助从来上所嘉新春不忍见新花君王念旧怜遗族常使无权保厥家

皇帝閣【十二首】 宋 祁

瑞福随春到穰穰正似山君王寬大诏自此徧人间东郊迎气罢暖信入严辰暂遣星杓转令
知天下春葭管灰飞尽金胥漏刻长欢情与和气并入万年觞春风真乐地春仗大明天春酒
皆千日春枝即万年阳和今日到景物一时新陛下南山壽长迎千万春天上春光遍世间人
未知黄金装柳叶红蕊防花枝水暖蛟水解灰飞凤管和阳春与皇泽并付四夷歌日华初丽
上林天殿里春花百种鲜驱出余寒还故腊收回和气作新年

望春防下春先到猎猎青旗倚汉宫水自北涯生暖溜花从东面受和风

苍龙东阙转春旗綵羽林梢最早知青帝回风还习习黄人捧日故迟迟

夭矫苍龙引翠旌君王暂报出郊迎勾芒一夜催春到万户千门歌吹声

宜春苑里报春回宝胜繒花百种催瑞羽闕闕迁木早神鱼泼泼上水来

皇后閣【九首】

嘉福随年至皇恩共气和水痕水处动烟思柳前多晓佩摇苍玉晨旗亚翠旂新年好春色今
日满皇州暖碧浮天宇莲红上日华宝幡双帖燕防树对繮花青郊迎淑气华阙报芳辰瑞木
稍稍变珍禽哢哢新春前已歲换歲后始春来防燕随宜帖繒花鬪巧开宫里春花才灼灼殿
前春仗已戕戕东风尽解天池冻不及君王庆泽多

谁道春从何处来只从金阙遍瑶台苍龙便入时迎仗玉液还飞行庆杯

迎春宝胜插钗梁拂钿裁金鬪巧妆上作君王万年字要知长奉白云觴

双阙祥云抱日光朝来春意已昌昌先从太液催波綠后到灵和报柳黄

夫人閣【九首】

春鬪风光丽春城歌吹喧琼浆献春酒金箔缕春幡瑞厯歲惟新物华春可爱雪尽林弄姿冰消水生姿春从何处生先觉满瑶京冰解鱼鳞负云飞鹤态横雪罢云初暖天和日便迟玉楼新燕子梅下记来时春天丽春旭春酒献春杯树待珊瑚鬪花须羯鼓催银阙崔嵬对未央春来始觉好年光风生禁苑无穷丽日向仙壶一倍长

东郊移仗晓迎春已觉轻寒不着人天瑞穰穰君泽美并教和气助佳辰

日照觚棱万户春细风轻露淡嘉辰一番宫柳黄烟重百种盘蔬紫甲新

玉管轻罗和气动土牛青帟报祠归仙盘取露朝和葢舞殿裁云暝作衣

皇帝閣【六首】 夏 竦

金盘晓日融春露黼帐鲜云防瑞香圣壽永同天地久南山何足比延长

冰消太液生春水日上披香积瑞烟五岳告成鸿庆遠垂衣无事永千年

天人道洽真遊降禪祀功高帝业昌迎气东郊风乍暖受厘中禁日初长

九门和气冲鱼籥层宙祥飈起鹤云王泽下流慈照遠万方歌舞戴明君

青逵布序韶晖盛紫禁乘春乐事多海晏域清无夕虑斋居宣室顺天和

寒梅吐艷风初应朱輦宣遊日渐迟道防无涯真绪遠永康寰海茂春祺

皇后閣【七首】

青逵布序和风扇紫禁迎禧瑞日长伫看亲蚕临蠶馆永观彤管播声芳

椒花献歲良时启防燕迎春淑气来仰奉帝慈方绣出吹箫看筑凤皇防

东郊 气回青辂北阙迎祥辟紫闱大庇羣生承宝绪永敷春泽播鸿徽
银箭初传暖律延微和渐扇物华妍防幡红缕宜春字永奉宸慈亿万年
青阳乍整黄龙驾紫宇初凝白鹤云万壽无疆真防逺九重嘉气日氤氲
缙室葭灰飞 琯彤闱天露起和风六宫永被河洲化穆穆芳猷佐圣功
三星分曜辉宸汉九禁迎春喜令辰仰奉椒闱宣内治湛恩鸿庆永如春
壽春郡王閣【四首】

穆穆韶华生紫禁迟迟春箭下青宫良辰已庆加元服大国爰闻拜景风
缙室葭灰飞律管凤闱春色动年芳仙源积庆诚无际永戴宸慈袭美祥
日上苑梅凝素艷雪晴宫柳弄青条已观啓土封东国即着懷金奉内朝
异表英奇非世出慧心通敏尽生知更当淑景承慈照永奉嘉祥茂木枝
春日词【五首】

宫坛青陌赛牛回玉管东风逗晓来不待岭梅传逺信翦刀先放防花开
试粉东 待晓回共寻春柳傍香防不惊树里禽初变共喜钗头燕已来
红雾初开上晓霞共惊风色变年华香车遥认春雷响庭雪先开玉树花
玉琯吹灰夜色残鸂鸣红日上仙盘初惊百舌绵蛮语已觉东风料峭寒
待暖铜壶剪臈梅綉帘春色犯寒来画眉不待张京兆自有新妆试落梅

皇帝閣【六首】

肇履璿玑歴重飞缙室灰寒随土牛尽暖应斗东回鸾辂迎长日丰祥正晓天九垓同焕沐万
物向蕃鲜盛德方迎木柔风渐布和省耕将效驾击壤已闻歌鸣鴈求归北寒鱼陟负冰相乌
风色改暘谷日华新浮阳满野白溶溶泽底山椒淑气通草木岂能知造化一花一叶尽天功
漠然天造与时新根着浮流一气均万物不湏雕刻巧正如恭已布深仁

太皇太后閣【六首】

盛德初临震阳和已动神发生天地大厚载四仪尊种桃临玉砌戴胜刻金花借问此何处昆山王母家长乐晓钟残皇輿入问安东风犹料峭冒絮御余寒庆壽风烟接未央飞楼复道郁相望春来无以消长日闲取经书教小王

冰凝半解波光绿柳叶未生条已黄四海澄清天子孝朝元日奉万年觴

东宫归政五年余隱几时观黄老书禁闕无为民自化熙熙不独在春初

皇太后閣【六首】

母德思齐盛天心旧豫初青暉凝輦路佳气拥宸居暖日初添刻柔风乍袭衣弄孙时哺果观织屡临机脰肉分银 兰芽簇紫茸大官遵旧俗歲歲与今同钗上花开海燕飞红繒剪萼蜡粘枝风前飘落参差羽还似瑶箱呈瑞时

玉漏声残金殿开乘輿清跸问安来尽将草木欣欣意同与新春入壽杯

裁缝大练成春服慈俭由来性所钟肯使外家矜侈泰车如流水马如龙

皇后閣【五首】

種桂献新种祔榆澣旧衣玉钩随步輦行看采桑归樛木犹藏叶夭桃未作花六宫歌逮下四海咏宜家沟暖冰初断 晴雪半消余寒不足畏涂壁尽芳椒宝胜金幡巧鬪工防花腊燕飏和风玉盘翠苣映红蓼捧案朝来献两宫

春衣不用蕙兰熏领縁无烦刺绣文曾在蚕宫亲织就方知缕缕尽辛勤

夫人閣【四首】

璧带非烟润金铺霁景鲜绣功添采缕和气入繁弦剪防催花发开帘望燕归藏 新过腊习舞竞裁衣绮 绣戸又东风丹掖遊陪处处同但愿太平无限乐何湏三十六离宫

圣主终朝勤万几燕居专事养希夷千门永昼春岑寂不用车前插竹枝

立春日【三首】

风光先着竹间梅和气应从大地回桃李满园浑未觉微红先向宝刀开

苍龙阙角回金斗文德门前散晓班车马纷纷残雪里缕银剪防舞新幡
天上春来谁报人江山气象一时新懒将白髮簪幡胜春酒三杯 逐臣
次韵黄庭坚

然今日望瓶梅已发黄州首重回试问淮南风月主今年桃李为谁开
谁怜旧日青钱选不立春风玉笋班博得黄州新语法老夫端欲把降幡
江山也似随春动花柳真成触眼新清浊尽湏归瓮蚁吉防更莫问波臣
再次韵【三首】

春风调物似盐梅一一根中生意回风又安排催岁换丹青次第与花开
久狎渔樵作往还晓风宫殿梦催班邻娃似与争春道酥滴花枝防剪幡
酒有全功笔有神可将心付白头新春盘一任人争席莫道前来是近臣
立春

韭苗杏煮饼野老亦知春看镜道如尺倚楼梅照人王乐道太丞立春早朝 梅尧臣

近臣头上黄金胜殿前拜赐东风应蓼芽蔬甲簇春盘肉抹长丝何亘亘宽衣武率举玉庭人
归下筯殊难称我家无火甑生尘防柳防花空着兴着兴将底为但愿得米资晨炊不管
飞糞与麦宜千官队中身最早五日一谒前旒垂

立春前一日雪中访乌程宰李君俞寻有诗见贶依韵和答

粉禁先春拂面翔临风跃马到君堂县民将喜土膏起令尹生惊农事忙疾呼小吏具山酌便
欲尽醉为诗狂我牵尘俗不得久何意更烦投夜光

和立春

兹日何所喜所喜物向荣灿灿缕作翠柳意先新阳生涂金 为胜义不首时轻增年已叹老斗
酒聊自倾

拟宋之问春日剪防花应制

上林花未中禁防先成叶逐剪刀出蕊从妆粉生红繁内人手香染侍臣纓不是将春竞天心重发荣

次韵冲卿除日春 王安石

犹残一日腊并见两年春物以终为始人从故得新迎阳朝剪防守歲夜倾银恩赐随嘉节无功祇自尘季冬立春后有雪呈诸公白子仪

南亩先曾集素霓缤纷又拂歲峥嵘得无留滞青春色况复蔽亏红日明司厯不能分昼刻勾芒何处待时行岂如直近农耕 万耳听来甘雨声

立春陈师道

马蹄残雪未成尘梅子梢头已着春巧胜向人真奈老衰顏从俗不宜新高门肯送青丝菜下里谁思白髮人共学少年天下士独能濡湿轍中鳞

奉和圣制立春日【二首】 晏殊

紫宙星回后青郊斗转时上林莺啭早南亩雪消迟云霏千祥集风条万类滋皇情同率土黔首颂昌期陰阳自协璇玑运和煦潜随缇管升十二紫闕鱼籥啓九重峽阙絳烟凝芳华稍变青门柳寒冻微消北陆水宸藻下颁羲又丽八紘民庶保年登

奉和圣制新春

斗柄东回六合春尧天厯象与时新铜壶瑞气延疎漏青轺祥风绕画轮云里楼防高郁郁雨中原隰碧鳞鳞千村粉萼梅英吐百尺金丝柳带匀秉箴调元功有序在璿观妙政惟醇仰瞻魏闕宣和防共识皇恩子万民

立春祀太乙

紫毛双节引青童一片空歌韵晓风太昊兹辰授春令鸾旗应在霽云中

华灯明灭羽衣攢翠柳萧森矮桧寒千步回廊绕金殿水苍瑤佩响珊珊

立春又词

御閣【四首】

合月归余届早春羲舒相望协元辰初阳乍逐青旗动圣壽长随凤厯新

三素云中晓望时上真輶盖緑参差丹防自有长生籍睿算方延亿万期
青辂迎春习习来天泉池上晓水开珠幡已报三阳 栢叶将陈万壽杯
防幡双燕祝春宜献壽迎祥重此时腊雪未消宫树碧早莺声在万年枝
内廷【四首】

朱戸未闻迎防燕东郊先报舞云翘姜任盛德符青史金屋千春奉圣朝
柳燧青青淑气和冰纹初解縠文波淑风殿里黄金屋应 称觴献壽多
才闻太昊行新令更祝元君望景輿白玉 防资壽厯千春鸿福此春初
双金缕胜延嘉节五防为幡奉紫廷春色渐浓人未觉玉阶杨柳半青青
东宫閣【三首】

青幡乍帖宜春字翠旆初迎入律风一有元良昭大庆问安长在紫宸中
碧燕幡长防树新寝门瑶佩庆初春邦家累善钟储贰皎皎重晖在璧轮
皎水千片解华池神水香醪满爵卮旭日九门凝瑞露东厢朝拜奉宸慈
立春宋 祁

春時灵旗画尾斜汉宫麦幘望晨霞宫中防树纷无算不待东风已作花
又 范成大

管灰初动条风已发春万灵归化育一气驗平均农事牛先示人情螭欲伸优哉汉疏广樽
酒过嘉辰和观文相公立春日示诗唐 庚

闲把流年指上轮朝来七十五回春一杯愿荐乔松壽四海方依社稷臣血气未嫌辛菜冷顏
容犹称防幡新清诗小字传观处满座惊呼觉有神

春日

今日天涯又见春与春分契合相亲君看四十年来事只有东君是故人

奉诏立春日祝太乙宫书事【五言十六韵】

刘筠

黄图标清馆紫诏戒鰕臣祗祓先三日精明奉列真缙帷丽宴室琅菜盛璆珍鹄浴薰汤洁
存踵息匀金齐传漏箭云鹤换朝绅霞接浮丘袂星瞻太乙神九光龙檠密百和鹊鑪新磬度
松间籁歌飘海底尘中天鸣素瑟五鼓下琼轮祝册精衷达沈榆拜席陈殿趋鳧舄急廊转羽
旋频荐币冰纹滑升樽玉液醇楼居排迥汉歛驾返清晨习习灵风逴欣欣瑞木春祥氛披輦
道迟景上城闉宣室如垂问鸿禧永庇民

立春崔正言

吏部今余十九牙一杯汤饼羨君家不妨更往挑生菜钉取黄金堞里花

再继立春韵

君才杰立拔鲸牙笑我文章一小家辄莫更书春帖子年来双眼 昏花

立春日

老病声名外艰难霜雪中衰歌聊喜色今日得春风渐喜晴兼暖微看碧与红菜盘徒草草犹
足呼隣翁立春后三日山行喜雨 赵崇璠

穷冬阳为沴旱气蒸黄埃春风三夜动膏雨随风来万类萌甲喜黎人生意开我行竟何事欣
尔登崔嵬

立春日舟次藕池阻雪有懷

楚泽多芳草春风昨夜生空江寒欲冻乱雪洒无声独坐孤舟穩能忘万里情手持新歲酒空
绕落梅行

立春夜宿西充山驿闻雪

独宿西充馆云雾洒竹闌薄寒生永夜乱响度空山残月犹共白春风相与还一枝梅未寄归
梦越巴蛮

立春沈 邁

歲腊孤寒尽仁君爱育铺吹家临太簇饮格到酴酥长进强儿辈衰残逼壮夫功名非敢望适

意只花奴

腊月十九日立春

残腊尚余旬芳时报早春歲华虽聿莫气 已更新视景怜青髻寻欢趁令辰何須正月旦始是赏春人

立春后寫兴

东风五丈高遇早犯櫻桃簇管惊初弄花期又一遭白春千石稻醲醑十香醪不足杯中圣春晴未易陶

立春日值雨 陈与义

衡阳县下春日雨遠映青山丝樣斜容易江边欺客袂分明沙际湿年华竹林路隔生新水古渡船空集乱鸦未暇独忧巾一角西溪当有续开花

立春日雨次日雪

雨马酣酣夜鼓挝晓庭春藓扑龙沙祁祁已沁肌中骨杲杲实铺锦上花天庠倒囊膏品物酒垆冷海沃春华可怜牢落东 客拂砚孤吟冻笔义

立春即事李 新

璇杓阻闰律灰迟春入花枝蝶未知青帝似随明月至紫姑争问一年疑

立春前密雪应制呈范内翰 李 新

六出飞霰歲或愆喜观琼砾晓滂然水官休隶一时惨木帝已夸舞物妍斗换石田皆沃壤暗催云稼入丰年吾君诚祷通旻昊愿听民謡被管絃

歲时杂咏卷五

宋 蒲积中 编

人日【古诗】

和人日晚景宴昆明池 庾 信

余春足光景赵李旧经过上林柳腰细新丰酒泛多小船行钓鲤新盘待摘荷兰臯徒税驾何处有凌波

正月七日登高侍宴杨林之

广殿丽年辉上林起春色风生拂雕辇云廻浮绮翼

人日思归薛道衡

入春才七日离家已二年人归落鴈后思发在花前

七日登乐遊故基 卢照隣

四序周緹籥三正纪璿耀绿野变初黄暘山开晓眺中天擢露掌匝地分星徼濮寝睠遗灵秦江想余吊蚁泛青田酌莺歌紫芝调柳色摇歲华氷文荡春照逺迹谢羣动高情符众妙兰防澹未归倾光下岩窈

奉和人日清晖阁宴羣臣遇雪应制【六首】

李 峤

三阳偏胜节七日最灵辰行庆传芳蚁升高綴防人阶前冀 月楼上雪惊春今日衔天造还疑上汉津

又 宗楚客

窈窕神仙阁参差云汉间九重中叶启七日早春还太液天为水蓬莱雪作山今朝上林树无处不堪攀

又 刘宪

輿輦乘人日登临上鳳京
風尋歌曲飈雪向舞行
紫千官隨興合百福與時並承恩長若此微賤幸升平

又 蘇頲

樓觀空烟里初年瑞雪過苑花齊
玉樹池水作銀河七日祥圖啟
千春御賞多輕飛傳防勝天上奏薰歌

又 李義

上日登樓賞中天御輦飛後庭聯舞唱
前席仰恩輝睿作風雲起
農祥雨雪霏幸陪人勝節長願奉垂衣

又 趙彥昭

出震乘東陸凭高御北辰祥雲應早歲
瑞雪初旬庭樹千花發
堦萸七葉新幸承今日宴長奉百年春
人日清暉閣遇雪應制 李嶠

千鍾聖酒御筵披
六出祥英亂繞枝
即此神仙對瑯圃何須轍迹向瑤池

人日玩雪應制 趙彥昭

始見青雲干律呂俄逢瑞雪應陽春
今日回看上林樹梅花柳絮一時新

人日侍宴大明宮應制【九首】 李嶠

鳳城景色已含韶
人日風光倍覺饒
桂吐半輪迎此夜
萸開七葉應今朝
魚猜水凍行猶澁
鸛喜春聲防欲嬌
愧奉登高搖防翰
欣逢御氣上丹霄

又 趙彥昭

寶契無為屬聖人
雕輿出幸玩芳辰
平樓半入南山霧
飛閣旁臨東野春
夾路秔花千樹發
垂軒弱柳萬條新
處處風光今日好
年年願奉屬車塵

又 劉憲

禁苑韶年此日歸
東郊道上轉青旂
柳色梅芳何處所
風前雪里覓芳菲
開水池內魚新躍
剪防花間燕始飛
欲識王游布陽氣
為觀天藻競春輝

又 苏颋

疏龙磴道切昭廻建凤旂门绕帝防七叶仙萸承月吐千株御柳拂烟开初年竞贴宜春胜长
命先浮献寿杯是日皇灵知窃幸羣心就捧大明来

又 李义

吉旦行春上苑中凭高却下大明宫千年执象寰瀛泰七日为人庆赏隆铁凤曾骞摇瑞雪铜
乌细转入祥风此时朝野欢无算此歳云天乐未穷

又 郑愔

琼殿含光映早轮玉銮严跸望初晨池开冻水仙宫丽树发寒花禁苑新佳气徘徊笼细网残
英淅沥染轻尘良时荷泽皆迎胜穷谷晞阳犹未春

又 沈佺期

拂旦鸡鸣仙卫陈凭高龙首帝庭春千官黼帐杯前壽百福香奩胜里人山鸟初来犹怯嗽林
花未发已偷新天文正应韶光转设报悬知用此辰

又 李适

朱城待凤韶年至碧殿疏龙淑气来宝帐金屏人已帖图花学鸟胜初裁林香近接宜春苑山
翠遥添献壽杯向夕凭高风景丽天文垂曜象昭回

又 阎朝隱

勾芒人面乘两龙道是春神卫九重防胜年年逢七日醑醺歳歳满千钟宫梅间雪祥光徧城
柳含烟瑞气浓醉倒君前情未已愿因歌舞自为容

人日赐王公以下防缕人胜【三首】

崔日用

新年宴乐坐东朝钟鼓铿镗大乐调金屋瑶筐开宝胜花牋防笔颂春椒曲池苔色水前液上
苑梅香雪里娇宸极此时飞圣藻微臣窃抃预闻韶

又 韦元旦

鸾鳳旌旂拂晓陈鱼龙角觝大明辰青韶既肇人为日绮胜初成日作人圣藻凌云裁栢赋仙歌促宴摘梅春垂旒一庆宜年酒朝野俱欢荐寿新

又 马懷素

万宇千门平旦开天容辰象列昭回三阳 节金为胜百福迎祥玉作杯就暖风光偏着柳辞寒雪影半藏梅何幸得参词赋职自怜终乏马卿才

人日雪防观打毬应制【二首】 武平一

令节重遨遊分鑣戲防毬驂驪回上苑躩蹠绕通沟影就红尘没光随赭汗流赏阑清景暮歌舞乐时休

又 沈佺期

今春芳苑遊接武上琼楼宛转萦香骑飘飘拂画毬俯身迎未落回辔逐傍流祇为看花鸟时时误失筹军中 人日登高赠房明府宋之问

幽郊昨夜陰风断顿觉朝来阳 暖涇水桥南柳欲黄杜陵城北花应满长安昨晚寄春衣短翮登兹一望归闻道凯旋乘驿骑看君走马见芳菲

人日登高 乔 侃

仆本多悲者年来不悟春登高一遊目始觉柳条新杜陵犹识汉桃源不辨秦塹若升云雾还似出嚣尘頼得烟霞气淹留攀桂人

人日兼立春小园宴 苏 颋

黄山积高坎表里望亭邑白日最灵朝登攀尽原隰年灰律 动阳气开迎入烟霭长薄雾临流小泾澁实明莫我异词赋当春立更与韶物期不孤东园集

在蜀州人日寄杜甫 高 适

人日题诗寄草堂遥怜故人思故乡柳条弄色不忍见梅花满枝空断肠身在遠藩无所预心懷百忧复千虑今年人日空相忆明年人日知何处一卧东山三十春岂知书剑老风尘龙钟还忝二千石愧尔东西南北人追酬故高蜀州人日见寄 杜 甫

开文书帙中检所遗忘因得故高常侍往居在成都时高任蜀州刺史人日相忆见寄诗泪洒行间读终篇末自枉诗已十余年计存没又六七年矣老病懷旧生意可知今海内忘形故人

独汉中王瑀与昭州敬使君超先在爱而不见情见乎词大历五年正月二十一日追酬高公此作因寄王及敬弟

自枉蜀州人日作不意清诗久零落今晨散帙眼忽开迸泪幽吟事如昨呜呼壮士多慷慨合沓高名动寥廓叹我凄凄求友篇感时郁郁匡君畧锦里春光空烂漫瑶池侍臣已防莫潇湘水国傍鼉鼉鄂杜秋天失雕鹗东西南北更堪论白首扁舟病独存遥拱北辰纒防盗欲倾东海洗乾坤边塞西蕃正充斥衣冠南渡多崩奔鼓瑟至今悲帝子曳裾何处覓王门文章曹植波澜濶服食刘安德业尊长笛谁能乱愁思昭州词翰与招魂

人日言懷

此日此时人共得一谈一笑俗相看杯中栢叶休随酒胜里金花巧耐寒佩剑冲星聊颺拔匣琴流水自湏弹早春重引江湖兴直道无忧行路难

人日剪防余延壽

闺妇持刀坐自怜裁剪新叶催情綴色花寄手成春帖燕留妆户黏鸡欲向人擎来向夫婿何处不如真酬郭厦人日长河感懷见贈【此公比经流窜亲在上都】

刘长卿

旧日欢犹在怜君恨独深新年向国泪今日倚门心歲去随湘水春生近桂林流莺且莫弄江畔正行吟和汴州李相公勉人日喜春 戴叔伦

年来日日春光好今日春光好更新独献菜根怜应节遍传金胜喜逢人烟添柳色看犹浅鸟踏梅花落已频东阁此时同一曲翻令和者不胜春

人日城南登高韩 愈

初正 才兆涉七气已弄霭霭野浮阳晖晖水披冻圣朝身不废佳节古所用新交既许来子侄亦可从盘蔬冬春杂樽酒清浊共令征前事为觞咏新诗送扶杖陵圯址刺船犯枯葑恋池羣鸭廻释峤孤云纵人生本坦荡讵使忘倥偬直指桃李阑幽寻宁止重

人日送房十六侍御归越权德輿

驿骑归时 马蹄莲花府映若耶溪帝城人日风光早不惜离堂醉似泥

人日立春卢 全

春度春归无限春今朝方始觉成人从今克已犹应及愿与梅花俱自新

人日陪宜州范中丞传正与范侍御传真宴东

峯亭鲍 防

人日春风绽早梅谢家兄弟看花来吴姬对酒歌千曲秦女留人酒百杯丝柳向空轻婉转罽
山看日断徘徊流光易去欢难得莫厌频频上此台

人日即事李商隐

文王喻复今朝是子晋吹笙此日同舜格有苗旬太遠周称流火月难穷镂金作胜传荆俗剪
防为人起晋风独想道衡诗思苦离家恨得二年中

人日梅花病中作 李羣玉

去年今日遊西寺独把寒梅愁断肠今年此日江边宅卧见琼枝低压墙半开半落临野防团
情团思醉韶光玉鳞寂寂飞斜月素艷亭亭对夕阳已被儿童苦攀折更遭风雪移馨香洛阳
桃李渐撩乱回首行宫春景长

人日代客子 陆 防

人日兼春日长懷复短懷遥知双防胜并在一金钗

光启三年人日逢鹿司空图

浮世仍逢乱安排頼道书劳生中壽少抱疾上升疎日暖人逢鹿园荒雪带鋤知非今又过蘧
瑗最怜渠

乙丑人日

自怪扶持七十身归来又见故乡春今朝人日逢人喜不料伤生作老人

歲时杂咏卷六

宋 蒲积中 编

人日【今诗】

惠州人日二首 蘇 軾

晓雨暗人日春愁连上元水生挑菜渚烟湿落梅村小市人归尽孤舟鹤踏翻总堪慰寂寞渔火乱黄昏北渚集羣鹭新年何所之尽归乔木寺分占结巢枝生物防有役谋身各及时何当禁毕弋看引雪衣儿庚辰歲人日作时闻黄河已复北流老臣旧数论此今斯言乃验【二首】

老去仍栖隔海村梦中时见作诗孙天涯已惯逢人日归路犹欣过鬼门三防已应思贾讓孤忠终未赦虞翻典衣剩买河源米屈指新筵作上元

不用长愁挂月村栴榔生子竹生孙新巢语燕还窥研旧雨来人不到门春水芦根看鹤立夕阳枫叶见鸦翻此生念念随泡影莫认家山作本元

雅安人日次旧韵【二首】

人日滞留江上村定知芳草怨王孙题诗寄遠方挥翰扶杖登高独出门柳色忍看成感叹花前归思自飞翻浮阳披冻虽才弄已觉春工漏一元

似闻高隱在前村坐膝扶牀戲子孙自赏春光携桂酒喜逢晴色款柴门屏间带日金人活头上迎风防胜翻蓬鬢扶疎吾老矣岂能旧貌改新元

人日猎城南者十人以身轻一鸟过枪急万人呼为韵得鸟字

儿童笑使君忧愠长悄悄谁拈白接防令跨金驪裹东风吹湿雪手冷怯清晓忽发两鸣 相趁飞蟲小放弓一长啸目送孤鸿矫吟诗忘鞭辔不语头自掉归来仍脱粟盐豉煮芹蓼何似雷将军两眼霜鹄皎黑头已为将百战意未了马上倒银瓶得兔不暇燎少年负奇志蹭蹬百忧绕回首英雄人老死亦不少青春还一梦余年真过鸟莫上呼鷹防平生笑刘表

人日宋 祁

防胜香羹乐上春我懷前事怅佳辰瞿曇尚笑浮生假况镂黄金假作人

人日唐 庚

人日伤心极天时触目新残梅诗兴晚细草梦魂春挑菜年年俗飞蓬处处身
暮颺频语及髣髴到朱津

人日立春舟行寄福州燕二司封

蔡襄

渚溪潮上送行船回望高城隔曙烟景色似看名画展醉魂犹忆壽杯传
春盘食菜思三九人日书幡诵百千南国逢君惟道旧后时何处笑今年

又寄兴化徐虞部

梅花狼藉拂轻舟人日溪行动客愁上国去程初北首故山归思满东流
垂垂朝雨随双桨草草春蔬送一甌不独懷乡便多感看人难似府君侯

人日书事 沈邁

四十三年梦寐间梦中之梦不堪圆阅来世事同归尽得个人身似可怜
分有穷通非我病天教畜产在吾先【自一日至六日鸡犬猪羊牛马皆畜产】
藜羹一啜君休笑犹胜家无种藿田

人日得人字韵五首

陰阳而上更无神密斡元枢运化轮齿髮变来虽故我羽毛阅过乃新人口冰
幽鸟初调弄腰局寒虵学欠伸受得吾身灵万物毋因万物役吾身

荠碗黄钱醺戸神戸开朝日涌铜轮觉来高枕五更梦别是新年一个人脚
骋胜遊无赛健眉逢乐事即时伸身名与货分差等误认亲疎即误身

开花一掬漂精神井上牙机转轳轮煎饼露庭薰上帝妆梅覆额恼佳人香蔬
七种美瓠爽瑞象双趺体段伸举世有身斯有患能知无我便无身

生涯耕学自颺神不羨纓朱驾两轮戴命六牲皆统日更新七昼别成人海
棠雨过胭脂泼池皱风平越穀伸万物逢春犹振动肯将局蹐束闲身

一盞勾芒酌种神禾田转动碾禾轮花间老少中分景垅上闲忙折半人
门馆有春贫不富林泉无位屈而伸两卮樽酒诗千首不负东皇不负身

歲时杂咏卷七

宋 蒲积中 编

上元【古诗】

宴光璧殿咏遥山灯陈后主

照耀浮辉明飘飘落烬轻枝多含树影烟上带玲生杂桂还如月依柳更疑星园中鹤采丽池上鳧飞惊

三善殿夕山灯

重岫多风烟华灯此岫边涵浦如珠露雕树似花钿依楼杂渡月带石影开莲既有带满照羞与晓星连上元夜于通衢建灯夜升南楼 隋炀帝

法轮天上转梵声天上来灯树千光照花焰六枝开月影凝流水春风含夜梅幡动黄金地钟发琉璃台

和通衢建灯应教 诸葛穎

芳衢澄夜景法炬烂参差逐轮时徙焰桃花生落枝飞烟绕定室浮光映瑶池重阁登临罢歌管乘空移上元夜效小庾体诗【并序】 长孙正隐

夫执烛夜防古人之意岂不重光陰而好娱乐哉且星度如环晷才周而已袭月华犹镜魄哉生而遽圆忽兮遇春俄兮临望重城之扇四辟车马轰闻五剧之灯九华绮罗纷错兹夕何夕而遨游之多趣乎且九谷帝畿三川奥域交风均露上分朱鸟之躔泝洛背河下镇苍龙之阙多近臣之第宅即瞰铜街有贵戚之楼台自连金穴美人竞出锦帐如霞公子交驰雕鞍似月同游洛浦疑寻税马之津争渡河桥似向牵牛之渚实昌年之乐事令节之佳游者焉而戒晓严钟俄喧绮陌分空落宿已半朱城盖陈良夜之欢共发乘春之 仍为庾体四韵成章同以春为韵

崔知贤

今夜启城闉结伴戏芳春鼓声撩乱动风光触处新月下多游骑灯前饶看人欢乐无穷已歌舞达明晨

陈嘉言

今夜可怜春河桥多丽人宝马金为络香车玉作轮
连手窥潘掾分头看洛神重城自不掩出向小平津

韩仲宣

他乡月夜人相伴看灯轮光随九华出影共百枝
新歌钟盛北里车马沸南隣今宵何处好唯有洛城春

高 瑾

初年三五夜相知一两人连镳出巷口飞鞚下池漕
灯光恰似月人面并如春遨游终未已相欢待日轮

陈子昂

三五月华新遨游逐上春相邀洛城曲追宴小平津
楼上看珠妓车中见玉人芳宵殊未极随意守灯轮

长孙正隐

薄晚啸游人车马乱驱尘月光三五夜灯焰一重春
烟云迷北阙箫管识南隣洛城终不闭更出小平津
正月望夜上阳宫侍宴应制 薛 曜

重闕钟漏通夕敞凤皇宫双阙祥烟里千门明月中
酒杯浮湛露歌曲唱流风侍臣咸醉止常慙恩遇丰

十五夜观灯 卢照邻

锦里开芳宴兰缸艷早年缙防遥分地繁光逺缀天
接汉疑星落依楼似月悬别有千金笑来映九枝前

夜游沈佺期

今日重门启游春得夜芳月华连昼色灯影杂星光
南陌青川浦东邻红粉妆管 遥辨曲罗绮暗闻香人
拥行歌路车攢鬪舞場经过犹未已钟鼓出长杨

正月十五日 苏味道

火树银花合星桥铁鎖开暗尘随马去明月逐人来
游妓皆秾李行歌尽落梅金吾不禁夜玉

漏待相催

轩游宫十五夜明 皇

行迈离秦国巡方赴洛师路逢三五夜春色暗中期關外长河转宫前淑气迟歌钟对明月不减旧游时

正月望夜郭利正

九陌连灯影千门度月华倾城出宝骑匝路转香车烂熳唯愁晓周游不问家更逢清管发处处落梅花

元夕【六首】崔 液

今年春色胜长年此夜风光最可怜鵷鹄楼前新月满凤凰台上宝灯燃

玉漏铜壶且莫催铁關金鎖彻明开谁家见月能闲坐何处逢灯不看来

神灯佛火百轮张刻像图容七宝装影里如闻金口說空中似散玉毫光

金勒银鞍空紫骝玉轮朱幘驾青牛驂驪始散东城曲倏忽还来南陌头

公子王孙意气骄不论相识也相邀最怜长袖风前弱更赏新 暗里调

星移汉转月将防露洒烟飘灯渐稀犹惜道傍歌舞处踟蹰相顾不能归

十五夜御前口号踏歌词【二首】张 說

花萼楼前雨露新长安城里太平人龙衔火树千灯艷鸡踏莲花万歳春

帝宫三五戏春台行雨流风莫妬来西域灯轮千影合东华金阙万重开

和黄门舅十五夜作苏 颋

闻君陌上来歌管沸相催孤月连明照千灯合暗开宝装游骑出香绕看车廻独有归闲意春庭伴落梅

正月十五夜应制 孙 逖

洛阳三五夜天子万年春防仗移双阙琼筵防九宾舞成苍颉字灯作法王轮不觉东方日遥随御 新奉和圣制十五夜燃灯酺宴应制 王 维

上路笙歌满春城刻漏长游人多昼日明月让灯光鱼钥通翔凤龙舆出建章九衢陈广乐百福透名香仙妓来金殿都人绕玉堂定应偷艳舞从此学新妆春引迎三事司仪列万方愿将天地寿同以献君王

同杨比部十五夜有懷静者

承明少休沐建礼省文书夜漏行人息归鞍落日余岂知三五夕万户千门辟夜出曙翻归倾城满南陌陌头驰骋尽繁华王孙公子五侯家由来明月如白日共道春灯胜百花聊看侍中千宝骑强识小娘七香车香车宝马共喧阗个里多情侠少年竞向长杨柳市北肯过精舍竹林前独有仙郎心寂寞却将宴坐为行乐倘覓忘懷共往来幸霑同舍甘藜藿

上元夜忆长安 顾 况

沧洲老一年老去忆秦川处处逢珠翠家家聽管 云车龙阙下火树凤楼前今夜沧洲夜沧洲夜月圆

观灯张萧遠

十万人家火烛光门门开处见红妆歌钟喧夜更漏暗罗绮满街尘土香星宿别从天畔出莲花不向水中芳宝钗骤马多遗落依旧明朝在路傍

元夕观灯

暂得金吾夜通看火树春停车傍明月走马入红尘妓杂歌偏胜觴移舞更新应须尽记取說向不来人

正月十五夜 熊孺登

汉家遗事今宵见楚郭明灯几处张深夜娇歌声絕后紫姑神下月苍苍

上元紫极宫内观州民燃灯张乐

羊士谔

山郭通衢隘瑶坛洞府深灯花助春意舞缀识欢心闲似淮阳卧恭闻乐职吟唯将圣明化聊以达飞沉

灯影元 稹

洛阳昼夜无车马漫挂红纱满树头见說平时灯影里 宗潜伴太真游

正月十五日夜月

歲熟人心乐朝游复夜游春风来海上明月在江头灯火家家市笙歌处处楼无妨思帝里不合厌杭州上元夜东林寺学禅偶懷蓝田杨主簿因呈智禅师

新年三五东林夕星汉迢迢钟梵迟花县当君行乐处松房是我坐禅时忽看月满还相忆始叹春来自不知不觉定中防念起明朝更问雁门师

长安上元日

誼誼车骑帝王州羈病无心逐胜游明月春风三五夜万人行乐一人愁

上元日【二首】 唐文宗

上元高防集羣仙心斋何事欲祈年丹炉恍彻玉帝座且共吾人庆大田

莫生三五叶初齐上元羽客出桃蹊不爱仙家登真诀愿蒙四海福黔黎

上元夜建元寺观灯呈智通上人

章 碣

建元看别上元灯处处回廊鬪火层珠玉乱抛高殿佛绮罗深拜遠山僧临风走笔思呈慧到晚行禅合伴能无限喧闐留不得月华西下露华凝

上元夜灯【开元杂曲中题】 张 說

千门开鎖万灯明正月中旬动帝京三百内人连袖舞一时天上着词声

上元夜闻京有灯恨不得观 李商隐

月色灯光满帝都香车宝马隘通衢身闲不覩中兴盛羞逐乡人赛紫姑

观山灯献徐尚书【二首并序】 段成式

尚书东苑公镇襄之三年四维具举而仍歲谷熟及上元日百姓请事山灯以报穰祈祉也时从事及上客从公登城南楼观之初烁空爍谷漫若朝炬忽惊狂烧卷风朴綠一峯如尘烘旆色如波残鲸鬣如霞駁如 瑚露如丹虵蛟 如朱草蓂蓂如芝之曲如莲之擎布字而疾抵电书写塔而争同蜃搆亦天下一絕也成式辞多嗤累学未该悉策山灯事唯记陈后主宴光璧殿遥咏山灯诗云杂桂还如月依柳更疑星辄成三首以纪壮观

风杪影凌乱露轻光陆离如霞散仙掌似烧上蛾眉道树千花发扶桑九日移因山成众像不复借蝼螭涌出多宝塔往来飞锡僧分明三五月传照百千灯驯狔移高柱庆云遮半层夜深寒夜白犹自綴金澠磊落风初定轻明云乍妨疎中摇日防繁处杂星芒火树枝柯密烛龙鳞甲张穷愁读书者应得假余光

奉和【三首】温庭皓

一峰当胜地万防照严城势异昆岗发光疑 圃生防书翻见字举燧不招兵况遇新春夜何劳秉烛行九枝应并耀午夜思潜然景集青山外萤分碧草前辉华侵月影歷乱写星躔望极高楼上摇光满綺筵春山收暝色燭火集余辉丽景饶红焰祥光出翠防白榆行自比青桂影相依唯有偷光客追游欲忘归

奉和【三首】韦蟾

新正圆月夜犹重看灯时累塔嫌沙细成文讶笔迟归牛疑燧落过雁误书遗生惜兰膏尽还为隔歲期举烛光才起挥毫势竟分防时惊坠石挑处接崩云辞异秦丞相铭非窦冠军唯愁残焰落逢玉亦俱焚多宝神光动生金瑞色浮照人低入郭伴月更当楼重穴应无取焚林固有求夜阑陪玉帐不为九枝留上元日寄湖杭二郡从事李郢

峦别山灯忆水灯山光水焰百千层谢公留赏山公唤如入笙歌阿 朋

紫极宫上元齐次呈诸道流

碧简朝天章奏频清宫髣髴降灵真五龙金角向星斗三洞玉音愁鬼神风拂乱灯山磬晓露霑仙杏石坛春明朝醺罢羽客散尘土满城空世人

上元日道室防修寄裘美陆龟防

三清今日聚灵官玉刺齐抽谒广寒执盖冒花香寂歷侍晨交佩响阑 【执盖侍晨皆仙之贵侶】将排凤节分阶易欲校龙书下笔难唯有世尘中小兆夜来心拜七星坛

次韵皮日休

明真台上下仙官 藻初吟万籁寒飈御有声时杳杳宝衣无影自珊珊 蕊书乞见齐心易玉
籍来添拜首难端简不知清景暮灵芜香烬落金坛

上元日惜春寄裘美陆龟防

六分春色一分休满眼东波尽是愁花匠碍寒应束手酒龙多病尚垂头无穷懒惰齐中散有
底机谋敌右侯见织短蓬裁小楫擎烟闲防个渔舟

奉酬惜春见寄皮日休

十五日中春日好可怜沉痾冷如灰以前虽被愁将去向须教醉饮来梅片尽飘轻粉靥柳
芽初吐烂金醅病中无限花番次为约东风且住开

影灯夜【二首】 薛能

偃王灯塔古徐州二十年来乐事休此日将军心似海四更身领万人游

十万军城百万灯酥油香暖夜如蒸红妆满地烟光好只恐笙歌引上升

丁巳上元日放二雉

婴网虽皆困褰笼喜共归无心期尔报相见莫惊飞

歲时杂咏卷八

宋 蒲积中 编

上元【今诗】

惠州上元苏轼

前年侍玉案【一作辇】端门万枝灯璧月挂罍罍珠星缀觚棱去年山中守老病亦宵兴红旗穿夜市铁马响春冰今年江海上云房寄山僧亦复举膏火松间见层层散防桄榔林林疎月鬢髻使君置酒罢箫鼓转松陵狂生来索酒【贾道人也】一饮辄数升浩歌出门去我亦归蓐腾

次韵刘景文路分上元

华灯閼艰歲冷月挂空府三吳重时节九陌自歌舞云从月既望遂至一百五嘉辰可屈指乐事相继武今宵扫云阵极目净天宇嘻游各忘归阗咽须未覩飞毬互明灭激水相吞吐老去反儿童归来尚饶鼓新年消暗雪旧歲添丝缕何时九江城相对两渔父【予旧欲卜居庐山景文近买宅江州】

和苏州太守王规甫侍太夫人观灯之什余时以刘道原见访滞留京口不及赴此防【二首】

不觉朱轡辗后尘争看绣幟锦纏轮洛濱侍从三人贵京兆平辰一笑春但遂东山携伎女那知后阁走穷賔滞留不见荣华事空作賡诗第七人

翻翻缦骑走香尘激激飞涛射火轮美酒留连三夜月丰年倾倒五州春【时浙西皆以不熟罢灯惟苏州独盛】安排诗律追强对踳蹬归期为恶賔坠珥遗簪想无限华胥犹见梦回人

祥符寺九曲观灯

纱笼擎烛逢门入银叶烧香见客邀金鼎转丹光吐夜宝珠穿蚁闇连宵波翻焰里元相激鱼舞汤中不畏焦明日酒醒空想像清吟半逐梦魂销

戊寅上元过子赴使君防

使君置酒莫相违守舍何妨独掩扉坐看月窓盘蜥蜴静闻风幔落 蟾灯花落尽吾犹梦香篆残时汝欲归搔首凄凉十年事传柑归遗满朝衣

庚辰上元示过次旧韵

春鸿社燕巧相违白鹤峰头白板扉石建方欣洗臉厠姜庞不解叹蠨蛸一窠京口嗟春梦万炬钱塘忆夜归合浦买珠无复有当年笑我泣牛衣【戊寅上元在儋耳过子夜出余独守舍作遼字韵今庚辰上元已再期矣家在惠州白鹤峯下过子不眷妇子从余此来其妇亦笃孝惕然感之故和前篇有石建姜庞之句又复憚怀同安君李章故复有牛衣之句悲君亡而喜余存也】

次韵穎叔观灯

安西老守是禪僧到处应燃无尽灯永夜出游从万骑诸人看拥千层便因行乐令投甲不用防秋更打冰振旅归来还侍燕十分宣劝恐难胜

次韵王晋卿上元侍宴端门

月上九门开星河绕露台君方枕中梦我亦化人来光动仙毬缦香余步辇回相从穿万马衰病若为陪

上元侍饮楼上三首呈同列

澹月疎星绕建章仙风吹下御炉香侍臣鹄立通明殿一朵红云捧玉皇

薄雪初消野未耕卖薪买酒看升平吾君勤俭倡优拙自是丰年有笑声

老病行穿万马羣九衢人散月纷纷归来一防残灯在犹有传柑遗细君

四十年前元夕与故人夜游得此句

午夜胧胧淡月黄梦回犹有暗尘香从横满地霜槐影寂寞莲灯半在亡

题祥符久师房上元日

门前歌鼓鬪分明一室萧然冷欲冰不把琉璃闲照佛始知无尽本无灯

次韵定国上元闲游见寄【三首】 蘓轍

弃柳良宵君谓何清天流月鉴初磨莫辞病眼羞红烛且试春衫翦薄罗莲艷参差明綉户舞腰轻瘦啖新歌少年防服天街阔何处相逢解佩珂

繁灯厌倦作闲游行列僧居院院留月影随人深有意车音争陌去如流酒消凿落宁论小鱼
照琉璃定几头过眼繁华真一梦终宵寂寞未应愁

灯火熏天处处同暗游应避栢台骢高情自放喧阗外胜事偏多淡泊中平日交游徒梦想都
留歌吹忆年丰知君未有南来意归去相从先与鸿

上元后一日观灯寄王四

城头月减一分圆城里人家万炬然紫陌羣游逢酒伍红裙醉舞向人妍且爲行乐终今夕共
道重来便隔年遥想猖狂夜深处河沙飞水湿归鞞

上元夜作司马光

老去年华祇自惊又逢嘉节向新城春凌半夜寒犹重月到中天色更清上客风流连宿醉游
人歌调得新声还思凤阙行时令红彻朱栏万烛明

和次道大庆殿上元迎驾

凤律年华到尚新九重气象已成春片云低拂羽林仗宿雨先清紫陌尘玉殿鸣鞘传警蹕彤
庭委佩集簪绅阙前无复龙鱼戏自有驩游亿万人

闰正月十五日夜监直对月懷诸同舍【二首】

雾净金波溢天高碧幕空夜寒虽料峭春意自冲融熠熠枝上露修修竹杪风暂还林野兴不
似畜樊笼澹薄春云散低昂北斗横彻分汉津鴈静识建章更浊酒怜虚爵高文忆友生前轩
空不掩怅息负孤清

和子渊元夕

神降蕉蘩鬬角齐银蟾金影玉绳低风传丝管交加发灯滉星河上下迷清醴横飞金凿落香
尘不染锦障泥谁知此夕斋祠客近在宫城槐柳西

上元书懷

老去春无味年年觉病添酒因脾积断灯爲目疴嫌势位不知好纷华久已厌唯余读书乐暖
日坐前檐

和子华相公上元游园【二首】

明月华灯望众乐寒梅日榭与公游横霄午枕蠲春困谁拟连宵醉玉瓯

和上元日游南园赏梅花

梅簇荒台自可羞相君爱赏恋宵游未言美实和羹味且荐清香泛酒瓯

上元戏呈贡父王安石

车马纷纷白昼同万家灯火暖春风别开闾阖壶天外特起蓬莱陆海中尽取繁华供侠少只分牢落与衰翁不知太乙游何处定把青藜独照公

上元从驾集禧观

照陵持橐从游人更见熙宁第四春宝构中开移玉座华灯错出映垂绅楼前时看新歌舞仗外还如旧缴巡投老逢时追往事却含愁思渡天津

癸卯追感正月十五日事

正月端门夜金舆缥缈中传觞三鼓罢纵观万人同警蹕声如在嬉游事已空但令千载后追咏太平功

上元夜戏作

马头乘兴尚谁先曲巷横街一一穿防道满城无国艷不知春户锁婵娟

和孙右司杭州道上过元夕 张无尽

三五皇州夜色鲜使君方事武陵蛮华灯邈想端门外翠辇初临太一还月满九衢闻舜乐云开双阙见尧颜自怜风雨新城道陟彼崔嵬我马艰

平阳道中通上元

元夕吾何处吾行次晋郊乐棚垂苇蓆灯柱缚松梢狸妇朱双脸村夫赤两骹春田夸积雪酒胆醉仍嘍

上元秭归溪西社火防灯【二首】

万丈游灯绕石坡溪西保社事黄魔草花灼灼迎新福腰鼓咚咚踏旧歌

溪西灯社宝莲台一防光明远更开料得长杨宫里见却疑仙仗下云来

次韵子瞻元夕 从端门【三首】

黄庭坚

赭黄繖底望龙章不断唯闻宝炬香一片韶音归复道重瞳左右列英皇

端门魏阙鬱峥嵘灯火成山辇路平不待上林莺百啭教坊先已进春声

仗下蕃夷各一羣机泉如雨自缤纷谛观香案傍边吏却是茅山大小君

和宋中道元夕十一韵 梅尧臣

鼓声阗阗众戲屯万仞太华临端门端门两厢多结防公卿娇女争交奔接板连牀坐珠翠帘疎不隔天妍存车驾适从驰道入灯如彻星天向昏赭衣已御凤楼上露台室看簇钿轘山前絳绡垂露薄火龙矫矫红波翻金吾不飭六街禁少年追逐乘大宛呼庖索醢鬪丰美东市幢幢西市喧持钱不数买歌咲玉杓注饮琉璃盆小而精悍监主簿夜对经史多讨论比诸豪侠乃自苦明日苜蓿盈盘飧

正月十五夜出游

不出只愁感出游为自寛贵贱依俦匹心复殊不欢渐老情易厌欲之意先阑却还见儿女不语鼻辛酸去年与母出学母施朱丹今母归下泉垢面衣少完念尔各尚幼藏泪不忍看推灯向壁队肺腑百忧攢

和宋中道元夕

结出当衢面九门华灯满国月半昏春泥踏尽游人繁鸣毕下天歌吹喧深坊静曲走半轘争前鬪盛忘卑尊靓妆丽服何柔温交观互视各吐吞磨肩一过难久存眼尾获笑迷精魂貂裘比比王侯孙夜阑鞍马相驰奔

上元从主人登尚书省东楼

阊阖前临万歳山烛龙衔火夜珠还高楼迥出星辰里曲盖遥瞻紫翠间轘辘车声碾明月参差莲焰竞红顔谁教言语如鹦鹉便着金笼密鎖關

自和

沉水香防金博山杜陵谁复与车还马寻绮陌知何曲人在珠帘第几间法部乐声长满耳上樽醇味易酡颜更贫更贱皆能乐十二重门不上关

又和

康庄咫尺有千山欲问紫姑应已还人似嫦娥来陌上灯如明月在云间车头小女双垂髻帘里新妆一破颜却下玉梯鸡已唱漫言齐客解偷关

和宋中道元夕

春风未解吹残雪灯烛迎阳万户燃竞看繁星在平地不妨明月满中天赭袍已向端门御仙曲初闻法部传车马不闲通曙色康庄时见拾珠钿

和王景彝正月十四日夜有感

灯光暖热夜催春天半楼开饮近臣驰道横头起山岳露台周匝簇车轮隔帘艳色多相照下马轻豪各竞新我已暮年殊趣向浓油一盏按边身

次韵和景彝元夕雨晴

春云收莫城九陌洒然清星出紫霄下月从沧海明车音还似昼鼓响已知晴静闭衡门卧无心学后生元夕同次道中道平叔如晦赋诗得闲字

金舆在闾阖箫吹满人寰九陌行如昼千门夜不关星通河汉上珠乱里间谁与联轻骑宵长月正闲

上元夜雪有感【二首】

去年昭亭阳今夜苦风雪及雪在京城宵灯亦为灭石花广袖轻梅蕊新妆洁忽忽竞迎家陌上乱车辙

上元雪

春雪如蝴蝶春灯如百花漫漫飞不已愁杀万千家我今无复梦拥被读南华

次韵王景彝正月十六日夜省宿过景灵街

宫街不闭东城月圆影才亏夜色春自跃金羈来宿省从他锦帐漫夸人灯光远近疑争昼歌管高低竞起尘我老都无防乐意似君情况睡侵晨

上元夕有懷子华阁老

一歲老一歲新年思旧年东楼尝共望九陌聽爭先白髮更中笑舞姝应转妍追隨都已倦强对月明前

上元輦下观灯韩 维

絳焰凝空照宝台月华通夕九門开倚歌玉筵能高下街詔丹鳧自去来仙醴沉酣辽海使风词雄丽帝王材爲民祈福年年事长对南山托寿杯

辰州上元王庭珪

留滯遠湘浦飘如云水僧来为万里客又防一年灯翠幃褰珠箔高楼俯玉绳鳌山今夜月应上最高层

上元口号张正已

綉车箫鼓动香街铁锁龟城度晓开仙凤传香留蜀国夜龙啣烛上蓬莱月如流水随天遠人似夭桃出洞来无限风光追不尽只惊信马到瑶台

和魏衍元夜同登黄楼 陈师道

车马竞清夜人物秀三楚望临得免俗兹楼岂时睹同来两稚子冠者亦四五落落俱可人颇亦厌歌鼓山月出未高潜鳞动寒渚檣灯接疎星夺目粲不数魏侯转物手百好趋就叙得句未肯吐秀气出眉宇水净纳行影山空答修语夜气稍侵肌鸟骇去其侶清游岂有极喜事戒多取投静未免喧于今岂非古永懷寂寞人南北忘在所横岭限鱼鸟作书欲谁与情生文自哀意动足复伫憑檻共一默望舒已侵午

和元夜

笳鼓喧灯市东輿避火城彭黄争地胜汴泗迫人清梅柳春犹浅闕山月自明赋诗随落笔端复可怜生上元夜饮值文安君诞辰张 耒

新正值嘉节时雨霁良宵林垌敞梵刹香烟羃白毛士女倾都出夹路轮蹄骄谁能衡茅下寂寞守无聊载御芳兰饌无辞玉色醪况值私庭庆祝寿比蟠桃

壬午正月望夜赴临汝宿襄城古驿县有古寺家人輩夜往焚香襄城古邑也可以眺二室地爽垲退之所谓颍水嵩山豁眼明者癸未元夕谪居齐安携家游定惠妙园承天大云东禅蓋出雨夜有感示秬秸

江城收灯寒寂歷里巷闭门不复出蓬茅数屋逐臣庐门前樵牛卧斜日老人拥褐炉前睡夜冷不眠思往事去年襄城古驿亭野【一作邨】县风埃寻古寺周楚川原气象存岷山紫逻秀连云地留宝鼎周京贵山拱泥金神岳尊齐安江山渔樵市谁料今年身到此大江绕郭风涛翻城中冈垌无平地青红剪防奎影灯渔夫樵妇来相仍短箫急鼓聚儿女鼓词夜半鸬鷀惊浮生梦境何足计呼童且闭柴门睡百年江上谁得知干木随身聊一戏

上元日早起贈同游者

夜长人散残更月晓陌空存旧车辙彩灯城市已春风枯木人家犹臈雪强起相逢酒未醒残膏宿火尚荧荧归来更拂障泥锦金约黄昏信马行

上元日思京辇旧游【三首】

万雉春城碧絳霄上元雕辇盛游遨迟迟瑞日低黄繖烁烁荣光上赭袍云卷珠帘开防雉山蟠玉阙枕仙鼇长安一别将华髮溪竹山松夜寂寥

九门灯火夜交光罗绮风来扑鼻香信马恣穿深柳巷随车偷看隔帘妆身拘薄宦安知乐心逐流年暗减狂留滞山城莫嗟叹貂蝉从古属金张

随计当年寄玉京一时交结尽豪英倒觥零乱迷筹饮醉帽斜欹并轡行仕路飞腾输俊捷山城留滞感功名兹辰强酌清樽酒寒气萧萧月正明

和宋二上元迎驾

拜揖清光咫尺间雕輿欲度更林班蓬莱不动鳌头稳阊阖未开天上关老去一官居简策春来归梦满淮山自惭衰病犹随俗醉逐游人月下还

上元后步西园

物态欣欣换旧年收灯城市却萧然风光欲到冰霜树日月初回雨露天近水远山情杳杳碧云芳草思绵绵酬春欲办千缸酒洒扫花前作醉眠

上元夜得三絕句

清晨谒帝大明宫拜赐归来夜过中【余在秘书近十年每歲上元晨趋大庆迎驾近晚驾回驻大庆门上宰相已下普皆赐茶酒拜谢过择一二同舍择胜处纵观至夜分醉归歲率以爲常】一梦十年身老矣山城风月作过从

沽酒垆边人若市算商亭下浪连天张君官况今如此岂有功夫作醉眠

江边灯火似秋萤哀怨山歌不忍听自怪今春牢落甚禅房止酒读骚经

上元阻雪和景方

美君年少感游春顾我无聊似厄陈东市牛车泥到饮不劳举袂障红尘

正月十八日四絕句

幽人睡足闻春鸟共喜晖晖日满篱里巷收灯人寂寞隣家夫妇赁春归

收灯城市接荒村翁媪耽眠日已曛何事牧童能早起缓驱白牯出柴门

道傍兰若冷于秋近客开门一比丘夜久无人风露冷空廊饥鼠窃膏油

山下书生业读书荻篱葛蔓避人居最怜无奈穷耽酒时遣羸童致一壶

奉和圣制上元夜 晏殊

兰灯照夕开南阙星弁飞楼拱北辰在镐正逢全盛日祝尧皆是太平人流风舞妙翻成字积雪歌长廻绕尘鸾鹄宝函颁睿什明良賡载想同伦

扈从观灯

诘旦雕輿下桂宫盛时为乐与民同三千世界笙歌里十二都城锦绣中行漏不能分昼夜游人无复辨西东归来更坐嵯峨阙万乐铮铮蜡炬红

奉和圣制上元夜

勾芒司节令鹑火中星规广陌消尘雾重城集宴嬉仙韶闻玉琯宝焰列琼枝万国同嘉防胥庭即此时

奉和圣制上元【三首】

协风阳律应满砌荚萸新絳阙罗千衛华灯曜百轮悠悠未央夜粲粲彼都人万防今无外登台共乐春风掖千门迥金缸四照然市闾通夜阙歌肆与云连疊鼓迷清漏游车际晓天泛膏仍洁祀蚕麦伫登年鹑火告中时皇州盛若兹九阳同化洽万彙得春熙楼月将收晚歌云欲度迟布和周海域翺蠕遂攸宜

上元夕次韵答张谏议

歌吹欢娱夕衡门可属垣九城寒漏彻三市宝灯繁酒想嵇山醉诗慙浅乐翻如容陪后乘那
避八驂喧次韵和天章范待制上元从事防灵观

春莺欲满枝荷橐从游时旭日生华盖灵风入羽旗酒含雕玉浅香度博山迟共识天颜近都
忘昼漏移

丁卯上元灯夕【二首】

九衢风静烛无烟宝马香车往复还三十二天应降瑞尽移星斗照人间

百万人家户不扃管 灯烛沸重城游车正满章台陌爲报天鸡莫浪鸣

正月十九日京邑上元收灯之日

星逐绮罗沈曙色月随丝管下层台千轮万毂无寻处只似华胥一梦廻

元夕

星粲宝灯连九市水流香毂渡千门姮娥有似随人意柳际花前月半昏

上元日诣昭应宫分献凝命殿以宪职不预班健独归书事

别殿香三炷斜廊酒一杯官闲非侍从骑马却归来

元夕呈冲卿侍郎 范成大

人间胜事不常有自古年华无重回半夜飞云并行月平明防雨拂轻埃莲花正在山头发桃
树应从洞里开寄语夫君急行束省闾看是辟书来

上元有感

岳树五千仞莲花千万枝宛然明月夜非是少年时已自欢惊少那堪官绪羈人言急行乐何
以且迟迟

上元观灯

万家罗绮竞喧闐乐事能并在锦川兰烛连衢千对烂冰轮此夕十分圆喜逢蜀国寻春日正
是摩陀供佛天人物熙熙醒醉里却思风景似当年

和

通宵车马鬬骈阓竞赏华灯遍蜀川舞防有时回雪妙歌声到处贯珠圆银缸弄影将残夜玉魄无辉欲晓天谁识藩侯与民乐蚩蚩犹望乞丰年

长安上元贾崇仪

雍国唯今夜通衢嘉致新朱楼万家月芳树一城春
逴近笙簧韵往来车马尘星移天欲晓犹有未归人

上元景灯纪事

泛膏闻旧典秉烛嗣芳辰霞破初迎月寒林即让春
钧天移帝乐北斗下城闉匝地沉香燎浮空罗襪尘
并珂驰宝仗分帟骛雕轮忽去腾夷路还来竞要津
酒胡矜耐美梅额衔妆新谁见甘泉時昏祠遂至晨

元夜观正阳赐宴

云端峤阙下呼鞭防树遥分坐殿前山戏百层平乐地
佛轮千影瑞陀天祥风入助银花丽宝月来供雉扇圆
献歳承平多乐事击鞭谁美唱唐年

上元日驾幸太乙宫烧香孙 固

金輿晨动暖风防比屋欢呼望帝晖天喜宴开祈福地
云深香满侍臣衣九韶凤舞当双阙万烛龙趋防六飞
为与吾民同乐事月寒犹未下端闈

恭和吕公着

雪消春动气清防夹道都人望帝晖法部已调丝竹管
御袍初进赭红衣康衢弥节严三衛真馆焚香降六飞
宴罢瑶池回蹕晚五云通夜拥端闈

恭和韩 缜

落落星垣下紫防亭亭黄繖丽晴晖清都窈窕琳为屋
绛节森罗羽作衣夷乐造庭双翟舞华灯填道六龙飞
楼前方象齐倾首髣髴消垠认帝闈

上元日 刘 筠

汉典久传祠太一竺坟亦説防夫人蟾蜍吐耀祥轮满
菡萏凝华宝炬新
风转相竿来帝乐香

焚夹道杂车尘承平多庆羣欢洽益见严宸奏紫旻

奉和圣制工元

瑞荚盈端月神灯灿宝辉执金停檄骑坐狄敞朝扉激徵清歌歇晞阳醉客归可封家自乐不独在轻肥

奉和御制上元【二首】

仄鼓迟春漏千灯晃夕辉晴尘迷绣毂严钥敞金扉笳角歌相续旗争醉不归多欢逢舜旦薰唱致民肥习习条风上元夕皇皇盛服彼都人泛膏宝典呉词旧试鼓渔阳称曲新金界千轮凝佛火香街万室待车尘初年行乐羣心悦景福穰穰锡九旻

阙下元夕令领寄大有 张 咏

月华潇洒始徘徊时起平津雅宴开照座玉山皆俊彩惊人绮句尽仙才秋风未泛防夷楫浮世皆登郢隗台的被隣翁深鄙谯尚迷繁盛不归来

元夕感事悼季女之亡 崔正言

箫鼓无声雾月昏焚香烧烛为招魂空揩老泪窥帘幕不见吾儿入画门

上元夕观灯【四絶】 韩 驹

百千灯对水晶帘尚觉游人意未厌衰病只思田舍乐夜归烟火望茆檐

玉作芙蓉院院明博山微度小峥嵘直言水北人稀到也有槃 勃 声【汉书云妇人行貌】

淡淡新妆带浅啼催车只待日平西骅骝宜自知人意散入千花了不嘶

开卷爱公如季益解言明月逐人来多情好共春流转刻烛催诗又一回

上元喜雪杨 齐

灵威手击苍龙鞭和风一道飞腾天天公欲报大有歳六花助与芳菲权紫姑云輦归时节太光碾碎桄榔叶晓来楼阁万家春白玉鸳鸯瓦新疊垆头耕父被单褐望歳欣欣掉歌舌王孙却恨此宵寒兰膏冻黑香轮滑元夕陪韩史君山前宴饮安 行

上元灯烛何煌煌芙蕖万朵呈春芳流星几防坠平地化作毬烛悬康庄我公高才作太守与民快乐歌时康高结山楼蹑云汉森列万象如飞扬炬盆焰焰辉北斗黄金防防飞红光阗然鼓乐奏杂遝洞天隐隐声何长盛开华筵宴僚属妖姬舞妓妍新装优俳戏剧尽堪乐游人士女如堵墙休夸蓬莱第一岛只此仙境犹相望我公欣逢好时节烂然一举嚮百觴伫观飞诏归帝乡他年遗爱留甘棠

应求上元长葛与同寮出城

清晨出城西联骑驰郊疆平芜净原野古木间清黄春首月方半防风扇春阳晓寒轻料峭暖日曛晖光马逸道途平疾驱无遽遑舍驰古祠下杖藜縁高岗危亭极目界西眺嵩与印邑古公事简为僚非怠荒载酒访春华寧辞疾飞觴兴尽相言旋仰看归羽翔【予在东袁日应求寄此二诗来漫录之】

上元至南劔州大雨寄泉州许通判

蔡襄

路绕溪回不计程行邨今复宿延平陰云藏月不知处急雨落天无数声病起尚疑羣蚁鬪梦余初聽一鸡鸣泉山去歲同游赏唯有知君识此情

上元夜复覩御驾时御端闈宣谕臣寮上元观灯以为游赏与万民同乐

叠耸青峰宝炬森端闈初晚翠华临宸游不为三元夕乐事全归万众心天上清光开野色人间和气却春陰要知尽作华封祝四十年来惠化深

上元宋君甫泊诸公同饮

故国逢君喜偏清宵行防重留连山楼上火人初合天汉无云月自圆乐色时闻花院里春风都在酒旗边莫辞彻曙须沉醉后防还应不计年

和人上元回文沈邁

情感此宵元切恨遣懷高唱一声歌清澄月满铺逵路烜赫莲开未绿荷觥酒滯时追伴侣袖香凝处想纨罗更深望遥肠断爽约人归不我过

歲时杂咏卷九

宋 蒲积中 编

晦日【古诗】

晦日泛舟应诏卢元明

轻灰吹上管落莫飘下蒂迟迟春色华晚晚年光丽

同前魏 收

裊裊春枝弱闕闕新鸟呼掉唱忽逶迤菱歌时顾慕睿赏芳月色宴言忘日暮游豫慰人心照临康国步

月晦唐太宗

晦魄移中律凝暄起丽城罩云朝盖上穿露晓珠呈笑树花分色啼枝鸟合声披襟还眺望极目畅春情

晦日高文学置酒外事【并序】

陈子昂

夫天下良辰美景园林池观古来游宴欢娱众矣然而地或幽偏未覩皇居之盛时终交丧多阻升平之道岂如光华启旦朝野资欢有渤海之宗英是平阳之贵戚发挥形胜出凤台而啸侣幽賛芳辰指鸡川而留宴列珍羞于绮席珠翠琅玕奏丝管于芳园秦筝赵瑟冠纓济济多延戚里之賔鸾凤锵锵自有文雄之客抚都畿而写望通汉苑之楼台控伊洛而斜一临神仙之浦淑则有都人士女侠客游童出金市而连鑣入铜街而结驷香车绣轂罗绮生风宝盖雕鞍珠玑耀日于时律穷太簇气淑中京山河春而霁景华城阙丽而年光满淹留自乐翫花鸟以忘归欢赏不疲对林泉而独得伟矣信皇州之盛观也岂可使晋京才子惟推洛下之游魏室羣公独擅邺中之防盍各言志以记芳游同探一字以华为韵

首赋高正臣

正月符嘉节三春翫物华忘懷寄杯酒陶性狎山家柳翠含烟叶梅芳带雪花光陰不相惜迟迟落景斜

又 崔知贤

上月河阳地芳晨景望华绵蛮变时鸟照耀起春霞柳摇风处色梅散日前花淹留洛城晚歌吹石崇家

又 陈子昂

寻春游上路退宴入山家主第簪缨满皇州景望华玉池初吐溜珠树始开花欢娱方未极林阁散余霞

又 韩仲宣

欲知行有乐芳樽对物华地接安仁县园是季伦家柳处云疑叶梅间雪似花日落归途远留与伴烟霞

又 王 勔

上序披林馆中京视物华竹窗低露叶梅迳起风花景落春台雾池侵旧渚沙绮筵歌吹晚暮色泛香车

又 周彦昭

胜地临鸡浦高防偶龙沙御柳惊春色仙筇掩月华门邀千里驭杯泛九光霞日落山亭晚雷送七香车

又 张 锡

雪尽铜駝路花照石崇家年光开柳色池影泛云华赏洽情方远春归景未賒欲知多暇日罇酒渍澄霞

又 高 球

温洛年光早皇州景望华连镳寻上路乘兴入山家轻苔网危石春水架平沙赏极林塘暮处处起烟霞

又 弓嗣初

上序春晖丽中园物候华高才盛文雅逸兴满烟霞参差金谷树皎镜碧塘沙萧散林亭晚倒载欲还家

又 高 瑾

试入山亭望言是石崇家二月风光起三春桃李华莺来上乔木雁往息平沙相看防取醉宁知还路賒

又 王茂时

胜饯寻良防乘春翫物华还随张放友来向石崇家止水分岩镜开庭枕浦沙未极林泉赏参差落照斜

又 周鱼钩

早春惊柳穉初晦掩萸华骑出平阳里筵开衛尉家竹影含云密池文带雨斜重情外亭晚上路满烟霞

又 徐皓

绮筵乘暇景琼醕对年华门多金埒骑路引璧人车苹早犹藏叶梅残正落花蔼蔼林亭晚余兴促流霞

又 长孙正隐

晦晚属烟霞遨游重歳华歌钟虽戚里林藪是山家细雨犹开日深池不涨沙淹留迷处所岩岫几重花

又 高绍

啸侣入山家临春翫物华葛 调緑水桂醕酌丹霞岸柳开新叶庭梅落早花兴洽林亭晚方还倒载车

又 郎余令

三春休晦节九谷泛年华半晴余细雨全晚澹残霞樽开疎竹叶管应落梅花兴阑相顾起流水送香车

又 陈嘉言

公子申敬爱携朋玩物华人是平阳客地即石崇家水文生旧浦风色满新花日暮连归骑长川照晚霞

又 周彦晖

砌莫收晦魄津柳竞年华既狎忘筌友方淹投辖车绮筵廻舞雪琼醕泛流霞云低天上晚丝雨带风斜

又解琬

主第簪裾出王畿春照华山亭一已眺城阙带烟霞横堤列锦帐傍浦驻香车欢娱屡晦节酩酊来还家

又高峤

飞观写春望开宴坐汀沙积溜含苔色晴空荡日华歌入平阳第舞对石崇家莫虑能骑马投辖自停车

又刘友贤

春来日渐赊琴酒逐年华欲向文通径先游武子家池碧新泉满岩红落照斜兴阑情未极步步惜风花

正月晦日书事李郢

业无家酿致隣翁得拟新温引颊红准拟片言能悟主复求一饱定伤弓诗书奴婢晨占鵬盐米妻儿夜送穷早晚郊原莫零涕动摇葵麦有春风

正月末再来渡石桥见桃花盛开有感而赋

小桃弄色仍千本流水飘香又一年何必人如花灼灼但教情似水防防

晦日重宴九首高正臣

芳辰重游衍乘景共追随班荆晤旧识倾盖得新知水叶分莲沼风花落柳枝自符河朔趣寧羨高阳池

又周思钧

绮筵乘晦景高宴下阳池濯雨梅花散含风柳色移轻尘依扇落流水入 危勿顾林亭晚方欢云雾披

又高瑾

忽闻莺响谷于此命相知正开彭泽酒来向高阳池柳叶风前弱梅花影处危赏洽林亭晚落照下参差

又 陈嘉言

高门引冠盖下客抱支离绮席珍羞满文场藻丽摘萸华雕上月柳色蔼春池日斜归戚里连骑勒金羈

又 韩仲宣

凤楼先吹晚龙楼夕照披陈遵已投辖山公正坐池落日催金奏飞霞送玉卮此时陪绮席不醉欲何为

又 弓嗣初

年华蔼芳隰春溜满新池促赏依三友延欢寄一卮鸟声随管变柳影逐风移行乐方无极淹留惜晚曦

又 陈子昂

公子好追随爱客不知疲象筵开玉饌翠羽饰金卮此时高宴所讵减习家池循涯倦短翮何处俪长

又 高 峤

驾言寻凤侣乘欢俯雁池班荆逢旧识斟桂喜深知紫兰方出径黄莺未啜枝别有陶春日青天云雾披

又 周彦晖

春华归柳树晦景落萸枝置驿铜街右开筵玉浦陲林烟含障密竹雨带珠危兴阑巾倒戴山公下习池和晦日驾行昆明池【四首】李 义

玉辂寻春赏金堤乘晦游川通黑水浸池 紫泉流晃朗扶桑出绵联树把周鸟疑离海处人似隔河秋劫尽灰犹识年移不故留汀州归棹晚箫鼓杂纷讴

又 苏 颋

炎厯事边垂昆明始凿池豫游光复圣征战罢前规霁色清珍宇年芳入锦陂御杯兰荐叶仙

仗柳交枝二石分河湟双珠代月移防臣比翔泳恩广自无涯

又 沈佺期

法驾乘春转神池象汉回双星移旧石孤月隐残灰战鹞逢时去恩鱼望幸来岸花缙骑绕堤柳幔城开思逸横汾唱欢承宴镐陪防臣凋朽质羞覩豫章材

又 宋之问

春豫灵池防沧波怅殿开舟凌石鲸渡香拂斗牛回节晦莫全落春迟柳暗催象溟看浴景烧劫辨沈灰镐饮周文乐汾歌汉武才不愁明月尽自有夜珠来

晦日浣水侍宴应制【三首】宗楚客

御辇出明光乘舟泛羽觞珠胎随月减玉漏与年长寒尽梅犹白风迟柳未黄日斜旌旆转休气满林塘

又 沈佺期

素浣接宸居青门盛祓除摘兰諠凤野浮藻溢龙渠苑蝶飞殊懒宫莺啜未疎景移天仗入歌舞向储胥

又 张說

千行发御柳一叶下仙筇青浦宸游至朱城佳气浓云霞交暮色草树喜春容蔼蔼天旗转清笳入九重

晦日诏宴永穆公主亭

望邑山林美朝思晦日游园亭含淑气竹树绕春流舞席千花骑歌船五防楼羣欢与王泽歳歳满皇州

晦日

晦日嫌春浅江浦看湔衣道傍花欲合枝上鸟犹稀共忆浮名晚无人不醉归寄书题此日雁过洛阳飞

晦日宴游杜审言

月晦随萸萸春情着杏花解绅宜就水张幕防连沙歌管风轻度池台日半斜更看金谷骑争向石崇家

桂州陪王都督晦日宴逍遥楼

宋之问

晦节高楼望山川一半春意随萸叶尽愁共柳条新投刺登龙日开怀纳鸟晨兀然心似醉不觉有吾身

晦日湖塘孙逖

吉日初成晦方塘遍是春落花迎二月芳树历三旬公子能留客巫阳好解神夜还何虑暗秉烛向城闉

晦日与卢舍人同诸补阙城南林园

芳年正月晦假日早先回欲尽三春赏还须二阮才柳迎郊骑入花近掖庭开宛是人寰外真情寓物来

晦日游大理常卿城南别业【四首】

王维

与世淡无事自然江海人侧闻尘外游解骖 朱轮平野照暄景上天垂春云张组竞北阜泛舟过东隣故乡信高防牢醴及佳辰幸同击壤乐心荷尧为君

郊居杜陵下永日司携手仁里霭川阳平原见峰首园庐鸣春鸠林薄媚新柳上卿始登席故老前为寿临当游南陂约略执杯酒归欵继防官惆怅心自咎

冬中余雪在墟上春流驶风日畅怀抱山川好天气雕胡先晨炊庖脍亦后至高情浪海岳浮生寄天地君子外簪纓埃尘良不啻所乐衡门中陶然忘其贵

高馆临澄陂旷然荡心目澹澹动云天玲珑映墟曲鹊巢结空林雉雊向幽谷应接无闲暇徘徊以踟躅纒组上春堤侧弁倚乔木 望忽已晦后期洲应绿

晦日寻崔戢李封杜甫

朝光入瓮牖宴寝惊敝裘起行视天宇春气渐和柔兴来不暇嬾今晨梳我头出门无所待徒

步觉自由杖藜复恣意免值公与侯晚定崔李交防心真罕俦每过得酒吃二宅可淹留喜结仁里欢况因令节求李生园欲荒旧竹颇修修引客看扫除随时成献酬崔侯初筵色已畏空罇愁未知天下士至性有此不草芽既青出蜂声亦暖游思见农器陈何当甲兵休上古葛天民不貽黄绮忧至今阮籍等熟醉为身谋威凤高其翔长鲸吞九州地轴为之翻百川皆乱流当歌欲一放泪下恐不收浊醪有妙理庶用慰沉浮

陪王闾州晦日泛舟【二首】

山豁何时断江平不肯流稍知花改岸始驗鸟随舟结束多红粉欢娱恨白头非君爱人客晦日更添愁有迳金沙软无人碧草芳野畦连蛺蝶江檻俯鸳鸯日晚烟花乱风生锦绣香不须吹急管衰老易悲伤

晦日陪侍御泛舟北池得寒字

岑参

春池满复寬晦节耐邀欢月带虾蟆尽霜随獬豸寒水云低锦席岸柳拂金盘日暮舟中散都人夹道看

晦日在桥池亭作 储光羲

温泉作天邑直北开新州未有菰蒲生即开鳬雁游六亭在高岸数岛居中流晦日望清波相与期泛浮西道苦转轂北堤疲行舟清吟红木陰才可遣我忧

江陵晦日陪诸官泛舟 钱起

节物堪为乐江湖有主人舟行安更好山趣久弥新樽酒平生意烟花异国春城南无夜月长袖莫留賓

晦日益州北池陪宴司空曙

临泛从公日仙舟翠幕张七桥通碧沼双树接花塘玉烛收寒气金波隱夕光野闻歌管思水静绮罗香游骑紫林逺飞桡截岸长郊原懷灞浐陂滢沔江潢常侍传花诏偏裨问羽觞岂今南岷首千载播余芳

晦日与苗员外发同游曲江 李端

晦日同攜手临江一望春可怜杨柳陌愁杀故乡人

和李相公勉晦日蓬池游宴【同字】

戴叔伦

高防吹台中新年月桂空貂蝉临野水旌旆引春风细草荣斜岸
纈条出故丛防文复看猎寧与解神同晦日马鐙曲稍次中流作常建

夜寒宿芦苇晓色明西林初日在川上便澄游子心晴天无纈翳郊野浮春陰波静随鱼钓舟
小綠水深出浦见千里旷然谐遠寻扣船应渔父因唱沧浪吟

晦日处士叔园林集防韦应物

遽看萸萸尽坐阙芳年赏赖此林下期清风涤烦想如萌动新煦佳禽发幽响岚岭对高斋春
流灌蔬壤罇酌遗形迹道言屡开獎幸防终夕欢聊用税归鞅

月晦忆去年与亲友曲水游宴

晦赏念前歲京国结年俦骑马宣平里饮酒曲江流形影隔天末空园伤独游雨歇林光交塘
綠鸟声幽凋畦积逋税华髻杂新愁谁言恋虎符终当还故丘

晦日呈诸判官韩滉

晦日新晴春日娇万家攀折渡长桥年年老向江城寺不觉东风换柳条

奉和顾况

江南无处不闻歌晦日中军乐更多不是风光依柳色却緣威令动阳和

晦日陪顏使君白苹洲集东字

释皎然

南朝分古郡山水似湘东堤月吳风在湔车楚客同桂寒初结佩苹小顾成丛时晦佳期促高
歌聽未终晦夜李侍御宅集懷潘成汤衡海上人饮乐得开字

晦夜不生月琴轩犹未开墙东隐者在淇上逸僧来茗爱传花领诗看卷叶裁风流高此防晚
策屡徘徊

晦日宴游严维

晦日溱裾俗春楼置酒时出山还已醉谢客旧能诗溪柳薰晴浅岩花待闰迟为邦久无事比屋日熙熙省试晦日同至昆明池泛舟 朱余庆

故人同泛处逖望色中明静见沙痕露凝思月魄生周回余雪在浩 暮云平戲鸟随兰棹空波荡石鲸刼灰难问理岛树偶知名自省曾追赏无如此日情

晦日送穷【二首】

年年到此日沥酒向街中万户千门看无人还送穷送穷穷不去相泥欲何为今日官家宅淹留又几时

歲時雜詠卷十

宋 蒲積中 編

中和節【古詩十一首今詩三首】

中和節日宴百寮【二首】 德宗

韶年啟仲序初吉諧良辰肇茲中和節式慶天地春歡酣朝野同生德區宇均云開洒膏露草
疏芳河津歲華今載陽東作方肆勤慙非薰風唱曷用慰吾人

東風變梅柳萬彙生春光中和紀月令方與天地長耽樂豈予尚懿茲時景良庶遂亭育恩同
致寰海康君臣永終始交泰符陰陽曲沼水新碧華林桃稍芳勝賞信多歡戒之在無荒

中和節賜百官防集因示所懷

至化恒在宥保和茲息人推誠撫諸夏與物長為春仲月風景暖禁城花柳新芳時協金奏錫
宴同羣臣絲竹豈云樂忠賢惟所親庶洽朝野意旷然天下均

奉和聖制中和節曲江宴百寮 李泌

風俗有時變中和節惟新軒車雙闕下宴防曲江濱金石何鏗鏘簪纓亦紛紜皇恩降自天品
物咸知春慈惠匝寰瀛歌詠同君臣

奉和聖制賜百官宴示懷權德輿

萬方慶嘉節宴喜皇澤均曉開萸葉初景麗星鳥春 思貞百度着明并三辰物情舒在陽時
令宏至仁衢酒和樂被薰弦聲曲新賡歌武弁側永荷 化醇

皇帝移晦日為中和節 呂渭

皇心不向晦改節號中和淑氣同風景嘉名別詠譌湔裙移旧俗賜尺下新科歷象千年正醑
醕四海多花隨春令發鴻度歲陽過天地齊休慶歡聲欲蕩波

中和節詔賜公卿尺陸復禮

春仲令初吉歡樂大中皇恩貞百度寶尺賜羣公欲使方隅法還令規矩同捧觀珍質麗拜
受聖恩崇如荷丘山重思酬分寸功從茲度天地與國慶無窮

又李观

淑节韶光媚皇明宠锡崇具寮颁玉尺成器幸良工岂止寻常用将传度量同人何不取则物亦頼其功紫翰宣殊造丹诚励匪躬奉之无失坠恩泽自天中

又裴度

阳和行庆赐尺度及羣公荷宠承佳节倾心立大中短长思合制遠近贵攸同共仰裁成德时酬分寸功作程施有政垂范播无穷愿续南山寿千春奉圣躬

吐蕃外馆中和日寄朝中寮旧吕温

清时令节千官防絕域穷山一病夫遥想满堂歌笑处防人縁我向西隅

二月一日是贞元旧节有感寄窦三卢七

同事先皇立玉墀中和旧节又支离今朝各自看花防万里遥知掩泪时

奉和御制中和节【以下今诗】杨亿

佳节更春晦长标令甲名天渊摇緑浪仙杏吐丹荣连鼓将惊蛰高枝已变莺云谣传下土汉曲被新声

又刘筠

载阳临仲序初吉协嘉名国授民时正天资植物荣草薰翔泽雉风暖度林莺尧思存稽古洋洋播颂声

又晏殊

正元崇吉序宝历记良辰营室彤曦转勾芒令祀新尧冀方告朔汉時更宜春莒叶农畊如膏洒泽频

春分【古诗二首今诗二首】

春分投简明洞天作元稹

中分春一半今日半春徂老惜光陰甚慵牵兴绪孤偶成投秘简聊得泛平湖郡邑移仙界山川展画图旌旗遮屿浦士女满闾閤似木吴儿劲如花越女姝牛依惊力直蚕妾笑睢盱怪我

携章甫嘲人托鹧鸪间阎随地胜风俗与华殊跣足防流妇丫头避役奴雕题虽少有鸡卜尚多巫乡味尤珍蛤家神爱事乌舟船通海峤田种绕城隅栲比千艘合袈裟万顷铺玄茶阆小市渔火隔深芦日脚斜穿浪云根远曳蒲欵风花气度新雨草芽苏粉坏梅辞萼红含杏缀珠耨余秧渐长烧后葑犹枯绿縠高悬柳青钱密辨榆驯鸥眠浅濞惊雉迸平芜水净王余见山空谢豹呼燕狂梢蛺蝶螟挂集蒲卢浅碧鹤新卵深黄鹅嬾鷄邨扉门白板寺壁耀赭糊禹庙才离郭陈庄恰半途石帆何峭峬龙瑞本萦纡穴为探符坼潭因失箭剜堤形穹熨斗峰势拥香炉幢葢迎三洞烟霞贮一壶桃枝蟠复直桑树亚还扶鼈解称从事松堪作大夫荣光飘殿阁虚籁合笙竽庭狎仙翁鹿池游县令鳧君心除健美扣席入虚无冈蹋翻星纪章飞动帝枢东皇提白日北斗下都骑吏帮皆紫科车幘尽朱地侯鞭社伯海若跨天吴雾喷雷公怒烟扬灶鬼趋投壶怜玉女嚙饭笑麻姑果实经千岁衣裳重六铢琼杯传素液金匕进雕胡掌里乘来露杵中钓得鲈菌生悲局促柯烂觉湏臾稊米休言圣醯鸡益【一作盎】伏愚鼓鼙催暝色簪组防微躯遂别真徒侣还来世路衢题诗叹城郭挥手谢妻孥幸有桃源近全家肯去无

次韵白居易

青春行已半白日坐将徂越国强仍大稽城高且孤利饶盐煮海名胜镜澄湖牛斗天垂象台明地展图【天台四明二山名】壤奇填市井佳丽溢闾閭勾践遗风霸西施旧俗姝船头龙夭矫桥脚兽睚眦乡味珍彭越时鲜贵鹧鸪语言诸夏异衣服二方殊捣练蛾眉婢鸣榔蛙角奴江清敌伊洛山翠胜荆巫华表双栖鹤联樯防防乌烟波分渡口云树接城隅涧远松如画洲平葑似铺绿针秧早稻紫笋坼新芦暖踏沙中藕香寻石上蒲雨来萌尽达雷后蛰全苏柳眼黄丝窰花房绛防珠林风新竹折野烧老桑枯带弹长条蕙钱穿短贯榆暄和生野菜卑湿长街芜女浣纱相伴儿烹鲤一呼山魃啼稚子林狖挂都卢产业论蚕蚁孳生计鸭雏泉岩雪飘洒苔壁锦漫糊堰限舟航路堤通车马途耶溪防回合禹庙迳盘纡洞穴何因凿星槎谁与刳石凹仙药臼峯峭佛香鑪去为投金简来因挈玉壶贵仍招客宿健未要人扶闻望贤丞相仪形美丈夫前驱驻旌旆偏坐列笙竽刺史旗翻隼尚书履曳鳧学禅超后有观妙造虚无髻里传僧宝环中得道枢登楼诗八韵置砚赋三都捧拥罗将绮趋跄紫与朱庙谋藏稷卨兵略贮孙吴令下三军整风高四海趋千家得慈母六郡事严姑重士过三哺轻财抵一铢【婆娑谁云他自在天衣重一铢】送觥歌宛转嘲妓笑卢胡佐饮时烹鼈蠲醒数鲙鲈醉乡虽咫尺乐事亦湏臾若不中贤圣何由外智愚伊予一生志我尔百年躯江上三千里城中十二衢出多无伴侣归只对妻孥白首青山约抽身去得无

春分后作【以下今诗】沈 邁

中分和煦半分侵风恶桃枝已不禁山雨昼昏千里目野禽谁识一春心手轮厯日怜时物自覓诗题遣醉吟花下潜夫聊自慰防人谈咲对园林

春分后雪蕲 轼

雪入春分省见稀半开桃杏不胜威应慙落地梅花湿却作漫天柳絮飞不分东君专节物故将新巧发陰机从今造物尤难料更暖湏留御臘衣

春社【古诗六首今诗九首】

州城西园入斋祠社陈叔达

外坛预洁祀诘旦肃分司违气风霜积登光日色迟农教先八政阳和秩四时祈年服乘冕吉币动褰帷瘞地尊余奠人天庶有资椒兰卒清酌簠簋彻香其折俎分胙充庭降受厘方憑知礼节况奉化雍熙

社日兼春分端居有怀 权德輿

清昼开帘坐风光处处生防花诗思发对酒客愁轻社日双飞燕春分百啭莺所思终不见还是一含情社日题华岳寺【贞元二十年正月二十五日自洛之京二月三日春社至华岳寺憩寥师院曾未逾月又复徂东谒寥师因题四韵】

山前古寺临长道来往淹留为爱山双鷺营巢始西别百花成子又东还暝駟羸马频看 晓听鸣鸡欲度關羞见寥师无外役竹 依旧老身闲

嘉兴社日李商隐

消渴天涯寄病身临邛知我是何人今年社日分余肉不值陈平又不均

社日早出赴祠祭 令狐楚

满城人尽闲惟我早开關慙被家童问因何别旧山遭田父泥饮美严中丞 杜 甫

步履随春风邛邛自花柳田翁逼社日邀我尝春酒酒酣夸新尹畜眼未见有回头指大男渠是弓弩手名在飞骑籍长番歲时久前日放营农辛苦救衰朽差科死则已誓不举家走今年大作社拾遗能住否叫妇开大瓶盆中为吾取感此气扬扬须知风化首语多虽杂乱說尹终在口朝来偶然出自卯将及酉久客惜人情如何拒隣叟高声索果栗欲起时被肘指挥过无礼未觉邛野丑月出遮我留仍嗔问升斗

社日寄君庸主簿【以下今诗】 黄庭坚

花发社公雨陰寒殊未开初闻燕子语似报玉人来遮眼使书册逃聋欠酒杯传声习主簿勤为拨春醕次韵刘原甫社后对雪 梅尧臣

社日遇羣饮北风归马骄阳乌云半晦来燕翅难调朝霞侵花冷春英到地消宿醒无酒解薄
被觉寒饶炉炭重燃兽衣裘更御貂蛰宫虫复闭时鸟腹将枵防缀何多思轻狂不柰飘唯知
妍可玩宁恤气为妖剡客偶然奥海鸥飞次朝唱高仍和寡公又作长謡

次韵奉和永叔社日

玉卯不吞龙嗜肉鷺子成衣去华屋老枿半黄田鼓鸣梅下宰平谁似玉茂陵尝説泣秋风王
母惜传双鬓緑东隣社日思早归长饥不及侏儒腹积豕新烹白醪熟奋衣坐地无拘束骊山
夜寒抗 哭漫把漆书留冢竹

次韵和长文社日祿祀出城

晓出春风已摆条应逢社伯马蹄骄坛边宿雨微霑麦水上残冰拥遏桥燕子飞来依旧近雁
行归去试教调北扉西掖多才思相与飘飘在沆寥

春社

年年迎社雨淡淡洗林花梅下赛田鼓坛边伺肉鷄春醪朝共饮野老暮相哗燕子何时至长
皐防翅斜五月十七日四鼓梦与孺人在宫庭谢恩至尊令小黄门宣谕曰今日社卿喜此佳
辰便可作诗进来枕上口占

同谒未央殿共霑明主恩冕旒亲日月蹈舞荷乾坤龙尾三重峻螭头几级尊德音欣社日抚
语走黄门陰防皆如实阳开不复存空余破 月流影到牀根

社日

欲社先知雨时归未见花那能长作客夜夜梦还家

奉和圣制社日晏殊

天官考厯占元日浹防祈农协盛时芟柞尚传周室颂粉榆仍秩汉家祠三农普遂耕耘乐万
室均承雨露滋推防授人敷景化穰穰喜贍亿年期

社日

山郡多暇日社时放更归坐客独成闷行塘阅清辉春风动高柳芳园掩夕扉遥思里中防心
绪怅微微

歲时杂咏卷十一

宋 蒲积中 编

寒食上【古诗】

咏寒食鬪鸡秦王教杜 淹

寒食东郊道扬鞦竞出笼花冠初照日芥羽正生风顾敌心知勇先鸣觉气雄长翹频埽阵利距屡通中飞毛遍綠野洒血散芳丛虽然百战胜防自不论功

驩州风景不作寒食沈佺期

海外无寒食春来不见饒洛阳新甲子何日是清明花柳争朝发轩车满路迎帝乡遥可念腸断报亲情

寒食还陆浑别业 宋之问

洛阳城里花如雪陆浑山中今始发旦别河桥杨柳风夕卧伊川桃李月伊川桃李正芳新寒食山中酒复春野老不知尧舜力酣歌一曲太平人

寒食江州蒲塘驿

去年上巳洛桥边今年寒食庐山曲遥怜巩树花应满复见吴洲草新綠吴洲春草兰桂芳感物思归怀故乡驿骑明朝宿何处猿声今夜断君腸

初到黄梅临江驿

马上逢寒食愁中属暮春可怜江浦望不见洛桥人北极怀明主南溟作逐臣故园腸断处日夜柳条新

和宋十一临江驿作【此首彙函作崔融后首作胡皓】

春风自淮北寒食渡江南忽见浔阳水疑是宋家潭明主闾难叫孤臣逐未堪遥思故园陌桃李正酣酣宋司金上巳日寒食题临江驿篇见而有感率

尔同作 崔 融

闻道山陰防仍为火忌辰途中甘弃日江上昔伤春流水翻催泪寒灰更伴人丹心终不改白

髮为谁新

寒食絕句李崇嗣

普天皆灭焰匝地尽藏烟不知何处火来促客心燃

寒食应制韦承庆

凤城春色晚龙禁早晖通旧火收槐燧余寒入桂宫莺啼正隱叶鸡鬪始开笼
葛葛瑶山满仙歌始乐风

初入秦川路逢寒食明 皇

洛川芳树映天津灞防垂杨窣地新直为经过行乐处不知虚度两京春
去年有闰今春早曙色和风着花草可怜寒食与清明光辉并在长安道
自从關路入秦川争道何人不戏鞭公子涂中妨蹴鞠佳人马上废秋千
渭水长桥今欲度葱葱渐见新丰树遠看骊岫入云霄预想汤池起烟雾
烟雾氛氲水殿开暫拂香轮归去来今歲清明行已晚明年寒食更相陪

应制奉和 张 說

上阳柳色唤春归临渭桃花拂水飞總为朝廷巡幸去顿教京洛少光辉
昨从分陝山南口驰道依依渐花柳入關正投寒食前还京遂落清明后
路上天心共豫遊御前恩赐特风流便幕那能镂鸡子行宫善巧帖毛毬
渭桥南渡花如扑麦陇青青断人目汉家行树置新丰秦地骊山抱温谷
温谷香池春溜平预欢浴日照京城今歲随宜过寒食明年倍宴作清明

奉和寒食应制

寒食春过半花秾鸟复娇从来禁火日防接清明朝鬪敌鸡殊胜争毬马
絕调晴空数云防香树百风摇改木迎新燧封田表旧烧皇情爱嘉节传曲与箫韶

襄阳路逢寒食

去年寒食洞庭波今年寒食襄阳路不辞看处多山水只畏还家落春暮

寒食宴于中舍兄弟宅 苏 颋

子推山上歌龙罢定国门前纳驷来始覩元昆锵玉至旋闻季子佩刀回
晴花处处因风起御柳条条向日开自有长筵欢不极还持防服咏南陔

常州崔使君和寒食夜 孙 逖

闻道清明近春庭向夕阑行游昼不厌风物夜宜看斗柄更初转梅香暗里残无劳秉华烛清月在南端

和上巳连寒食有懷京洛

天津御柳碧遥遥轩骑相从半下朝行乐光辉寒食借太平歌舞晚春饶红妆楼下东郊道青草洲边南渡桥坐见司空扫西第看君侍从落花朝

寒食泛水山中作 王 维

广武城边逢暮春汶阳归客泪沾巾落花寂寂啼山鸟杨柳青青渡水人

寒食城东即事

清溪一道穿桃李演漾绿蒲涵白芷泾上人家防落花共落东家水蹴鞠屡过飞鸟上秋千竞出垂杨里少年分日作遨游不用清明兼上巳

寒食【诗苑春秋作寒食懷介之推】 卢 象

子推言避世山火遂焚身四海同寒食千秋为一人深冤何用道峻迹古无隣魂魄山河气风雷御防神光烟榆柳灭怨曲龙蛇新可叹文公霸平生负此臣

寒食即事 王昌龄

晋阳寒食地风俗旧来传雨灭龙蛇火春生鸿雁天犹移卿仗出歌发舞云旋西见之推庙空为人所怜

寒食 杜 甫

寒食江村路风花高下飞江烟轻冉冉竹日净晖晖田父要皆去隣家行不违地偏相识尽鸡犬亦忘归

一百五日夜对月

无家对寒食有泪如金波斫却月中桂清光应更多此 放红蕊想像嚙青蛾牛女漫愁思秋期犹渡河

寒食夜苏二宅

寒食明堪坐春参夕已垂好风经柳叶清月照花枝客泪闻歌掩归心畏酒知佳辰邀赏遍忽忽更何为

寒食日寄李补阙 郭 鄆

兰陵士女满晴川郊外行行拜古埏万井闾阎皆禁火九原松柏自生烟人间后事悲前事镜里今年老去年介子终知禄不及王孙谁肯一相怜

寒食卢 纶

孤客飘飘岁载华况逢寒食倍思家莺啼远树多从柳人哭荒坟亦有花浊水秦渠通渭急黄埃京洛上原斜驱车西近长安好宫观参差半隐霞

舟中寒食

寒食空江曲孤舟 水前鬪鸡沙鸟异禁火防花燃日霁开愁望波喧警醉眠因防数茎髮倍欲惜芳年

寒食日即事 韩 翃

春城无处不飞花寒食东风御柳斜日暮汉宫传蜡烛轻烟散入五侯家

寒食韦应物

清明寒食好春园百卉开防绳拂花去轻毬度阁来长歌送落日缓吹逐残杯非闕无烛罢良为羈思催

寒食日寄诸弟

禁火暖佳辰念离独伤抱见此野田花心思杜陵道聯骑定何时予今颜已老

寒食后北楼

园林过新节风花乱高阁遥闻击鼓声蹴鞠军中乐

寒食

雨中禁火空斋冷江上流莺独坐听把酒看花想诸弟杜陵寒食草青青

寒食絕句孟云卿

二月江南花满枝他乡寒食遠堪悲贫居往往无烟火不独明朝为子推

寒食日恩赐火窦叔向

恩光及小臣华烛忽惊春电影随中使星辉挂路人幸因榆柳暖一照草茅贫

平陵寄居再逢寒食朱湾

防回江上泣途穷每遇良辰叹转蓬火燧知从新节变灰心还与故人同莫听黄鸟愁啼防自有花开向客中贫病固应无挠事但将怀抱醉春风

逼寒节寄崔七湖州崔使君之子

闲庭只是长莓苔三径曾无车马来旅馆尚愁寒食火羈心嬾向不燃灰门前下客虽弹铗溪畔穷鱼且曝腮他日趋庭应问礼须言陋巷有颜回

寒食日同陆处士行报德寺宿释皎然

古寺章陵下潜公住防年安心生软草灌顶引春泉寂寂传灯地寥寥禁火天世间多暗室白日为谁悬

和陈中丞使君长源寒食日作

寒食江天气清庾公晨望动高情因逢禁火千家静更覩行春万木荣深浅山容飞雨细萦纡水态拂云轻腰章本郡谁相似数日临人政已成

寒食下第通简长安故人武元衡

柳桂九衢丝花飘万里雪如何憔悴客对此芳菲节寒食都人重胜游相如独自闭门愁尝闻娄防因名达君试将余问五侯

同陈六侍御寒食日游禅定藏山上人院

年少轻行乐东城南陌头多君寂寞意共作草堂游

寒食野望熊孺登

拜扫无过骨肉亲一年惟此两三辰
冢头莫种有花树春色不關泉下人

雨中寒食羊士谔

令节逢烟 园亭但掩關佳人宿妆薄
芳树防绳闲归思偏消酒春寒为近山
花枝不可见别恨五陵间寒食宴城北
山池即故郡守郑纲目为折柳亭

别馆青山郭游人折柳行落花经上已
细雨带清明鶗鴂流芳暗鸳鸯曲水平
归心何防醉宝瑟有秦声寒食日献郡
守卫使君 伍唐珪

入门堪笑复堪怜三迳苔封一钓船
惭愧四隣教断火不知厨里久无烟

小寒食舟中作杜甫

佳辰强饮食犹寒隱几萧条戴鹖冠
春水船如天上坐老年花似雾中看
娟娟戏蝶过闲幔片片轻鸥下急湍
云白山青万余里愁看直北是长安

熟食日示宗文宗武

消渴游江汉羈栖尚甲兵防年逢熟食
万里逼清明松柏邛山路风花白帝城
汝曹催我老回首泪纵横

又示两儿

令节成吾老他时见汝心浮生看物变
为恨与年深长葛书难得江州涕不禁
团圆思弟妹行坐白头吟

寒食行

寒食家家出古城老人看屋少年行丘
垅年年无旧道车徒散行入衰草牧童
驱牛下冢头畏有人家来洒扫遠人无
坟水头祭还引妇姑望乡拜三日无火
烧纸钱纸钱那得到黄泉但有垅土无
新土此中白骨应无主

之任武陵寒食日途次寄刘员外

窦常

杏花榆荚晓风前云际离离上峡船江转数程淹驿骑楚曾三户少人烟看春又过清明节
老重经癸巳年幸得柱山当郡舍在朝长咏卜居篇

酬窦大员外松陵渡见寄之作

刘禹锡

楚乡寒食橘花时野渡临风驻防旗草色连云人去住水纹如縠燕参差朱轮尚忆羣飞雉青
绶初悬左顾龟非是湓城鱼司马水曹何事与新诗

窦防州见寄寒食日忆故姬小红吹笙因和之

鸾声窈窕管参差清韵初调众乐随幽院妆成花下弄高楼月好夜深吹忽惊暮槿飘零尽唯
有朝云梦想期间道今年寒食日东山旧路独行迟

寒食夜 元稹

红染桃花雪压梨玲珑鸡子鬪羸时今年不是明寒食暗地秋千别有期

寒食日

今年寒食好风流此日一家同出游碧水青山无限思莫将心道是通州

寒食日毛定路示侄晦及從简

我昔孩提从我兄我今衰向尔初成分明寄取原头路百世长湏此路行

寒食夜有懷

寒食非短非长夜春风不热不寒天可怜时节堪相忆何况无灯各早眠

寒食月夜

风香露重梨花湿草舍无灯愁未入南郊北里歌吹时独倚柴门月中立

寒食江畔

草香河暖水云晴风景令人忆帝京还似往年春气味不宜今日病心情闻莺树下沈吟立信
马江头取次行忽见紫桐花怅望下邳明日是清明

寒食夜

四十九年身老日一百五夜月明天抱膝思量何事在痴男騃女唤秋千

途中寒食许浑

处处哭声悲行人马亦迟店闲无火日村暖斫桑时泣路同杨子烧山忆介推清明明日是甘
负故园期

歲时杂咏卷十二

宋 蒲积中 编

寒食【古诗】

中书连直寒食不归因懷元九白居易

去歲清明日南巴古郡樓今年寒食夜西省凤池头并上新人直难随旧伴游诚知视草贵未免对花愁鬢髮莖莖白光陰寸寸流经春不同宿何异在忠州

送李校书赴寒食归义兴山居

大见腾腾诗酒客不忧生计似君稀到舍将何作寒食满船唯载树栽归

寒食洛下宴游贈冯李二少尹

丰年寒食节美景洛阳城三尹皆强健七日尽清明东郊踏青草南园攀紫荆风拆海榴艷露坠木兰英假开春未老宴合日屡倾珠翠混花影管弦藏水声佳防不易得良辰亦难并听吟歌暂辍看舞杯徐行米价贱如土酒味浓于饬此时不尽醉但恐负平生殷勤二曹长各奉一银觥

病中多雨逢寒食

水国多陰常懶出老夫饶病爱闲眠三旬卧度莺花月一半春消风雨天薄暮何人吹簢策新晴防防转秋千丝绳芳树长如旧唯是年年换少年

洛阳寒食日作十韵

上苑风烟好中桥道路平蹴毬尘不起泼火雨新晴宿醉头仍重晨游眼乍明老慵虽省事春诱尚多情遇客踟躕立寻花取次行连钱嚼金勒凿落防银 府醞伤教送官娃喜要迎舞腰那及柳歌舌不如莺乡国真堪恋光陰可合轻三年遇寒食尽在洛阳城

寒食

人老何所乐乐在归乡国我归故园来九度逢寒食故园在何防时馆东城侧四邻梨花时二月伊红色岂独好风土仍多旧亲戚出去恣懽游归来聊燕息有官共禄俸无事劳心力但恐忧隱多微躬消不得

翫半开花赠皇甫郎中【八年寒食日池东小楼上作】

忽讶春来晚无烦花发迟人怜全盛日我爱半开时紫防黏为蒂红酥防作防成都新夹纈梁
汉碎燕支树杪真珠颗墙头小女儿浅深妆驳落高下火参差蝶戲争香朶莺啼选穩枝好教
郎作伴合共酒相随醉翫无胜此狂嘲更让谁犹残少年兴未似老人诗西月凭轻照东风莫
教吹明朝应烂熳后夜更离披林下遥相忆楼前暗有期衔杯嚼蕊思唯我与君知

寒食日寄杨东川

不知杨六逢寒食作【音佐】 欢娱过此辰兜率寺高宜望月嘉陵江近好遊春蛮旌似火
行随马蜀妓如花坐绕身不使黔娄夫妇看夸张富贵向何人

病后寒食

故纱绛帐旧青氍美酒醺醺引醉眠抖擞弊袍春晚后摩挲病脚日阳前行无筋力寻山水坐
少精神听管 抛掷风光负寒食曾来未省似今年

寒食日过枣团店

寒食枣团店春堤杨柳枝酒香留客住莺语撩人诗困立攀花久慵行上马迟若为将此意前
字与僧期

寒食夜寄姚侍御张籍

贫官多寂寞不异野人居作酒和山药教儿写道书五湖归去遠百事病来疎况忆同懷客寒
亭月上初

寒食日内宴【二首】

朝光瑞气满宫楼防蠹鱼龙四面稠廊下御防分冷食殿前香骑逐飞毬千官尽醉犹教坐百
戲皆呈亦未休共喜拜恩侵夜出金吾不敢问行由

城阙沈沈向晚寒恩当冷节赐余欢瑞烟深防开三殿香雨微时引百官宝树楼前分綉幕防
花廊下映朱栏空庭戲乐年年别已得三回对御看

寒食看花王建

早入空门到夜归不因寒食少开时颠狂绕树猿离鎖踊跃緣岗马断羈酒污衣裳从客笑醉
饶言语覓花知老来自喜常无事仰面西园得咏诗

寒食忆归

京中曹局无多事寒食贫儿要在家遮莫杏园胜别防亦湏归看傍邨花

寒食

綠杨枝上五丝绳枝弱春多顾不胜惟有一年寒食日女郎相唤摆阶

寒食后

田舍清明日家家出火迟白衫眠古巷红紫搭高枝纱带生难结铜钗重易垂斩新衣着尽还似去年时

寒食书事【二首】

今朝一百五出户雨初晴舞爱双飞蝶歌闻数里莺江深青草防花满白云城为政多孱懦应无酷吏名出城烟火少况复是今朝雨坐将谁语临觴只自谣堦前春藓偏衣上落花飘妓乐州人戲使君心寂寥寒食城南即事因访蓝田韦明府殷竟藩

闲出城南禁火天路傍骑马独摇鞭青松古墓伤碑碣红杏春园羨管 徒說鸚鵡膏玉剑漫夸蚨血防铜钱世间尽是悠悠事且饮韦家冷酒眠

建元寺【寺在常州东郭松扉竹院各在岗阜地甚踈野郊外无歲寒食时里人犹埽径过之大厯中诗人郭郾曾赋寒食诗赠吏部先是当时以为絕唱尝在儿童即闻此诗非欲和蓋记事因书】

江城物 伤心地遠寺经过禁火辰芳草垅边回首客野花丛 断肠人紫荆繁艷空门画红药深开古殿春叹惜光陰催白髮莫悲风月独沾巾

寒食后忆山中

遥思寒食后野老林下醉月照一山明风飘百花气幽泉与万籁髣髴疑箫吹不待曙华分已应喧鸟至

寒食日三殿侍宴奉进

宛转龙歌节差池燕羽高风光摇禁柳霁色暖宫桃春露明仙掌晨霞照日袍雪凝陈组练林植耸干旄黄鹤初跼凤神仙欲扑黿鸣霞朱鹭起叠鼓紫骝豪象舞严金铠丰歌耀宝刀不劳孙子法自得太公韬【已上奉述内乐破陈乐】分席罗 冕行觴举綠醪壳中时落羽槿末

乍升獐瑞景开陰翳薰风散郁陶天颜欢益晬臣节罄忘劳楛矢方来贡雕弓已载橐武威扬
絕漠神筭静临洮【已上四句奉述北敌欵塞西域畏威】赤县阳和布苍生雨露膏野平唯
秀麦田辟久无蒿禄秩荣三事功勤乏一毫寢谋慙汲黯秉羽媿孙敖焕若遊 圃懽如享太
牢轻生何以报只自比鸿毛

寒食野望李 郢

旧坟新陇笑多时流世都堪防度飞鸟乱啼人未遠野风吹散白棠梨

寒食节日寄楚望【二首】 温庭筠

芳兰无意綠弱柳何穷缕心断入淮山梦长穿楚雨繁花如二八好月当三五愁碧竟平臯韶
红换幽圃流莺隐负树乳燕喧余哺旷望恋层台离忧集环堵当年不自遣晚得终何补郑谷
有樵苏归来要腰斧

家乏两千万时当一百五颺颺杨柳风瀼瀼櫻桃雨年芳苦沈療心事如摧鲁金犢近澜汀铜
龙接花坞青葱建杨宅隐轡端门鼓防索拂庭柯轻毬落邻圃三春谢游衍一笑牵规矩独有
恩泽侯归来防楚舞

寒食前有懷

万物鮮华雨乍晴春寒寂歷近清明残芳荏苒双飞蝶晓睡朦朧百啭莺旧侶不归来独酌故
园虽在有谁耕悠然更起严滩恨一宿东风蕙草生

寒食日作

红深綠暗遥相交抱暖含春披紫袍防索平时墙婉婉轻裘落防脱寥梢 中草色妬鸡卵盘
上芹泥憎燕巢自有玉机芳意在不能骑马度烟郊

走笔答评事翁家賜飴粥李商隐

粥香飴白杏花天省对流莺坐綺筵今日寄来春已老凤楼迢递忆秋千

寒食行次冷泉驿

归途仍近节旅思倍思家独夜三更月空庭一树花介山当驿秀汾水绕關斜自怯春寒苦那
堪禁火餘

禁火薛 逢

日月冒烟尘忽忽禁火辰
榆關水湿边草贼回春
歲月伤行迈疮痍念苦辛
沙中看白骨肠断故乡人
寒食夜池上对月懷友 雍 陶

人间多别离防防是相思
海内无烟夜天涯有月时
跳鱼翻荇叶惊鸟出花枝
亲友皆千里三更独绕池

寒食赵 嘏

折柳城边起暮愁可怜春色独懷羞
霑襟正叹人间事回首更慙江上鸥
鷓鴣声中寒食酒芙蓉花外夕阳楼
凭高满眼送清渭去傍故山山下流

寒食新丰别友

一百五日家未归新丰鸡犬独依依
满楼春色傍人醉半夜雨声前计非
繚绕沟塍含綠晚荒凉树石向川微
东风吹泪对花落憔悴故交相见稀

东都居寒食下作 陈 润

江南寒食早三月杜鹃鸣日暖山初綠
春寒雨欲晴浴蚕看社日改火待清明
更喜 田好令人忆邵平

寒食遣懷张 灿

繁花泣清露悄悄落衣巾明日逢寒食
春风见故人病来羞滞楚西去欲迷秦
憔悴此时夜青山归四隣

寒食山馆书情

独把一杯山馆中每经时节恨飘蓬
侵堦草色连朝雨满地愁花昨夜风
蜀魄啼来春寂寞楚囚吟后月朦朧
分明记得还家梦徐孺宅前湘水东

越中遇寒食 施肩吾

去歲清明雪溪口今朝寒食镜湖西
信知天地心不易还有子规依旧啼

樊川寒食喻 鳧

新和抽綠草古栢翳黄沙佩珂客惊鸟
绮罗人间花蹙尘南北马碾石去来车
川晚悲风动坟前碎纸斜

寒食日郊外云表

寒食悲看郭外春野田无处不伤神平原累累添新冢总是年来吾哭人

寒食日东阳道中作方干

百花香气傍行人花底垂鞭日易曛野火不知寒食节穿林转壑自烧云

寒食日十二时亥时李宣古

人定朱门尚半开 星粲粲防昭回此时寒食无灯烛花柳苍苍月欲来

寒食薛能

美人寒食事春风折尽青青赏尽红夜半无灯还不寐秋千悬在月明中

寒食日曲江

曲江地边青草防春风林下落花杯都门此日是寒食人去看多身独来

寒食日有懷

流落伤寒食登临望歲华邨毬高过索坟树綠和花晋聚应搜火秦喧定走车谁知恨榆柳风景似吾家新定陪太守一百五夜南馆玩月 陆龟防

风雨杀春处处伤一宵云尽见沧浪全无片烛侵光彩只有青滩助雪霜烟蔽棹歌归浦淑露将花影到衣裳却嫌殷浩南楼夕一带秋声入恨长

洛中寒食【二首】皮日休

千门万户掩斜晖綉幃金防晚未归击鞠王孙如锦地鬪鸡公子似花衣嵩云静对行台起浴鸟闲穿上苑飞唯有路傍无意者献书未纳问淮淝

遠近垂杨映钿车天涯桥影压神霞防春公子正回首趣节行人不到家洛水万年云母竹汉陵千载野棠花欲知豪贵堪愁防请看邙山晚照斜

登第后寒食杏园有宴因寄録事宋垂文同年

雨洗清明万象鲜满城车马簇红筵恩荣虽得陪高防科禁惟忧犯列仙当醉不知开火日正

贫那似看花年捻来恐被青娥笑未纳春风一宴钱

次韵酬张补阙俯临寒食见寄 郑谷

柳近清明翠缕长多情右袞不相忘开缄虽覩新篇丽破鼻湏闻冷酒香时态颇随人上下花
心甘被蝶分张朝稀旦莫轻春赏胜事由来在帝乡

钟陵寒食日与同年裴颜李先辈郑校书郊外

同游【二首】曹松

寒节钟陵香骑随同年相命楚江湄云间预过秋千女地上声喧蹴鞠儿何防寄烟归草色谁
家送火在花枝银瓶冷酒皆倾尽早卧垂杨自不知

可怜时节足风情杏子粥香如冷饧无奈无风偷旧火遍教人唤作山樱

寒食日题杜鹃花

一朵又一朵并开寒食时谁家不禁火捻在此花枝

寒食洛阳道 吴融

路岐无乐防时节倍思家防索飏轻吹黄鹂啼落花连轨驰宝马历轳𨔵香车纤客𨔵回首看
看春日斜

寒食夜 韩偓

恻恻轻寒剪剪风小桃如雪杏花红夜深斜搭秋千索楼阁防胧烟雨中

避地寒食

避地淹留已自悲况逢寒食欲霑衣浓春孤馆人愁坐斜日空园花乱飞迹辱渐忧知己薄时
危又与赏心违一名所系无穷事争敢当年便息机

寒食日沙县雨中看蔷薇

何防遇蔷薇殊乡冷节时雨声笼锦帟风势偃罗帷通体全无力酡颜不自持绿踈微露刺红
密欲藏枝惬意凭栏久贪吟放盏迟官人应见讶自醉自题诗

秋千【二首】

池塘夜歇清明雨绕院无尘近花坞五丝绳系出墙迟力尽才隣见隣圃下来娇喘未能调斜倚朱栏久无语无语兼动所思愁转眼看天一长吐

秋千打困解罗裙指防醺醺索一樽见客入来和笑走手搓梅子映中门

寒食夜有寄

风流大底是依依此际相思必断肠云薄月昏寒食夜隔帘微雨杏花香

寒食日重游李氏林亭有怀

往年曾在弯桥上见倚朱栏咏柳绵今日独来香迳里更无人迹有苔钱伤心濶别三千里屈指思量四五年料得他乡遇佳节亦应懷抱暗凄然

寒食【二首】 李山甫

柳带东风一向斜春陰澹澹蔽人家有时三防两防雨到防十枝五枝花万井楼台疑彩画九原珠翠似烟霞年年今日谁相问独卧长安泣歲华

风烟放荡花披猖秋千女儿飞出墙綉袍驰马掇遗翠锦袖鬪鸡喧广場天地气和融霁色池台日暖绕春光自怜尘土无多事空脱荷衣泥醉乡

寒食日早出城东 罗 隐

青门欲 天车蓋已喧填禁柳梳风细墙花拆露鲜向谁夸丽景只此是流年不得高飞便回头望纸鸢

丙辰年鄜州寒食城外醉吟【五首】

韦 庄

满街杨柳綠丝烟画出清明二月天好是隔帘花树动女郎撩乱送秋千

淮陰寒食足游人金鳳罗衣湿麝熏肠断入城芳草路澹红香白一羣羣

开元坡下日初斜拜埽归来走钿车可惜数枝红艳好不知今夜落谁家

马骄风疾玉鞭长过去唯留一阵香闲客不湏烧破眼好花曾属富家郎

雨丝烟柳欲清明金屋人闲暖凤笙永夜迢迢无一事隔街闻蹴气毬声

寒食都门作 胡曾

二年寒食住金华寓目春风万万家金络马衔原上草玉钗人折路傍花轩车竞出红尘合冠
盖争回白日斜谁念都门两行泪故园寥落在长沙

樊川寒食【二首】 卢延让

寒食权豪尽出门一川如画雨初晴谁家金络游春盛担入花间轧轧声

鞍马和花总是尘歌声处处有佳人五陵年少粗于事桮棬量金买断春

寒食日戏赠李晓侍御

十二月如市红尘咽不开洒蹄骢马汗没处看花来

歲时杂咏卷十三

宋 蒲积中 编

寒食【今诗】

作诗寄王晋卿忽忆前年寒食北城之游走笔

为此诗 蘓 軾

北城寒食烟火防落花蝴蝶作团飞王孙出游乐忘归前门驄马紫金勒吹笙帐底烟霏霏行人举动谁敢睇扣门狂客君不麾更遣倾城出翠帟书生老眼省见稀畫图但觉周昉肥前来春物已再菲西望不见红日围何时东山歌采薇把盞一聽金缕衣

寒食雨【二首】

自我来黄州已过三寒食年年欲惜春春去不容惜今年又苦雨两月秋萧瑟卧闻海棠花泥污燕脂雪暗中偷负去夜半真有力何殊病少年疾起头已白

春江欲入户雨势来不已小屋如渔舟蒙蒙水云里空庖煮寒菜破灶烧湿苇那知是寒食但见鸟衔纸君门深九重坟墓在万里也拟哭涂穷死灰吹不起

徐使君分新火

临臯亭中一危坐三见清明改新火沟中枯木应笑人鑽灼不愁谁似我黄州使君怜久病分我五更红一朵从来破釜跃江鱼只有清诗嘲饮颢起攜防炬绕空屋愿事烹煎无一可爲公分作无尽灯照破十方昏暗锁

和子由寒食

寒食今年二月晦树林深翠已生烟绕城骏马谁能借到处名园意尽便但挂酒壶那计盞偶题诗句不须编忽闻啼鵲惊羈旅江上何人治废田

寒食与器之游南塔寺寂照堂

城南钟鼓鬪清新端为投荒洗瘴尘总是镜空堂上客谁为寂照镜中人红英埽地风惊晓綠叶成陰雨洗春记取明年作寒食杏花曾与此为隣

和代器之

雨过郊原一番新
寻芳车马踏无尘
普天冷食闻前古
萧寺清游属两人
不作佺期阳亲歷
颇同之问感余春
明年归籍葵花上
应防羣姻及四隣

寒食游湖上【集本作寒食未明至湖上太守未来两县令先在】

城头月落尚啼乌
鸟傍红船早满湖
鼓吹未容迎五马
水云先已飏双鳬
映山黄帽螭头舫
夹道青烟鹊尾炉
从病逢春只思睡
且求僧榻寄须臾

寒食日答公择【三首】

从来苏李得名双
只恐全齐笑陋邦
诗似悬河供不办
故欺张籍垅头洿

簿书罄鼓不知春
佳句相呼赖故人
寒食德公方上第
归来谁主复谁賓

巡城已困尘埃眯
执扑仍遭虬虱縁
欲脱布衫携素手
试开病眼防黄连

寒食游南湖【三首】

春睡午方觉
隔墙闻乐声
肩輿试扶病
畫舫聽徐行
适性逢樽酒
开懷忆友生
游人定相笑
白髮近纵横
绕郭春水满
坡堤新柳黄
官池无禁约
野艇得飞扬
浪泛歌声远
花浮酒气香
晚风归棹急
细雨湿红妆
携手临池路
时逢卖酒垆
柳斜低系缆
草緑荐倾壶
波荡春心远
风吹酒力无
冠裳强包裹
半醉遣谁扶

寒食前一日寄仇池

寒食明朝一百五
谁家冉冉尚厨烟
桃花开尽叶初緑
燕子飞来体自便
爱客渐能陪痛饮
读书无思嬾开编
秦川雪尽南山出
思共肩輿看麦田

寒食御筵口号【二首】司马光

雨意沉沉泼水余
防龙盛集退朝初
酒声络绎来丹禁
冠剑叅差下玉除
紫凤归飞云烂熳
黄鹂新啭柳扶疎
麦禾满野边烽息
佳节何妨赋乐胥

圣主褒优赐轴臣
金觴玉醴照青春
万家烟火朝来静
九陌风光雨后新
飞燕高翻惊紫綬
余花防缀托朱轮
问牛因得观民俗
不独嬉游惜令辰

次韵和韩子华寒食休沐与诸公防赵令园暮归马上偶成

冠盖连翩陌上来
风光烂漫拥楼台
玉卮贮酒随宜饮
绮席寻花解处开
小雨前宵先泼火
季

春明日又吹灰须知胜集人间少惆怅金羈容易回

寒辰许昌道中寄幕府诸君

原上烟芜淡复浓寂寥佳节思无穷竹林近水半边绿桃树连村一片红
尽日解鞍山店雨晚天回首酒旗风遥知幕府清明饮应笑区区羈旅中

寒食南宫夜饮

积旬留省署容易庆春华芳草踏青晚长楸行乐踰云疎时送雨风细闇
飞花直有黄金百无因过酒家

寒食游南园独饮

寒食良辰无赏心杂花烂漫柳成阴若非独酌酬佳景一日风光直万金

花山寒食欧阳修

客路逢寒食花山不见花归心随北雁先向洛阳家

寒食宋 白

山上杏花飞阶前柳线垂欲归归未得羞见鴈归时

壬辰寒食王安石

寒食似杨柳春风千万条更倾寒食泪欲涨治城潮白髮雪争出朱顏金
早凋未知轩冕乐但欲老渔樵湖州寒食日陪太守南园宴 梅尧臣

寒食二月三月交红桃破蕊柳染稍阴晴不定野云密默默鼓声湖岸防使君千骑出南圃歌
吹前导后鸣铙是时辄预车马末倾市竞观民业抛竹亭临水美可爱嗑咂草木皆吐苞游人
春服靓妆出笑踏俚歌相与嘲使君白髮体尤健自晨及暮奏酒肴尔辈少年翻易倦倚席欠
伸谁得教公虽不责以正礼我意未容减斗筲逡巡秉烛各分散小人争路何嗷嗷

依韵和禁烟近事之什

狂风暴雨已频过近水梨花着未多 窈窕歌相把袂轻浮赌胜各飞墉闲牵白日游丝飏细
萼黄金舞带拖小苑芳菲花鬪蕊华堂嘲哢燕争窠西州骏马头如驳南国佳人领似搓结客
追随倾畫榼分用游乐借青莎秋千竞打遗钿翠芍药将开剪缬罗我病乞求新火炙无心更

聽竹枝歌

寒食

坟塚徧青山高低占原谷向来路已荒今迷问樵牧陟水到云林隔岗闻近哭沃酒白杨下悲风何飐飐雨止梨园残鸠声在茅屋

依韵和寒食偶书

去歲逢今日雨寒田舍家系驄乌柏树烧眼杜鹃花转坞泥塍滑迷村草径义旋挑初出笋谩掐自生茶农斧穿粲献齿牛童绾髻了乡园方在遠看及种胡麻

依韵和李舍人旅中寒食感事

一百五日风雨急斜飘细湿春郊衣梨花半残意思少客子渐老寻游非戢戢车徒几门感寥寥烛火万家防今朝甘自居穷巷无限墻间得醉归

何陰中寨寒食

击柝声初絕为鱼梦已残幽禽哢清晓宿雨度余寒爨火明千灶风旗展一竿归心慙社燕自叹此防官

寒食日过荆山

山邮难禁火岭树自生烟呜咽同归櫓悲哀欲问天泣亲非泣玉流泪剧流泉春鰲横刀鲙何心更食鲜

寒食前一日陪希深遠游大字院

一百五将近千门烟火防闲过少傅宅喜见老莱衣晓雨竹间霁春禽花上飞禅庭清溜满幽兴自忘归

再至洛中寒食

西洛遇寒食依依似昔年千门方禁火九野自生烟飘泊梨花雨追随杏叶韉游人莫惜醉风景满伊川

宋次道一百五日往郑拜墓

去不避春雨泣望松柏门防然风悲响如感泉下魂沃酹向坟上空湿陈草根人归夜月冷石马在九原

一百五日歌

山民歲時事莽卤犹知拜扫一百五平明士女出城闾黄土冈前列樽俎莼苞粉饵蒸野蔬富家烹羊贫荐鱼日暮肩輿踏风雨江乡人家无犍车插花饮酒山边市醉后歌声动隣里南人闻歌笑相语【一作寻】北人闻歌泪满襟

江城寒食近

江城寒食近风雨作轻寒花落已可惜春衣又怯单畏人成不出已老自无懽沽酒金明道回头十五年自二月末苦雨前一日始晴视园中花殊不败口占

春云霏防弄朝晖清峭余寒透夹衣最喜园花浑似旧十分春色一分归

十八日寒食

寒食清明人意闲春城士女出班班柳黄花自楼台外紫翠江南数叠山

雨中【三首】

手种堦前树今朝亦见花春陰寒食节陋巷逐臣家欲酌消愁酒先浇破睡茶游人归踏雨里巷晚喧哗节物只自好客心何飒然早风清野市夜雨湿江天破屋疎茅滴空厨湿苇烟政烦一杯酒相与庆流年庭院轻寒春雨过江城寒食野花飞故园北望一千里极目江枫客未归

寒食后东园游人甚盛因赋【二首】

芳物忽过半寒食已防 园静鸣鸟下花稀新叶繁焚香翻贝叶谢客掩柴關止酒方清坐畦蔬助晚飡朝寒却觉春衣薄禅诵还将酒盏疎落尽江城千树雪门前杨柳已藏乌

黄人谓寒食上冢为浇山其祭饌多用莼燕菜事已则鸣钲而归因成

携酒浇山去鸣钲彻祭归青蔬燕里莼白酒市无旗【市多私醞不立旗望】日暮人皆醉夜深歌似啼【上冢归则路歌还声似悲泣】故人书问我何用久居夷

寒食前一日大雨不止

寒食穷愁叹陋邦可怜终日雨淙淙不妨农亩云连稼独惜园花锦脱妆最苦繁声欺陋巷愿

看晴色放春江明朝日出谁能料已喜灯光照夜窗

寒食

荒山野水非吾土寒食清明似去年杨柳插门人竞笑呉儿不信子推贤【黄有效此方作子推插柳者人笑之】

寒食 白沙【二首】

莫惊客路已经年尚有青春一半妍试上芳堤望春野万丝杨柳拂晴天

花枝裊裊水溶溶杨柳轻明二月风景物可怜人寂寞年年寒食醉眠中

寒食日同妇子辈东园小宴【二首】

寒食无与乐携孥宴小园青春积雨阒白日万花繁时节悲江国穷愁滞酒樽故乡终在眼乐事得重论

寒食招和叔游园 苏舜钦

异乡风俗伤嘉节久客情懷喜友人共挈一樽诸处赏谁家得似故园春

寒食阻风曾 巩

畫船齐泊倚青山正值春风阻往还江作鼓鼙声浩渺树为戎障緑回环幽花婀娜偏宜眼啼鸟交加亦解顔使者文章才不浅尽将模楷寄柴關

寒食假中作 宋 祁

九门烟树蔽春防小雨初残泼火前草色引开盘马路箫声催暖卖饧天紫丝早絮轻无着防袖和风细不怜鼇署侍臣贪出沐泯防珠餽愧颁宣

寒食野外书所见

一雨初回逗晓凉近郊连帘俨相望乞浆易醉墦间客厮养初闲灶下郎暖吹未休縁迥野低烟不散为垂杨家家钟鼓争行乐肯信龙蛇是怨章

寒食始长

四海秋风晚千门夜刻长桐梧老空井蟋蟀近人牀晴烛勤垂烬离鸿短趁行生平江海志耿耿未渠央

寒食日送李公佐归汉东

有客改南辕春郊驻祖筵罇寒禁火国风暖浴沂天茂草年无际残花惨更妍鹿鸣偕计近簪盍约初年

寒食夜偶题

前庭露气压轻埃风砌花陰聚复开苦恨浮云心不净月中时污太清来

寒食东城作 晏殊

王城百五车马繁重帷黥幕纷郊原游人得意惜光景恣寻复树登高轩平芜遠水知何许眼入迢迢空处所梨花澹艷柳丝长百计撩春作烟雨歌哭声中半落晖雕鞍綉轂尚迟归荒田野草人间事谁向伶 泪满衣

寒食游王氏城东园林因寄王虞部

谢墅林亭汴水濱偶携佳客共寻春看花便拟思君子对竹何曾问主人促席正逢羲日暖酩酊仍有郢醪醇朝中九列无门暇愿作新诗赠季伦

次韵和参政陈给事寒食杜门感懷【二首】

班班疎雨欲晴天回避春风入醉眠新火未来丝阁静砌苔窓树两依然

谢堂新句入清歌雨箔风帘有燕过未免芳辰叹心赏始知犹患陆才多

渝南寒食贾宗谅

异地逢寒食客情谁与侑心摇陇云下身寄楚江头落絮丝丝恨飞花片片愁东风似相念终日倚扁舟

禁烟即事谢景初

时节一百五疾风收雨天鸟催青帝驭人重子推钱蹴踘逢南陌秋千送晚烟藩间无限醉唯我独萧然

寒食梨花小饮蔡襄

江南寒薄春常早花卉入春先白老嗟予衰病不及时出见园池半青草纵有余葩在叶间行看落片随风扫寻春已过索寞归重忆欢娱耿怀抱虽然妖艷难再得但只逢花须醉倒二月中寒食朝墙隈忽见梨花飘开门四顾粲然白传催翠奕賓朋招长吟环绕不知数渐值明月临清宵谁翦轻云成碎蘂天留密雪封枯条重重尽挂珠璎珞初呈玉步摇傍花行酒发新唱满座例举黄金瓢西都姚黄高一尺扬州宝髻分双翘幽香絶艷信尤物设欲致之千里遥壁间写生亦名畫未免五彩涂蛟绡莫如此君惬人意相对一笑开无憀古来英豪多感激坐使綠鬢共顏雕劝君且作梨花饮慎勿称量别品流

寒食西湖

山前雨气晓终收水际风光醉欲流尽日旌旗停曲岸满潭钲鼓竞飞舟浮来烟岛疑相就引去沙禽好自由归骑不令歌吹歇万枝灯烛度花楼

寒食游公谨园池

二月名园翦鬱清为怜佳节此闲行偶因觴咏心还适暫离尘埃眼倍明风静落花深一寸日迟啼鸟度千声主公高意何须道芳物于人自有情

寒食乐词

皇州令节已藏烟帝渥乘时锡广筵和气去添春色重恩光来助月华鲜千声凤吹朱门里一种花香谷雨前更喜簪裳嘉宴日亲逢干羽治平年

次韵和柳之寒食【二首】白子仪

良辰今日正寒食收拾賓槃宜再三落笔唱酬宜不倦把花醒醉亦何慙客来常满眼无白人道半痴心所甘【此自谓也】幸是禁烟芳节在接防倒戴定能堪

余花茂草引醺酣礼节休言爵止三芳歲再逢虽强笑少年相对但多慙尚驱俗驾终何适不辟愁门却未甘难把长绳系春日若非觴竿更谁堪

寒食值雨梁顥

春波防綠草连门寒食烟光可断魂细雨隔帘烟火灭落花风动欲黄昏

寒食寓懷

明日一百五春风余几何愁随新火出病忆故人多草色墙陰合花香宿雨和耿懷殊不寐终夕扣壶歌

奉和圣制寒食五七言【各一首】

刘 筠

垣禁申严日余萌尽达初蹋青游骑远浮枣襖波舒锡市喧箫吹鸡场隘酒车俗康春更乐绮榭焕晴虚黍盘交荐藏烟日丝雨防沾解襖辰家有秋千怜月夕尸垂杨柳庆芳春波浮素卵祥兰馥塋戲名翠瑞麦新千里神畿多胜赏熙熙胥防可封民

山中寒食二首

方塘波绿杜蘅青布谷提壶已足聽有客新尝寒具罢据梧慵复散幽陔

气象才过一百五且持春酒养衰年中林不是不禁火其奈山櫻发欲然

禁烟游园刘 攽

寒食风光雨敛尘病余寒极强颁春传呼广陌双摇旆乘兴名园一柅轮列座賓寮皆俊雅绕池花木尽奇珍长吟浅醉归时晚蜡炬荧煌改火新

许州寒食

灌婴台畔路憧憧寒食追游喜退公堤柳媚烟行细绿野桥横水阵残红秋千冷飏梨花雨蹴踘高腾燕子风几处笙歌几家哭却愁回马夕阳中

寒食魏 野

清明时节出郊原寂寂山城柳映门木隔淡烟疎竹寺路经防雨落花村天寒酒薄难成醉地迥台高易防魂回首故人千里外别离心绪向谁论

同前汪元量

年年于此日未有不伤嗟何处未归客满头犹戴花折碑横道路乱 遠人家向暮香车散春风细雨斜

寒食雨 杨 齐

一片春陰一倍寒
万家春色寂无烟
冷催杜宇朝相咲
寒逼嫦娥夜不圓
添得山房浇药水
负他公子赏花天
东君欲助之推怨
泪湿垂杨恨不眠

寒食野外

寒食人家事踏青
偶驱羸马出郊垌
禽声唤雨娇相语
天色和春困不醒
芳草碧来丝作毯
好花红处锦为屏
回头畫角江城晚
人倚秋千月半庭

寒食偶成余安行

海角逢寒食春风
气尚寒异乡追往事
遠客少情欢稚子
今趋阙吾身盍挂冠
老来诸事怯煮冷
作朝飧

寒食雨晴书事赵崇璠

如何夜来雨欲妬
清明天皎皎日华
晓千门罗管弦风
吹绮艷深入杨柳
烟我与君子意归
心皆浩然

寒食日见海榴花感懷遣兴

沈 邁

东皇六轡不停挝
三月嘉期已及 凤
辇未頽春院玉海
榴惊见夏亭花年
光转轂真堪惜恨
景循环慢自嘉壮
士不妨频感慨骚
人风咏正而葩

寒食后杂咏

百歲窓櫺看马军
三分春色半分存
人防白髮无灵药
花到明年有宿根
藥殿角宫蜂鼓吹
土囊襁褓竹儿临
风流不及芸芸物
胜物都卢只酒樽

寒食

三月乱花飞煤烟
禁此时厝家占大
火风土醮之推故
事何劳问芳辰独
可追香陰陈熟食
日暖有瑶卮寒食
日苏林同马中玉
提刑过访有诗示
惇然

并余次韵之作释道潜

使君薄珪组富贵
良易足一麾下东
南千里争拭目援
毫赋山水词力泻
溪谷胜游便杖 聒
耳厌丝竹西湖破
春水晓涨翻暗綠
相将二使轺遵从
还屏還后先度岩
壑鵙鳩追鸾鹄乐
事

殊未央酒行宜局促风流俄醉舞客坐嗒頽玉嵇阮真达生秦唐漫歌哭斜阳絕湖去两桨凌
波速却寻天然居隐隐隔乔木到门呼主人展畫满高屋夕鼓来遠近雨声飘防续蓝輿入城
市夹道鬧灯烛盛事在余杭他年见图錄

寒食二日与王仲圣同防李观察池上分韵得

风字秦 观

经春抱病百端慵偶到平阳旧地中池籞信为三辅冠杯盘真有五陵风美人赋韵分春色上
客挥毫夺化工报老渐于花柳薄但怜流水碧相通

歲时杂咏卷十四

宋 蒲积中 编

清明

清明早赴王门率成李 峤

游客趋梁邸朝光入楚台槐烟乘晓散榆火应春开日带晴虹上花随早蝶来雄风乘令节欲吹拂轻灰

清明日龙门游泛

晴晓国门通都门蔼将发纷纷洛阳道南望伊川阙衍漾乘和风清明送芬月林窥二山动水见千龕越罗 冑杨丝香挠犯苔髮羣心行乐未唯恐流芳歇

清明日诏宴寧王山池得菲字

张 說

今日清明宴佳境惜芳菲摇扬花杂下娇啖莺乱飞渌渚传歌榜虹桥度舞圻和风偏应律细雨不霑衣

清明日宴梅道士房孟浩然

林卧愁春昼褰帟览物华忽逢青鸟使邀我赤松家金灶初开火仙桃正发花童顏若可驻何惜醉流霞

清明即事

帝里重清明人心自愁思车声上路合柳色东城翠花落草齐生莺飞蝶双戏空堂坐相忆酌茗聊代醉

清明杜 甫

此身飘泊苦西东右臂偏枯半耳聋寂寂系舟双下泪悠悠伏枕左书空十年蹴踘将雏遠万里秋千习俗同旅雁上云归紫塞家人钻火用青枫秦城楼阁烟花里汉主山河锦綉中春去春来洞庭濶白苹愁煞白头翁

清明【二首】

着处繁华矜是日长沙千人万人出渡头翠柳艷明眉争道朱蹄骄鬣膝此都好游湘西寺诸将各自军中至马援征行在眼前葛强亲近同心事金镫下山红粉晚牙檣捩舵青楼逺古时丧乱皆可知人世悲欢暂相遣弟侄虽存不得书干戈未息苦 居逢迎少壮非吾道况乃今朝更祓除

朝来新火起新烟湖色春光净客船綉羽冲花他自得红颜骑竹我无縁胡童结束还难有楚女腰支亦可怜不见定王城旧处长懷贾傅井依然虚霑焦举为寒食实借严君卖卜钱钟鼎山林各天性浊醪麤飣任吾年

清明日自西午桥至 岩村有懷

张继

晓霁龙门雨春生汝穴风鸟啼官路静花发毁垣空鸣玉慙时辈垂丝学老翁旧游今不见惆悵洛城东

清明后登城眺望

风景清明后云山睥睨前百花如旧日万井出清烟青草无空地江流合逺天长安何处是遥指夕阳边

清明日青龙寺上方【得多字】

上方偏可适季月况堪过逺近人都至东西山色多夕阳留径草新叶变庭柯已渡清明节春愁如客何

清明日送邓芮还乡戴叔伦

钟鼓喧离室车徒促夜装晓厨新出火轻柳暗飞霜传镜看华髮持杯话故乡每嫌儿女泪今日自霑裳

清明赐公卿新火 史 延

上苑连侯第清明及暮春九天初改火万井属良辰颁赐恩逾洽承时庆亦均翠烟和柳嫩红焰出花新宠命尊三老祥光烛万人太平当此日空腹贺陶钧

又

玉骑传红烛天厨赐近臣火随黄道见烟绕白榆新荣耀分他室恩光共此辰更调金鼎膳还暖玉堂人灼灼千门映辉辉万井春应怜聚萤者瞻望独无隣

又王濯

御火传香殿华光及侍臣星流中使马烛耀九衢人转影连金屋分辉丽锦茵焰迎红蕊发烟染緑条春助律和风早添鑪暖气新谁怜一寒士犹望照东隣

同顔使君清明日游因送萧仇香 皎然

谁知赏佳节别意忽相和暮色汀洲遍春情杨柳多高城恋旌旆极浦宿风波惆怅友山月今宵不再过

清明日登城春望寄大夫使君

王表

春城闲望爱晴天何处风光不眼前寒食花开千树雪清明日出万家烟兴来促席唯同舍醉后狂歌尽少年闻説莺啼却惆怅诗成不见谢临川

清明节郭侍御偶与李侍御孔校书王秀才游开化寺卧病不得同游赋诗十韵兼呈马十八

郎丞公【得岫字】崔元翰

山色入层城钟声临复岫乘闲息边事探异怜春 曲阁下重阶回廊遥对雷石间花遍落草上云时覆鑽火见樵人饮泉逢野兽道情亲法侣时望登朝右执宪纠奸邪刊书正讹谬茂才当时选公子生人秀赠答继篇章欢娱重朋旧垂帘独衰疾击缶酬金奏

自蜀诏还清明日途经百牢關因题石门洞

昔佩兵符去今持相印还天光临井络春物度巴山鸟道青冥外风泉洞壑间何慙班定遠辛苦玉门關和黄門相公诏还题石门洞 赵宗儒

益部恩辉降同荣汉相还韶芳满归路轩骑出重關望日朝天阙披云过蜀山更题风雅韵水絶翠岩间

同前郑余庆

紫氛随马处黄阁驻车情嵌壑惊山势淋滩恋水声地分三蜀限關志百牢名琬琰攀酬郢微

言鼎饪情和清明日裴阁老招城南游览口号时以疾故

有阻追游权德舆

紫禁宿初回清明花乱开相招直城外远远上春台谏曹将列宿几处期子玉深竹与清泉家家桃李鲜折芳行载酒胜赏随君有愁疾自无惊临风一搔首

清明日次弋阳

自欲清明在远乡桐花覆水葛溪长家人定是持新火防作孤灯照洞房

清明日后土祠送田彻 杨巨源

清明千万家处处是年华榆柳芳辰火梧桐今始花登祠结云骑游陌拥香车惆怅田郎去原回烟树斜

洛阳清明日雨霁 李正封

晓日清明天夜来嵩少雨千门止烟火九陌无风土酒绿桥市春漏闲宫殿午游人恋芳草半犯严城鼓清明日汉上忆与乐天辈游 元稹

当年寒食好风轻触处相随取次行今日清明汉江上一身骑马将官迎

清明日送韦侍御贬防州白居易

寂寞清明日萧条司马家留 和冷粥出火煮新茶欲别能无酒相留亦有花南迁更何处此地已天涯

清明日观妓舞听客诗

看舞颜如玉听诗韵似金绮罗从许笑 管不妨吟可惜春光老无嫌酒盏深乱花送寒食并在此时心

清明夜

好风胧月清明夜碧砌红轩刺史家独向回廊行复歇遥听 管夜看花

清明日登老君阁望洛城赠道士

风光烟火清明日歌哭悲欢城市间何事不随东洛水谁家又葬北邙山中桥车马长无已下
渡舟航亦不闲冢墓累累人扰扰辽东怅望鹤飞还

同绵州胡郎中清明日对雨西京防

张籍

郡内新开火高斋雨气清惜花邀客赏劝酒促歌声共醉移芳席留欢闭暮城政闲方宴语琴
瑟任摇情

清明日题一公禅室李郢

山头兰若石楠春山下清明烟火新此日何穷礼禅客归心谁是恋禅人

清明日温庭筠

清蛾畫扇中春树郁金红出犯繁花露归穿弱柳风马骄偏避幰鸡骇乍开笼拓弹何人发黄
鹢隔故宫

禁火日

骀荡清明日储胥小苑东暖衫萱草绿春鬓杏花红马轡轻銜雪车衣弱向风又愁闻百舌残
睡正朦胧

清明日园林寄友人贾岛

今日清明节园林胜事偏晴风吹柳絮新火起防烟杜草开三径文章忆二贤几人能命驾对
酒落花前

湖寺清明夜遣懷李羣玉

柳暗花香愁不眠独凭危檻思凄然野云将雨度防月沙鸟带声飞遠天久为饥寒抛弟妹每
因时节忆团圆 飡冷酒明年在未定萍逢何处边

长安清明言懷顾非熊

明时帝里遇清明还逐游人出禁城九陌芳菲莺自啖万家车马雨初晴客中下第逢今日愁
里看花厌此生春色来年谁是主不堪憔悴更无成

清明日与友人游玉粒塘庄 来 鹄

几宿春山逐陆郎清明时节好烟光归穿细荇船头滑醉踏残花屐齿香风急岭云翻迥野雨
余田水落方塘不堪吟罢东回首满耳蛙声正夕阳

鄂渚清明日与乡友登头陀山寺

冷酒一杯相劝频异乡相遇转相亲落花风里数声笛秀草烟中无限人都大此时深怅望岂
堪高境更逡巡思量费子真仙子不作头陀山下尘

清明日江南作郑 準

吳山楚驿四年中一见清明一改容旅恨共风连夜越韶光随酒着人浓延兴门外攀花别采
石江头带雨逢无限归心何计是路边戈甲正重重

歲时杂咏卷十五

宋 蒲积中 编

清明

清明前一日韩子华以靖节斜川诗见招游李园既归遂苦风雨三日不能出穷坐一室家人辈倒残壶得浊酒数杯泥浊道路无人行去市又远索于篋筐得枯鱼干鰕数种强饮疾醉昏然便寐既觉索然因书所见奉呈圣俞二十五

兄 欧阳修

少年喜追随老大厌諠哗惭愧二三子邀我行看花花间岂不好时节亦云嘉因病既不饮众欢独成嗟管 暂过耳风雨愁还家三日不出门堆灰类寒鷄妻儿强我饮钉饭果与 浊酒倾残壶枯鱼杂干鰕小婢立我前赤脚两髻了轧轧弄双 正如掬呕哑坐令江湖心浩荡思无涯宠禄不知报鬓毛今已华有田清颖间尚可事桑麻安得一黄犍幅巾驾柴车

清明赐新火

鱼钥侵晨放九门天街一骑走红尘桐花应候催嘉节榆火推恩忝侍臣多病正愁锡粥冷清香俱见防烟新自怜惯识金莲烛翰苑曾经七见春

清明辇下懷金陵 王安石

春陰天气草如烟时有飞花舞道边院落日长人寂寂池塘风慢鸟翩翩故园回首三千里新火伤心六七年青盖皂衫无复禁可能乘兴酒家眠

和君貺清明与上巳同日泛舟

繁华两佳节邂逅适同时雅俗共为乐风光如有期晓烟新里巷春服满津涯已散汉宫烛仍浮洛水卮占花分设席爱柳就张帷华毂争门出轻帘夹路垂一川云锦烂四座玉山欹叠鼓传遥吹轻桡破直漪清谈何衮衮和气益熙熙想见周南俗当年逸少诗

次韵酬文忠公梅尧臣

春 倏已和林上鸣鸟啭前日是清明骤雨霏梨花初闻结客游爱此物景嘉歌舞未宴夕日暮各兴嗟所嗟归路暗嘶马自知家公家八九姝鬢髮如盘鷄朱唇白玉肤参年始破 几日苦霖淫当道跳鱼鰕闭门饮浊醪秋千系树了羣姝莫要剧为公歌哑哑公当是日醉欢适不可涯孔氏有高弟内自战纷华我公岂其然东直异蓬麻果効归田去愿从招隐车

依韵和三月十四日清明在席呈

太守风流甚吟牋写蜀麻寻春何处客暎柳阿谁家蜡炬传新火朱栏发旧花月光将欲满特地照铅华清明日卧病有感【二首】 张耒

支离卧病逢佳节漂泊西游寄洛城重帽畏风惟益睡青筇扶步不禁行红飘疎萼知风恶緑满新枝聴鸟声不见贾生遗宅处容留金谷旧园名悲歌身世惊将老怅望古今空复情笑看人家竞时节争持新火照清明

又

飘萍着处即为家伏枕悠悠对物华处处秋千竞男女年年寒食乱风花药 侵坐劳频检酒瓮生尘亦可嗟未若防寻呉市卒也须学种邵平 云烟南望羣山防水树东浮去路斜行止此身应有命不须辛苦问生涯

清明日卧病

莺花零落【一作乱】清明日巾葛萧条老病翁乌鼎相亲勤煮药素屏深坐怯当风爱花未免呼儿摘畏雨还成对客慵自叹年来怨清镜衰顔换尽少年容

近清明【二首】

斜日去不驻好风来有情江城过风雨花木近清明水树闲照影山禽时引声吾年行老矣淹泊蹇何成冉冉春光老昏昏日复斜鲜懽常止酒不睡更烹茶旛起烟中刹鸡鸣树外家陈王鬪鸡道风柳不胜斜

清明日船中书事【二首】

清明不到旅人家乞火隣船自试茶弄柳好风低作舞夹船春浪细浮花

巢乌噪处緑杨村寒食人家昼掩门陇麦晚风收宿润烟林午日涨春昏

清明值雨宋 祁

有渰兴芳序余寒惜惨凄遠山沉向尽杂树望先迷天濶都成暝云昏本自低漂灰禁余火浮枣祓残溪檻篠风争亚汀鳧夜不栖蓬声攢钓渚蓑滴拥烟畦积润浸重襦长严压晓輦游人盘马路独漉逐春泥

答友人清明雨思

楚云朝暮蔽前峰佳节寻芳已半空三日薰炉沉蕙绿一星春火迸榆红文鳞对掷回塘水贺燕交飞翠幕风怅忆沈齐题句罢碎英无响坠华桐

山中清明

一雨东郊卷夕云中坐对寂寥春高低桃绶红相倚轻重榆钱绿不匀杯冷罗门抛午案簋残【原阙】晦流尘汉鰕渐美關鱼禁已约溪公下钓缗

清明

晓日东南欲照梁藏鷁密柳暗横塘行庖束蜜停晨爨别馆薰衣冷夜香陌上鲜风横去幰阳濱翠防泛行觞独嗟楚客流芳晚淹卧悵悵殢眼长

清明日集西园

日日西园春思催携觞结客上高台正绿从事青州至更许书生洛下来【时州醢既美又命座客赋诗】早叶已成花半落新巢未定燕千【应作初】回芳辰物物皆堪爱并作高阳倒载媒

和三司尚书清明

陰岑晚树飘花外冷落晨杯捣杏余喉舌官崇无晤赏一轩筠粉伴刊书

途次清明

漠漠轻花着早桐客瓯饧粥对禺中遥知阙下颁新火百炬青烟出汉宫

奉和圣制清明【二首】

璇杓临乙位羲御届娄初碧浪桃花涌珍鼓锦段舒轮蹄晴缥缈钟漏夕虚徐穆穆宣温殿披文日有余嶰律调元品彙春阳青右个啓初辰庖烟息禁农畊盛蚕器增修歳务新迟日东门催柳色防寒南陌敛车尘栢梁侍从瞻天什拜手赓歌轧思频

清明日独酌 王禹偁

一郡官闲惟副使一年冷节是清明春来春去何时尽闲恨闲愁触处生紫燕黄鹂夸舌健柳花榆莢鬪身轻脱衣换得商山酒笑把离骚得自倾

清明感事【三首】

无花无酒过清明兴味萧然似野僧昨日隣家乞新火晓窗分与读书灯

日转秋千影渐斜忍闻丝管在隣家儿童不惯贫滋味刚拾榆钱索买花

榆钱零落麦开芒魂断南轩蝶影双多谢东风相 顾解将花片入书窗

清明日赴玉津园宴集【五首】 王安国

清明春律十分回草色连云花尽开禁籞幸随诸彦入安车仍赐上师陪百壶未许都门钱九奏先从帝所来鱼钥恩留方赐劝柳边迟日莫相催

又 蔡防

春风盎盎水溅溅南苑清明雨后天门外游人听玉筵席间使者劝金船定须归路烧红烛还有新诗上采牋旧老恋恩方燕喜看花应不忆伊川

又 章惇

南园高照宠师臣盛事仍随节物新劝饯满倾仙室酒【昆仑山下有仙室出酒】赐花分得汉宫春三朝注眷优元弼五福天教萃一身自昔云龙如此少因公感激涕霑巾

又 韩维

白髮三公覲礼成上林花木照清明金钱赐防当佳节玉笋流恩异圣情永日春风延 乐千龄熙事属升平叨陪盛集均余沥敢惜归鞍醉弁倾

又 安德裕

帝眷三朝辅弼臣诏颁禁籞燕慈均已惊贵老恩荣厚重叹优贤礼意新使至屡闻天上语【上屡传宣令劝语相酒】酒酣想见洞中春太平无事忘情久更接人间事了人

清明孙 永

每年每遇清明节把酒寻花特地忙今日江头衰病起神前新火一炉香

清明日书谿公房魏 野

城里争看城外花独来城里访僧家殷勤旋乞新鑽火为我亲烹岳麓茶

清明连上巳

上巳欢初罢清明赏又迫
闰年侵旧历令节并芳时
细雨惊飞重春风酒到迟
寻花迷白雪看柳折青丝
淑气如相待天和意为谁
吁嗟名未立空咏宴游诗

清明阙下寄弟汶

清明帝城景若何
柔花媚草矜阳和
风尘九陌车逐马
人事万态哭与歌
白云故山杳何在
朱门俗客慵相过
空思吟啸遂高兴
防须沥恳归烟萝

清明示弟侄 唐 庚

歲华忽忽又清明
忆与诸生试集英
金锁掣雷开右掖
纓纓披雪照升平
立班雉尾身疑梦
茂对龙顏目乍惊
百拜起居分左右
十年胷臆展纵横
愧无长策裨千虑
敢昧初心苟一名
三道岂能窥董傅
乙科今复媿匡衡
始吾进取恬无意
看汝光华便是荣
他日当求田二顷
玻璃自足过浮生

清明日许圣传召饮不赴【二首】 余安行

流年衰老不堪夸
懒向风前共戴花
赖有故人知我意
许教闲处岸乌纱

清明天气实堪佳
薄薄春陰蔽日华
多少异花呈国色
未应临赏醉流霞

清明【三首】 沈 邁

春色三停暮两停
五阳充满发精英
年光迅速追难及
风景清明畫不成
锦被堆中蝴蝶梦
黄楼子畔鸚鵡声
眼前虫蚁皆如意
我辈何愁不称情

上陇归来日未西
满头姚魏间茶防
杯盘曲水招兰叶
鬻釜清泉防柳枝
举世傥须新火用
寒灰还有再燃时
穷愁海户填将满
不负韶光赖有诗

池馆连金谷杯盘奠栢城
赏心须 窈佳景只清明
院落含花气风光快佩声
谁家疎小径携手即同行

清明后书事【四首】

莺啼夜合花香散
燕语江南柳色鲜
蚕市共娛輶帝魄
火官初换介推烟
半愁半喜闺闈景
轻暖轻寒子弟天
可惜男儿经社力
为他红粉送秋千

铸蚕崇庙香烟集欧瘠雉师佩服鲜池苻牵衣独曳带海榴火树欲生烟江花野草离骚景水榭风亭祓禊天春女为怜红欲落轻盈不忍动秋千

巴賔旧国江都乐徵角新腔墨色鲜趁水酒家春糯碓顺溪园户焙茶烟柳陰花影盘桓地褰带鞋头掣拽天游罢不知蚕事迫寤言犹自悦秋千

跳山谷雨大如拳静洗林峦畫色鲜芸户社开分漏鼓畚田烧起顺风烟懷沙暮暮朝朝赋步履三三两两天游妓不知簪珥贵争高徒伴赌秋千

清明日感春

花前曾作探花行烂熳于今祇自惊春色将衰犹 目人头向白更多情鸣禽难唤东君住飞笋须追野马倾但趁生前开口笑岂图身后有虚名

清明晚步书怀

暖风寒力退迟日午陰长草色迂清步花香糯醉腸春非私大信人自惜流光俗骨无仙寿邀游待鬓黄清明日湖上呈秦少章 释道潜

水边花雾晓氤氲春入西湖两岸深冶叶倡条他自媚朽株枯木我何心秋千索转朱楼角博塞声喧碧柳陰年少故人分慷慨【一作防】未应从俗强浮沉

东栏梨花苏轼

梨花淡白柳深青柳絮飞时花满城惆怅东栏一枝雪人生看得几清明

清明后二日同诸公饮赵道士东轩以日暮天无云春风扇防和为韵【得和字】

司马光

寂寥清明后余春已无多闲轩赋佳致不惜载酒过水木晚尤秀风烟晴更和临樽不尽醉奈此芳菲何

清明日道中马上口占

江上晴沙没马蹄梨花树树匝江湄田家谁道无寒食门外秋千簇小儿

岁时杂咏卷十六

宋 蒲积中 编

上巳

上巳篇 张 华

仁风导和气勾芒御吴春姑洗应时月元已启良辰良辰防朝日零雨洒防尘飞轩遊九野置酒防众賓临川悬广幕夹水布长茵徘徊存往古慷慨慕先真朋从自遠至童冠八九人追好舞雩庭拟迹洙泗濱伶人理新乐膳夫进时珍八音磬 奏有俎从横陈妙舞起齐赵悲歌出三秦春体逾九醴冬清过十旬盛时不努力歲暮将何因勉哉众君子茂德景日新高飞抚凤翼轻举攀龙鳞

太康六年三月三日后园防【三首】

暮春元日阳气清明祁祁甘雨膏泽流盈习习祥风启滞道生禽鸟翔逸卉木滋荣纖条被綠翠华含英于皇我后钦若昊干顺时省物言观中园防及羣辟乃命乃延合乐华池祓濯清川泛彼龙舟泝防洪源

朱幕云覆引坐文茵羽觴波腾品物備珍管 繁防变用奏新穆穆我皇临下渥仁训以慈惠询纳广神好乐无荒化达无垠

咨子防臣荷宠明时忝思于外悠悠三朞天马惟慕天实为之灵启其愿邀愿在兹于以表情爰着斯诗

三日洛水作 潘 尼

暮春春服成百草敷英蕤聊为三日遊方驾结龙旗庙廊多豪俊都邑有艳姿朱轩防兰皋翠幕映洛湄沉钩出比目举弋落双飞羽觴乘波进素卵随流归

三月三日应诏闻丘冲

暮春之月春服既成升阳润土冰涣川盈余萌防人嘉木敷荣后皇宣遊既防且宁光光华辇僉僉从臣上防丹幄下借文茵临池挹与濯故洁新俯镜清流仰睇天津蔼蔼华林岩岩果阳叶叶峻宇奕奕飞梁垂防倒景若翱若翔浩浩白水沉沉龙舟皇在灵沼百辟周遊激濯清歌鼓枻行讴闻乐感和具醉斯柔在昔帝虞德被遐荒干戚在庭苗人来王今我哲后古圣齐芳惠既今国以绥四方元首既明股肱惟良乐只君子今日惟康

已防阮 修

三春之秀歲惟嘉时零雨既蒙风以散之英华扇耀翔鸟羣嬉澄澄綠水澹澹其波修崖逶迤
长川相过聊且逍遥其乐如何

三日鲍 昭

气喧动思心柳青起春怀时艳怜花药眼净悦登台提觴野中饮心爱因未开露色霑春草泉
源洁冰苔萋萋濡露条嫋嫋乘风栽鳬鷁掇苦荠黄鸟衔櫻梅鮮衿欣景预临流竞覆杯美人
竟何在浮心空自摧

三日游南苑

采苹及华月追节逐芳云腾蒨溢林防丽日华山文清潭园翠防化薄綠綺纹合樽 景斜折
荣 徂芬

应诏曲水作 顏延年

道隱未形治彰既乱帝迹悬衡皇流共贯惟主创物永锡洪筭仁固开周义高登汉祚融世哲
业光列圣太上正位天临海镜制以化裁树之形性惠浸萌生信及翔泳崇虚非微积实莫尚
岂伊人和寔灵所贐日完其朔月不掩望航琛越水輦賁逾嶂帝体丽明仪辰作貳君彼东朝
金昭玉粹德有润身礼不愆器柔中渊暎芳猷兰秘昔在文昭今惟武穆于赫王宰方旦居叔
有睟叡蕃爰履奠牧宁极和钧屏京维服朏魄双交月气参变开荣洒泽舒虹烁电化际无间
皇情爰眷伊思鎬饮每惟洛宴郊饯有坛君举有礼幕帐兰甸画流高陞分庭荐乐析波浮醴
豫同夏谚事兼出济仰窥丰施降惟防物三妨储 五尘朝黻途泰命迨恩充报屈有悔可悛
滯瑕难拂

车驾幸京口三月三日侍游曲阿后湖作

虞风载帝狩夏谚颂王遊春方动宸驾望幸倾五州山祗蹕峤路水若警沧流神御出瑶軫天
仪降藻舟万轴运行卫千翼泛飞浮彤云丽璇蓋祥飈被防旂江南进荆艳河激献赵讴金练
照海浦笳鼓震溟洲藐盼觀苍崖衍漾观綠畴人灵騫都野鳞翰聳渊丘德礼既普洽川岳徧
怀柔

三月三日侍宴西池谢灵运

矧乃暮春时物芳衍濫觴逶迤周流兰殿礼備朝容乐阒夕宴

上已谢惠连

四时着半分三春稟融烁迟迟和景婉夭夭园桃灼携朋适郊野昧爽辞鄮郭斐云兴翠岭芳飏起华薄解饈偃崇丘借草绕迴壑际渚罗时防托波泛轻爵

为皇太子侍宴华光殿曲谢 朏

初吉云已芳宴在斯载留神瞩有睟天仪龙精已暎威仰未移叶依黄鸟花落春池高宴 敞禁林稠密青澄崛起朱楼间出翠葆随风金戈动日惆悵清管徘徊轻佾灞浚入筵河淇流阼海若来往觴肴防泝欢饮终日清光欲暮轻貂迴首华组徐步

三日侍宴林殿曲水简文帝

芳年留帝赏应物动天襟挟苑连金阵分衢度羽林帷宫对广掖层殿迓高岑风旗争曳影亭防生共陰树花初堕蒂池荷欲吐心

三月三日率尔成诗

芳年多美色丽防复妖娆握兰唯是旦采艾亦今朝迴沙溜水曲碧袖散桃夭绮花非一种风絮乱百条云起相思观日照飞虹桥繁华 姝色燕赵艳妍妖金鞍汗血马寶鬣 瑚翹兰馨起縠袖连绵束琼腰相看隱緑树见人还自娇玉牀鸣罗荐礫枕泛迴潮洛濱非拾羽满握诘貽椒

三日侍皇太子曲水宴

震德叶灵年芳节淑濯伊临霸荡心偷目骧骑晨野撝金振陆蕙气卷旌神飏擎轂层岑偃蹇耸观岵嶸烟生翠竹日照绮寮银华晨散金芝莫摇緑衣动叶丹距暎条顾惟菲薄徒承恩裕艺学未优声绩不树岂辨河书宁摛淮赋徒偶羣龙终慙并驱【去声】

三日林光殿曲水宴 沈约

宴镐鏘玉銮防汾举仙 荣光泛采旄修风动芝盖淑气婉登晨天行耸云旆帐殿临饗帷春宫绕芳甸渐席周羽觴分墀引迴瀨穆穆 化升济济皇阶泰将御遗风軫遠侍瑶台防

三日率尔成篇

丽日属元巳年芳具在斯开花已匝树流莺复满枝洛阳繁华子长安轻薄儿东出千金堰西临雁陂遊丝暎空转高柳拂地垂緑萍文照耀紫燕光陆离清晨戲伊水薄暮宿兰池象筵鸣寶瑟金瓶泛玉卮宁忆春蚕起日暮桑欲萎长袂屡以拂雕胡方自炊爰而不可见宿昔减容仪早当忘情去叹息独何为

三日侍风光殿曲水宴

光迟蕙畝气婉椒台皇心爱矣帝曰悠哉玉銮銜警翠凤轻廻别殿广临离宫洞启川祗奉壽
河宗相礼清洛渐延长伊流陞洄荡嘉羞揺漾芳醴轻歌易绕弱舞难持素云留管 鸛停丝
引思为歳歳亦阳止叨服贲身身亦昌止徒勤丹漆终愧文梓

三日侍安成王曲水宴 刘孝绰

汇泽良孔殷分区屏中县跨躡兼流采襟喉迤封甸五三奄酆毕析珪成羽传不资鲁俗移何
得齐风变东山富防士北土无遗彦一言白璧轻片善黄金贱余辰属元已消愁迫前谚侍此
频豫遊须展城隅宴芳州亘千里遠近光风扇方欢厚德重谁言薄遊倦

三日侍华光殿曲水宴

薰披三阳暮濯祓元已初皇心睠乐饮帐殿临春渠豫遊高夏谚岂乐盛周居复以焚林日手
茸花树舒羽觞环阶转清澜傍席防妍歌已寥亮妙舞复行余九成变丝竹百戲动龙鱼

三日侍兰亭曲水宴庾肩吾

防星依夜动銮驾惚朝遊旌门临苑树相风出凤楼春生露泥泥天覆云油油桃花生玉洞柳
叶暗金沟禊川分曲洛帐殿掩芳洲踊跃頽鱼醉参差绛枣浮百戲俱临水千钟共逐流

三日侍宴咏曲水中烛影

重焰垂花比芳树风吹水动俱难任春枝拂防影上来还杯绕客光中庭

三日华林园公宴 邢子才

廻銮自乐野弭盖属瑶池五水接光景七度树风仪芳春时欲遽览物惜将移新萍已冒沼余
花尚满枝草滋径芜没林长山蔽亏芳筵罗玉俎激水漾金卮歌声断且续舞袖合还离

上巳宴丽晖殿各赋一字十韵

陈后主

芳景满辟窻暄光生遠阜以更登临趣还胜【平声】祓禊酒叶照源上桃风揺城外柳断云
仍合雾轻霞时照牖小树带山高娇莺含响偶一峯遥落日数花飞暎綬度鸟或遛檐飘丝屡
薄藪言志遽为乐置觞方荐壽文学且逌筵罗绮令陈后干戈幸勿用宁须劳马首

上巳 圃宣猷堂禊饮同共八韵

绮殿三春晚玉烛四时平藤交近浦暗花照远林明百戲堦庭满八音弦调清莺喧杂管韵钟响带风生山高云气积水急溜杯轻簪纓合盛防俊乂本多名羣才尽壮思文采发雕英乐是西园日劝兹南馆情

春巳禊辰尽当曲宴各赋十韵

余春尚芳菲中园飞桃李是时乃季月兹日叶上巳既有遊伊洛可以祓溱洧得足性为娱堂高聊复拟高堂亦有趣图绩此芳轨栖遁称式臻善政日驯雉兰桂观往辙簪裾蹑前趾啼禽静或喧花落低还起水雾遥混杂山云远相似坐客聽一言随吾祛俗鄙

祓禊泛舟春月 圃各赋七韵

园林多趣赏祓禊乐还寻春池已渺漫高枝自褰森日里丝光动水中花色沉安流浅易榜峭壁迴难临野莺添管响深岫接铙音山远风烟丽苔轻激浪侵置酒来英雅嘉贤良所钦

上巳 圃宣猷嘉辰禊酌各赋六韵以次成篇【座有张式陵琼顾野王陆瑀岑之敬等五人上】

园开簪带合亭迴春芳过莺度遊丝断风驶落花多峯幽来鸟啖洲横拥浪波歌声时出牖舞影乍侵柯面玉同钗玉衣罗异草萝既悦 简畅复次文酒和

三日侍宴宣猷堂曲水 江 总

上巳娱春禊芳辰喜月离北宫命箫鼓南馆列旌旗绣柱擎飞阁雕轩傍曲池醉鱼沈远岫浮藻漾清漪落花悬度影飞丝不碍枝树动红楼出山斜翠磴危礼周羽爵徧乐阕光陰移

上巳禊饮户思道

山泉好风日城市厌嚣尘聊将一樽酒共寻千里春晨光下幽桂夕吹舞青苹何时出开后重有入林人

三月三日宴王明府山亭【序附六首】

调露二年暮春三日同集于王令公之林亭申交契也夫尚平遠迹寻五药于西山仲连高蹈让千金于东海遗形却立终希独善之资排患解纷未洽随时之义岂若天地交泰朝野欢娱元巳迨辰季阳司月列芳林而荐赏控清洛以开筵追李郭之佳游嗣裴王之故事遠近送春日表里壮皇居层干霞骞烛城陰于翠鷗浮梁雾絕写川态于文虹树密如鳞花繁似霰鱼纵

相忘之乐莺迁求友之声景物载华心神已至于是恺佳宴涤烦襟沿杯曲水折中幽径流波度曲自谐中散之舞蝶成行无忝季伦之妓而歳不我与人生若浮挥鲁阳之戈奔曦可驻聘山公之骑余兴方酋度志陈诗式纪良会仍探一字六韵成章孙慎行序

诗【得鱼字】 崔知贤

京洛皇居芳禊春余影媚元巳风和上除云开翠帟水鹭鲜车林渚紫映烟霞卷舒花飘粉蝶藻跃文鱼防波式宴其乐只且

又【得郊字】 席元明

日惟上巳时享有巢中罇引桂芳筵借茅书僮橐笔膳夫行炰烟霏万雉花明四郊沼苹白带山花紫苞同人聚饮千载神交

又【得人字】 陈子昂

暮春嘉月上巳芳辰羣公禊饮於洛之滨奕奕车骑粲粲都人连帷竞野服缙津青郊树密翠渚萍新今我不乐含意待申

又【得沙字】 韩仲宣

河滨上巳洛汭春华碧池涵日翠耸澄霞沟垂细柳防拥平沙歌莺响树舞蝶惊花云浮宝马水韵香车熟纪行乐淹留景斜

又【得哉字】 高瑾

暮春元巳春服初裁童冠八九于洛之隈河隄草变巩树花开逸人谈发仙御舟来间闕黄鸟灑灑丹腮乐饮命席优哉悠哉

又【得烟字】 高球

洛城春禊元巳芳年季伦园里逸少亭前曲中举白谈际生陆离轩盖凄清管萍踪波荡柳弱风牵未淹欢趣林溪夕烟

三日流潭篇 万齐融

春潭滉漾接隋宫宫阙连延潭水东苹苔嫩色涵波绿桃李新花照底红垂菱布藻如妆镜丽日晴天相皎映素影颢颢对蝶飞金沙砾砾窥鱼泳佳人祓禊赏韶年倾国倾城并可怜拾翠搃来芳树下踏青争绕绿潭边公子王孙恣遊翫沙塲水曲情无厌禽浮似揖羽觞杯鳞跃疑

投水心劒金鞭玉勒骋轻肥落絮红尘拥路飞
渌水残霞催席散
畫楼初月待人归

于长史池三日曲水陈子昂

摘兰借芳月祓宴坐廻汀泛艳清流满
葳防白芷生金弦挥赵瑟玉指弄秦筝
岩嶂风光媚郊园春树平
烟花飞御道罗绮照昆明
日落红尘暮车马乱纵横

上巳日浮江宴【得遥字】王勃

上巳年光促中川兴绪遥
綠齐山叶满红泄片花销
泉声喧后涧虹影照前桥
遽悲春望遠江路积波潮

三日曲水侍宴应制阎朝隱

三月重三日千春续万春
圣泽如东海天文似北辰
荷叶珠盘净莲花寶盖新
陛下制万国臣作水心人
奉和三日祓禊渭濱【六首】韦嗣立

乘风祓禊逐风光扈跸陪銮渭渚傍
还笑当时水濱老衰年八十待文王

又徐彦伯

晴风丽日满芳洲御色春筵祓锦流
皆言侍跸璜溪防暂似乘槎天汉防

又刘宪

桃花欲落柳条长沙头水上足风光
此时御跸来遊防愿奉年年祓禊觴

又沈佺期

寶马香车清渭濱红桃碧柳禊堂春
皇情尚忆垂竿佐天祚先呈捧劒人

又李义

上林花鸟暮春时上巳陪遊乐在兹
此日欣逢临渭赏昔年空道济汾词

又张说

青郊上巳艳阳年紫禁皇遊祓渭川
幸得欢娱承湛露同心草树乐春天

三日梨园亭侍宴 沈佺期

九门驰道出三已禊堂开畫鹢中川动青龙上苑来野花飘御座河柳拂天杯日晚迎祥处笙
鏞下帝台

三日独坐驩川思忆旧遊

两京多节物三日最遨遊丽日风徐卷香尘雨暂收红桃初下地綠柳半垂沟童子成春服宫
人罢射鞬禊堂通汉宛解席绕秦楼束皙言谈妙张华史汉遒无亭不驻马何浦不横舟舞簫
千门度帷屏百道流金丸向鸟落芳餌接鱼投濯锦鳞清浅迎祥乐献酬灵葛陈欲弃神药曝
应休谁念招魂节翻为御魅囚朋从天外至心赏日南求铜柱威丹徼朱崖鎮火 炎蒸连晓
夕瘴疠满冬秋西水何时货南方讵可留无人对鑪酒宁缓去乡忧

三月三日侍宴

素浣接宸居青门盛祓除摘兰諠凤野浮藻溢龙渠苑蝶飞殊懒宫莺啖不踈星移天上入歌
舞向储胥

桂州三月三日宋之问

代业京华里遠投魑魅乡登高望不见云海四茫茫伊昔承休眄曾为人所羨两朝赐顔色二
纪陪遊宴昆明御宿侍龙媒伊阙天泉复几廻西夏黄河水心剑东周清洛羽觞杯苑中落花
扫还合河畔垂杨拨不开千春献壽多行乐柏梁和歌攀 作赐金分帛驻光辉风举云摇入
紫防晨趋北阙鸣珂至夜出南宫把烛归载笔儒林多歲月襍被文昌佐吴越越中山海高且
深兴来无处不登临永和九年刺海郡暮春三月醉山陰愚谓嬉遊长似昔不言流寓歛成今
始安繁华旧风俗帐饮倾城沸江曲主人丝管清且悲客子肝肠断还续荔浦蘅臯万里余洛
阳音信絶能踈故园今日应愁思曲水何能更祓除作伴唯怜合浦叶思归岂食桂江鱼不求
汉使金 赠愿得佳人锦字书

三月三日登龙山 张九龄

伊川与灊津今日祓除人岂似龙山上还同湘水濱衰顔忧更老淑景望非春禊饮岂吾事聊
将偶俗尘

歲时杂咏卷十七

宋 蒲积中 编

上巳

舟中和萧令【潭字】 张 说

暮春三月日重三春水桃花满禊潭广乐逶迤天上下仙舟摇衍镜中酣

奉和圣制三日陈希烈

上巳迁龙驾中流泛羽觞酒因朝太子诗为乐贤王锦防方舟渡琼筵大乐张风摇垂柳色花发异林香野老歌无事朝臣饮歲芳皇情被羣物中外洽恩光

和圣制太子诸王三月龙池春禊

王 维

故事修春禊新宫展豫遊明君移凤輦太子出龙楼赋掩陈王作杯如洛水流金人来捧劔畫鹄去廻舟苑树浮宫阙天池照冕旒宸章在云汉垂象满皇州

奉和圣制上已于望春亭观禊饮应制

长乐青门外宜春小苑东楼开万户上輦过百花中畫鹄移仙妓金貂列上公清歌邀落日妙舞向春风渭水明秦甸黄山入汉宫君王来祓禊灞浥亦朝宗

三月三日曲江侍宴应制

万乘亲斋祭千官喜豫遊奉迎从上苑祓禊向中流草树连云卫山河对冕旒畫旗摇浦溆春服满汀洲仙籞龙媒下神臯凤辇留从今亿万歲天寶纪春秋

三月三日勤政楼侍宴应制

防仗连宵合琼楼拂曙通年光三月里宫殿百花中不数秦王日谁将洛水同酒筵嫌落絮舞袖怯春风天保无为德人欢不战功仍临九衢宴更达四门聪

上巳润南期王山人不至孟浩然

摇艇俟明发花源弄早春在山怀绮季临颍忆荀陈上巳期三月浮杯兴十旬坐歌空有待行乐恨无隣日晚兰亭北烟花曲水瀕浴池逢婉女采药值幽人石壁堪题序沙場好醉神群公望不至虚掷此芳辰

上巳日洛中寄王十九

卜洛成周地浮杯上巳筵鬪鸡寒食下走马射堂前垂柳金堤合平沙翠幕连不知王逸少何处防羣贤

上巳日徐司录园林杜甫

鬓毛垂领白花蕊亚枝红欹倒衰年废招寻令节同薄衣临积水吹面受和风有喜留攀桂无劳问转蓬

上巳祓禊应制崔国辅

元巳秦中节吾君灞上游鸣銮通禁苑别馆绕芳洲鸳鹭千官列鱼龙百戲浮桃花春欲尽谷雨夜来收庆向尧尊祝欢从楚棹讴逸诗何足对睿作掩东周

上巳

巳日帝城春倾都祓禊辰停车湏傍水奏乐要惊尘弱柳障行骑浮桥拥看人独言日早晚更向九龙神三月三日自京到华陰於水亭独酌寄裴六薛

八 独孤及

祗役匪遑息经时客三秦还家问节 知到上巳辰山县何所有高城闭青春和风不吾欺桃杏满四邻旧友适逺别谁当接欢欣呼儿命长瓢独酌湘吴醇一酌一朗咏既酣意亦申言筌暂两忘霞月祗相新裴子尘表物薛侯席上珍寄言二傲吏何日同车茵讵肯使空名终然羈此身何年解桎梏长作海上人

上巳日两县寮友防集时主邮不遂驰赴辄题

以寄方寸刘商

踏青行看共佳期春水晴山祓禊词独坐邮亭心欲醉樱花落尽暮愁时

上巳接清明遊宴独孤良弼

上巳欢初罢清明赏又追闰年侵旧历令节并芳时细雨莺飞重春风酒醒迟寻花迷白雪看柳折青丝淑气如相待天和意为谁吁嗟名未立空咏宴遊诗

三月三日义兴李明府后亭泛舟

皇甫冉

江南烟景复如何闻道新亭更可过处处蒺藜春浦绿萋萋借草遶山多壶觞须就陶彭泽风俗犹传晋永和更使轻桡徐转去防风落日水增波

上巳日越中与鲍侍御泛舟耶溪

刘长卿

兰桡方转傍汀沙应接云峰到若耶旧浦满来移渡口垂杨深处有人家永和春色千年在曲水乡心万里赊君见渔舟时借问前洲几路入烟霞

上巳日耿漳

共来修禊事内顾一悲翁玉鬓风尘下花林丝管中故山离水石旧侣失鹓鸿不及防鱼乐徘徊莲叶东奉陪浑侍中上巳日泛渭河卢纶

素舸锦帆开浮天接上台晓莺和玉笛春浪动金罍舟楫方潮海鲸鲵自曝腮应怜似萍者空逐榜人回

上巳日陪齐相公花楼宴

钟陵暮春月飞观延群英晨霞耀中轩满席罗金琼持杯凝远睇触物结幽情树杪参差绿湖光防滟明礼卑瞻绛帐恩浹厕华缨徒记山阴日祓禊乃为荣

奉和圣制三日书怀因以示百寮

崔元翰

佳节尚元巳芳时属暮春流觞想兰亭捧剑传金人风轻水初绿日晴花更新天文信昭廻皇道颇敷陈恭已每从俭清心常保真戒兹游衍乐书以示羣臣

上巳泛舟【得迟字】张登

令节推元已天涯喜有期初筵临泛地旧俗祓禳时枉渚潮新上残春日正迟竹枝遊女曲桃
叶渡江词风鷁今方退沙鸥亦不疑且同山简醉倒载莫褰帷

上巳寄常璩樊宗宪兼呈孟中丞

鲍防

世间禊事风流处镜里家山若畫屏今日防稽王内史好将賓客醉兰亭

上巳日试院考杂文不遂赴九华观祓禊之防

以二絕句贈内【二首】权德輿

三日韶光处处新九华仙洞七香轮老夫留滞何由去珉玉相和正绕身【时以沽美玉为诗
题】

禊饮寻春兴有余深情婉婉见双鱼同心齐体如身到临水烦君便祓除

酬乐天三月三日元稹

旧年此日花前醉今日花时病里销独倚破帘闲怅望可怜虚度好春朝

三月三日与乐天及河南李尹奉陪令公泛洛

禊饮刘禹锡

洛下今修禊羣贤胜防稽盛筵陪玉铉通籍尽金闺波上神仙妓防傍桃李蹊水嬉如鹭振歌
响杂莺啼历览风光好防洄意思迷棹歌能俚曲防客竞分题翠幄连云起香车向道齐人夸
绫步障马惜锦障泥尘暗宫墙外霞明花树西舟形随鷁转桥影与虹低川色晴犹遠鸟声莫
欲栖唯余踏青伴待月魏王堤

上巳日恩赐曲江宴防即事白居易

赐欢仍许醉此防兴如何翰苑主恩重曲江春意多花低羞艳妓莺散让清歌共道升平乐元
和胜永和

三月三日庾楼寄庾三十二

春日欢遊辞曲水二年愁卧在长沙每登高处长相忆何况兹楼属庾家

三月三日懷防之

良时光景长虚掷壮歲风情已暗销忽忆同为校书日每年同醉是今朝

三月三日【二首】

暮春风景初三日流水光陰半百年欲作闲遊无好伴半江惆怅却廻船

畫堂三月初三日絮扑纱窻燕拂檐莲子数杯尝冷酒柘枝一曲试春衫堦临池面胜看镜户
映花丛当下帘指防南楼翫新月玉钩素手两纖纖

三月三日宴舟中献晋公

三月草萋萋黄莺歇又啼柳桥晴有絮沙路润无泥禊事修初毕遊人到欲齐金钿耀桃李丝
管弦鳧鹭转防廻船尾临流簇马蹄聞於杨子渡踏破魏王堤妓接谢公宴诗陪荀令题舟同
李膺泛醴为穆生携水引芳心荡花牵醉眼迷尘街从鼓动烟树任鸦栖舞急红腰凝【去声
】歌迟翠黛低夜归何用烛新月凤楼西

奉和裴令公上巳日遊太原龙泉忆去歲禊乐【依来体杂言】

去歲暮春上巳共泛洛水中流今歲暮春上巳独立香山上头【时居易经遊香山寺】风光
闲寂寂旌旆逺悠悠丞相府归晋国太行山碍并州鵬背负天龟曳尾云泥不可得同遊

上巳日忆江南禊事李德裕

黄河西绕郡城流上巳应无祓禊遊为忆淶江春水色更随宵梦向吴洲

奉和上巳忆江南禊事 刘禹锡

白马津头春日迟沙洲归雁拂旌旗柳营唯有军中戲不似江南三月时

曲江上巳日 赵 璜

长堤十里转香车南防烟花锦不如欲问神仙在何处紫云楼阁向空虚

上巳日华下闲步吴 融

十里香尘扑马飞碧峰莲下踏青时云鬟照水和花重罗袖擡风惹絮迟可使无心邀斌媚还
应有泪忆袁熙如烟如梦争寻得溪柳廻头万万丝

上巳日

本学多情刘武威寻花傍水看春辉无端遇着伤心事赢得凄凉索漠归

观竞渡 薛逢

三月三日天清明杨花绕江啼晓莺使君未出郡斋内江上已闻齐和声使君出时皆有引马前已被红旗阵两岸罗衣破鼻香银钗照日如霜刃鼓声三下红旗开两龙跃出浮水来擢影干波飞万劒鼓声劈浪鸣千雷雷声冲急波相近两龙望标目如瞬江上人呼霹雳声竿头防挂虹霓晕前船抢水已得标后船失势空挥桡疮眉血首争不定输岸一朋心似烧只将标示输赢赏两岸十舟五来往须臾戏罢各东西竟脱文身请书上吾今细观竞渡几何殊当路权相持不思得所各休去会到摧舟折楫时

上巳日刘驾

上巳曲江滨喧于市朝路相寻不见者此地皆相遇日光去此远翠幕张如雾何事欢娱中易觉春城暮物情重此节不是爱芳树明日花更多何人肯回顾

上巳日寄韩八 唐彦谦

上巳接寒食莺花寥落晨防防泼火雨草草踏青人凉似三秋景清无九陌尘伯与同病者对此合伤神三月三日曲江遊眺赠郁上人殷尧藩

三月初三日千家与万家蝶飞秦地草莺入汉宫花鞍马皆争丽笙歌尽鬪奢吾师无所愿惟愿老烟霞

三月三日又赠郁上人

曲水公卿宴香尘昼满街无心修禊事独步到禅斋细草萦愁日繁花逆旅怀绮罗人走马遗落凤凰钗三月三日申王园亭宴集宋之问

稽亭追往事睢苑胜前闻飞阁陵芳树华池落采云借草留人酌衔花鸟赴羣向来同赏处惟恨碧林曛三月三日承恩防乐遊园张说

乐游形胜絶表里望郊宫北阙连云岭南山对掌中皇恩贷芳月旬宴美成功鱼戲芙蓉水莺啼杨柳风春华看欲暮天泽恋无穷长袖招斜日留光待曲终

三月三日承恩遊宫庄池上作

鳳凰樓下帶天泉鸚鵡洲中雜管絃
舊試平陽佳麗地今逢上巳盛明年
舟將水動千尋日幕共林橫兩防烟
不降王人觀禊飲誰令醉舞拂賓筵

三月三日登龍山

伊川與灞津今日祓除人豈似龍山上
還同湘水濱衰顏憂更老淑景望非春
禊飲豈吾事聊將偶俗人
三月三日寄諸弟懷崔都水 韋應物

莫節看已謝茲晨愈可惜風淡意傷春
池寒花斂夕【一作色】對酒始依依
聽人還的的誰當曲水行相思尋舊迹

歲時雜詠卷十八

宋 蒲積中 編

上巳

上巳日與二三子携酒出遊隨所見輒作數句明日集之爲詩故詞無倫次 蘇軾

薄雲霏霏不成雨杖藜曉入千花塢柯丘海棠我有詩獨笑深林誰敢侮三杯卯酒人徑醉一枕春睡日亭午竹間老人不讀書留我閉門誰教汝出檐藜枳十圍大寫眞素壁千蛟舞東坡作塘今几尺携酒一勞農工苦却尋流水出東門坏垣古塹花無主卧門桃李爲誰妍對立防防相媚妩開餅籍草勸行路不惜春衫汚泥土褰裳共過春草亭扣門却入韓家圃轆轤防斷井深碧秋千索挂人何所暎帘空復小桃枝乞漿不見鷹門女南山古台臨斷防雪陣翻空迷仰俯故人餽我玉葉羹火冷烟消誰爲煮崎嶇束蘊下荒徑姪姪隔花聞好語更隨落景盡余樽却傍孤城得僧宇主人勸我浣足眠倒床不復聞鐘鼓明朝門外泥一尺始悟三更雨如許平生所向一遂無茲遊何事天不阻固知我友不終窮豈弟君子神所予

海南人不作寒食而以上巳上冢予携一瓢酒尋諾生皆往吳獨老符秀才在因與飲至醉符蓋澹人之安貧守靜者也

老鷄含肉紙飛灰萬里家山安在哉蒼耳林中太白過鹿門山下德公回管寧投老終歸去王式當年本不來記取城南上巳日本綿花發刺桐開

三月三日防燈防客

江上東風浪接天苦寒無賴破春妍試開雲夢羔兒酒快浮錢塘藥玉船蚕市光陰非故國馬行燈火記當年冷烟濕雪梅花在留得新春作上元

上巳同王魯直泛舟

沈郎清瘦不勝衣邊老便便帶一圍躑躅身輕山上走歡呼船重醉中歸舞腰似雪金釵落談辯如雲玉麈揮憶昔錢塘正如此回頭二十四年非

上巳日 歐陽修

一雨初收九陌塵乘蘭修禊及芳辰恩深始寵龍池宴節正須知鳳曆新紅琥珀傳杯防灑碧琉璃瑩水 淪上林未放花齊發留待鳴稍出紫宸

上巳日赴宴口占

赐饮初逢禊节佳御沟新涨碧无涯九门寒食多遊骑三日春陰正养花共喜流觴修故事自
怜霜鬓惜年华凤城残照归鞍晚禁籞无风柳自斜

上巳日与太学诸同舍饮王都尉园

司马光

冠盖鬱相依名园花未稀防丝紫复展狂絮堕还飞积弩遗风陋兰亭旧俗防何如咏沂水春
服舞雩归和刘尉赤防上巳【二首】 张无尽

教池天气不胜情携手聊同陌上行洛禊嬉遊修故事楚歌懽笑集村氓慕潘珍果盈车掷挑
卓幽琴满座倾为报兰亭王逸少且无今日筦 声

秉兰时节近清明朝野欢娱值太平坦率从来如庾亮穷愁素不学虞卿三年阳渚成何事一
觉邯郸悟此生把酒花前须醉倒肯教风雨落繁英

上巳 舟汉口命驾凤栖成二絕句

上巳嬉遊集汉阳云收雨霁日舒光瑞烟和气横寥廓何用兰亭祓不祥

池上澄辉冻已销阳和巧思着花梢残云断靄归何处翠幃红帷遍乐郊

上巳闻苑中乐声 王安石

苑中谁得从春遊想见渐台瓦欲流御水曲随花影转宫云低绕乐声留年华未破清明节日
莫初回祓禊舟更觉至尊思虑遠不应全为拙倡优

和郭六玉津上巳宴罢见寄 宋 祁

式燕灵琨睠蕙时祓兰浮藻惜春辉回 并跃都门道谁识顔王曲水归

上巳日诏赐花酒休澣日防琼林苑泛昆明池

饮魏国夫人园【二首】 秦 观

宜秋门外晓参寻豪竹哀丝发妙音金爵日边栖壮丽彩虹天际卧清深已烦逸少书陈迹更
属相如赋上林犹恨真人足官府不如鱼鸟自飞沉

春溜泱泱初满地晨光欲转万年枝楼台四望烟云合帘幕千家锦绣垂风过忽闻花外笑日

长时奏水中嬉太平谁为全无象寓在羣仙把酒时

帝城上巳孙 覲

宿雾消神 晴曦照碧峰祓除周故事环宴楚遗风畫舸低摇鴈浮梁冷亘虹五陵驱羣少三
殿锡鷁公浪射簪纓润花迎劒佩红舞迟歌袂穩飞急酒觞空淑气雕轩外祥光禁籞中敢赧
元首咏上记帝尧功

奉和圣制上巳日 晏 殊

青阳三巳日佳气九城中洛饮传周俗溱诗载郑风停轮浮桂醕解袂泛兰丛选胜开慈宴多
欢组綬同上巳赐宴琼林与二府诸公浮水心憩于西轩【二首】

三月杨花飞似雪内园佳树绿成陰何妨写尽凭高意十步虹桥彻水心

咽云箫鼓传声沸临水楼台倒影多吟绕曲栏无限思绪风迟日满烟波

上巳琼林苑宴二府同遊池上即事口占【三首】

殿后花枝白间红楼前当道绿杨风横飞防檻波光外倒写朱桥水影中

曲榭迴廊手伎喧防楼朱舫鼓声繁防人已着浓春去不待歌长舞袖翻

春留融洽日添长万品无涯入醉乡谁道人间泛仙境水心楼殿半斜阳

上巳日午桥石濺中得双鳊鱼

梅尧臣

修禊洛之濱湍流得素鳞多慚折腰米来作食鱼人水髮粘篙緑溪毛暎渚春风沙暂时遠紫
线忆江莼

上巳日州园东楼 蔡 襄

地上多于枝上花东楼凝望惜年华潮头正对伍员庙燕子争归百姓家粉箨渐高山径笋绿
旗初展石岩茶流风自与人兼老尊酒相逢莫重嗟

上巳日 孙 永

海内中和日云间上巳辰笙歌九天半花木十洲春

上巳日永崇里言怀崔涂

未敢分明赏物华十年如见梦中花
遊人过尽衡门掩独自凭栏到日斜

上巳日防饮南涧亭陶崇仪

山城春尽橘花开祓禊相将上古台
一片晚云含落照数分残酒伴新梅
谈高绮席终无况诗落金钱漫有才
多谢东亭湖与月醉中双送畫船回

上巳至玉津园赐宴钱易

祓禊標春巳歌时庆鲁云禁园宣密宴
玉饌赐天防班序参三殿衣冠盛两都
云鬘倾上席寶马闌长衢帝泽恩何事
春风节巳徂归来白虎殿防咏共操觚

贺刘伯壽陪潞公禊饮司马光

旌幢车骑满沙头鼓吹喧繁畫鷁浮
十里罗纨光照地千家帘幕遠临流
觴随洛水白公事月暎凤楼裴相遊
令典久隳今更举行闻美俗徧中州

歲时杂咏卷十九

宋 蒲积中 编

春尽日

三月晦日郊外送客雍裕之

野酌乱无巡送君兼送春明年春色至莫作未归人

春晦日沐髮寄三友【韦功曹李録事王少府】

戴叔伦

朝沐敞南闱盘散待日稀扬梳髮更落揽镜意多违吾友见常少春风去不归登临取一醉犹
可及芳菲三月晦日防李员外座中频以老大不醉见讥

因有此赠令狐楚

三月唯残一日春玉山倾倒白鸥驯不辞便学山公醉花下无人作主人

望驿台三月尽元稹

可怜三月三旬促怅望江边望驿台料得孟光今日语不曾春尽不归来

三月三十日程氏馆饯杜十四归京

江春今日尽程馆祖筵开我正南冠縈君寻北路廻构身诚太拙从宦若无媒处困方明命遭
时不在才逾年长倚玉连夜共衔杯涸溜沾濡末余光照死灰行看鸿欲翥敢惮酒相催拍逐
飞觥絶香随舞袖来消梨抛五遍娑葛 三台已许樽前倒临风泪莫頽

送春归【元和十一年三月三十日作】白居易

送春归三月尽日日暮时去年杏园花飞御沟緑何处送春曲江曲今年杜鹃花落子规啼送
春何处西江西帝城送春犹怏怏天涯送春能不知惆怅莫惆怅送春人冗员无替五年罢应
湏准拟再送浔阳春五任炎凉凡十变又知此身健不健好去今年江上春明年未死还相见

三月三十日题慈恩寺

慈恩春色今朝尽尽日徘徊倚寺门惆怅春归留不得紫藤花下渐黄昏

酬元员外三月三十日慈恩寺忆见寄

怅望慈恩三月尽紫桐花落鸟关关诚知曲水春相忆其奈长沙老未还赤岭猿声催白首黄茅瘴色换朱颜谁言南国无霜雪尽在愁人鬓髮间

三月三十日别防之于澧上明年春夜遇防之于峡中停舟夷陵三宿而别言不尽者以诗终之因赋七言十七韵以赠且欲记所遇之地与相见之时为他年防语张本也

澧水店头春尽日送君马上谪通川夷陵峡口明月夜此处逢君是偶然一别五年方见面相携三宿未廻船坐从日暮惟长叹语到天明竟未眠齿髮蹉跎将五十關河迢迢过三千生涯共寄沧江上乡国俱抛白日边往事渺茫都似梦旧防零落半归泉醉悲洒泪春杯里吟苦支颐晓烛前莫问龙钟恶官职且听清脆好文篇【防之别来有新诗数百篇丽絶可爱】别来只有诗成癖老去何曾更酒颠各限主程须去住重开离宴贵留连黄牛渡北移征棹白狗崖东卷别筵【黄牛白狗皆与防之遇峡中地名即别之所也】神女台云漫缭绕使君滩水急潺湲风凄暝色愁杨柳月吊宵声哭杜鹃万丈赤幢潭底日一条白练峡中天君还秦地辞炎徼我向忠州入瘴烟未死会应相见在又知何地复何年

和防之三月三十日四十韵

送春君何在君在山陰署忆我苏杭时春遊亦多处为君歌往事岂取辞劳虑莫怪言语狂须知酬答遽江南腊月半冰冻凝如淤寒景尚苍茫和风已吹嘘女墙城似灶雁齿桥如锯鱼尾上沦草茅生沮洳律迟太簇管日缓羲和驭布泽木龙催迎春土牛助雨师习习洒云将飘飘翥四野万里晴千山一时曙杭土丽且康苏民富而庶善恶有惩劝刚柔无吐茹两衙少辞牒四境稀书疏俗以劳俸安政因闲暇着仙亭日登眺虎丘时遊预【望仙亭在杭虎丘山在苏】寻幽驻旌轩选胜廻宸御舟移溪鸟避乐作林猿覩池古莫耶沉石竒罗刹踞【劔池在苏罗刹石在杭】水苗泥易耨畬粟灰难锄紫蕨抽出畦白莲埋在淤菱花红带黯湿叶黄含菸【楚词云叶菸色而就黄】镜动波飈菱雪迴风旋絮手经攀桂馥齿为尝梅楚坐供船脚欹行多马蹄踣圣贤清浊醉水陆鲜肥饮鱼脍芥醬调冰葵盐豉絮【勅丽反】虽防五袴咏幸免兆人诅但令乐不荒何必防无倨吴苑仆寻罢越城公尚防旧防几客存新宴谁人与莫空文举酒强下何曾箸江上易忧防城中多毁誉分应当自尽事勿求人恕我既无子孙君仍毕防娶久为云雨别终拟江湖去范蠡有扁舟陶潜有篮輦两心苦相忆两口遥相语最恨十年春春来各一处

三月三十日作

今朝三月尽寂寞春事毕黄鸟渐无声朱樱新结实临风独长叹此叹意非一半百过九年艳阳残一日随年减欢笑逐日添衰疾且遣花下歌送此杯中物

三月晦日日晚闻鸟声

晚来林鸟语殷勤似惜风光说向人
遣脱破袍劳报暖催沽美酒敢辞贫
声声劝醉须应醉一歲唯残一日春

春尽日天津桥醉吟偶呈李尹侍郎

宿雨洗天津无泥未有尘初晴迎早夏
落照送残春兴发诗题口狂来醉寄身
水边行嵬峨桥上立逡巡防傳心情老
吴公政化新山川徒有主风景属闲人

歲时杂咏卷二十

宋 蒲积中 编

端午【古诗】

五日望采拾 王筠

裁缝逗早夏防晝守初晨綃紉既妍媚脂粉亦香新长丝衣良节命缕应嘉辰结芦同楚客采艾异诗人折花竞鲜彩拭露染芳津含娇起斜眄敛笑动防嚬献瑞系洛浦怀佩似江滨须待恩光接中夜奉衣巾

五日魏 收

麦凉殊未毕蜩鸣早欲闻喧林尚黄鸟浮天已白云辟兵书鬼字神印题灵文因想苍梧郡兹日祀陈君

端午武成殿宴羣臣唐 宗

端午临中夏时清日复良盐梅已佐鼎麴蘖且传觴事古人留迹年深缕续长当轩知槿茂向水觉芦香亿兆同归壽群公共保昌忠贞如不替貽厥后昆芳

端午三殿宴羣臣【并序】

律中防廂献酬之象着火在盛德文明之义燁故以式宴陈诗上和下暢者也朕宵衣旰食緝声教于万方卜战行师摠兵钐于四海勤贪日结忧忘心劳闻蝉鸣而悟物变见槿花而惊改所以赖济济朝廷视成鹓鸾桓桓边塞责办熊黑喜麦秋之有登玩梅夏之无事时雨近霁西郊霏靡而一色炎云作峰南山嵯峨而异势正当召儒雅宴高明广殿肃而清陰生列楼深而长风至厨人尝散热之饌酒正供陶暑之饮庖捐恶鸟俎献肥 新筒聚练香芦角黍恭俭之仪有序慈惠之意溥洽讽味黄老致息心于真妙抑扬游夏涤烦想于诗书超然 览自足为乐何止栢枕桃门验方术于经记防花命缕覩问遗于风俗感婆娑之孝女悯枯槁之忠臣而已哉叹节气之循环美羣臣之相乐凡百在会咸可赋诗五言纪其日端七韵成其火数岂独汉武之殿盛朝士之连章魏文之台壮词人之并作云尔

五日符天数五音调夏钧旧来传五日无事不称神穴枕通灵气长丝续命人四时花竞巧九子糗争新方殿临华节圆宫宴雅臣进对一言重遁文六义陈股肱良足咏风化可还淳

端午三殿侍宴应制【探得鱼字】张 说

小暑夏 应防陰商管初愿齐长命缕来续大恩余三殿褰珠箔羣官上玉除助阳嘗麦餗顺
节进 鱼甘露垂天酒芝花捧御书合丹同蠹蛭灰骨共蟾蜍今日伤 意衔珠遂阙如

张相公出镇荊州寻除太子詹事余时流夜郎行至江夏与张相公千里公因太府丞王昔使
车寄罗衣二事及五月五日赠予予答以此诗

李 白

张衡殊不乐应有四愁诗慙君锦绣段赠我慰相思鸿鹄复矫翼凤凰忆故池荣乐一如此商
山老紫芝

端午日赐衣 杜 甫

宫衣亦有名端午被恩荣细葛含风软香罗叠雪轻自天题处湿当暑着来清意内称长短终
身荷圣情

端午日恩赐百寮 窦叔向

仙宫长命缕端午降殊私事盛蛟龙见恩深犬马知余生悦可续终冀答明时

端午日礼部宿斋宿中有衣服防结之贶以诗

代书用申还答权德輿

良辰当五日偕老祝千年防缕同心丽轻裾映体鲜寂寥斋畫省欵曲擘香牋更想传觴处孙
孩徧目前竞渡曲【竞渡始武陵至今举楫相和之音咸呼云何任斯招屈原之义事见图经
】

刘禹锡

沅江五月平堤流邑人相将浮防舟灵均何年歌已矣哀謡振楫从此起扬枹击节雷阗阗乱
流齐进声轰然蛟龙得雨鬣鬣动防蜧饮河形影联刺史临流褰翠帟揭竿命爵分雄雌先鸣
余力争鼓舞未至衔枚顔色沮百胜本自有前期一飞由来无定所风俗如狂重此时纵观云
委江之湄防旗夹防照蛟室罗袜凌波呈水嬉曲终人散空愁暮招屈亭前水东注

端午日伏防内侍赐晨服 杨巨源

防缕織仍丽凌风卷复开方应五日至应自九天来在笥清光发当轩暑气迴遥知及时节刀
尺火云催

端午文 秀

节分端午本谁言
万古相闻为屈原
堪笑楚江空浩浩
不能洗得直臣冤

五日观妓万 楚

西施漫道浣春沙
碧玉今时鬪丽华
眉黛夺将萱草色
红裙妒杀石榴花
新歌一曲令人艳
醉舞双眸敛鬓斜
谁道五丝能续命
却令今日死君家

歲时杂咏卷二十一

宋 蒲积中 编

端午

端午防真如迟适逵从舍弟在酒局

苏轼

一与子由别却数七端午身随防丝繁心与昌 苦今年正马来佳节日夜数儿童喜我至典衣具鸡黍水饼既怀香饭筒仍愍楚谓言必一醉快作西川语宁知是官身糟麴困薰煮独携一子出古刹访禅祖高谈付梁罗诗律到阿虎归来一调笑慰此长齟齬【梁罗迟适小名】

皇帝閣端午贴子【六首】

盛德初融后潜陰天姤时侍臣占易象明作两重离采秀擷芳羣争储百药良太医初荐父庶草驗蕃昌防凉生殿閣习习满皇都试问吾民愠南风为解无西檻新来玉宇风侍臣茗盃得雍容庭槐似识天顏喜舞破清陰作雨龙

讲余交翟转回廊始觉深宫夏日长杨子江心空百链只将无逸鉴兴亡

一扇清风洒向寒应縁飞白在冰纨坐知四海防膏泽沐浴君王德似兰

太皇太后閣【六首】

渐台通翠浪暑殿转清风帘卷东潮散金乌未遽中日永蚕收簇风高麦上场朝来借田令菰黍献时芳舞羽诸 伏销兵万彙苏只应黄纸诰便是世灵符令节陈诗歲歲新从君何以壽吾君愿储医国三年艾不作沉湘九辩人

忠臣谅节令千歲孝女孤风满四方不复巫阳占郢梦空余仲御扣河章

长养恩深动植均只忧贪吏尚残民外廷已拜臬羹赐应助吾君去不仁

皇太后閣【六首】

露簟琴书冷雕盘 新深宫犹畏日应念暑耘人万壽昌蒲酒千金琥珀杯年年行乐处新月挂池台翠筒初罨栋芰黍复纏菰水殿开冰鉴琼浆冻玉壶秘殿扶疎夏木深雨余初有一蝉吟应将羸女乘鸾扇更助南风长棘心

上林珍木暗池台蜀产吴包万里来不独盘中见卢橘时拈粽里得杨梅

闵古遗风万古情湘沉旧俗到金明翠舆黄繖何时幸畫鹢飞鳧尽日横

皇太妃閣五首

午景帘栊静春风草木酣谁知恭俭德防缕出亲蚕雨洒方梅夏风高已麦秋应怜百花尽绿叶暗红榴辟兵已佩灵符小续命仍萦防缕长不为祈禳得天助要随风俗乐时康

玉盆沉李艳清泉金鸭嘘空裊细烟自有梧楸郭畏日仍欣姜黍报丰年

良辰乐事古难同綉璽采丝奉两宫仁孝自应穰百沴艾人桃印本无功

夫人閣【四首】

肃肃槐庭午沉沉玉漏稀皇恩乐佳节鬪草得珠玑节物荆吴旧嬉防禁掖闲仙风随画屨拜赐落人间五防綦筒秬稻香千门结艾髻髯张旋开寔典寻风物要反灵辰共祓禳

欲晓铜饼下井栏铿鍠金殿发清寒似闻人世南风热日上墙东问几竿

皇帝閣【四首】

楚国因谗逐屈原终身无复入君门愿因角黍词遗俗可鉴前王感巧言

喜辰共喜沐兰汤毒沴何须采艾禳但得臯防调鼎鼐自然灾祲变休祥

香菰黏米着佳名古俗相传岂足矜天子明堂遵月令含桃初荐黍新登

圣主忧勤政治平仁风惠泽被群生自然四海归文德何用灵符号避兵

郡王閣【五首】

风光细细飘香转绿叶陰陰覆檻凉云物鲜明时节丽水精宫殿侍君王

蓬莱仙阙防云中端午欣逢歲歲同皎洁霜纨空咏扇空沉玉宇自生风

古今风俗记佳辰乐事深宫日日新巧女金盘丝五色皇家玉历壽千春

凉生玉宇来风细日永金徒报漏稀皎洁冰壶清水殿三千争捧赭黄衣

仙盘冷泛银河露细扇香摇绿蕙风禁掖自应无暑气瑶台金阙水精宫

皇帝阁【六首】

天清槐露浥岁熟麦风凉五日历佳节千龄献寿觞午位星标正人间令节同四时和玉烛万物被薰风舜舞来遐俗尧仁浹九区五兵消以德何用赤灵符天容清永昼风色秀含薰五日逢佳节千龄奉圣君防索盘中结杨梅粽里红宫闱九重乐风俗万方同竇曲標灵日明离正午方五行当火德万寿续天长

太皇太后阁【五首】

渐台通翠浪暑殿转清风帘卷东朝散金乌未遽中密叶花成子新巢燕引雏君心多感旧谁献辟兵符旭日映帘生流晖槿艳明红颜易零落何异此花荣香黍筒为糗灵苗艾作人芳音邈已远节物自常新珠箔凉飈入金壶昼刻长鸾台尘不动销尽故时香

皇后阁【四首】

畫扇催迎暑灵符喜辟邪风光丽宫禁时节重仙家椒涂承茂渥嫔壶范柔仪更以亲蚕蠶纫为续命丝茧馆覆荣桑新丝引更长纫为五色缕续寿献君王槐绿陰初合榴繁艳欲燃翠筒传角黍嘉节庆年年

夫人阁五首

梅黄初过雨麦实已登秋避暑多佳赏皇欢奏豫遊鸣蝇惊早夏鬪草及良辰共献菖蒲酒君王寿万春楚俗传筒黍江人喜竞船深宫亦行乐防索续长年冰壶凝皓防水殿漾轻涟绣茧夸新巧紫丝喜续年黄金仙杏粉赤玉海榴芳共鬪今朝胜盈防百草香

皇帝阁【十三首】夏竦

续命朱丝登茧馆长生金篆献琳宫百灵拱卫天居峻万国欢康帝业隆

命缕开辰分五色长丝献寿祝千年垂衣日月承嘉庆眞祖飈防正在天

仙园采药回雕辇禁殿迎祥启凤闱四海乐康民富寿穆清无事永垂衣

采丝祝寿芳辰启紫禁凝旒瑞日长亿兆归仁天祐德绵绵眞防永无疆

絳台月笔书金篆紫殿瑶箱献巧衣亿载延鸿资睿筭百祥重沓拥宸闈

太官角黍迎嘉节正圣斋居裘美祥金阙鉴观真绪逵永延鸿庆庇多方
尚方绶带迎嘉节中禁彤闱纳美祥畴德珍符方瑞圣后宫宸筭永无疆
太官角黍初晨启法座垂衣介福隆亿载昌期方奕奕九天真防永延鸿
赐羹佳序传青简续寿长丝献紫宸帝祉瀍彰符盛德圣心勤恤为生民
五色防丝初献寿九重嘉气颂长生庇民精志方防巩垂拱仁风更穆清
浴兰裘芷良辰启握纪无为圣道尊天启嘉祥充紫禁冲融和气徧千门
八龙焜耀长生策五色葳防续命丝亿载延长资睿筭万区康乐邁昌期
歲时节令多休宴风俗灵辰重祓禳肃穆皇居百神卫涤邪宁待浴兰汤
皇太后閣【十四首】

迎祥近献双条达续寿初纏五色丝共仰斋庄隆内训永观蕃衍茂仙枝
羣治水嬉飞隼渡瑶箱命缕采丝新亲蚕礼毕无余事风佩瑶璜奉紫宸
千门朱索迎嘉祉九禁椒涂纳美祥防奉黼帷承渥惠永闻彤史播声芳
六宫防畫呈新巧中壺斋明顺吉辰德迈河洲芳训茂庆隆祿石美祥新
千门裘吉紫朱索九禁开晨鬪紫闱宫漏正长天睠重永宣芳训率三妃
日记采兰追楚俗化孚流苻调周诗肃恭懿德垂彤瑄九御归心百福宜
中闱正肃鸣环节吉日爰逢采术时亿载繁禧同圣寿百男鸿庆茂仙枝
防畫诸宫初献巧裁逢中禁久迎祥周南永播河洲化仰佐鸿明烛万方
覆檻午陰黄鸟啖烘帘晓日绛榴繁六宫防缕争新巧共续千年奉至尊
紫兰淅淅风光转綠叶陰陰禁院凉天子万几多暇日喜逢佳节奉瑶觴
五色双丝献女功多因荆楚记遗风圣君照物同天鉴不用江心百链铜

烟含玉树风生细日永宫花漏出迟深殿未尝知暑气水精帘拂碧琉璃
玉壶冰彩映寒光避暑宸遊乐未央采艾不须禳毒沴涂椒自己馥清香
兰苕擢秀迎风紫槿艳繁开照日红嘉节相望传有旧深宫行乐自无穷
温成皇后阁【四首】

防缕谁云能续命玉奁空自琐遗香白头旧监悲时节珠阁无人夏日长
依依节物旧年光人去花开益可伤圣主聪明无色惑不须西国返魂香
闻说仙家事查防世传真伪岂能知遥思海上三山乐宁记人间五日时
云散风流歲月迁君恩曾不减当年非因掩面留遗爱自为难忘窈窕贤
淑妃阁【四首】

蕤賓布序逢良月条达延祥纪令辰仰奉椒涂宣内治永昭芳誉冠虞嫔
芳园踏草迎嘉节紫掖鸣环奉鞠衣渥惠日新鸿庆遠永隆徽序耀层闈
万防清和当圣日千门采拾达良辰上真鸿绪宜蕃衍从此高祿美应新
宴寝奉闕鸣来玉良辰袞庆裊长丝仰窥中壺垂芳裕永播周南逮遠词
郡王阁四首

对小惠心时共仰沐兰嘉节庆长丝仰承中绪隆天爱永奉祥祺袞太熙
彤闈永奉千年庆金策将封一字王伫向景风承异渥豫从佳节纳多样
五色防丝頒禁殿千龄嘉庆集藩房玉堂 诵依真馆日日灵心降美祥
昆山瑞玉题真篆闕苑蟠桃刻印文竝献春闈延美庆亿年喜气永氤氲
御阁【圣防进】晏殊

沐浴兰汤在此辰内园仙境物华新轻丝五防纏金缕共祝尧年壽万春

初垂彩仗迎新节复结香茅致百祥就日望云皆善祝圣人洪筭与天长
献壽竞为长命缕迎祥还佩赤灵符端门漏永晨曦上飒飒秋风绕帝梧
雕盘角黍竞时宜组绣风华奉紫闈海日乍升丹禁晓文人晴影照金扉
内廷【四首】

百草鬪余欣令月五丝紫后祝遐年洞房风暖垂灵艾神沼波深竞防船
披风别殿地无尘辟恶灵符字有神九子粽香仙醴熟共瞻宸极祝千春
由来佳节载南荆一浴兰汤万虑清仙苑此时收百药链丹飞石保长生
一一雕盘分楚粽重重团扇画秦娥宫闈百福逢嘉序万户千门喜气多
升閣【二首】

朱邸沭兰逢令节丹廷祝壽喜嘉辰两宫荣养延多庆百福潜随命缕新
织组文缯载旧仪晨朝丹扆奏天慈六斋清素来多福歲歲今辰侍宴私
御閣【四首】

五防丝长系臂初万年芳树影扶疎岂劳方士標神篆自有眞灵卫帝居
九子粽新传楚俗赤灵符驗出新方汉宫尽祝如天壽鹄尾炉烟起瑞香
乍结香茅祈福壽更纏金缕贡芳新丹台素有延生篆歲歲迎祥在此辰
仙家既有灵符术越俗兼为竞渡遊三十六宫迟日永绮牕朱户彩云浮
东宫閣【二首】

杨子波心铸鉴成俗传兹日最標灵宣猷视学通文史问膳多欢奉帝廷
百药初收味最良玉函仍启太清方扇裁葵叶风频度漏转金门日更长
端午作

汨渚沉沉不可追楚人犹自吊湘累灵均未免争琼糈却道蛟龙畏色丝

端午日帖子词孙 覿

皇帝阁【六首】

薰琴应律南风暖漏箭添筹昼刻长谁识广寒天上景铜乌未午送防凉

炎日曛曛照殿楹幅员万里塞氛清汉家自有安边术不是灵符解辟兵

方更仲律清和节正是南讹化育时无限元元齐歌舞恤刑新诏下天墀

露晞擷兰苕金波丽碧霄早闻雕辇降还待紫宸朝内苑属嘉辰初收百药新预知氛疠息天意在生民浅圉含桃老雕盘角黍香九重端扈处星火正离方

皇后阁【五首】

蟠桃映砌晨烟薄紫桂凌霄昼露晞防徭汉宫三十六齐将防缕祝坤闾

暑服初颁五柞宫内墀佳气郁葱葱须知海宇升平事半是闕睢辅佐功

方均寶笈千龄药又赐金盘五色 从此仙源深福远绵绵不独颂周家

浴兰同故事戲草楚遗风不是天家意勤劳念女红洞户花陰浅天阶日景迟纓成八九子缕结就千丝

夫人阁五首

杳杳畫梁巍架杏沉沉香壁静涂椒宫前夜祝君王壽日上黄炉炷未消

交飞壽斚长生殿竞泛仙舟太液池不似世间多暑气天风淅淅万年枝

辟恶何须荆楚艾蠲炎不待邵平 仙飈昨夜来闾阖玉宇清凉大帝家

畫阁方裁扇寒塘又凿冰蓬壶山四彻何处是炎蒸仙宇赐符时仙萸叶尚稀晓来金屋静同侍玉皇归

端午日【三首】 梅尧臣

有酒不病饮况无菖蒲根空怀楚风俗角黍吊沉魂佳人五色缕道士绛囊符瘦臂不中系百邪何用驱百草堪为药舟行不及收岸傍萧与艾从听到寒休

五月五日

屈氏已沉死楚人哀不容何当奈谗谤徒欲却蛟龙未泯生前眼而追没后踪沅湘碧潭水应自照千峯

重五观竞渡

南方多竞渡多在屈平祠箫鼓满流水风烟生畫旗千桡速飞鸟两舸刻灵螭尽日来江畔谁知轻薄儿

午日与陈直卿饮

午日逢南国三年别旧都招魂传楚客抚节见灵巫蒿艾因时未蛟龙为俗驱清樽与鹅炙忻此故人俱

端午前保之太傅遗水墨扇及酒

畫扇双酒壶置前兵吏立言将国匠奇重以风义执树石水上看山河月中入使持菖蒲饮不畏青蝇及

端午晚得菖蒲

薄暮得菖蒲犹胜竞日无我焉能免俗三揖向尊壶端午同子宣平岚榭晚酌望南山而有作

张无尽

相见长嗟相聚稀平岚色榭对清晖牛羊遍野草初绿槐柳成陰春已归顶上茹生麋角解嘴边黄尽燕雏飞白头共作天涯客几向南山咏式防

端午献扇

纨扇新成献迺翁草堂虚寂起清风欲知妙用真无有不离而今掌握中

端午偶题

孤忠不屈赴湘流甘与龙逢地下遊若共蛟龙争口食何如附防楚王休

端午观竞渡题北榭

龙舟鼓笛和吴歌防索纒筒吊汨罗交腿千人齐举棹岂知河海有风波

重午晚登县城景气殊异忽如晓光覆暎海色而停云积蔼防缀其间皆成物象天地之奇变也 崔正言

顏云敛夕陰落日送归鸟初愁山河暝忽见海光晓长洲带清浅翠阜环深 绵绵沙树遠防浮沍小起我天际意便欲凌浩 风蒲挂色遠鸿鹄共轻矫十年墮尘土爪髮今已稿妙物本无心何乃调此老惊呼初未定散灭俄稍稍亦以观我生惆悵下城杪

端午书事白子仪

火云方炽又风薰谁柅天边午日轮靖郭所生为贵子灵均以死作忠臣朝衣耻立鸡争地寘帷难量狗盗人休语前书忧喜事浴兰角黍是良辰

端午日无菖蒲余安行

端午日已过更吟端午诗人间好时节寂寞强追惟有酒无菖蒲青粽漫累累昔人固所嗜我今莫荐之薄物尚如此翻思泪交垂

谢张仲谋端午送巧作 黄鲁直

君家玉女从小见闻道如今画不成剪裁似借天女手萱草石榴偏眼明

歲时杂咏卷二十二

宋 蒲积中 编

夏至

夏至避暑北池韦应物

昼晷已云极宵漏自此长未及施政教所忧变炎凉公门日多暇是月农稍忙高居念田里苦
热安可当亭午息羣物独遊爱方塘门闭陰寂寂城高树苍苍绿筠尚含粉圆荷始散芳于焉
洒烦抱可以对华觴

夏至日作权德輿

璿极无停运四序相错行寄言赫曦景今旦一陰生夏至日衡阳郡斋书怀 令狐楚

一来江城守七见江月圆齿髮将六十乡關越三千褰帷罕防观闭閣多沉眠新节还复至故
交尽相捐何时狝闾阖上诉高高天

和梦得夏至忆苏州呈卢賓客

白居易

忆在苏州日常詣夏至筵粽香筒竹嫩炙脆子鹅鲜水国多台榭吴风尚管 每家皆有酒无
处不过舩交印君相次褰帷我在前此鄉俱老矣东望共依然【予与刘卢三人前后相次典
苏州今同分司老於洛下】洛下麦秋月江南梅雨天齐云楼上事已上十三年

夏至张 耒

长养功已极大运忽云迁人间漫未知防陰生水泉生杀忽更柄寒暑遂成年崔嵬千云树安
能保芳鲜几防物所忽渐进理必然韪哉观化子默坐付忘言

伏日

怀县潘 岳

南陆迎修景朱明送未垂初伏启新节隆暑方赫曦朝想庆云兴夕迟白日移挥汗辞中宇登
城临清池凉飈自遠集轻禁随风吹灵囿曜华果通衢列高椅

伏日

平生三伏时道路无行车闭门避暑卧出入不相过今世态 子【按态字一本作恣一本作悲皆所未详】触热到人家主人闻客来嘖嘖奈此何谓当行起去安坐正踈跨所说无一急
 啥一何多疲 向之从甫问君极那摇扇髀中疼流汗正滂沱莫谓此小事亦是人一瑕传
 诚诸高明热行宜见歌

和长孙秘监伏日苦热 任希古

玉署三时晓金羁五日归北林开逸径东阁敞闲扉池镜分天色云峯减日辉防鳞映荷聚惊
 翰绕林飞披襟扬子宅舒啸仰重闱

同李吏部伏日呈【元庶子路中丞】

火炎逢六月金伏过三庚几度衣裳澣谁家枕簟清颁冰无下位裁扇有高名吏部选开瓮勤
 勤二客卿

广州王园寺伏日即事寄北中亲友

王言史

南越逢初伏东林度一朝曲池煎畏景高殿絶防飈竹簟移先洒蒲葵破复摇地偏茅瘴近山
 毒火威饶裹汗絺如濯亲床枕竝烧堕枝伤翠羽萎叶惜红蕉且困流金炽难成独酌謡望霖
 窥润础思吹 纖淥旅恨生乌浒乡心系浴桥谁怜在炎客一夕壮容销

伏日就杨评事湖上避暑皎然

大火方砾石停云昼所收从容赏心膺畏景难逺防拥几若炎火出门望汀洲廻溪照轩宇广
 陌临梧楸释闷命雅瑟放情思乱流更将无生论可以清烦忧

和潞公伏日防府园示座客

司马光

盛阳金气伏华宇玉樽开眞率际烦礼耆英集上才炎蒸疑逺避流景忘西頽幸忝后遊竝仍
 慙右席陪蒲葵参执扇冰果侑传杯相国方留客如何务早回

初伏休沐宋 祁

伏日诏休偃闭门谢朋侪羲和挟升阳晓气红崔嵬炎林郁歊雾焦原横赭埃怒甚岑岑云见始隆隆雷况我庇茨宇烦襟安得开因拘防巾防仇怨避酒杯汤沐未及具返为襟虱哈北风殊杳嘿羲人安在哉

中伏日永叔遗冰 梅尧臣

日色若炎火正当三伏时盘冰赐近臣络绎中使驰莹澈消冰玉凜气侵人肌近日多故友分
觥能者谁信都顾贫贱物物义不遗念我老且病赤痂生枯皮巨块置我前凝结造化移畏冷
不敢食有类夏虫疑虽然已快意何必咀嚼为天子厚於公不使炽毒欺公亦厚於我将恐煎
随我有防犊爱自怜小子

太尉相公中伏日池亭宴防得山字

何言避暑清晏水轩闲竹气陰池风云 照袞山玳簪方暎座防服亦承顏乐奏寒波上杯
香綠芰间 浮五色烂帘卷半钩弯今日賓裾盛袁刘岂足攀

和中道伏日次韵

伏日每苦热古来亡事侵尝闻东方朔割肉汉庭陰百职当早罢将畏赫日临我无归遗人怀
念空霑襟中伏日陪二通判妙觉寺避暑【时有僧鼓琴于座上】

紺宇迎凉日方牀御綈衣清谈停玉麈雅曲防金徽高树秋声早长廊暑气防不须河朔饮煮
茗自忘归伏日暑甚七月八日【立秋是日风作】 张 耒

西风吹淡白窗戶含凄清炎凉一朝变徂暑逝不停山堂晓潇洒病更衣褐轻平时齐云树芳
草亦复零苦热逢三秋西风飈然起金行入草木伤夷从此始盛极衰从之循环固其理老翁
复何事新凉欣酒美

初伏大雨呈无咎

初伏炎炎坐汤釜长安行人汗沾土谁倾江海作清凉 云驾风横白雨补阨真人挥露手能
使阙乏厌膏乳且欲当风展簟眠敢辞避漏移床苦清贫学士卧陶斋壁上墨君淡无语翰林
但解嘲苜蓿彭宣不得窥歌舞联诗得句笑出省防马涉泥归闭户床头余榼定何嫌窗外石
榴堪荐俎

入伏后一日

老火炽而焰端能流弱金清秋有防警西风生薄陰日中无停晖俛仰忽已沉齐纨不足玩流
景逝駸駸盛衰宁独行中吴密相寻蓬茅有佳处亦足慰人心

出伏寄潘十

伏尽热随尽古语当有凭淮南歲苦旱秋暑鬱方蒸老火炽而焰弱金融未凝火云大江沸烈日羣山頽平生白羽扇挥拂何功能蓬头卧永昼起冠汗沾纓柯山屢空子贫病复相仍衡茅未可诣作诗问寝兴

出伏后风雨顿凉有感三首时已立秋

西风振秋晓万境一凄清幽草防鸣急高叶露华凝戢翼鸟尚宿引吭鸡屡鸣淹留变华歲怅然难为情三伏如汤釜熏煮理亦足西风半夜雨窓户一清肃那能惜摇落可喜过炎燠老人亦晨起稍进杯中醪残暑肩中尽清凉枕上归防云起平遠空碧上朝晞稍感夏衣薄渐伤高叶稀来鸿飞集喜卒歲稻粱肥伏暑日唯食粥一甌尽屏人事颇逍遥効皮陆体

烈日炎风鼓大鑪藤床瓦枕闭门居屏书居士持斋日挂壁禅僧问法图邻汲满携泉似乳新春旋采米如珠饱飡饅粥消长夏况值饥年不敢余

末伏日五更小凉

幽人短梦不终宵起步星河望寂寥缺月挂檐鸡一唱露华秋色满芭蕉

山中伏日

萧然水曲与山根洗链丹灵絕垢痕世上炎炎三伏热难教热到不争门

初伏后偶书呈抑之白子仪

炎天三伏经初伏火烈石焚疑此时钩带已逢 入座扶疎还爱树成帷良田广宅富家事万壑千岩逋客期顾念宿心俱未适但慙种种鬓丝垂

暑伏偶书呈端祖仰之

歲时三伏每相承雨汗居人困不胜况是五弦均长养何须六幕苦炎蒸中干愿沃仙盘露上赐堪加凌室冰安得天风破烦溽释然羣动返清澄

岁时杂咏卷二十三

宋 蒲积中 编

立秋

立秋日题安昌寺北山亭 孙 逖

楼观倚长霄登攀及霁朝高如石门顶胜拟赤城标天路云虹近人寰气象遥山围伯禹庙江落伍员潮徂暑迎秋薄凉风是日飘果林余苦李萍水覆甘蕉览古嗟夷漫凌空爱沆寥更闻金刹下钟鼓晚萧萧

同诸公立秋日登琴台 高 适

古迹使人感琴台空寂寥静然顾遗尘千载如昨朝临眺自兹始羣贤久相邀德与形神高孰知天地遥四时何倏忽六月鸣秋蛩万象归白帝平川横赤霄犹是对夏伏几时有凉飈鷺雀满檐楹鸿鹄将扶摇物性各自得我心在渔樵兀然还复醉尚握尊中瓢

立秋日雨院中有作 杜 甫

山云行絕塞大火复西流飞雨动华屋萧萧梁栋秋穷途愧知己暮齿借前筹已费清晨谒那成长者谋解衣开北户高枕对南楼树湿风凉进江喧水气浮礼寬心有适节爽病微瘳主将归调鼎吾还访旧丘

立秋后题

日月不相饶节序昨夜隔 蝉无停号秋燕已如客平生独往愿惆怅年半百罢官亦由人何事拘形役

立秋日 刘言史

商风动叶初萧索一贫居老性容茶少羸肌与簞踈旧醅难重漉新菜未胜锄才薄无潘兴便便昼偃庐

立秋

兹晨戒流火商飈早已惊云天收夏色木叶动秋声

立秋日 司空曙

律变新秋至萧条自此初花酣莲报谢叶在柳呈疎澹日非云暎清风似雨余卷帘凉暗度迎
扇暑先除草静多翻燕波澄乍露鱼今朝散骑省作赋兴何如

王太常立秋日即事

秋宜何处看试问白云官暗入蝉鸣树微侵蝶绕兰向风凉稍动近日暑犹残九陌浮埃灭千
峯爽气攢换衣防竹暮沈果讶泉寒宫响传花杵天清出露盘高禽当侧弁游鲋对凭栏一奏
招商曲空令继唱难

又卢纶

山高云日明潘岳赋初成篱槿花无色阶桐叶有声绛纱垂簟静白羽拂衣轻鸿雁悲天远
鱼觉水清别弦添楚思牧马动边情田雨农官问林风苑吏惊松篁余盛茂蓬艾自衰荣遥仰
憑轩夕惟应善宋生

立秋日与陆三原于县界送邹十八

武元衡

风入宜阳池馆秋片云孤鹤两难留明朝独向青山郭唯有蝉声催白头

立秋日悲懷 令狐楚

清晓上高台秋风今日来又添新节恨犹抱故年哀泪岂挥能尽泉终闭不开更伤春月过私
服示无裛

立秋日

平日本多恨新秋偏易悲燕词如惜别柳意已呈衰事国终无补还家未有期心中旧气味若
校去年时

立秋日曲江忆元九白居易

下马柳陰下独上堤上行故人千万里新蝉三两声城中江曲水江上江陵城两地新愁思应
同此日情

立秋日登乐游原

独行独语曲江头回马迟迟上乐游萧飒凉风与衰髻谁教同防一时秋

立秋夕有懷梦得

露簟荻竹清风扇蒲葵轻一与故人别再见新蝉鸣是夕凉飈起闲境入幽情回灯见栖鹤隔树闻吹笙夜茶一两杓秋吟三数声所思 千里云外长洲城

立秋夕凉风忽至炎暑稍清即事咏懷寄汴州节度使李二十尚书

嫋嫋檐树动好风西南来红缸霏微灭碧幌飘飘开披襟有余凉拂簟无纖埃但喜烦暑退不惜光陰催河秋稍清浅月午方徘徊或行或坐卧体适心悠哉美人在浚都旌旗绕楼台虽非沧溟阻难见如蓬莱蝉迎节又换雁送书未回君位日宠重我年日摧頽无因风月下一共平生杯

奉酬乐天立秋日有懷见寄 李 绅

深夜星汉静秋风初报凉埕篴淅沥响露叶参差光冰兔半升魄铜壶微滴长薄帷乍飘卷襟带轻摇飈此际昏梦清斜月满轩房屣履步前楹剑防森在行重城宵正分号鼓互相望独坐有所思夫君鸾鳳章天津落星河一苇安可航龙泉白玉首鱼服黄金装报国未知効惟鶉徒在梁徘徊顾戎防颢气生东方衰叶满栏草斑毛盈镜霜羸牛未脱辕老马强腾骧吟君白雪唱慙愧巴人肠

华州周侍郎立秋日奉诏祭岳聊寄是诗以申

诚恐李景让

关河廓静晓云开承诏秋祠太守来山霁莲花添翠黛路陰桐叶少尘埃朱幡入庙威仪肃玉佩升坛步武回往岁今朝几时事谢君非重我非才

酬李常侍立秋日奉诏祭岳见寄

周 墀

秋祠灵岳奉樽罍风过深林古陌开莲掌月高珪币列金天羽衛鬼神陪质明三献虽终礼祈寿千年别上杯岂是琐才能祀事 农太守主张来

立秋后自京归家 李 郢

篱落秋归见豆花竹门当水防横槎松风一雨宜清簟小阁孤灯对绛纱尽日抱愁跼似鼠移时不动懒于蛇西江近有鲈鱼否张翰扁舟始到家

岁时杂咏卷二十四

宋 蒲积中 编

立秋

立秋日祷雨宿灵隐寺同周徐二令

苏轼

百重堆案掣身闲，一叶秋声对榻眠。床上雪霜侵户月，枕中琴筑落堦泉。崎岖世味尝应遍，寂寞山栖老渐便。惟有悯农心尚在，起占云汉更茫然。

自立秋后便凉诗示秬等 张耒

暑别齐纨知有日，秋生簟竹果如期。月明半夜似相覓，角怨五更知为谁。风露满天河转后，江山千里雁来时。短檠莫倦亲灯火，又见槐花黄满枝。

立秋日二絶

西风嫋嫋水飕飕，身在湖湘北岸舟。自古楚人词赋好，为君重赋竟陵秋。

对酒聊同楚人醉，我诗惟听越吟声。洞庭北岸孤城下，落日西风听晚莺。

六月二十三日立秋夜行泊林篁港口

淅淅晚风起，孤舟秋思生。蓬一萤过，防草乱蛩鸣。老大怜为客，风波难计程。人家夜深语，应念客犹征。吴楚封疆接，东南泽国宽。江流秋日净，山霁暮云闲。囊有离骚赋，头余骑省斑。新秋聊把酒，一笑且开颜。

立秋日书懷 王景彝

一岁中分气序平，夫何犹有感秋情。已饶健鶻凌空翮，肯作寒蛩抱树声。桐叶旋愁经雨坠，桂枝还喜得风生。夜凉频惬山居兴，天澹银河彻晓清。

山中立秋 宋 祁

峰云晓影破孱颜，万里风生结早寒。人在兜零烟外走，岁从鶗鴂口中残。槽花并滴添新酎，笥月兼轮掩故纨。白髮光阴诚可惜，五年搔首问长安。

立秋防监司 张无尽

桐叶飞空忽报秋玉醅浮蚁恰新篘相逢昂饮聊乘兴万事从他一日休

立秋后有感 杨 齐

一雨助凉天气醒夜来残叶报秋声人歌曼倩书同发客笑相如赋不成惊破鹤心霄露重送他鸿翼晚风清功名未了男儿事争遣心头系得旌

立秋书懷沈 邁

立秋通夕雨如绳一霎微寒犯葛衾金气凄凉悲肺腑树声萧瑟带商音稻田在处云连野楸叶何人髻可簪自惜茂陵多病客感陰惆悵尽孤吟

岁时杂咏卷二十五

宋 蒲积中 编

七夕

七夕阙 名

迢迢牵牛星皎皎河汉女纖纖擢素手札札防机杼终日不成章泣涕零如雨河汉清且浅相去复几许盈盈一水间脉脉不得语

七月七日李 充

日朗垂 景河汉截昊苍牵牛难牵牛织女守空箱河广尚可越怨此汉无梁

九咏曹 植

乘回风兮浮汉渚目牵牛兮眺织女交有际兮防有期嗟痛吾子兮来不时

七月七日侍皇太子宴 圃园

潘 尼

商风初授辰火防流朱明送夏少昊迎秋嘉禾茂园芳草被畴于时我后以豫以游

七夕观织女 王 鉴

牵牛悲殊馆织女悼离家一稔期一宵此期良可嘉赫奕 门开飞阁郁嵯峨隐隐驱千乘阊阖越星河六龙奋瑶辔文螭负琼车火丹秉瑰烛素女执琼华绛旗若吐电朱盖如振霞云韶何嘈嗽灵鼓鸣相和停轩纡高眄眷予在岌岌泽因芳露沾恩附兰风加朝发相从游翩翩鸾鹄罗同游不同观念子忧怨多敬因三祝未以尔属皇娥

七夕咏织女 苏 彦

火流凉风至少昊協素藏织女思北征牵牛叹南阳时来嘉庆集整驾巾玉箱琼佩垂藻防露结云霓裳金翠耀华輶輶辀散流芳释轡紫微庭解衿琳碧堂欣言未及究晨晖照扶桑仙童唱清道盘螭起腾骧怅怅三宵促迟迟别日长

七夕宋孝武

开庭镜天路余光不可临防风被弱缕迎辉贯 鍼斯艺诚无取时务聊可寻

又

白日倾晓照 月升初光 叶露满肃肃庭风扬瞻言媚天汉幽期济河梁服箱从奔轸
绮阙成章解带遽回轸去谁秋夜长爱聚双情欸念离两心伤

七夕咏牛女 南平王

秋动清风扇火移炎气歇广檐含夜陰高轩通夕月安步巡芳林倾望极云阙组幕綦汉陈龙
驾凌霄发谁云长河遥颇觉促筵悦来对 难期今欢自兹没

代织女赠牵牛顏延之

婺女俚经星姮娥栖飞月慙无二媛灵托身侍天阙閨闼殊未晖咸池岂沐髮汉陰不夕张长
河为谁越虽有促防期方须凉风发虚计双曜周空迟三星没非怨杼轴劳但念芳菲歇

七夕咏牛女 谢惠连

落日隱檐楹升月照帘栊团团满叶露淅淅振条风蹠足循广除瞬目矚层穹云汉有灵匹弥
年阙相从遐川阻昵爱修渚旷清容防杼不成藻聳轡驚前踪昔离秋已两今聚夕无双倾河
易回轸欸情难久惊沃若灵驾旋寂寞云幄空留情顾华寝遥心逐奔龙沈吟为尔感情深意
弥重

七夕月下王僧达

遠山敛氛祲广庭杨月波气往风集隙秋还露 柯节期既已孱中宵振绮罗来欢讎终夕収
汨泣分河

七夕咏牛女

火逝首秋节新明 月夕月 光照户秋首风入隙凌峯步层崖憑云肆遥脉徙倚西北庭踈
踊东南覲纨绮无报章河汉看骏轡

和王义兴七夕鲍 昭

宵月向掩夜云雾牕当白寒机思孀妇秋堂泣征客疋命无单年偶影照双夕暂交金石心须
與云满隔

七夕咏牛女应诏 谢 庄

辍机起春莫停箱动秋襟旋车照汉右芝驾肃河陰珠殿红未殊瑶庭露已深夜清岂掩拂
晖无久临

望织女 梁武帝

盈盈一水边夜夜空自怜不辞精衛苦河流未可填寸情百重结一心万处悬愿作双清鸟共
舒明镜前

七夕

白露月下团秋风枝上鲜瑶台涵碧雾琼幕生紫烟妙防非绮节佳期乃良年玉壶承夜急兰
膏依晓煎昔悲汉难越今伤河易旋怨咽双念断凄别两情悬

又 梁简文

秋期此时浹长夜徙河灵紫烟凌鳳羽红光乘玉輶洛阳疑剑气城都怪客星天梭织来久方
逢今夜停

七夕穿针

怜从帐里出想见夜 开针欹疑月暗缕散恨风来

七夕咏穿针 柳 恽

代马秋不归缁紈无复绪迎寒理衣缝映月抽纖缕的砾愁睇光连娟思睂聚清露下罗衣秋
风吹玉柱流陰稍已多余光欲谁与【一作流景对秋夕余光欲难取】

答唐娘饷七夕穿针徐 悱

倡人助汉女靓妆临月华连针学并蒂萦 作开花嫵闺浥罗绮揽赠自伤嗟虽言未相识闻
道出良家曾停霍君骑经过柳惠车无由一共语暂看日升霞

七夕感逝宋务先

生代日何短徂迁岁欲暮始闻春鸟思湓见凉云滋皎皎河汉匹三秋防有期嗟嗟琴瑟偶一
去无还时晴壁看遗挂虚檐想步綦流芳行处歇空色梦中疑昔有秦嘉赠今为潘岳诗百忧
人自老 髮自成丝

七夕庾信

牵牛遥映水织女正登车星桥通汉使机石逐仙槎隔河相望近经秋离别愁将今夕恨复着明年花

七夕穿针刘遵

步月如有意情来不自禁向花抽一缕举袖弄双针

四时行生曲

三月三日咄泉水七月七日芍陂塘鳳靥蛾眉妆玉面朱帘绣户映新妆

七夕穿针刘孝威

乱恐风来衫轻羞指见故穿双眼针持缝合欢扇

织女赠牵牛 沈约

红妆与明镜二物本相亲用持施防画不照离居人往秋虽一照一照复还尘尘生不复拂蓬首对河津冬夜寒如是寧遽道阳春初商忽云至暂得奉衣巾施衿已如故每耻辍如新

牵牛答织女 王筠

新知与生别由来值相似岂如寸心中一宵懷两事欢娱未繾綣倏忽成离异终日遥相望祇益生愁思犹想今春悲尚有故年泪忽遇长河转独喜凉飈至奔精翼鳳軫铁阿惊龙轡

咏织女 刘孝威

金钿已照曜白日未蹉跎欲待黄昏至含娇渡浅河

七夕何逊

仙车驻七襄鳳驾出天潢月映九微火风吹百和香逢欢暂巧笑还泪已啼妆依稀犹洛汭倏忽似高唐别离不得语河汉渐汤汤

又 庾肩吾

玉匣卷悬衣高楼开夜扉姮娥随月落织女逐星移离前看促夜别后对空机倩语雕陵鹊填

河未可飞七夕宴宣猷堂各赋一韵咏五物目足为十并牛女一首五韵物次第用得帐屏风案壶履【座有

陆琼傅绛陆瑜姚察等四人】陈后主

锦作明玳床黼垂光粉壁带日芙蓉照因吹芳风拆【帐】织成如绩采琉璃畏风擎秦宫得绝超汉座殊班敌【屏风】已罗七俎满兼逢百品易张陈答赠言梁室齐眉席【案】蕴仙此还异掌漏翻非役侍臣乃执捧良宾乃投掷【唾壶】贤舍观穴踵田观蹊迹矩步今有仪用此前嘉客【履】七夕宴重咏牛女各为五咏【座有刘防安逵侯方华张式陆琼顾野王褚玠谢朓周填傅纬陆瑜柳庄王瑳等十三人上】

明月照高台仙驾忽徘徊雷徙闻车度霞上见妆开房移看动马斗转望斟杯靛色随星女髻影杂云来更觉今宵短只遽日轮催

同管记陆琛七夕五韵

亭亭秋月明团团夕露轻凤驾今时度霓骑此宵迎防上采霞动粉外白云生故娇隔分别新欢起旧情含笑不终夜香风空自停

同管记陆瑜七夕四韵【陆瑜王琼等二人上和】

河汉言清浅相望限烟霄云生剑气没槎还客宿遥月上仍为镜星连可代桥唯当有今夕一夜不迢迢初伏七夕已觉微凉既引应徐且命燕赵清风朗月以望七襄之驾置酒陈乐各赋四韵之篇【座有张式陆琼顾野王傅绛陆瑜等五人上】

广席多才俊重合引珠妍管弦檐外响罗绮树中鲜举针还向月上舞复依筵度河【阙】将殿相看并是仙七夕宴乐修殿各赋六韵【座有张式陆琼褚玠王溪傅绛陆瑜姚察等七人】

秋初芰荷殿宝帐芙蓉开玉笛随上金钿逐照回钗光摇玳瑁柱色轻玫瑰笑靥人前敛衣香动处来非同七襄驾诘隔一春梅神仙定不及宁用流霞杯

七夕宴圃各赋五韵【座有顾野王陆瑜姚察等四人上】

殿深炎气少日落夜风清月小看针暗云开见缕明丝调听鱼出吹响间声度更银烛尽陶暑玉卮盈星津虽可望诘得似人情

七夕江总

汉曲天榆冷河边月桂秋婉娈期今夕飘飘渡浅流输随列宿动逾逐防云浮横波翻浮泪束素反缄愁此时机杼息独向红妆羞

又【二首】王 脊

天河横欲晓车驾俨应飞落月移妆镜浮云动别衣欢逐今宵尽愁随还路归犹将宿昔泪更上去年机终年恒弄杼今夕始停梭郤镜看斜月移车渡浅河长裾动星佩轻帐掩云罗旧愁虽暂止新愁还复多

又唐高宗

羽盖飞天汉凤驾越层峦俱叹三秋阻共叙一宵欢潢亏夜月落靛碎晓星残谁能重操杼織手濯清澜

奉和七夕应制许敬宗

牛闺临浅汉鸾驷涉秋河两懷紫别绪一宿庆停梭星 鈿里靛月防黛中娥奈许今宵度长嬰离恨多

七夕唐高宗

霓裳转云路凤驾俨天潢亏星凋夜靛残月落朝黄促欢今夕促长离别后长轻梭聊驻织掩泪独悲伤

奉和七夕应制许敬宗

婺闺期今夕蛾轮泛浅潢迎秋伴暮雨待暝合神光荐寝低云鬓呈态解霓裳喜中愁漏促别后怨天长

七夕赋咏成篇【四首】何仲宣

日日思归勤理鬓朝朝伫望嬾调梭凌风宝扇遥临月映水仙车遠渡河歷歷珠星疑拖佩冉冉云衣似曳罗通宵道忆终无尽向晓离愁已复多

又沈叔安

皎皎霄月丽秋光耿耿天津横复长停梭且复留残纬拂镜及早更新妆彩凤齐驾初成輶雕鹄填河已作梁虽喜得同今夜枕还愁重空明日床

又陆敬

凤驾鸣鸾启闾阖霓裳遥裔俨天津五明霜纨开月扇百和香车动画轮婉变夜分明几许靚
妆冶服为谁新片时欢娱自有极已复长望隔年人

又许敬宗

一年愁绪嗟长别七夕含态始言归飘飘罗袜光天步灼灼新妆鉴月辉情催巧笑开星靥不
惜呈露解云衣所叹却随更漏尽掩泣还弄昨宵机

和东观羣贤七夕临泛昆明池 任希古

秋风始摇落秋水正澄鲜飞眺牵牛渚激赏镂鲸川岸珠沦晓魄池灰敛曙烟泛沔分槎汉仪
星别构天云光波处动日影浪中悬惊鸿絺蒲弋游鲤入庄筌萍叶疑江上菱花似镜前长林
代轻幄细草即芳筵文峯开翠防笔海控清涟不挹兰尊圣空仰桂舟仙

和长孙秘监七夕

三秋叶神媛七夕望仙妃影照河阳伎色丽平津闾鹊桥波里出龙车霄外飞露 低珠佩云
移荐锦衣更深黄月落夜久靚星稀空接灵台下方慙辨支机

七夕权德舆

佳期人不见天上喜新秋玉佩霑清露香车渡浅流东西一水隔迢递两年愁别有穿针处防
明月映楼

又李贺

别浦今朝暗罗帷午夜愁鹊辞穿线月花入曝衣楼天上分金镜人间望玉钩钱塘苏小小更
值一年秋

岁时杂咏卷二十六

宋 蒲积中 编

七夕

和李公七夕谢惠连体 任希古

落日照高牖凉风起庭树悠悠天宇平昭昭月华度开轩卷绡幕延首睇云路层汉有灵妃仙居无与晤履化悲流易临川怨迟暮昔从九春徂方此三秋遇瑶驾越星河羽盖凝珠露便妍耀井色窈窕凌波步始阅故人新俄见新人故掩泪收机石街啼褰纨素惆悵伤何已徘徊劳永慕无由西北归空自东南顾

七夕张文恭

鳳律惊秋气龙梭静夜机星桥百枝动云路七香飞暎月回雕扇凌霞曳绮衣含情向华帐流态入重闱欢余夕漏尽怨结晓骖归谁念分河汉还忆两心违

又 杜审言

白露含明月青霞断绛河天街七襄转关道二神过袿服锵环佩香筵拂绮罗年年今夜尽机杼别情多

七夕侍宴应制

一年衔别怨七夕始言归敛涕开星闕防步动云衣天回兔欲落河旷鹊停飞那堪尽今夜复往弄残机

七夕泛舟【并序】 卢照隣

诸公迹寓市朝心游江海访奇交于千里恨良辰于寸陰常恐辜负琴书荒凉山水于是脱屣人事鸣棹川隅言追挂犊之才用卜牵牛之赏边生经笥送炎气以濯纓郝氏书囊临秋光而曝背似遇猴山之客还疑星汉之游愿驻景于高天想乘霓于缩地繁丝乱响凉酎时斟狎戏羽于生沙钓潜鰓于曲浦乘流则逝不觉忘归咸使赋诗探韵成作云尔

汀葭肃莫暑江树起初凉水疑通织室舟似泛仙潢连桡渡急响鸣棹下浮光日晚菱歌唱风烟满夕阳鳳杼秋期至鳬舟野望开防吟翠塘侧延想白云隈石似支机罢槎疑犯宿来天潢殊漫漫日暮独悠哉

又 梁 锬

云端有灵匹掩映拂妆台夜久应瑶佩天高响不来片云秋始展残梦晓翻催却怨填河鹊留桥又不回

牛女沈佺期

粉席秋期缓针楼别怨多奔龙争度日飞鹊乱填河失喜先临镜含羞未解罗谁能留夜色来夕倍还梭

曝衣篇【并序】

按王子阳园苑防太液池边有武帝曝衣阁帝至七月七日夜宫女出后衣登楼曝之因赋曝衣篇

君不见昔日宜春太液边披香画阁与天连灯光灼烁九微映香气氛氲百和然此夜星繁河正白人传织女牵牛客宫中扰扰曝衣楼天上娥娥红粉席曝衣何许曛半黄宫中防衣提玉箱珠履奔腾上兰砌金梯宛转出梅梁绛河里碧烟上双花伏兔敛屏风七子盘龙擎斗帐舒罗散縠云雾开缀玉垂珠星汉回朝霞散防着衣架晓月分光劣镜台上有仙人长命绶中有玉女迎欢绣玳瑁帘中别作春珊瑚 里翻成昼椒房金屋宠新流意气骄奢不自由汉文宜惜露台费晋武须焚前殿裘

七夕

秋近雁行稀天高鹊夜飞妆成应嬾织今夕渡河归月皎宜穿线风轻得曝衣来时不可觉神駸有光辉

同赋山居七夕李 峤

明月青山夜高天白露秋花庭开粉席云岫敞针楼石类支机影池似泛槎流暂惊河女鹊终狎野人鸥

七夕应制

灵匹三秋防仙期七夕过槎来人泛海桥度鹊填河帝辇升银阁天机罢玉梭谁言七襄咏重入五弦歌

又 赵彦昭

青女三秋节黄姑七日期星桥渡玉佩云阁掩罗帷河气通仙掖天文入睿词今宵望灵汉应得见蛾眉

又刘宪

秋吹过双阙星仙动二灵更深移月镜河浅渡云軿殿上徵方朔人间失武丁天文兹夜里光映紫微庭

又李义

桂宫明月夜兰殿起秋风云汉弥年阻星筵此夕同倏来疑有处旋去已成空睿作钧天响魂飞在梦中

七夕宋之问

传道仙星媛年年防水隅停梭借蟋蟀留巧付蜘蛛去昼从云请归轮竚日输莫言相见濶天上日应殊

奉和圣制七夕应制苏颋

灵媛乘秋发仙装警夜催月光窥欲度河色辨应来机石天文寫针楼御赏开窃观栖鸟至疑向鹊桥回

闰月七日织女王湾

耿耿曙河微神仙此日稀今年七月闰应得两回归

牵牛织女杜甫

牵牛出河西织女处其东万古永相望七夕谁见同神仙意难候此事终防胧飒然精灵合何必秋遂通亭亭新妆立龙驾且层空世人亦为尔祈请走儿童称家随丰俭白屋达公宫膳夫翊堂殿鸣玉凄房栊曝衣遍天下曳月扬微风蛛丝小人态曲掇果中初筵重露日出惟所终嗟汝未嫁女秉心郁忡忡防身动如律竭力机杼中虽无姑舅事敢昧织作功明明君臣契咫尺或未容义无弃礼法恩始夫妇恭小大有佳期戒之在至公方圆苟龃齟丈夫多英雄

他乡七夕孟浩然

他乡逢七夕旅馆益羁愁不见穿针妇空懷故国楼凉风初减热新月始含秋谁忍窥河汉迢迢望女牛

七夕崔国辅

太守仙潢族含情七夕多
扇风生玉漏置水写银河
阁下陈书籍闺中曝绮罗
遥思汉武帝殿青鸟几时过

又 韦应物

人世拘形迹别去间山川
岂意灵仙偶相望亦弥年
夕衣清露湿晨驾秋风前
临欢定不住当为何所牵

又 杨 衡

汉浦常多别星桥忽重游
望云迎翠辇当月拜珠旒
寝幌凝宵态妆奁闭晓愁
不堪鸣杼日空对白榆秋

又

凉风吹玉露河汉有幽期
星彩光仍隐云容掩复离
良宵惊曙早闰岁怨秋迟
何事金闺子空传得 丝

又

祥光若可求闺女夜登楼
月露浩方下河云凝不流
铅华潜警曙机杼暗传秋
回想敛余睠人天俱是愁

又 祖 咏

闺女求天女更阑意未阑
玉庭开粉席罗袖捧金盘
向月穿针易临风整线难
不知谁得巧明旦试相看

七夕歌 刘言史

星寥寥兮月细轮佳期可想兮不可亲
云衣香薄妆态新彩斚悠悠度天津
玉幌相逢夜将极妖红惨黛生愁色
寂寞低容入旧机歇着金梭思往夕
人间不见因谁知万家闺艳求此时
碧空露重彩盘湿花上乞得蛛蜘蛛丝

七夕清 江

七夕景迢迢相逢只一宵
月为开帟烛云作渡河桥
映水金冠动当风玉佩摇
预愁更漏促离

别在明朝

又

长安城中月如练家家此夜持针线仙裾玉佩空自知天上人间不相见长信深陰夜转幽玉
堦金阁数萤流班姬此夕愁无限河汉三更看斗牛

又 刘德舆

今夕云輶渡鹊桥应非脉脉与迢迢佳人竞喜开妆镜月下穿针拜九霄

七夕见诸儿孙题乞巧文

外孙争乞巧内子共题文隱映花帘对参差绮席分鹊桥临片月河鼓掩轻云羨此婴儿辈欢
呼彻曙闻

七夕曲 王 建

河边独自对星宿夜织天丝难接续抛梭振蹶动明珰为有秋期眠不足遥愁今夜河水隔龙
驾车辕鹊填石流苏翠帐星渚间环佩无声灯寂寂两情纏绵忽如故复畏秋风生晓露幸回
郎意且斯须一年中别今始初明星未出少停车

七夕寄懷竇 常

露盘花水望三星髣髴虚无降匹灵斜汉没时人不寐几条蛛 下风庭

七夕【二首】 刘禹锡

河鼓灵旗动嫦娥破镜斜满空天是幕徐转斗为车机罢犹安石桥成不碍槎谁知观津女终
日望云涯天衢启云帐神驭上星桥初喜渡河汉频惊转斗杓余霞张锦幔轻电闪红绡非是
人间世还悲后防遥

又 白居易

烟霄微月澹长空银汉秋期万古同几许欢情与离恨年年并在此宵中

又 温庭筠

鹊归燕去两悠悠青琐西南月似钩天上歳时星右转世间离别水东流金风入树千门夜银

汉横空万象秋苏小钱塘通桂楫未应清浅隔牵牛

七夕歌

鸣机轧轧停金梭芙蓉澹荡秋水波夜轩红粉陈香罗风轻蝉薄愁双蛾微光奕奕凌曙河鸾咽鹤唳飘飘歌穹桥销尽奈愁何天风澹荡云陂陀平明花水有秋意露湿防盘蛛网多

七夕李商隐

鸾扇斜分凤幄开星桥横过鹊飞回争将世上无期别换得年年一度来

辛未七夕

恐是仙家好别离故教迢递作佳期由来碧落银河畔可要金风玉露时清漏渐移相望久微云未接过来迟岂能无意酬乌鹊唯与蜘蛛乞巧丝

壬申七夕

已驾七香车心心待晓霞风轻唯响佩日薄不嫣花桂嫩传香远榆高送影斜成都过卜肆曾妬识云槎

壬申闰秋题赠乌鹊

绕树无依月正高邳城新泪溅云袍几年始得逢秋闰两度填河莫苦劳

七夕偶题

宝婺摇珠佩嫦娥照玉轮灵归天上匹巧遗世间人花果香千户笙竽溢四隣明朝晒犊鼻方信阮郎贫

题七夕图赵璜

帝子吹箫上翠微秋风一曲凤凰归明年七月重相见依旧高悬织女机

七夕

乌鹊桥头双扇开年年一度过河来莫嫌天上稀相见犹胜人间去不回欲减烟花饶俗世暂烦明月掩妆台别时旧路长清浅岂肯离心似死灰

七夕寄张氏兄弟 李郢

新秋牛女防佳期红粉筵开玉饌时好与檀郎记花朵莫教清晓羨蛛丝

七夕刘威

乌鹊桥成上界通千年灵防此宵同云收喜气星楼晓香拂轻尘玉殿空翠辇不行青草路金
銮从候白榆风防盘花阁无穷意只在浮生一缕中

又唐彦谦

露白风清夜向晨小星垂佩月埋轮绛河浪浅休相隔沧海波深尚作尘天外凤凰何寂寞世
间乌鹊漫辛勤猗兰殿北斜楼上多少通宵不寐人

又

牛女相期七夕秋相逢俱喜鹊横流凉风缥缈回金辂明月婵娟挂玉钩鸟语几曾添别恨花
容终不更含羞更残便是分襟处晓箭东来射翠楼

又罗隐

月帐星房次第开两情唯恐曙光催时人休用金针待没得心情送巧来

岁时杂咏卷二十七

宋 蒲积中 编

七夕

和公达过潘楼观七夕市司马光

织女虽七襄不能成报章无巧可乞汝世人空自狂帝城秋色新满市翠帘张伪物逾百种烂漫侵数坊谁家油壁车金壁照面光土偶长尺余买之珠一囊安知杼柚劳何物为蚕桑纷华不足悦浮侈真可伤

七夕【三首】 宋 祁

西南新月玉成钩奕奕神光渡饮牛素彩空浮承露掌清香不散曝衣楼天边华幄催云卷星外横桥伴客愁莫使银河到沧海人间沟水易东流

开秋七夕到佳辰里俗争夸节物新乌鹊桥头已凉夜黄姑渚畔暂归人裴回月御斜光敛宛转蛛丝巧意真卜肆沈冥谁复问年年槎路上天津

乌鹊桥头羽盖移秋风常有隔年期七襄终日难成报不是星娥织作迟

七月六日絕句

积雨古墙生綠衣幽光防防弄秋姿黄昏楼角看新月还是年年牛女时

七夕歌 张 耒

人间一叶梧桐飘蓐收行秋回斗杓神官召集设灵鹊直渡银河云作桥河东美人天帝子机杼年年劳玉指织成云雾紫真衣辛苦无欢容不理帝怜独居无与娱河西嫁与牵牛夫自从嫁后废织紉綠鬓云鬟朝暮梳贪欢不归天帝怒谪归却踏来时路但令一岁一相逢七月七日河边渡别长防少知奈何却悔从前欢不多忽忽万事說未尽烛龙已驾随羲和河边灵官晓催发令严不管轻离别空将泪眼湿帝车泪痕有尽愁无歇我言织女君勿叹天地无穷防相见犹胜姮娥不嫁人夜夜孤眠广寒殿

七日晚步园中见落叶如积有感而作

东园久不到落叶曲池平摇落遽如许歳时真可惊衡茅防故里渔钓寄余生放逐逢艰歳藁未敢轻

七月六日成二絕句

月落暗虫啼不休五更白露晓悠悠西风是处皆摇落可是梧桐独报秋

七夕晏殊

百子池深涨綠苔九光灯迴綠浮埃天孙宝驾何年驻阿母飈轮此夜来空外粉筵和露湿静中珠幌彻明开秋河不断长相望岂独人间事可哀

七夕咏懷梅尧臣

织女无耻羞年年嫁牵牛牵牛苦娶妇娶妇不解留来往一夕光奕奕河汉秋轻传人世巧未知何时休喜鹊头无毛截云驾车辘老鸦少斟酌死欲同造舟明月不到晓是夜曲如钩天意与物理注错将何求尝闻阮家儿犢鼻竹竿头人生自有分岂愧曝衣楼

七夕

古来传织女七夕渡明河巧意世争乞神光谁见过隔年期已拙旧俗驗方讹五色金盘果蛛丝浪作窠七夕永叔内翰遗郑州新酒言直内不暇相邀

诘朝持郑醞向夕望星津俗意愿添巧古心思变淳予穷少陵老公似谪仙人独对金盞月宫词付小臣

七夕有感

去年此夕肝肠絕歲月凄凉百事非一逝九泉无处问又看牛女渡河归

和黄预七夕 陈师道

盈盈一水不斯须经歲相过自怨踈坐待翔禽报佳防径须飞雨洗香车超腾水部陈篇上收拾愚溪作赋余信有神仙足官府【原阙】

防胡德林七夕张无尽

鼓盆新恨度良宵怅望仙娥未见邀防取天河离合意何曾灵鹊久成桥

七夕【二首】 范祖禹

可怜风俗重秋期红锦花香极所思乞巧楼中成底事平明只得玩蛛丝

少年重此夕渐老何所为与子思故乡置酒同赋诗坐来霜露淡夜久星斗稀王宫直北里天外横歌期

七夕作

天上人间重此宵新情旧恨两迢迢汉宫露密罽毼冷秦殿灯深羯鼓焦香粉溟蒙筛绮席蛛丝千万络烟霄牵牛何事劳神鹊不使虹蜺驾作桥

七夕宋 白

纖吹浮云荐非因散巧楼灵俦不可覩仙汉淡悠悠

又 杨 亿

天开翠帟暮氛消盘蕙朱煤惜易飘月出南楼蟾桂长笙来北里鳳簧调巧蛛露湿千丝 倦
鹊波横一夕桥晒腹曝衣传故俗阮庭布犊若为标

七夕防饮呈郡僚 陶崇仪

嘉节惟今夕无辞酒满觞短更侵永昼残暑化微凉檀燧移新火桐丝发少商魁罡高北极河
汉入南方世俗谈容易天家事渺茫支机安用石渡水不须梁异說深无取羣疑久未忘一朝
传者误千载习为常客去朱门锁宾来翠幄张洗樽除旧味剪烛出新光玉漏倾寒滴金炉曳
暗香防楼星底下巧缕月中央笑感神仙语羞为儿女狂晨钟掩残醪留得菊花黄

七夕日宿长江李 新

去歲龙城乐事多楼头乞巧傍青蛾今年织女知何处不见星郎夜渡河

七夕有感沈 邁

匹妇投梭壻挽牛思量乃是拙之尤谋身未解离耕织送巧争能应祷求世路果如针孔隘月
华安借 虫游吾侪利钝教谁辨曷若哺糟枕豹丘

七夕暮雨后小霁

喜事何人不愿随清尘洒道賛心期暮云乍歇楚台雨新月初弯京兆眉一夜光陰须爱惜千
门楼殿自妆褰寰中风物知多少异日陰晴不我知

七夕暮雨

万事求全即少全真工岂是不周旋莫嫌无月无星夜正是为云为雨天上界未能无龃齬到头终不碍因縁明年檄取银潢棹百幅绡防謁海仙

七夕卧病【二首】

濒秋暑更敲病客坐无聊饮伎惟烹药灵妃亦渡桥余生忧白髮几度枉良宵寄语陰阳寇闲居可借饶明日凉风至今宵暑气熬嫦娥知客病半夜尽云遮遇景不能赏忧生徒自嗟何当逃世事移榻近烟霞

七夕罢后作【二首】

世罢天人共明河上下通流风随汉水新巧试房枕遇邸捐刍狗香囊秘 虫明朝敲户问胜拙是谁工翠烟生锦帐零落上香山喜 蛛新布仙桥鹊罢还壶觞阑月下云雨散人间莫吝终残笋秋风老醉顏

七夕【四首】

风吹北斗向西横月暎林梢只半明野鹊到天羌有分银河防地悄无声泛槎仙客今何在连理佳人卒改盟牛女尽歆寰海酌几人心事是圆成

人事不相兼公违爱与嫌送穷贫自若乞巧拙弥添世态规求甚天孙付与廉得多惟宦路赃贿奉权阉经年天上怨参商未抵人间一日长暂有生离无死别一年一度尽何妨

千里河桥雉扇开云为车骑月为媒莫陪夫壻矜高义曾嫁人间董允来

歲时杂咏卷二十八

宋 蒲积中 编

中元

七月十五日题章敬寺唐德宗

招提迓皇邑复道连重城法筵防早秋驾言访禅局
嘗闻大仙教清淨宗无生七江匪吾寶万行先求成
名相既双寂繁華奚所榮金風扇微涼遠烟凝翠晶
松院靜苔色竹房深磬声境幽真慮恬道勝外物輕
意适本非說含毫空复情

奉和聖制中元日題章敬寺 崔元翰

妙道本非說殊途或異名聖人得其要俱以化羣生
風吹从上苑龍宮連外城花鬘列廣殿云車駐前庭
松竹含新秋軒 有余清緬懷崆峒事須繼簫管声
离相境都寂防言理更精域中 信稱大天下乃为輕
屈已由濟物尧心岂所榮

中元日鮑端公宅遇吳天師聯句

道流为柱史教戒下真仙【严维】共契中元防初修内景篇【鮑防】防方依地僻卜室喜
墙连【谢良辅】寶笥开金篆華池漱玉泉【杜奕】怪龍随羽翼青节防云烟【李清】昔
去遺丹灶今來变海田【刘蕃】养形奔二景练骨度千年【谢良弼】騎竹投陂里携壺在
牖邊【郑防】洞中尝入靜河上旧談 【陈允初】伊洛笙歌遠蓬壺日月偏【樊珣】青
驪尔訓引白犬伯阳牽【丘丹】法受相君后心存象帝先【吕渭】道成能縮地功滿欲升
天【范掩】何意迷孤往含情恋数賢【吳筠】

开元观陪杜大夫中元日观乐

戎 昱

今朝欢称玉京天况值关东俗理年舞态疑迴紫阳女歌声似遏防云仙
盤空双鶴惊丸劍洒砌三花度管 落日香街尘拥騎好風油幕动高烟

中元日观法事卢 拱

四孟逢秋序三元得气中云迎碧落步章奏玉皇宮坛滴槐花露香飄栢子風羽衣凌縹緲
瑤轂輾虛空从慕殮霞客常悲習蓼防青囊如可授从此訪鴻蒙

中元夜 李 郢

江南水寺中元夜金粟栏邊見月娥
紅燭影迴仙態近翠鬟光動看人多
香飄彩殿凝蘭麝霧繞輕衣雜綺羅
湘水夜空巫峽遠不知歸路欲如何

酬蘇少尹中元夜追懷去年此夕鄙人與故李諫議郭員外見訪感時思舊之作

令狐楚

直繼先朝衛與英能移孝友作忠貞
劍門失險曾 虎淮水安流緣斬鯨
黃閣碧幢惟是儉三公二伯未為榮
惠連忽贈池塘句又遣羸師破胆驚

中元日贈張尊師

偶來人世值中元不獻 都永日門寂寂
焚香在仙觀知師遙禮玉京山

中元作 李商隱

絳節飄飄宮國來中元朝拜上清迴
羊權雖得金條脫溫嶠終虛玉鏡台
曾省驚眠聞雨過不知迷路為花開
有娥未抵瀛洲遠青雀如何鵲鳥媒

中元夜寄道侶【二首】 陸 防

學餌霜茸骨未輕每逢真夕夢还清
丁寧獨受金妃約許與親題玉篆名
月苦撼殘臨水佩風微飄防繫雲纓
須與枕上桐 曉露壓千枝滴滴聲

橘齋風露已清余東郭先生病未除
孤枕易為蛩破夢短檐難得燕傳書
廣云披日君應近倒景栽花我尚疎
惟羨羽人襟似水平持旄節步空虛

即事中元甲子 羅 隱

三秦流血已成川塞上黃雲戰馬閑
只有羸兵填渭水終無奇士出商山
田園已沒紅塵內弟侄相逢白刃間
惆悵翠華猶未返淚痕空滴劍文斑

中元夜看月

防朧南溟月汹涌出雲濤下射長鯨眼
遙分玉兔豪勢來牛斗動路越廣寒高
竟夕瞻光彩昂頭把白醪

中元夜泊淮口

木叶廻飘水面平偶停孤棹已三更秋凉雾露侵灯下夜静鱼龙逼岸行欹枕正牵题柱思隔楼谁转绕梁声锦帆天子狂魂魄应过扬州看月明

中元夜百花洲作 范仲淹

南阳太守清狂发未到中秋先赏月百花洲里夜防归緑梧无声露光滑天高碧海吐明珠寒辉射空星斗踈西楼下看人间世莹然都在清玉壶从来酷暑不可避今夕凉生岂天意一笛吹销万里云主人高歌客大醉客醉起舞逐我歌弗舞弗歌如老何

苦雨既从 中元小晴见月 沈 邁

中秋在后圆呈様始中元向晚愁霖歇当空夕露繁玉盘敲不响金饼柏成幡此景应希遇褰帘酌一樽七夕才过见家人洁供具以备中元因有感

七夕星妃退中元又复还踵来频令节隙过惜朱颜雨水催盆草香烟吐博山抱忧年亦迈寬
饮 贫闲

中元

潦退鱼头重风高雁翅回竹林残暑退荷叶晚香来高兴乘秋动清樽揖月开鸣蛙看欲尽犹自聒池台壬子中元朝同应求之小水院过毛田山觀稻

田 余安行

晓行新露重金气肃山谷翛然穿翠林满目清可掬晚苗秀堪飧早稻实已熟行歌代老农相庆足嘉穀

秋分

监祠夕月坛书事 刘禹锡

西白司分昼夜平羲和亭午太陰生锵锵揖讓秋光里观者如云出鳳城

秋社

社日崇讓园宴苏 颋

鸣爵三农稔勾龙百代神运昌叨辅弼时报喜黎民树缺池光近云开日影新生全应有地长愿乐交亲

社日【二首】杜甫

秋丰成德业百祀发光辉报効神如在馨香旧不违南翁巴曲醉北雁塞声微尚想东方朔恢谐割肉归陈平亦分肉太史竟论功今日江南老他时渭水童欢娱看絶塞涕泪落秋风鸳鹭回金阙谁怜病峡中

社日關路作白居易

晚景函關路凉风社日天青岩新有鷲红树欲无蝉愁立驂楼上厌行官堠前萧条秋兴苦渐近二毛年

祭社宵兴灯前偶作

城头传鼓角灯下整衣冠夜镜藏须白秋泉漱齿寒欲将闲送老须着病辞官更待年终后支持归计看

循州社日留题館壁

裴夷直

浪花如雪叠江风社过高秋万恨中明日便随江燕去依依俱是故巢空

社日遊开元观【时当水荒之后】薛逢

松柏当轩蔓挂萝古坛衰草暮风吹荒凉院宇无人到寂寞烟霞只自知浪浸法堂余像没水存虚殿半科仪因求天寶年中梦故事分明载折碑

社后韩偓

社后重阳近云天澹泊间目随棊客静心共睡僧闲归鸟城衔日残虹雨隔山寂寥思晤语何夕欵柴关

华下社日寄乡中司空图

社防见乡情邻家起未明乐和丰歲从笑认老人声独恨门犹掩仍无酒可倾交亲谁可念一水隔归程今诗

秋社

社日饮永叔家梅尧臣

雨未雨蒙蒙野田击鼓赛社翁折条跨马社翁去醉叟卧倒梨叶红鼈头主人邀客饮玉酒新
赐蓬莱宫彭宣不预后堂防康成一举三百钟更邀明月出海底烂醉等是归蒿蓬

社日与塩院徐屯田台直李大传小饮于西园

御酒初颁醺醑醇盍簪仍是服中人萧条月榭携觞徧 碎秋花插帽新帘幕晚风催燕别园
林宵露入梨津何须巧作治聋醉自有清谈命醺频

奉和社日圣制七言四韵刘筠

美报斯勤驗国经里民单出庆秋成时羞饕餮盘中味神鼓喧闾野水声爽气方高踈雨霁清
晖微动逺波平尧章濬发由庚咏京庾连云万亿盈

社日戏题呈任副枢晏殊

开樽幸有治聋醺把叶能无送燕章所惜司停近饮防【近年二府以秋宴近不赐社宴】不
如村叟醉秋光

歲时杂咏卷二十九

宋 蒲积中 编

中秋

中秋夜月【二首】杜 甫

满目飞明镜归心折大刀转蓬行地遠攀桂仰天高水路疑霜雪林栖见羽毛此时瞻白兔直欲数秋毫稍下巫山峡犹衔白帝城气沈全浦暗轮仄半楼明刁斗皆催晓蟾蜍且自倾张弓倚残魄不独汉家营

十六夜翫月

旧挹金波爽皆传玉露秋關山随地濶河汉近人流谷口樵归唱孤城笛起愁巴童浑又寝半夜有行舟

十七夜对月

秋月仍圓夜江村独老身卷帘还照客倚杖更随人光射潜虬动明翻宿鸟频茅茨依橘柚清切露华新

中秋夜翫月 唐彦谦

一夜高楼万景奇碧天无际水无涯只留皎月当层汉并送浮云出四维雾静不容 豹隱水生唯恐夏防疑坐来离思忧将晓争得嫦娥子细知

八月十六夜月色转佳

防肠佳赏固难期昨夜消魂更不疑丹桂影空蟬有露綠槐陰在鵲无枝懒将吟咏撩惆悵早是疎顽耐别离堪恨贾生曾恸哭不缘清景为忧时

八月十六夜月卢延讓

十六胜三五中天照大荒只讹防子缘应耗没多光桂老犹全在蟾深未煞忙难期一年事到晓泥诗章

八月十七夜书懷 令狐楚

三五既不留二八又还过金蟾着未出玉树悲稍破谁向西园遊空归北堂卧佳期信难得永夕无可奈抚枕独高歌烦君为予和

中秋懷感戎 昱

八月更漏长愁人起常早闭门寂无事满院生秋草昨宵北 梦梦入荆南道遠客归去来在家贫亦好

中秋夜登楼望月寄人

西楼见月似江城脉脉悠悠倚檻情万里此情同皎洁一年今日最分明初惊桂子从天落稍误芦花带雪平知称玉人临水见可怜光彩有余清

中秋与空上人同宿华严寺 冷朝阳

扫榻相逢宿论诗旧梵宫磬声迎鼓尽月色过山穷庭簇安禅草 飞带火防一宵何惜别迴首隔秋风

中秋夜临镜湖望月陈 羽

镜里秋宵望湖平月彩深圆明珠入浦浮照鹄惊林澹荡光还碎婵娟影不沈遠时生岸曲空处落波心迴彻轮初满孤明魄未侵桂枝如可折何惜夜登临

和崔中丞中秋夜翫月 张南史

秋夜月偏明西楼独有情千家看露湿万里觉天清映水金波动衔山桂树生不知飞鹄意何用此时惊中秋夜与诸公锦楼望月武元衡

玉轮初满空迴出锦城东相向秦楼镜分飞碣石鸿桂香随窈窕珠缀隔玲珑不及前秋见圆明凤沼中奉和相公锦楼翫月【得清字】 王良防

德星摇此夜珥月满重城香蔼烟云色飘飘砧杵声令行秋气爽乐感素风轻共赏千年圣长歌四海清

又【得浓字】 柳公绰

此夜年年月偏宜此地逢近看江水浅遥辨雪山重万井金风肃千林玉露浓不唯楼上思飞盖亦陪从

又【得苍字】张正壹

高秋金夜月皓色正苍苍
逺水澄如练孤鸿迥带霜
旅人方积思繁宿稍沈光
朱檻叨陪赏尤宜清漏长

又【得来字】徐放

玉露中秋夜金波碧落开
鹊惊初泛滥鸿思共徘徊
逺月清光偏高空爽气来
此时陪逺望更得上燕防

又【得前字】崔脩

清景同千里寒光尽一年
竟天多雁过通夕少人眠
照别江楼上添愁野帐前
随侯恩未报犹感夜珠圆

又【得秋字】

四时皆有月一夜独当秋
照耀初含露徘徊正满楼
遥连雪山净迥入锦江流
愿以清光末年许从遊酬太祝兄中秋夜望月见懷武元衡

坐爱圆景满况兹秋夜长
寒光生露草夕韵出风篁
地逺惊金奏天高失雁行
如何北楼望不得共池塘【一作不及在池塘】

中秋夜聽歌有贈

此夕来奔月何时去上天【备】云鬟方自照玉腕更呈鲜【度】嫵婉人间意飘飘物外缘
【公绰上相公】诗裁明月扇歌索想夫怜【元衡奉卢侍御】暗染荀香从长随楚梦偏【放】防当来彩鳳髣髴逐神仙【士政】

酬刘公中秋夜对月见懷 权德輿

凉夜清秋半空庭皓月圆
动摇随积水皎洁满晴天
多病佳期阻深情丽曲传
偏懷赏心处同望庾楼前

中秋夜瑶防寺对月絕句

羸女乘鸾已上天仁祠空在鼎湖邊
凉风遥夜清秋半一望金波照粉田

太原和严长官中秋夜西山童子上方玩月寄

严中丞少尹 欧阳詹

西寺碧云端东溟白月团年来一夜玩君在半天看素魄当懷上清光在下寒宜裁济江什有阻惠连欢中秋夜卧疾思陆太祝崔法曹登郑评事涉西

楼因寄 熊孺登

一年祇有今宵月尽上江楼独病眠寂寞竹 闲不闭夜深斜影到床前

中秋夜赠张功曹 韩 愈

纖云四卷天无河清风吹空月舒波沙平水息声影絕一杯相属君当歌君歌声酸辞且苦不能聽终泪如雨洞庭连天九疑高蛟龙出没猩鼯号十生九死到官所幽居默默如藏逃下床畏虵食畏药海气湿蛰熏腥臊昨者州前捶大鼓嗣皇继圣登防臯赦书一日行万里罪徒大辟皆除徙迁者追廻流者还涤瑕荡垢清朝班州家申名吏家抑坎軻只得移荆蛮判司卑官不堪说未免捶楚尘埃间同时輩流多上道天路幽险难追攀君歌且休聽我歌我歌与君同一科一年月明今宵多人生由命非由佗有酒不饮奈月何

和崔舍人咏月二十韵

三秋端正月今夜出东溟对日犹分势腾天渐吐灵未高蒸逺气半上霁孤形赫日当躔次虚徐度杳防长河晴散雾列宿曙分萤浩荡英华溢萧疎物象泠池邊临倒照檐际送横经花树参差见臯禽防续聆牖光窥寂寞砧影伴娉婷幽坐看侵户闲吟爱满庭辉斜通壁练秋碎射沙星清洁云间路空凉水上亭淨堪分顾兔细得数飘萍山翠相凝綠林烟共幕青过隅惊桂侧当午觉轮停属思摘霞锦追欢罄缥瓶郡楼何处望陇笛此时聽右掖连台坐重门限禁局风防观滉漾金砌步青荧独有虞庠客无由拾落萸

中秋夜望月寄杜郎中【时会琴客】 王 建

中庭地白树栖鸦冷露无声湿桂花今夜月明人尽望不知秋思属【一作在】谁家

和元郎中 八月十一至十五夜【五首】

半秋初入中旬夜已向阶前守月明從未圆时看却好一分一见傍轮生

乱云遮却台东月不许交依次第看莫谓诗家先见镜被它笼与作艰难

今夜月明胜昨夜新添桂树近东枝立多地湿昇床坐看过墙西寸寸迟

月似圓來色漸凝玉盤盛水欲侵 夜深盡放佳人醉直到天明不炷燈

合望月時長望月分明不得似今年仰頭五夜風中立從未團圓直到圓

中秋夜獨遊安國寺山亭院步月李十兄遲明至寺中乘興聯句

九重城接千花界三五秋分一夜風行聽漏聲雲散後遙聞天雨月明中【廣宣】含涼閣近
通仙掖承露盤高出上宮誰問獨愁園萬里清談不與此宵同【李益】

八月十五夜桃源翫月 劉禹錫

塵中見月心亦閑況是清秋仙府間凝光悠悠寒欲墜此時立在最高山碧空無雲風不起山
上長松山下水羣物翛然一境中天高地平千萬里少君引我升玉壇禮空遙請真仙官云輶
欲下星斗動天樂一聲肌骨寒朝霞昕昕漸東上輪欹影促猶頻望絕境良時難再并他年此
夕應惆悵

中秋夜半雲開然後玩月書一時之境寄樂天

半夜碧雲收中天素月流開城邀好客置酒賞清秋影透衣香潤光凝歌黛愁斜暉猶可玩移
宴上西樓【西樓白君常賦詩之所也】

中秋日夜翫月

天將今夜月一遍洗寰瀛暑退九霄淨秋澄萬景清星辰讓光彩風露發晶英能變人間世翛
然是玉京

和中書崔舍人中秋夜翫月二十韻

暮景中秋爽陰靈既望圓騰精浮碧海分照接虞淵迴見孤輪出高從倚蓋旋二儀含皎潔萬
象共澄鮮整御當西陸舒光麗上 從星變風雨順日助陶甄遠近同時望晶瑩此夜偏運行
調玉燭潔白應金天曲沼疑瑤鑑通衢若象筵逢人盡冰雪遇境即神仙引素吞銀漢凝清洗
綠烟臯禽驚露下鄰杵思風前水是還珠浦山成種玉田劍沈三尺影燈罷九枝燃象外行無
迹寰中影自遷稍當雲闕正未映斗城懸靜對揮宸翰閑吟擘彩牋境同牛渚上宿在鳳池邊
興掩尋安道詞勝命仲宣從今紙貴後不復咏陳篇

酬樂天中秋夜禁中翫月見寄

元稹

一年秋半月偏深况就青霄极赏心金凤楼前波漾漾玉钩帘下影沈沈宴移明处清兰路歌
待新词促翰林何意枚臯正承诏瞥然尘念到江陰

八月十四夜翫月

犹欠一宵轮未满紫霞红衬碧云端谁能唤得姮娥下引向堂前子细看

华阳观中秋夜招友玩月白居易

人道秋中明月好欲邀同赏意如何华阳洞里秋坛上今夜清光此处多

中秋夜禁中独直对月忆元九

银台金阙夕沈沈独宿相思在翰林三五夜中新月色一千里外故人心渚宫东面烟波冷浴
殿西头钟漏深犹恐清光不同见江陵卑湿足秋陰

中秋夜闻崔大员外翰林独直对酒玩月因懷禁中清景偶题

秋月高悬空碧外仙郎静玩禁闱间歲中唯有今宵好海内无如此地闲皓色分明双阙勝清
光深到九门闕遥闻独醉还惆悵不见金波照玉山

歲时杂咏卷三十

宋 蒲积中 编

中秋

中秋月 白居易

万里清光不可思，添愁益恨绕天涯。
谁人陇外久征戍，何处庭前新别。失宠故姬归院夜，没蕃老将上楼时。
照他几许人肠断，玉兔银蟾总【一作逺】不知。

中秋夜湓亭翫月

昔年八月十五夜，曲江池畔杏园邊。
今年八月十五夜，湓浦沙头水馆前。
西北望乡何处是，东南见月防圆临风一叹无人防。
今夜清光似往年。

荅梦得中秋翫月见寄

南国碧云客，东京白首翁。
松江初有月，伊水正无风。
远思两乡防，清光千里同。
不知娃馆上，何似石楼中。
【其夜余在龙门石楼上望月】

中秋夜同诸客玩月

月好共传唯此夜，境闲皆道是东都。
嵩山表里千重雪，洛水高低两颗珠。
清景难逢宜爱惜，白头相劝强欢娱。
诚知亦有来年防，保得清明强健无。

次韵

光彩遍空轮欲满，青霄映出皎云端。
縱饶唤得姮娥下，引向堂前子细看。

秋暮忆中秋夜与王璠侍御赏月因怆遠离聊

以奉寄 鲍 防

前月月明夜，美人同遠光。
清尘一以闲，今夕坐相忘。
风落芙蓉露，疑余绣被香。

中秋夜月裴夷直

去年此夜在商州，还为清光上驷楼。
宛是依依旧顏色，自怜人换几般愁。

同乐天中秋夜洛河翫月【二首】

清洛半秋悬璧月防船当夕泛银河苍龙颌底珠皆没白帝心邊镜乍磨海上防时霜雪积人间此夜管多须知天地为鑪意尽取黄金铸作波

不热不寒三五夕晴川明月正相临千珠竞没苍龙颌一镜高悬白帝心防处凄凉缘地遠有时惆悵值云陰何如清洛如青昼共见初升又见沈

中秋夜君山台望月李涉

大堤花里锦江前诗酒同防四十年不料中秋最明夜洞庭湖上见当天

中秋夜玩月姚合

亭亭千万里三五复秋中此夕光应絕当时思不同九霄微有露四海静无风惆悵逡巡别谁能看碧空

中秋夜洞庭圆月

素月闲秋景骚人泛洞庭沧波正澄霁凉叶未飘零练彩凝葭莢霜容静杳晓栖河畔鹤宵映渚邊萤圆彩含珠魄微飈发桂馨谁怜采苹客此夜宿孤汀

中秋玩月张祜

碧落桂含姿清秋是素期一年逢好夜万里见明时絕域行应从高城上更迟人间繫情事何处不相思

中秋夜杭州翫月

万古太陰精中秋海上生鬼愁缘辟照人爱为高明歷歷华星遠霏霏薄晕紫影流江不尽轮曳谷无声似镜当楼晓如珠出浦盈岸沙全借白山木半含清小檻循环看长堤蹋阵行殷勤未归客烟水夜来情

中秋夜翫月许浑

待月东陵月正圆广庭无树草无烟中秋云静出沧海半夜露寒当碧天轮影渐移金殿外镜光犹挂玉楼前莫辞达旦【一作曙】殷勤望一墮西岩又隔年

中秋夜寄大梁刘尚书

汴人迎拜洛人留虎豹旌旗拥碧油刁斗严更军耳目戈鋌长控国咽喉柳营出号风生纛莲幕题诗月上楼应念散郎千里外去年今夜醉兰舟

中秋夜对月 马戴

陰魄出海上望之增苦吟冷搜骊颔重寒彻蚌胎深皓气笼诸夏清光射万岑悠然天地内皎洁一般心

中秋月 朱庆余

自古分功定唯应缺又盈一宵当皎洁四海尽澄清静觉风微起寒过雪乍倾孤高稀此遇吟赏倍牵情

中秋翫月无可

蟾蜍天地静三五对堦蓂照耀超诸夜光芒掩众星影寒池更澈露冷树销青枉直中秋半长乖宿洞庭

中秋夜陇州徐常侍座中咏月

陇城秋月满太守待停歌典鹤来松杪开烟出海波气笼星欲尽光满露初多若遣山僧説高明不可过

中秋江驿示韦益

莫惜三更坐难销万里情同看一片月俱在广州城泪逐金波满魂随夜鹊惊支颐乡思断无语到鸡鸣

中秋越台防月

海雨洗烟埃月从空碧来水光笼草树练影挂楼防皓耀迷鲸口晶荧失蚌胎宵分凭栏望应合见蓬莱

中秋月彩如昼寄上南海从翁侍御

海静天高景气殊鲸睛失彩蚌潜珠不知今夜越防上望见瀛州万丈无

中秋夜君山脚下看月

汹涌吹苍雾，朦朧吐玉盘。
雨师清滓秽，川后扫波澜。
气射繁星灭，光笼八表寒。
来驱云海涨，晚路上碧霄。
宽焰耀遊何在，蟾蜍食渐难。
棹飞银电碎，林映白虹攢。
水魄连空合，霜辉压树干。
夜深高不动，天下仰头看。

中秋夜南楼寄友人

海月出白浪，湖光射高楼。
朗吟无绿酒，贱价买清秋。
气冷鱼龙寂，轮高星汉幽。
他乡此夜客，对酌防多愁。

中秋翫月刘得仁

尘里兼尘外，皆期此月明。
一年唯一度，长恐有云生。
露洗微埃尽，光濡是物清。
朗吟看正好，惆怅又西倾。

中秋宿邓逸人居

偶与山人宿吟诗，坐到明夜凉。
耽月色秋渴漱，泉声礌木如竿聳。
云作片生白衣，门自贵不揖汉公卿。

中秋旅懷尚 能

所蓄惟骚雅，兼能得固穷。
望乡连北斗，聽雨带西风。
稼穡村坊遠，烟波路径通。
宜搜清絕句，恰似有神工。

中秋夜月栖 白

寻常三五夕，不是不婵娟。
及到中秋半，还胜别夜圆。
清光应有露，皓色更无烟。
自古人皆翫，年来又一年。

中秋夜寄李溟薛 能

满魄断埃氛，牵吟并舍闻。
一年唯此夜，到晓愿无云。
待赏从初出，看行过二分。
严城亦已闭，悔不预期君。

中秋旅舍书懷

卷尽庭云月逗空，一方秋色草鸣防。
是时兄弟正南北，黄叶满堦来去风。

中秋夜翫月 刘 沧

中秋朗月静天河乌鹊南飞客恨多寒色满 明枕簟清光凝露拂烟萝桂枝斜汉流灵魄苹
叶微风动细波此夜空亭闻木叶蒹葭霜磧雁初过

中秋夜不见月元 凜

蟾轮何事色全微赚得佳人出綉帏四野雾凝空寂寞九霄云鎖絶光辉吟时得句翻停笔玩
处临樽却掩扉公子倚阑犹更望懒寻红烛草堂归

中秋月直禁院郑 畋

禁署方懷忝纶闈已再加慙来西掖路还整上清槎恍惚归丹地深岩宿絳霞幽襟聊自适闲
弄紫薇花荆渚中秋夜值雨寄李屿郑 谷

共待辉光灼翻成暗淡秋正宜清路望潜起滴堦愁棹倚袁宏渚帘垂庾亮楼桂无香实落兰
有露花休玉漏添萧索金樽阻献酬明年佳景在相约防神洲

中秋夜思郑延美有作 孙 纬

中秋中杪月世説慙妖精顾兔云初蔽长虵谁与勅未追良友翫安用玉轮盈此意人谁喻裁
诗寄禁城

天竺寺中秋夜桂子皮日休

玉颗珊珊月下轮殿前拾得露华新至今不防天中事应是姮娥掷与人

次韵陆 防

霜实常闻秋半夜天台天竺堕云岑【垂拱中天台桂子落一十余日方止】如何两地无人
种却是湘漓是桂林

中秋夜寄友生

秋来一度满重见色难齐独坐犹过午同吟不到西疎芒唯斗在残白合河迷更忆前年望孤
舟泊大溪

中秋待月

转缺霜轮上转迟好风偏似送佳期帘斜树隔情无限烛暗花残坐不辞最爱笙调闻比里渐
看星淡失南箕何人为校清凉力未似初圆欲午时

中秋夜禁直偶书寄同职呉融

中秋好月竞相寻
独入非烟宿禁林
曾恨人间千里隔
更看天上九门深
明涵太液鱼龙定
静圆灵象纬沈目
断枚臯何处在
栏干十二忆登临

中秋夜陪熙周学士禁中翫月

月圆年十二秋半
每逢陰此夕无纖
霭同君直禁林未
高知海濶当午见
云深衣似繁霜透
身疑积水沈遭逢
陪视草归去忆抽
簪太液池南畔相
期到晓吟

中秋禁直韩偓

星斗疎明禁漏残
紫泥封后独憑栏
露和玉屑金盘冷
月射珠光贝阙寒
天衬楼台笼苑外
风吹歌管下云端
长卿只为长门赋
未识君臣际防难

中秋夜月李频

陰盛此宵中
多为雨与风
坐无风雨至
共看雪霜同
抱湿离邊海
倾寒向迴空
年年如可值
还似道难通

中秋对月

秋分一夜月陰魄
最晶荧好是生
沧海徐看歷杳
层空疑洗色万
怪想潜形他夕
无相类晨鸡不
可聽

中秋月

四十五秋宵月
分千里毫冷沉
中岳短光溢大
河高不寐清人
眼移栖湿鹤毛
露华台上立愁
望一年劳

中秋对月曹松

无云世界秋三五
共看蟾盘上海涯
直到天头天尽处
不曾私照一人家

中秋月

九十日秋色今秋
已十分孤光吞列
宿四面絕微云众
木排疎影寒流叠
细纹遥遥望丹桂
心绪更纷纷

中秋夜同知己看月 秦韜玉

常时月好赖新晴不似年年此夜生初出海涛疑尚湿渐来云路觉偏清寒光入夜蛭龙起静色均天鬼魅惊岂特坐中堪仰望孤高应待凤池明

中秋月 裴说

一歲防盈亏当盈重此期幸无偏照处刚有不明时色净云归早光寒鹤睡迟相看吟未足皎皎下疎篱

中秋夜月酬顾道流孙 蜀

不那此身偏爱月等闲看月即更深仙翁每被姮娥使一度逢圆一度吟

中秋夜有懷 许彬

趋驰早晚休一歲又残秋若只如今日何难致白头沧波归处遠旅食向邊愁赖见前贤說穷通不自由

中秋夜不见月 罗隱

陰云薄暮上空虚此夕清光已破除只恐异时开霁后玉轮依旧养蟾蜍

中秋

闲吟清景外万事觉悠悠此际若无月一年虚过秋

歲时杂咏卷三十一

宋 蒲积中 编

中秋上【今诗】

中秋见月寄东坡 苏 辙

西风吹凉天益高 明月耿耿分秋毫 彭城闭门青嶂合 卧听百步鸣飞涛 使君携客登燕子 月色着人冷如水 筵前不设鼓与钟 处处笛声相应起 浮云卷尽流金丸 戏马台西山郁蟠 杯中绿酒一时尽 衣上白露三更寒 扁舟明日浮古汴 回首逡巡陵谷变 河吞巨野入长淮 城浸黄流只三版 明年筑城城似山 伐木爲堤堤更坚 黄楼未成河已退 空有遗迹令人看 城头见月应更好 河流深防今生草【州人行乐黄楼道】 子孙幸免鱼鼈食 歌舞聊宽使君老 南都从事老更贫 羞见青天月照人 飞鹤投笼不能出 曾是彭城坐中客

和黄门韵 苏 轼

明月未出羣山高 瑞光万丈生白毫 一杯未尽银阙涌 乱云脱壤如奔涛 谁为天公洗眸子 应费明河千斛水 遂令冷看世间人 照我湛然心不起 西南大星如弹丸 角尾奕奕苍龙蟠 今宵注眼看不见 更许萤火争清寒 何人蚁舟临古汴 千灯夜作鱼龙变 曲折无心逐浪花 低昂赴节随歌板【是夜贾客舟中放水灯】 青萤灭没转前山 浪飏风廻岂复坚 明月易低人易散 归来呼酒更重看 堂前月色愈清好 咽咽寒蛩鸣露草 卷帘推户寂无人 下咽哑惟楚老【近有一孙名楚老】 南都从事莫羞贫 对月题诗有防人 明朝人事随日出 恍然一梦瑶防客

和中秋月【三首】

殷勤去年月 灊古城东 憔悴去年月 卧病破 中徘徊巧相觅 窃窕穿房栊 月岂知我病 但见歌楼空 抚枕三叹息 扶杖起相从 天风不相哀 吹我落琼宫 白露入肺肝 夜吟如秋虫 坐令太白豪 翻为东野穷 余年知防何 佳月岂屡逢 寒鱼亦不睡 竟夕相噉嚼

六年逢此月 五年照离别【中秋有月凡六年唯去歲与舍弟曾防于此】 歌君别时曲 满坐爲凄咽 留都信繁丽 此防岂轻掷 鎔银百顷湖 挂镜千寻阙 三更歌吹罢 人影乱清樾 归来北堂下 寒光翻露叶 唤酒与妇饮 念我向儿说 岂知衰病后 空盞对梨栗 但见古河东 麦如铺雪 欲和去年曲 复恐心断絶

舒子在汶上 闭门相对清【舒焕试举人郢州】 郑子向河朔【郑仅赴北京北曹】 孤舟连夜行 顿子虽咫尺 兀如在牢扃【顿起来徐试举人】 赵子寄书来 水调有余声【今日得赵果卿书犹记余在东武中秋所作水调歌头】 悠哉四子心 共此千里明 明月不解老 良辰难合并 回头坐上人 聚散如流萍 尝闻此宵月 万里同陰晴【旅人史生为余言尝见海贾云中

秋有月则是歲珠多而圆贾人常以此 之虽相去万里他日防合相问陰晴无不同者】天公自着意此防那可轻明年各相望俯仰今古情八月十七日天竺山送桂花分赠元素

月缺霜浓细蕊干此花元属桂堂仙鹫峰子落惊前夜蟾窟枝空记昔年破械老僧怜耿介练裙溪女鬪清妍愿公采撷纫幽佩莫遣孤芳老涧边

中秋次周翰感旧【并序】

孔周翰尝为仙源令中秋夜以事留于东武官舍时陈君荣古任君建中皆在郡其后十七年中秋周翰持节过郡而二君已亡感时懷旧留诗於壁又其后五年中秋轼与客饮於超然防上闻周翰乞此郡客有诵其诗者乃次其韵二篇以为他日一笑

壞壁题诗已五年故人风物两依然定知来歲中秋月又照先生枕麴眠

又邀明月説明年记取孤高孟浩然此去宦遊如传舍拣枝惊鹊防时眠

中秋【并序】

予十八年前中秋与子由观月彭城作此诗以阳關歌之今复过此夜宿於顓上方迁岭表独歌此曲复书之以识一时之事虽未觉有今夕之悲但悬知为他日之喜也

暮云收尽溢清寒银汉无声转玉盘此生此夜不长好明月明年何防看

八月十五日看潮

定知玉兔十分圆已作霜风九月寒寄语重门休上钥夜潮留向月中看

和世弼中秋月下咏懷 黄庭坚

一年中秋最明月也照贫家门户来清光适从人意满壶觞正为诗社开秋空高明万物静此时乃见天地性广文官舍非吏曹况得数子发嘉兴千古风流有诗在百忧坐忘知酒圣露华侵衣寒耿耿絶胜永夏处深甌人生此欢良独难夜如何其看斗柄王生俊气横九州樽前为予商声讴松烟洒落成珠玉溪藤卷舒烂银钩北门楼櫓地险壮金堤浊河天上流 宫殿阁碍飞鸟霸业池防连秃鹫当日西园湛清夜冠盖追随皆贵防使臣词句高突兀慷慨悲壮如曹刘我於人间触事懒身世江湖一白鸥空余诗酒兴不浅尚能呻吟卧糟丘偶然青衫五斗米夺至黄柑千户侯永懷丹枫树微脱洞庭潇湘晚风休晴波上下挂明镜棹歌放 空际浮不须乞灵向沈谢清兴自与耳目谋江山於人端有助君不见至今宋玉传悲秋期君异时明月夜把酒岳阳黄鹤楼

和舍弟中秋月

高秋摇落四十五清都早霜凋桂丛纖尘不隔四维净寒光独照万象中少年气与节物竞诗家酒圣难争锋值伊老骥四千里尚能三防当秋风广文陋儒嬾于事浩歌不眠倚梧桐百忧生火作内热何时心与此月同后生晚出不勉学从汉至今无扬雄天马权奇大宛种吾家阿态风骨耸言诗已出灵运前后身未闻孟轲勇明 文字不取读蜘蛛丝网尘堆壅少壮防时夏已秋待而成人吾木拱怜汝起予秋月篇我衰安得笔如椽但使樽中常有酒不辞坐客更无羶把书问字为汝说便当侯家歌舞筵

八月十四日夜刀坑口对月奉寄子难子闻适用【闻郡中数月未尝有燕防因寄】

去年对月庐陵郡醉留歌舞踏金沙今年今夕千峰下新磨古鑑动菱花寒藤老木被光景深山大泽皆龙蛇西风为我奏万籁落叶起舞惊栖鸦遥怜城中二三友风流惯醉玉钗斜今夕传杯定何处应无二十四琵琶

中秋日池亭宴集呈席上诸公

欧阳修

樽前逢佳节簪纓奉宴居林光拂衣冷云影入池虚酒色风前绿莲香水上疎飞谈交玉麈聽曲跃文鱼粉莼春苞解红榴夏实初睢园多美物罢赋谢相如

伏承宠示八月十五日斋居对月嘉篇谨依韵和

皓月三川静晴氛万里销灵光望日满寒色入波摇浩气成山雾浮云蔽陇苗庙荒陰燐出苑废露云飘斋宿心方寂秋成夜已遥清谈对元亮琼彩映萧萧

八月十五日宿南园懷君贶司马光

昔公在洛师未尝弃嘉节今宵秋半分空羨西园月天色湛澄清风声冷骚屑笑言不可亲引领望金阙赖有篋中诗端居数披阅

谢君贶中秋见招不及赴

不侍庾公宴月华虚四秋幸逢东阁开又阻西园遊清辉散广坐孤影随行舟蓑衣如未归忠愿终可酬八月十五日夜陪留守宣徽登西楼值雨待月从不见

经歲待佳节无如陰霭何果然时雨足安用月华多未克银缸进空闻玉漏过庾公兴不浅从为驻鸣珂

和杨卿中秋月

秋气平分夜沉陰乍散天窺林初淡薄照席忽孤圓吟入诗毫健光浮醉弁偏嘉賓勿轻去桂影正娟娟

八月十五日夜寄友人

故人音信絶对月动相思清露滴红叶此懷当告谁秋风广陵郭正是望涛时

中秋陪张龙图防射堂初夕陰云酒行顿解喜而成咏

飞盖共徘徊西园高宴开秋云惜明月留待庾公来

陪友人中秋夕赏月王安石

海雾看如洗秋阳望却昏光明疑不夜清莹欲无坤扫掠风前坐留连露下樽苦吟应到晓况有我思存

中秋夕寄平甫兄弟

浮云欲尽数秋毫燦燦金波满酒醪千里得君诗挑战夜坛谁敢将风骚

八月十五夜有懷 梅尧臣

天为水苍玉月挖潭面冰万里絶瑕玷百丈已澄凝山河了然在星斗光莫增借问九州内岂无陰云兴緬懷去年秋是夜客广陵太守欧阳公预邀三四朋乃值连连雨共饮陈华灯既醉公有咏属和予未能强赋石屏物固慙无所称今来宛溪上聊以故歲征晶明正若此霖霖且何曾美景信难并康寧语足憑

中秋月下懷永叔

有朋无明月秉烛光强致有月无乐朋独酌顏易醉往年过广陵公欣来我值期玩秋蟾圆静扫庭下地复邀高阳公贍作诗准备特特乃多违后池风雨至一夜看石屏怛吟无逸气今宵皓如昼千里嗟离异固知理难并把酒遥相寄【当时出石屏同咏】

八月十五日夜东轩

隔竹已见月清光度溪来移影上素壁与我相徘徊是夜正中秋天地雾露开人疑玉兔出药杵不生埃姮娥倚冰轮艷色若自媒它夕岂不好物意为之摧

依韵和欧阳永叔中秋邀许发运

看取主人无俗调
风前喜御采衣凉
竞邀三五最团魄
知比寻常特地光
艶曲旋教应可聽
秋花虽种未能香
曾非恶少休防准
众寡而今不易当

和永叔中秋夜防不见月酬王舍人

主人待月敞南楼
淮雨西来斗变秋
自有婵娟待賓客
不须迢递望刀头
池鱼暗聽歌声跃
莲蒂明传酒令优
更爱西园旧词客
共将诗兴压曹刘

中秋新霁濠水初满自城东隅泛舟廻谢公命赋【时余将赴防城去】

斋舫谈经后官池载酒行
斜阳鸟外落新月
树端生演漾思江浦
夷犹绕郡城东辕
有遗恨日物华清

中秋与希深别后月下寄

薄雾生寒水寥寥
舳舻人伤千里别
桂吐十分圆把酒
非前夕追欢忆去
年南楼足佳兴好
在谢临川依韵和
通判八月十五夜
翫月二章【五首】

寻常圆魄岂不好
竞爱今宵分外明
明极只知无隔碍
谁言桂树向中生

一年一见最堪惜
百歲百夕能防多
纵有明年似今夕
明年同防复如何

中秋不见月

天嫌物兼美而使密云藏
已向石屏见何须照席光

中秋前十日作诗戲呈希古年兄

张 耒

放逐江湖一钓舟
萧条故国又逢秋
炎凉有信来如旧
歲月相催逝不留
日落千蛩喧户牖
风高一雁下汀州
池无积潦蟾华好
谁买新醪作夜遊

近中秋

姮娥药熟桂华新
满贮清光待出云
徐御水轮行碧落
世间多少感秋人

十五夜月陈师道

向老逢佳节归懷托素晖飞萤流夕照重露已霑衣稍稍孤光动沈沈众籁微不应明白发似欲劝人归

中秋夜东刹赠仁公

盈盈秋月不徐分叶露悬光可数尘此地正须烦一笑要令排户问东邻

依韵和伯镇中秋见月九日遇雨之作

苏舜钦

众皆爱春发枯荑我知惟动儿女懷天地昏酣醉梦里人有爽思皆沈埋岂如秋风劲利剧刀剑刮破天膜清光开衰根危蒂扫除尽辨别松竹并蒿莱青娥供霜洗夜月兼以皓露驱尘埃常年此夕或陰晦今歲澄澈特快哉是时呼賓赏此景渐见照我白玉杯清辉向人若有意經歷户犹徘徊放歌狂饮不知晓烂漫酌客山岳頽时节飘流晦朔转已觉九日来相催北隙地破苍蘚带花移得黄金栽倒冠露顶坐狂客擷香咀蘂浮新醕最怜小雨洒疎竹爽籁防防吹醉顙君时传诗颇精防意若泥淖不得来开缄文采自飞动欲和但媿顽无才久之龟勉强为答嫌春爱秋真可哈

中秋夜吳江亭上对月懷前宰张子野及寄君谟蔡丈

独坐对月心悠悠故人不见使我愁古今共传惜今夕况在松江亭上头可怜节物防人意十日陰雨此夜収不唯人间重此月天亦有意于中秋长空无瑕露表里拂拂渐上寒光流江平万顷正碧色上下清澈双璧浮自视直欲见筋脉无所逃遁鱼龙忧不疑身世在地上祇恐槎去触斗牛景清境胜返不足叹息此际无交遊心魂冷烈晓不寢勉为笔此传中州

中秋松江新桥对月和柳令之什

月晃长江上下同畫桥横截冷光中云头艷艷开金饼水面沈沈卧防虹佛氏解为银色界仙家多住玉华宫地雄景胜言不尽但欲追随乘晓风

中秋月【二首】葛次仲【集句】

玉露中秋夜【徐放】亭亭月正圆【钱起】一宵当皎洁【朱庆余】万象共澄鲜【刘禹锡】送别高防上【皇甫冉】添愁野帐前【崔备】无因驻清景【武元衡】欹午又明年【司空圖】

凉夜清秋半【权德舆】嫦娥照玉轮【李商隐】九霄微有露【姚合】万里正无尘【贯休】气射繁星灭【李群玉】明翻宿鸟频【杜甫】寥寥天地内【曹松】风景一时新【白居易】

次韵八月十七玩月 李 新

中秋偶误团圆月坐恨陰霾障天阙作诗问月月无言歛放清辉似相合【十五夜无月尝作问月篇】轮间桂影岂梅林一见胡为便忘渴婵娟姿态自姝好安事铅华镜奁匣引起登临无限人庾公楼下纷车辙沉沉夜色凝寒水荡散纖云无一髮因思汉帝感秋风欲唤郢人歌白雪俊赏佳期莫轻负人生出处多回沅举杯邀月醉则已万斛牢愁憑血刷起看蟾华转玉盘摩空隱隱何轻滑影落澄江一万寻鱼龙无防逃清澈谁言暗魄损光晕就欠毫分亦奇絕况我年来百虑消世味从谗如嚼蜡是非巧吻禁不动名利痴心防求歇人言满面凜风霜自觉寸心坚石鐵颇知大道有真趣不用炎炎炽言說安能效彼儿女情告对姮娥论圆缺由来衰盛各有理万变不妨随曲折吾生防定已如此肯使傍人讥作辍龙防夫子笔如椽亲自杜【阙】

八月望夜不见月有感【二首】

素波凉晕淡层城怊怅三年此夜清【在淮南二年逢中秋俱不见月色】独卷疎帷成默坐暗虫相命作秋声

九旻含爽助清辉万里重陰误赏期正恨浮云无意绪世间偏恼最明时

八月十四夜月范仲淹

光华岂不盛赏宴尚迟迟天意将圆夜人心待满时已知千里共犹觉一分亏来夕如澄霁清风不负期

依韵酬叶道卿中秋对月【二首】

天遣今宵无寸云故开秋碧挂冰轮诗人不悔衣霑露为惜清光岂易亲

孤光千里与君逢最爱无云四望通处处楼防竟歌宴的能爱月防人同

中秋口号秦 观

云山檐楯接低空公宴初开气鬱葱照海旌幢秋色里激天鼓吹月明中香槽旋滴珠千颗歌扇惊围玉一丛二十四桥人望防群仙正在广寒宫

丙寅中秋咏月晏殊

玉簫秋初半冰轮歲有期苦吟含翰从清宴下楼迟雁怯波光动蛩愁叶影危烘帘频卷押温
酎旋凝澌皎外蟾生滴寒中桂有枝星文藏熠燿露彩见华滋苑静踈萤湿巢空惊鹤移渐穿
鸣瑟幌偏鑒读书帷蒙谷徒催晓織阿莫放窺陈王収妙舞疑待仲宣辞

次韵和王校勘中秋月

广寒仙署愜心期秋半梧防木叶稀有客正吟星北共何人重赋鹄南飞光含绮席传三雅影
逗兰房撒九微趋府逸才过鲍掾不辞终夕赏清晖

中秋月【与通判徐仲谋谯县李宗易将作监主簿张彭同赋】

三十六旬内此时心赏并中分九秋夜占防百宵明冷照兰闺澈光含绮席清谁知沧海曲珠
蚌最盈盈

中秋月

一轮霜影转庭梧此夕羈人独向隅未必素娥无怅恨玉蟾清冷桂华孤

同前

天时与人意齟齬旧无疑坐从翻遗恨光来已后期行云凝黛色见跋费金枝况复输来夜笙
歌继夕曦

次韵师白中秋防饮且饯余北行

韩驹

楼高应在日轮邊目尽西山万里天拟见谪仙归贝阙翻愁快马踏琼田词锋易破孤虓阵酒
令难期赏罚权放盞成空君勿叹明年千里共婵娟

歲时杂咏卷三十二

宋 蒲积中编

中秋下【今诗】

中秋月【二首】 王禹偁

何处见清辉登楼正午时莫辞终夕看动是隔年期冷湿流萤草光凝宿鹤枝不禁鸡唱晓轻别下天涯明可鉴秋毫供吟属我曹隔年方得见终夕敢辞劳冷向天心白清临露掌高霜台相照处寒色满蓝袍

中秋待月夜分乃见范百禄

十二周流数经行自不迟长圆非物理暂晦亦天时人欲终宵玩云才逐簇移只应逢此景无足累心期

中秋月夜林光朝

玉露金风满桂枝清光因此更华滋一年月色最明夜千里人心共赏时万古传为新景象几人能出旧歌诗吟观莫厌终遥夜来歲如今再一期

中秋不见月 戴复古

谁上青冥扫晦霾桂华辽望独徘徊停杯试问杳无所对景欲歌终不来肃气乍浮三五夜骚人枉费几多才明年防有清辉在犹此迟疑徧绕苔

中秋月

六幕净如水空腾海上波辉增金气至圓肖玉规多极满只如此将倾谁奈何向明若霜皎今古暗消磨中秋待月通夕陰晦偶书吳 淑

待月西楼上平秋气象分辉光唯此夜遮掩奈浮云红烛灯交烂清香篆自薰明年好景在何处更多闻

中秋待月同赋何宗正

金波未见吐云端已觉萧森夜气寒桂子人间空杳杳冰轮天外想团团宫袍词客方裁咏锦瑟佳人且侑欢不减风流庾公兴登楼谁复畏盘跚

中秋月 杨 绘

素月玉寒空乾坤灏气通光华一夕满节 九秋中万里天衢峻四方人望同妖邪无匿处方
显照临功

中秋感怀【二首】

去年今夜此堂前人正清歌月正圆今夜愁来人且散不如云雾蔽青天

雪彩冰光似去年去年人月两婵娟今霄不辨连明坐 醉抽身黑处眠

中秋夜醉

醉过中秋夜慵招七步才月华翻有意自入小 来

中秋月 陶崇仪

四时三五月皆圆谁道孤光此夜偏凉树暖光清雪上素娥姿质不婵娟

中秋钱 易

天惨严霜厚神清宿雨微枝空蝉拟脱巢冷燕谋归白日莲塘梦红纱水国衣锦书知未了轧
轧弄鸣机

中秋夜守让南防玩月

秋气元清切明蟾千里心金盘上河侧玉水浸楼阴闺怨有消歇客愁无浅深闕山今夜里星
斗共沈沈

中秋馆宿刘 筠

余欢惊社过【是月命社】独直奈宵长月向蓬山满风来桂殿凉睡轻同警鹤吟苦伴啼蜚
耿耿迷遥思残星下建章

中秋夜不见月孙 复

长记去年中秋玩月出草堂水轮直可鉴毫芒是时家酿又新熟呼童开席罗清觞纖埃不起
零露下对此陶陶乐未央自顾时逢尧舜世上下清明无秽荒吁嗟今夕何不幸正逢屏翳恣
猖狂浮云左右争拥蔽爱而不见涕沾裳嫦娥无语缩头何处坐胡不开口走诉上帝旁立召

飞廉举其职驱除拥蔽扬清光莹然高照遥天外免教万国如瞽空依依

中秋歌

明月一歲中影圆十二回如何今夕里争赏罗樽罍既爱盈盈色更上高高台人心莫如此试为君言哉月者水之精秋者金之气金水性相生五行分其事则知天地间相感各以类水得金还盛月因秋更清气类使之然人谁不有情可怜别夜色一一皆销声自昔诗家流吟皆不到此徒能状光彩岂解原终始冥搜诂有得燥吻真何以请看退翁歌其的能中矣

中秋月

度度思真赏幽期邈始还金行分此夜桂子落何山座席清风里人家灏气间饮怀与吟兴彻曙两非闲

同范秘阁赋八月十四日夜月

银汉无声露暗垂玉蟾初上月圆时清樽素瑟宜先赏明夜陰晴未可知

又赋十五夜月

清赏年年恐失期人人不觉望中衰素娥须信多灵药长见婵娟似旧时

中秋月

十二度圆皆好香就中圆极在中秋前峰独上还吟翫高兴多于庾亮楼

中秋月夜席上作 李建中

宴张东阁宾方盛雨过西楼晚觉寒凉夜清辉云乍敛中秋嘉气月初圆谁人解饮千钟酒开口能谈数刻欢但外形骸求醉倒任他红粉笑蹒跚

同前张左藏

夜长蟋蟀青灯苦歲晚蒹葭白露寒陶令斋中新酒熟庾公楼上旧蟾圆不知客在谁同乐无奈漳滨独湛欢此夕任他红粉道深藏辟笑足盘跚

中秋月【八首】 许 棠

月月势自圆中秋朗最偏万方同一夕到晓是经年影蔽星芒耀光分物状全唯因吟苦者目

断向瑶天

同前潘 绰

古今逢此夜共异沆寥明岂是月华别只应秋气清影当中土正轮对八荒平寻客徒留望璿玑自有程

同前释可明

登楼仍喜此宵晴圆魄才观思便清海面乍浮犹隐映天心高挂最分明片云想有神仙出迥野应无鬼魅行曾向洞庭湖上看君山半露水初平

同前李尧天

栖禽疑尽向空飞林麓虚明月照扉万国仰瞻当此夕片云争合闭清辉羣妖始觉神通小列宿应慙照耀微达曙何人最關心庾公楼上独忘机

同前许 昼

应是蟾宫别有情每逢秋半倍澄清清光不向此中见白发争教何处生闲地占将真可惜幽分得始为明殷勤好长年来桂莫遣平人道不平

同前释齐己

空碧无云露湿衣众星光外涌清规东楼莫碍渐高势四海待看当午时还许分明吟皓魄肯教幽暗取丹枝可怜半夜婵娟影正对五侯残酒池

同前

高河瑟瑟转金盘歎露吹光逆凭栏四海鱼龙精魄壮五山鸾鹤骨毛寒今宵尽向圆时望后夜谁当缺处看何事清光与蟾兔却教天下少留难

同前

凉宵烟霭外三五玉蟾秋列野星辰正当空鬼魅愁泉澄寒魄莹露滴冷光幽未折青青桂吟看不忍休中秋遇雨感怀呈世泽彦直 唐 庚

初游东都年二十清欢趁得中秋及高阳防中酒徒集惠和坊里綉鞍入蟹螯尝新左手执鸡头未光搓玉粒杯行到手不待揖明月清风供一吸纒头不惜倾箱给倚赖决科如俯拾谁知

得官反拘繫此景此欢那复緝今歲中秋雨如泣穷山牢落秋光湿孤灯荧荧照书笈屈指流年如箭急

八月十五夜月

应缘人望望故尔出迟迟几歲一相见浮云幸别时吟余鸡肋膊玩觉兔迷离此夕登楼兴非關有所思次韵张子文中秋夜月 韩 驹

平湖下明月湛如奩湿银遥怜钟陵客卧看繁台云我欲故山去向来车已巾淹留属中秋顾影愁单身停杯问青天谁驾此玉轮分光到蓬屋慙懃月夫人张郎嗜读书咕哔闻比隣胡为叹今夕长歌击匏尊似君岂终穷努力逢休辰他年此唱和寄我东南滨

八月十四日夜作

三更欲眠灯挂壁被冷何曾双脚直西风一雁枕中鸣令我下牀三叹息君莫悲秋且自悲朱顏白发来相随天公造作悲懽事要令百歲如狂痴达人大观无不可岂合坐受天公欺我慙无处看明月一掌荒庭秋草没去年忆上黄公台笑看万里清光发

八月十五日夜小雨同二弟作

去年看月思君处醉后狂歌和影舞今年与君待月时金樽未尽雨催诗乐事良辰难并有一生费诗仍费酒君不见綠幕朱帘蜡炬香何须拂地觅孤光

次韵至完中秋日泛湖【五首】 崔正言

西湖八月稻花繁孤鸟冥冥下水天卧听金盘鸣玉子不知风雨到渔船【世美中孺下棊】

西北楼高清溪边一篙秋水净如天鸳鸯见客移深渚蛺蝶寻香入画船

半空虚阁闲看鸟百顷平湖下瞰天今夜使君歌舞歇个中不禁野人船【是日持国私忌不宴湖中】

孤花照晚红欹水万竹舒空翠拂天欲问西湖分月色莫教风浪打篷船

彩鹢逶迤过竹西文鲂尾尾透清漪一年一夜中秋好应月停杯问月时

清暑堂中秋夜月 蔡 襄

江国初凉夕漏均青天无翳地无尘莲花剪防灯煌合蕉叶倾金酒味新时节暗迁应不用懽

娱难得莫辞频明年今夜中庭月依旧寒光照别人

中秋独坐望月

万里凄凝魄幽深在处通清流河汉尽寒入水云空逾从方全白弥高适正中开书还自卷把酒复谁同泣叶传霄露吹衣变暑风更看庭树影渐过粉墙东

中秋寄侄世材

林叶响金风半黄复半红微凉荡残暑尘氛净高空翛然天气清况复当其中金盘上云际焰焰飞林东蟾彩照清罇玉露凝兰丛念汝紫半禄三事嗟何穷大河隔惊波海水无来鸿此夕各千里惟将风月同

八月十五夜清溪舟次

清溪水底月团团因见中秋忆去年早海五更霜透甲榔江万里桂随船昔看故国光常满今望天涯势似偏祇恐玉娥能笑我还将只影对婵娟

和中秋对月 杨 齐

素簫中分漏箭迟玉盘飞上绛河涯自缘人意夸今夜岂是蟾光胜旧时千里放开天地景一轮题尽古今诗吴刚树下遥相许来岁秋风此处期

中秋不见月

八月露沈天气秋霜轮何事苦淹留一宵老兔不成魄几处诗人却下楼水部堦前闻细雨袁宏渚上见归舟明年未必无仙桂何用厌厌此夜愁

西归中秋夜宿三泉寄仙芝公南

白子仪

日涉征途信马前鸿飞时节几怀贤青山渐向故园近皓月更临归驿圆四乘光荣慙太子一箠穷陋本颜渊江臯上客红莲幕犹荷明恩未弃捐

景孙八月十四日惠酒

金瓮兰英见觥时桂轮犹惜一分亏未知望夜谁同赏先喜醉乡今有期飞盖正怀曹子建登楼何待庾元规薄帷长簟忘秋兴且洗清尘举绿卮

寅卯二年中秋夜皆不见月

赵崇蟠

万里不自照清光随雨休可堪幽魄死还似去年秋有笛悲遥夜无人在遠楼共谁高枕卧相与梦沧州

云蔽月行李新

惆怅中秋不见月太陰垂云兔藏窟我欲上天扫 云桂露团团渍水阙中天放出千里光层楼翠阁遥相望一杯一杯重相劝今年偿汝中秋愿上天高高末由到 云愈浓不可扫空庭蜡炬落寒光宫裘起舞秋风老

中秋夜宿穆陵關

羈旅情怀不自禁清霜岐路马骎骎一年明月最圆夜千里故人长别心幸有酒沽除是醉更无人赏又如陰寒蛩似识风骚意伴我凄凄到晚吟

八月十五日过逢谿书净戒寺

瓦冷云埋殿灯长墨暗纱药灵闲草木壁走古龙蛇石佛随山老松梯转路除门前谿水浅无处问仙槎

中秋月 沈 邁

阳饶陰乏亦常情平日蟾光每忌盈节到陰中今夜等月乘时正一宵明数成地表羣形足【二四六八十陰数也故属地而成物】物阜人间市价平朱户只知观赏乐不知休戚系苍生

中秋无月

月在青霄从矣夫十年今夕九年无也知天把良宵晦贵使人知此景殊画烛有光终是俗浮云无限不胜诛只饶疎散田文客掌上唯私照乘珠

中秋书事

红叶秋容动残蝉暑气归朝箱收故扇熨斗帖寒衣篱窰防捎补蔬畦角屑肥斗筲贪活计诗史老光辉

中秋望月余安行

冰轮今夕是圆时云掩清辉照我迟赖有金风一披拂须臾蟾影浸琼卮

中秋三夕对月

三夕月俱好清光唯望多风应落桂子露恐减金波念昔欢娱极如今羁旅何穷居不相弃夜夜伴吟哦

和解生中秋月

不为人间意居然节物清银塘通夜白金饼隔林明醉客樽前倒栖乌露下惊悲欢今古事寂寂堕荒城

中秋夜寄克道运使张无尽

不见柯山客中秋月又圆夜分清滴露天末淡收烟念远情非俗凌虚骨欲仙素琴明此恨相与对婵娟

中秋望夕不见月 宋 祁

异时凉月好常尔惜严更此夜浮云恶胡然溷太清狂歌王粲业对景山鎗海蚌犹能满城乌更不惊裴回循北牖暗澹倚西楹蛩杼逢时急缸花得暗明桂高应自秀蟾逺太无情坐想瑶轮转孤怀怅未平

中山中秋对月

圆期压秋半飞影破云端明极翻无夜清余遂作寒桂繁团露湿轮驶度河干且置穷边思何殊故国看

中秋夜不见月

天上浮云不肯归凭轩坐惜桂华西一年此夕无穷恨只是城鷗得穩栖

万里重陰晦玉轮兔孤蟾逺托霄垠世间未必皆同恨亦有居心不静人

中秋前二日

一歲中秋只一回年前曾记共衔杯蟾光是夕知人意云脚多情为我开隔濶几番经晦朔笑谈三月阻樽罍佳期屈指无多日清赏应须许再陪

中秋不见月

浮云四合暮秋天万里丹霄顿黯然渡口袁宏舟未防楼头庾亮眼将穿桂华已负经年约鉴影虚沉半夜圆自是嫦娥懒妆束卷帘空只待婵娟

中秋月

巛雪喷香满玉虚王孙公子翫相呼从来天匠为轮定自是人心此夜殊静入万家危露滴清埋众象叫鸿孤坐来唯觉情无极何况三湖与五湖

歲時雜詠卷三十三

宋 蒲積中 編

重陽

九日作【并序】 陶 潛

余愛重陽之名秋菊盈園而持醪靡由空服九華寄懷于詩

世短意恒多斯人樂人生日月依辰至舉俗愛其名露淒炎風息氣結天象明往燕無遺影來雁有余聲酒能祛百慮菊解制頽齡如何蓬廬士空視時運傾塵爵耻虛囂寒花徒自榮斂衿獨閑謠緬焉起深情栖遲固多娛淹留豈無成

己酉歲九月九日作

靡靡秋已夕淒淒風露調蔓草不復盛園林空自凋清風澄余澤遙然天界高哀蟬無歸响雁鳴雲霄萬化相尋異民生豈不勞自古皆有沒念之使心慄何以報我情濁酒且自陶千載非所知聊以永今朝

九日從宋公戲馬台送孔令 謝 瞻

風至授寒服霜降休百工繁林收陽彩密苑解華轂巢幕無留鷺遵渚有歸鴻輕霞冠秋日迅商薄清穹聖心眷佳節揚銓戾行宮四筵霑芳醴中堂起絲桐扶光迫西泥【音似】余歡宴有窮逝矣將歸客養素克有終臨流怨莫從歡心嘆飛蓬

又 謝靈運

季秋邊朔苦旅雁違霜雪淒淒陽卉腓皎皎寒潭洁良辰感聖心雲旗興暮節鳴葭戾朱宮蘭卮獻時折餞宴光有孚和樂信所缺在宥天下理吹萬羣芳悅歸客遂海隅脫冠謝朝列弭棹薄枉渚指景待樂闕河流有急瀾浮驂無緩轍豈伊川途念宿心愧將別彼美丘園道喟焉傷薄劣

侍皇太子九日 圃宴【四言】

王 儉

秋日在房鴻雁來翔寥寥清景藹藹微霜草木搖落幽蘭獨芳眷言淄苑尚想濠梁既暢防酒亦飽徽猷有近斯悅無遠不柔

九日赋韵梁简文

是节协阳数高秋气已精蟾芝逐月启帷风依夜清
逵烛成歌黛斜桥闻履声梁尘下未息共爱赏年并九日侍宴乐游苑正阳堂刘 苞

上郡良家子幽并游侠儿立乘争饮羽侧骑竞纷驰
明珂饰华眊金袍映玉羁膳羞殚海陆和齐视秋宜云
飞雅琴奏风起洞箫吹曲终高宴罢景落树阴移微薄
烝嘉惠饮德良不赀取效绩无纪感恩心自知

九日王修己

霜威始落翠寒气初入堂隋珠烂似烛县黎疑夜光

九日酌菊花酒刘孝威

霜花疑始摘罗衣似适薰余杯度不取欲持娇向君九日侍宴乐游苑【为西台侯作】何 逊

皇德无余让重规袭帝勋垂衣化比屋眷顾慎为君
翺飞悦有道卉木荷平分神襟动时豫岁序属凉氛
城霞朝晃朗槐雾晓氤氲鸾舆和八袭凤驾启千羣
羽觞欢湛露佾舞奏承云禁林终晚宴华池物色曛
疏树翻高叶寒流聚细文日斜迢递雨风起嵯峨云
运偶参侯服恩洽厠朝闻于焉借多幸岁暮仰游汾
晴轩连瑞气飞惹御香芬

九日宴乐游苑应令庾肩吾

辙迹光周颂巡游盛夏功钩陈万骑转闾阖九闕通
秋辉逐行漏朔气绕相风献寿重阳节回鸾上苑中
疏山开辇道闲树出离宫玉醴吹花菊银床落井桐
御梨寒更紫仙桃秋转红饮羽山西射浮云冀北骢
尘飞金埒满叶破柳条空腾犹疑矫箭惊雁避虚弓
雕盘滥杞梓花绶接鹓鸿媿乏天庭藻徒叅文雅雄

九日从驾王 褒

黄山猎地广青门官路长律改三秋节气应九钟霜
射马垂双带丰貂佩两璜苑寒梨树紫山秋菊叶黄
华露霏霏冷飏飏飒飒伤终慙属车对空假侍中郎

五言同管记陆瑜九日观马射

陈后主

晴朝丽早霜秋景照堂皇榦惨风威切荷雕池望荒
楼高看雁下叶散觉山凉歇雾含空翠新

花湿露黄飞禽接即影度日转铍光连翩北幽骑驰射西园傍勒移玛瑙色鞭起 瑚扬已同
过隙遽更异良弓藏且观千里汗仍瞻百步杨非为从逸赏方追塞外羌

衡州九日江总

秋日正凄凄茅茨复萧瑟姮人荐初醞幼子问残疾园菊抱黄华庭栏剖朱实昨以著书情暂
遣他乡日

奉和九月九日贺 攸

商飈凝素簫 览贲黄图晓霜惊断雁晨吹结相乌寒花低防菊凉叶下庭梧泽宫申旧典相
圃叶前模玉砌分雕防金沟转镂衢带星飞夏箭映月上轩弧庆展簪裾洽恩融雨露濡天文
发丹篆宝思掩 珠承欢徒耸忤负弛窃忘躯

九月九日赠崔使君善为王 绩

野人迷节 端坐隔帘埃忽见黄花吐方知素序回映岩千蕊发临浦万株开香气徒盈把无
人送酒来

又 崔善为

秋来菊花气深山客重寻露叶疑涵玉风花似散金摘来还泛酒独坐即徐斟王 贪自醉无
复觅杨林

九月九日

九日重阳节三秋季月残菊花催晚气萸房避早寒霜浓鹰击遽雾重雁飞难谁忆龙山外萧
条边兴阑

又 唐高宗

端居临玉宸初律启金商凤阙澄秋色龙闱引夕凉野净山气敛林疎风露长砌兰戏半影岩
桂发全香满盖荷雕翠圆花菊散黄挥鞭争电烈飞羽乱星光柳空穿石碎弓虚侧月张怯猿
啼落岫惊雁断分行斜轮低夕景归旆拥通庄

奉和九月九日应制许敬宗

爽气申时豫临秋肆武功太液朝光发层城佳气融繁霄寒暑丽黄山极望通讲艺遵先轨覩
德畅宸衷鸞岭飞夏服娥魄乱雕弓汗浹鏹流赭生圻散红饮羽惊开石中叶遽凋丛雁殫

云路静鸟坠日轮空九流参广宴万防扑恩隆

江令于长安归还扬州九月九日行微山亭赋江韵

心逐南云游形随北雁来故乡篱下菊今日几花开

拟江令

本逐征蓬去还随落叶来菊花应未满许待诗人开

又拟

游人倦蓬转乡思逐鸿来偏想临潭菊芳蘂对谁开

九日怀封元寂王 勃

九日郊原望平野遍霜成兰气添新酌花香染别衣九秋良防少千里故人稀今日龙山外当忆雁书归

蜀中九日

九月九日望乡台他席他乡送客怀人今已厌南中苦鸣雁那从北地来

九日

九日重阳节门门有菊花不知来送酒若个是陶家九月九日登 武山旅眺邵大震

九月九日望遥空秋水秋天生夕风寒雁一向南飞远游人几度菊花丛

又 卢照隣

九月九日眺山川归心归望积风烟他乡共酌金花酒万里同悲鸿雁天

和九月九日登慈恩寺浮图应制

张 锡

九秋霜景净千门晓望通仙游光御路瑞塔迥凌空菊彩扬尧日萸香绕舜风天文丽辰象窃抃仰层穹

又 萧至忠

天跸三乘启星舆六轡行登高临宝塿目极遍王城神卫虚中绕仙歌云外清重阳千万寿率土颂升平

又 解琬

瑞塔临初地金舆幸上方空边有清净觉处无馨香雨霁微尘敛风秋定水凉兹辰采仙菊荐寿庆重阳

九月九日宴江陰 杜审言

蟋蟀归期晚茱萸节 新降霜青女月送酒白衣人高兴要长寿卑栖隔近臣龙沙即此地旧俗坐为隣

湘州九日城北亭子张 说

西楚茱萸节南淮戏马台宁知沅水上复有菊花杯亭帐凭高出亲游自远来短歌将急景同使兴情催

九日陪登高陰行先

重阳初启节无射正飞灰寂寞风蝉去联翩霜雁来山棠红叶下防菊紫花开今日桓温座空媿孟嘉才

岳州九日宴道观西阁

摇落长年叹蹉跎远宦心北风嘶代马南浦宿阳禽佳此黄花酌酣余白首吟凉云霾楚望蒙雨蔽荆岑登眺思清景谁将眷浊陰钓歌出江雾樵唱入山林鱼以嘉名采木为美材侵大道由中悟逍遥匪外寻参佐多君子词华妙赏音淹留洞庭观望古意何深

九日进茱萸山诗五絶【五言】

家居洛城下举目见嵩山刻作茱萸节情生造化间黄花宜泛酒青岳好登高稽首明庭内心为天下劳菊酒携山客萸囊系牧童路疑寻大块人似问鸿蒙九日重阳数三秋万宝成时来谒轩后罢去坐蓬瀛晚节欢重九高山上五千醉中知遇圣梦里见寻仙

九日侍宴赋【得时字】 苏 颋

嘉防宜长日高游顺动时晓光云半洗晴色雨余滋降鹤因韶德吹花入御词愿陪阳数节亿万九秋期

九月九日望蜀台

蜀王望蜀旧台前九日分明见一川北料乡關方自此南辞城郭复依然青松系马攢岩畔黄菊留人籍道边自昔登临湮灭尽独闻忠孝两能传

九月九日登龙山 张九龄

郡庭常窘束凉野求昭旷楚客凛秋时桓公旧台上清风明日好歷落江山望极遠何萧条中留坐惆怅东弥夏首濶西拒荆門壮夷险虽异时古今岂殊状先贤渺不接故老犹可访披吊伤昔人挥斤感前匠自惟本疎散未始忘幽尚际防非有欲往来是无妄为邦复多幸去国殊迁放且泛篱下菊还令郢中唱灌园亦何为于陵乃逃相

歲时杂咏卷三十四

宋 蒲积中 编

重阳

奉和圣制重阳节宰臣及羣官上壽

王 维

四海方无事三秋大有年百生逢此日万壽愿齐天芍药和金鼎茱萸插玳筵玉堂开右个天
乐动宫悬御柳疎秋景城鸦拂曙烟无穷菊花节长奉栢梁篇

九月九日忆山东兄弟【时年十七】

独在异乡为异客每逢佳节倍思亲遥知兄弟登高处遍插茱萸少一人

九日孟浩然

初九未成旬重阳即此晨登高闻古事载酒访幽人落帽恣欢饮授衣同试新茱萸正可佩折
取寄情亲

九日龙沙寄刘大旻

龙沙豫章北九日挂帆过风俗因时见湖山发兴多客中谁送酒櫂里自成歌歌竟乘流去滔
滔任夕波

途中九日怀襄阳

去国已如昨倏然经杪秋岷山杳不见风景令人愁谁采篱下菊应闲池上楼宜城多美醞归
与葛彊游和卢明府九月九日岷山宴马使君崔员外

宇宙谁开辟江山此郁盘登临今古用风俗歲时观地理荆州分天涯楚塞寬百城今刺史华
省旧郎官共美重阳节俱怀落帽欢酒邀彭泽载琴辍武城弹献壽先浮菊寻山或借兰烟虹
铺藻翰松竹挂衣冠叔子神如在山公兴欲阑常闻骑马醉还向习池看

九月九日登岷山寄张容

北山白云里隱者自怡悦相望试登高心随飞鸟灭愁因薄暮起思是清秋发时见归村人沙

行渡头歇天边树若荠江畔舟如月何当载酒来共醉重阳节

九日陪润州邵使君登北固山

张子容

五马向山椒重阳出丽谯徐州带绿水楚国在青霄张幕连江树开筵接海潮凌云词客语回雪舞人娇梅福慙仙吏羊公赏下僚新丰酒旧美况是菊花朝

重阳日陪元鲁山德秀登北城瞩对新霁因以赠别时元兄屡有挂冠之意 萧颖士

山县绕古堞悠悠快登望雨余秋天高目尽无隠状绵连湓川回杳渺鸦路深彭泽兴不浅临风动归心赖兹鸣琴暇傲睨倾菊酒人和歳已登从政复何有远山十里并一道衔长云青霞半落日混合疑晴曛渐闻惊栖羽坐叹清夜月中欢怆有违行子念明发仅能泯宠辱未免伤别离江湖不可忘风雨劳相思明时当盛才短伎安所设何日谢百里从君汉之湓宣城九日闻崔侍御宇文太守游敬亭余时登响山不同此赏醉寄崔侍御【二首】

李 白

九日茱萸熟插鬓伤早白登高望山海满目悲古昔远访投沙人因为逃名客故交竟谁在独有崔亭伯重阳不相知载酒任所适手持一枝菊调笑二千石日暮防帻归传呼溢阡陌彤檐双白鹿宾从何辉赫夫子在其间遂成云霄隔良辰与美景两地方虚掷晚从雨霁归萝月下水壁却登郡楼望松色寒转碧咫尺不可亲弃我如遗舄

九卿天上落五马道傍来列防朱门晓褰帷碧嶂开登高望远海召客得英才紫绶欢情洽黄花逸兴催山从图上见溪即镜中回遥羨重阳作应过戏马台

九日登巴陵置酒望洞庭水军【时贼逼华容县】

九日天气清登高无片云造化辟川岳了然楚汉分长风鼓横波合防蹙龙文忆昔传游豫楼船壮横汾今兹讨鲸鲵旌旆何缤纷白羽落酒樽洞庭罗三军黄花不掇手战鼓遥相闻劒舞转颓阳当时日停曛酣歌激壮士可以摧妖氛嵬嵬东篱下泉明不足羣

九日龙山饮

九日龙山饮黄花笑逐臣醉看风落帽舞爱月留人

九日

今日云景好水綠秋山明 壺酌流霞舉菊泛寒榮地遠松石古风扬丝管清窺觴照欢顏独
笑还自傾落帽醉山月空歌怀友生

九日登山

淵明归去后不与世相逐为无杯中物遂偶本州牧因招白衣人笑酌黄花菊我来不得意虚
过重阳时題輿何駿发遂結城南期筑土接响山俯临遠水湄胡月叫玉笛越女弹霜丝自作
英王胄斯乐不可窺赤鯉涌琴高白 道水夷灵仙如髣髴奠酌遥相知古来登高人今复几
人在沧洲违宿诺明日犹可待连山似惊波合沓出溟海扬袂挥四座酩酊安所知齐歌送清
觴起舞乱参差宾随落叶散帽逐秋风吹别后登此台愿言长相思

九日蓝田崔氏庄 杜 甫

老去悲秋强自寬兴来今日尽君欢羞将短发还吹帽笑倩傍人为正冠蓝水遠从千涧落玉
山高并两峰寒明年此防知谁健更把茱萸子细看

九日杨奉先防白水崔明府

今日潘怀县同时陆浚仪坐开桑落酒来把菊花枝天宇清霜淨公堂宿霧披晚酣留客舞鳬
鵝共差池

九日陪淳侍中宴白楼

露白菊氤氲西楼盛裘文玉筵秋令节金钺汉元勲说劒风生坐拍琴鹤绕云謏儒无以答愿
得备前军

九日奉陪侍中宴后亭

玉堂傾菊酒一顧得淹留防笔微枚叟花筵舞莫愁管 能驻景松桂不停秋为谢蓬蒿輩如
何霜霰稠

九日奉陪令公登白楼同咏菊

琼罇有仙菊可以献留侯愿此三花秀非同百卉秋金英分藥细玉露結房稠黃雀知恩在銜
飞亦上楼九日同司直九叔崔侍御登宝鸡南楼

把菊叹将老上楼悲未还短长新白发稠叠旧青山霜气清衿袖琴声引醉闌竹林唯七友何
幸亦登攀

和赵端公九日登石亭上和州家兄

洛浦想江津悲欢共此晨采花湖防菊望国旧楼人雁别声偏苦松寒色转新传书问渔叟借冠尔何因

九日奉寄严大夫

九日应愁思经时冒险艰不眠持汉节何路出巴山小驿香醪嫩重岩细菊斑遥知簇鞍马回首白云间

九日赠司空曙李端

我有惆怅调待君醉时说长来逢九日难与菊花别摘却正开花暂言花未发

重阳宴集【同用寒字】张登

锡宴逢佳节穷荒亦共欢恩深百日泽雨借九秋寒望岁人谣洽临风客况难座移山色在杯尽菊香残欲识投醪遍应从落帽看还宵须命烛举手谢三官

九日宴集唐德宗

朕在位行将十载实赖忠贤左右克致小康是以择三令节锡兹宴赏俾大夫卿士得同欢洽也夫共其感者同其欢荣有其初者贵其终始资尔羣寮顺朕不暇乐而能节职司其忧咸若时则庶乎理矣因重阳之防聊示所怀

早衣对庭燎躬化勤意诚时此万机暇适与佳节并曲池洁寒流芳菊舒金英乾坤爽气澄台殿秋光清朝野庆年丰高防多欢声永怀无荒戒良士同斯情

重阳日中外同欢以诗言志因示羣官

爽节在重九物华新雨余清秋黄叶下菊散金潭初万宝行就稔百工欣所如欢心畅遐迩殊俗同车书至化自敦睦佳辰宜宴胥锵锵间丝竹济济罗簪裾此乐匪足耽此诚期永孚

重阳日即事

令节晓澄霁四郊烟霭空天清白露洁菊散黄金馥寡德荷 祝顺时休百工岂怀歌钟乐思与君臣同至化在亭育相成资始终未知康衢咏所仰惟年丰

丰年多庆九日示怀

爽气肃时令早衣闻朔鸿重阳有佳节具物欣年丰皎洁暮潭色芬敷新菊丛芳樽满衢室繁
吹凝烟空惠洽信吾道保和惟尔同推诚致 化天下期为公

九日絕句

禁苑秋来爽气多昆明风动起沧波中流箫鼓诚堪赏讵假横汾发棹歌

奉和圣制重阳防聊示所怀 李 泌

大唐造昌运品物荷时成乘秋适令节锡宴欢羣情俯临秦山川高防汉公卿【阙一韵】赤
松子且泛黄菊英赓歌圣人作海内同休明

奉和圣制重阳日百寮曲江宴示怀

崔元翰

偶圣睹昌期受恩慙弱质幸逢良宴防况是清秋日遠岫对壶觞澄澜映簪绂炰羔备丰膳集
凤调鸣律薄劣厕英豪欢娛忘衰疾平臯行雁下曲渚双鳬出沙防菊开花霜枝果垂实天文
见成象帝念资勤恤探道得 珠斋心居特室岂如横汾唱其事徒骄逸

奉和圣制九日言怀赐百僚 权德輿

令节在丰歲皇情喜义安丝竹调六律簪裾列千官烟霜莫景清水木秋光寒筵开曲池上望
尽终南端天文丽庆霄墨妙惊飞鸞愿言黄花酒永奉今日欢

奉和圣制重阳日中外同欢以诗言志示羣臣

玉醴宴佳节拜恩欢有余煌煌菊花秀馥馥萸房舒白露秋稼熟清风天籁虚和声度箫韶瑞
气深储胥百辟皆醉止万方今晏如宸衷在化成藻思焕琼琚微臣徒窃抃岂足歌唐虞

奉和圣制重阳日即事

佳节在阳数至欢朝野同恩随千钟洽庆属五稼丰时菊洗露华秋池涵霁空金丝响仙乐劒
舄罗宗公天道光下济睿词敷大中多慙击壤曲何以答尧聪

奉和圣制丰年多庆九日示怀

寒露应秋杪清光澄曙空泽均行苇厚年庆华黍丰声明畅八表宴喜陶九功文丽日月合乐
和天地同圣言在推诚臣职惟匪躬琐细何以报翺飞淳化中

嘉兴九日寄丹阳亲故

穷年岐路客西望思茫茫积水曾南渡浮云失旧乡
海边寻别墅愁里见重阳草露荷衣冷山风菊酒香
独谣看坠叶远目遍秋光更羡登攀处烟花满练塘

九日北楼宴集

萧飒秋声楼上闻霜峰漠漠起阴云不见 觞王太守空思落帽孟叅军
风吟蟋蟀寒犹急酒泛茱萸晚易曛心忆旧山何日见并将愁泪共纷纷

歲时杂咏卷三十五

宋 蒲积中 编

重阳

奉陪李大夫九日龙沙宴防【迟字】

权德輿

龙沙重九防千骑驻旌旗
水木秋光净丝桐雅奏迟
烟芜敛暝色霜菊发寒枝
今日从公醉全胜落帽时

酬九日

重九共嬉娱秋光景气殊
他时头似雪还对插茱萸

和九日从杨氏姊游宴

秋光风露天令节庆初筵
易象家人吉闺门女士贤
招邀菊酒防属和柳花篇
今日同心赏全胜落帽年
奉和圣制重阳日即事 武元衡

玉烛降寒露我皇歌大风
重阳德泽展万国欢娱同
绮罗拥行骑香尘凝晓空
神都自霭霭佳气助葱葱
律吕金石畅景光天地通
徒然被鸿霈无以报 功

奉和圣制丰年多庆九日示怀

令节寰宇泰神都佳气浓
赓歌禹功盛击壤尧年丰
九奏碧霄里千官皇泽中
南山澹凝黛曲水清涵空
金玉美王度欢康谣国风
睿文垂日月永与天无穷

九日小园独谣李吉甫

小园休沐暇暂与故山期
树杪悬丹枣苔阴落紫梨
满丛新菊徧绕树古藤垂
受露红兰晚迎霜白薤肥
上公留凤诏冠劔俟清祠
应念端居者长慙补袞诗

奉酬中书相公九日小园独谣以元衡致斋禁省见寄六韵

斋沐限中禁家山传胜游
露寒潘省夜木落庾园秋
兰菊回幽步壶觞绝旧俦
位高天禄阁词异畔牢愁
孤思琴先觉驰晖水共流
明朝不见客清祀在圆丘

奉和相公省中宿斋酬李相公见寄

郑 綯

高阁安仁省名园广武庐沐兰朝太乙种竹咏华胥禁静疎钟彻庭开爽韵虚洪钧齐万物缥帙整羣书寒露滋新菊秋风落故蕖同怀不同赏幽意竟何如

九日广陵同陈五先辈登高 欧阳詹

客路重阳日登高寄上楼风烟今令节台阁古雄州泛菊聊斟酒持萸嬾插头情人共惆怅良友不同游

九日广陵登高怀邵二先辈

簪萸泛菊俯平阡饮过三杯却惘然十歳此辰同醉友登高各处已三年

九日皎 然

重阳荆楚尚高防此难陪偶见登龙客同游戏马台风文回水叠云态拥歌回持菊烦相问含情愧不来

九日菊花咏应制 广 宣

可讶东篱菊能知节 芳细枝青玉润繁叶碎金香爽气浮朝露浓姿带夜霜泛杯传寿酒应共乐时康

重阳夜集兰陵居与宣供奉联句

蟋蟀催寒服茱萸滴露房酒巡明刻烛篱菊暗寻芳【李益】新月知秋露繁星混夜霜登高今夕事九九是天长【广宣】九日黄白二菊花盛开对怀刘二十八

西花虽未谢二菊又初芳鬓雪徒云白腰金未是黄曙光凌露彩宵艳射星芒日正开偏足风清发更香山椒应散乱篱下倍荧煌泛酒遥相忆何由共醉狂

奉和相公九日对黄白二菊见怀

刘禹锡

素萼迎寒秀金英带露香繁华照旄钺荣盛对银黄琮璧交辉映衣裳杂彩章晴云遥盖覆秋

蝶近悠扬空想逢九日何由陪一觴满鼓佳气在未肯委严霜

九日言怀令狐楚

二九即重阳天清野菊黄近来逢此日多是在他乡晚色霞千片秋声雁一行不能高处望恐断老人肠奉和严司空重阳日同崔常侍崔郎中及诸公登龙山落帽台佳宴

谢公秋思渺天涯蜡屐登高为菊花贵重近臣光绮席笑怜从事落乌纱萸房暗绽红珠朵茗碗寒供白露芽咏碎龙山归出号马奔流电妓奔车

九月九日登高刘禹锡

世路山河险君门烟雾深年年上高处未省不伤心九日登西原宴望【同诸兄弟作】白居易

病爱枕席凉日高眠未辍弟兄呼我起今日重阳节起登西原望怀抱同一豁移座就菊丛饔餼酒前罗列虽无丝与竹歌笑随情发白日未及倾颜酡耳已热酒酣四面望六合何空濶天地自从长斯人几时活请看原下村村人死不歇一村四十家哭葬无虚月指此各相勉良辰且欢悦

九日登巴台

黍香酒初熟菊暖花未开闲听竹枝曲浅酌茱萸杯去年重阳日漂泊湓城隈今岁重阳日萧条巴子台旅鬓寻已白乡书久不来临觴一搔首座客亦徘徊

禁中九日对菊花酒忆元九【元九诗曰不是花中唯爱菊此花开尽更无花】

赐酒盈杯谁共持宫花满把独相思相思只傍花边立尽日吟君咏菊诗

九日寄行简

摘得菊花得酒绕村骑马思悠悠下邳田地平如掌何处登高望梓州

同崔员外綦母检九日宴京兆府

今日好相见羣贤仍废曹晚晴催翰墨秋兴引风骚绛叶拥虚砌黄花随浊醪闭门无不可何事更登高

九月八日酬皇甫十见赠

君方对酒缀诗章我正持斋坐道场处处追游虽不去时时吟咏亦无妨
霜蓬旧鬓三分白露菊新花一半黄惆怅东篱不同醉陶家明日是重阳

九月八日司空图

已是人间寂寞花解怜寂寞傍贫家老来不待登高看更堪残春惜岁华

九月十日即事李白

昨日登高罢今朝更举觞菊花何太苦遭此两重阳九月八日送萧少府归洪州皎然

明日重阳今日归布帆微雨望霏霏行过鹤渚知堪住家在龙沙意有违

九月十日

爱寄柴桑隐名溪近讼庭扫沙开野步摇舸出闲汀宿简邀诗伴余花在酒瓶悠然南望意自有岷山青

九月十日即事严维

贫家惟种竹时幸故人看菊度重阳少林经闰月寒宿醒犹落帽华发强扶冠美景良难得今朝更尽欢

又陈羽

汉江天外东流去巴塞连山万里秋节过重阳人病起一枝残菊不胜愁

九月十日郡楼独酌羊士谔

掾吏当授衣郡中稀物役嘉辰怅已失残菊谁为惜樵轩一樽泛天景洞虚碧暮节犹赏心寒江鸣湍石归期北州里旧友东山客飘荡云海深相思桂花白

岁时杂咏卷三十六

宋 蒲积中 编

重阳

九日次定国韵苏轼

朝菌无晦朔蟪蛄疑春秋南柯已一世我眠未转头仙人视吾曹何异蜂螳稠不知蛮触氏自有两国忧我观去来今未始一念留奔驰竟何得而起无穷羞王郎误涉世屡献从不受黄金散行乐清诗出穷愁俛仰四十年始知此生浮轩裳陈道路往往儿童收封侯起大第或是君家驹似闻负贩人中有第一流炯然径寸珠藏此百结裘意行无车马倏忽略九州邂逅独见之天与非人谋笑我方醉梦衣冠戏沐猴力尽病骐驎技穷老伶优北山有灵根寸田自可耰防当无何乡同作逍遥游归来城郭是空有累累丘

九日黄楼作

去年重阳不可说南城夜半千沓发水穿城下作雷鸣泥满城头飞雨滑黄花白酒无人问日暮归来洗靴鞢岂知还复有今年把盏对花容一呷莫嫌酒薄红粉陋终胜泥中千柄插黄楼新成壁未干青荷已落霜初杀朝来白露如细雨南山不见千寻刹楼前便作海茫茫楼下空闻橹鸦轧薄寒中人老可畏热酒浇肠气先压烟消日出见渔村远水鳞鳞山鬻鬻诗人猛士杂龙虎【坐客三十余人皆知名之士】楚舞吴歌乱鶯鸣一杯相属君勿辞此境何殊泛清霄

丙子重九

穷途不择友过眼如乱云余子谁复数坐阅两使君共饮去年堂俯看秋水纹此人与此水相追两沄沄老去各休息造物嗟长勤佳哉此令节不惜与子分何以娱我客遊鱼在清瀆水师三百指鉄网欲掩羣获多虽一快买放尤可欣此乐真不朽明年我归耘

九日

三年瘴海上越峽真我家登山作重九蛮菊秋未花惟有黄茅根堆龙生拘窠蜚酒蘖众毒酸甜如梨查何以侑一樽邻翁餽鼃虵亦复强取醉欢谣杂悲嗟今年吁恶歳僵仆如乱麻此防我虽健狂风卷朝霞使我如霜月孤光挂天涯西湖不欲往暮树号寒鸦

九日湖上寻周李二君不见君亦见寻于湖上以诗见寄明日乃次其韵

湖上野芙蓉含思愁脉脉娟然如静女不肯傍阡陌诗人杳未来孀艳冷难宅君行逐鸥鹭出

处浩莫测苇间闻欸音云表已飞屐使我终日寻逢花不忍摘人生如朝露要作百年客喟彼
终岁劳幸兹一日泽愿言竟不遂人事多乖隔悟此知有命沈幽伤魂魄

和陶渊明九日闲居【并序】

明日重九雨甚辗转不能寐起索酒和渊明一篇醉熟昏然殆不能佳也

九日独何日欣然惬平生四时靡不佳乐此古所名龙山忆孟子栗里怀渊明鲜鲜霜菊艳溜
溜糟牀声闲居知令节乐事满余龄登高望云海醉觉三山倾长歌振清商起舞带索索坎轲
识天意淹留见人情但愿饱秔稌年年乐秋成

和陶渊明己酉岁九月九日【并序】

十月初吉菊始开乃与客作重九因次韵渊明己酉岁九月九日一首胡广饮菊潭水而寿然
李固传赞云其视胡广赵戒犹粪土也

今日我重九谁谓秋冬交黄花与我期草中实后雕香余白露干色映青松高怅望南阳野古
潭霏庆霄伯始真粪土平生夏畦劳饮此亦何益内热中自焦持我万家春一酌五柳陶夕英
幸可掇继此木兰朝

九日寻臻阁梨遂泛小舟至勲师院【二首】

白发常嫌岁月侵病眸兼怕酒杯深南屏老宿闲相过东阁郎君懒重寻试碾露芽烹白雪休
拈霜蕊嚼黄金扁舟又截平湖去欲访孤山支遁林

湖上清山翠作堆葱葱郁郁气佳哉笙歌鼙鼓里抽身出云水光中洗眼来白足赤须迎我笑拒
霜黄菊为谁开明年桑苎煎茶处忆着先公首重回【皎然有重九日与陆羽煎茶诗羽自称
桑苎翁】

王巩屡约重九见访既而不至以诗送将官梁交且见寄次韵答之【交颇文雅不类武人家
有侍者甚慧丽】

知君月下见倾城破恨悬知酒有兵老守无何惟日饮将军竟病自诗鸣花枝不共秋欹帽笔
阵空来夜斫营爱惜微官将底用他年只好写铭旌

九日邀仲屯田为大水所隔以诗见寄次其韵

无复龙山对孟嘉西来河伯意雄夸霜风可使吹黄帽【舟人黄帽土胜水也】樽酒那能泛
浪花漫遣鲤鱼传尺素却将燕石报琼华何时得见悲秋老醉里题诗字半斜

明日重九亦以病不赴述古防再用前韵

月入秋帷病枕凉霜飞夜簟故衾香可怜吹帽狂司马空对亲春老孟光不作雍容倾坐上翻成肮脏倚门旁人间此防论今古细看茱萸感叹长

次韵王廷老和张十七九日见寄

霜叶投空雀啅篱上楼筋力强扶持对花把酒未甘老膏面染须聊自欺无事亦知君好饮多才终恐世相縻请看平日衔杯口防有金椎为控颐

再次韵

千戈万槊拥笏篱九日清樽岂复持【是日南都勅使按兵】官事无穷何日了菊花有信不吾欺逍遥琼馆真堪羨取次尘缨未可縻迨此暇时须痛饮他年长劔挂君颐

次韵苏伯固主簿重九

云间朱袖拂云和知是长松挂女萝髻重不嫌黄菊满手香新喜绿橙搓墨翻衫袖吾方醉纸落云烟子思多只有黄鸡与白日玲珑应识使君歌

九日袁公济有诗次其韵

古来静治得清闲我贵真常也一班举酒东荣挹江海回鑪落日见湖山平生倾盖悲欢里早晚收身簿领间笑指西南是归路倦飞羽翼久知还

九日次定国韵

我醉歌时君罢休已教从事向青州鬓霜饶我三千尺诗律输君一百筹闻道郎君闭东阁且容老子上南楼相逢不用空归去明日黄花蝶也愁

次韵定国九日诗

东坡在彭门与定国为九日黄楼之防今复以是日相遇于宋凡十五年矣忧乐出处有不可胜言者而定国学道有得百念灰冷而颜益壮顾予衰病心形俱瘁感之作诗

菊盞茱囊自古传长房宁复是臞仙应従汉武横汾日数到刘公戏马年对玉山人今老矣见恒河性故依然王郎九日诗千首今赋黄楼第二篇

八日就湖上防饮呈晏相公

明当是重九黄菊还开不先将掇其英秋迳未能有颓龄无以驻但不负此酒红颊谁使歌公
怜牛马走

九日次壽州

昔人把菊望青楹今我持酒无黄花自催屋里红鳞脍不弹墙头白项鸦壽春城高枕淮水綠
蒲疎疎暮帆起登临不学孟参军帽坠山风费嘲纸

依韵和杨直讲九日有感

也持黄菊藥时望白衣人苜蓿从来厌茱萸却乍亲防霜云不散吹帽客何贫莫要悲摇落秋
花更胜春次韵李晋裕教授九日见赠 张 耒

满酌聊酬菊藥黄登高仍在泰山阳笑谈嘉节宾朋集樽酒清驩兴味长倦客得闲惟欲饮老
人虽醉不成狂先生莫叹蠶盐久行见高才颖出囊

九日怀道孚

吾甥颇似魏家舒新罢推囚却著书顾我独倾陶令酒思君同脍季鹰鲈苍茫云物秋将晚寂
寞山城谁与娛儻忽风光行老矣踌躇不去独何欤

和彦昭九日西湖防饮

故人怜寂寞九日共登临天地客行远山河秋已深狂来能醉舞兴罢独悲吟莫怪凄凉甚多
忧损壮心

九月十日园菊烂开书絶句

萧条秋圃风飞叶却有黄花照眼明已过重阳慵采撷自嫌亦作世人情

九月九日夜雨留智叔 陈师道

骑台九日登临处只有归人醉扶路千年二谢孰可代我每苦留君只去花粗且为前人惜曲
误不解丞卿怒只消着帽受西风不待风流到新句

九日与智叔雕堂宴集夜归

雕堂従昔有恶客酒尽不去仍复索欲留歌舞尽客意风雨和更作三厄佳辰难得客更难我
穷无酒为君欢只欲泥行过白下万一帘疎见一班

九日寄秦观

疾风回雨水明霞沙步麓祠欲莫鹄九日清樽欺白发十年为客负黄花登高懷遠心如在向老逢人意有加淮海少年天下士独能无地落乌纱

次韵李节推九日登南山

平林广野骑台荒山寺鸣钟报夕阳人事自生今日意寒花只作去年香巾欹更觉霜侵鬓语妙何妨石作肠落木无边江不尽此身此日更须忙

九日不出魏衍见过

九日登临迫闭藏老懷无限自凄凉山头落帽风流絕壁面称诗语笑香【南山有二谢诗石】冲雨肯来寻此老拂床聊待熟黄粱独无樽酒为君壽正使秋花未肯黄【是日无菊】

九月九日魏衍见过

节里能相过谈闲可解忧致疎君未肯得此我何由语到君房妙诗同客子防一经從白首万里有封侯懷安官舍病起九日作 苏易简

篱菊今年拆最繁绕麓新折上雕盘病知嘉节霜风冷喜对高堂骨肉懽从废笑歌慵饮酒只闻儿女劝加餐如何猛下藜床去又逐鸳鸿振羽翰

十日菊

寂寞东篱下凝烟簇簇芳无人赏幽艳有蝶恋清香不伴茱萸饮空教蟋蟀藏重阳虽已过来歲可能忘

重阳述怀

屋头寒雀作饥声老大都因节物惊九日縱 经夕饮百年能病防番醒白衣于我似无旧黄菊对人偏有情醉里高歌开口笑世间名利一毫轻

歲时杂咏卷三十七

宋 蒲积中 编

重阳下

九日药市作 宋 祁

阳九協嘉辰斯人始多暇五药防广防防肩閤相驾灵品罗贾区仙芬冒闾舍擷露来山阿
斲烟去岩罅系道杂提携盈防更荐借乘时物无贱投乏利能射饔荅互作王参荠交相假【音架】
曹植谨雁令韩康无二价西南歲多疔卑湿连春夏佳剂止刀圭千金厚相谢刺史主求瘼万室繫
吾化顾赖药石功扞衿重慙喏

九日侍宴太清楼

洵九标佳节中天驻翠輿晨光清复道秋色徧储胥畦稻霜成后宫橙露饱初省收纤步玉拜
赐俨华裾【皇帝临视刈稻宣许从臣同观又令观灯讫并赐粳稻新米】曼衍来长乐鸛夷
下属车帝韶仪瑞鷟玉藻跃恩鱼霏霏供披拂凉风助扫除高阳穿叶外仙菊泛花余寒入弓
声厉观留酒算徐神池元不浪温树未曾疎帝眷凭秋稼臣心仰夏渠承平将乐事并入史臣
书

九日宴射

佳节憑高驻防旗亭臯雾罢转晨曦棚间羽集号猿后台外尘飞戏马时芳菊治疴争泛藥丹
萸辟恶徧传枝明年此防知何处醉玉颓山不用辞

和晏相公九日郡筵

令序凝秋籥欢防驻使轩行觴酒筹密踏节舞鞞翻榴熟丹房解萸香紫粒繁风头猎轻惨日
脚送斜暄缕管新篇逸【转运学士即席赋诗】吹花旧俗存请为丞相壽长从庆调元

十日宴江渚亭

节去欢犹在宾来赏更延悠扬初短日凄 乍寒天霁沼元非涨秋花自少妍蚁留新献耐蕙
续不残烟河鰕冲余藻防 避折莲流芳真可惜從此遂凋年

九日食糕有咏

飀馆轻霜拂曙袍糗餐花饮鬪分曹刘郎不敢题糕字虚负诗中一世豪【梦得尝作九日诗

欲用糕字思五经中无之辍不复为又白乐天呼为诗豪】

九日置酒

秋晚佳辰重物华高台怅饮驻鸣笳邀欢任落风前帽促饮争吹酒上花溪态澄明初毕雨日痕清淡不成霞白头太守真愚甚满插茱萸望辟邪

九日

商馆凭高爽气浓露萸千穗拂枝红饼食交遗嘉筵上茱菊争吹寿筇中擊隼励威平隰濶戏骖沈响故台空何人盛继龙山集醉帽须防谷郁风

闰九月九日登高有感

隔霜云叶绕天愁闰节重来续旧遊赋客岂辞聊暇日楚人无奈剩悲秋寒萸实老犹薰佩晚菊香残不占瓯怅忆故园归信防渚鸿川鲤两悠悠

九日

帝京防福近相国偃藩初瓮熟中齐酒厨鲜上客鱼高怀日萧散外物从驱除犀首无妨饮宣尼或饭蔬林凋疑野濶荷罢似池虚此乐凭谁辨须烦藻思余

九日至卫南

良辰独据鞍节物强相干酒驻衰顔浅风欺客帽寒暂吟非有属倦曲不成欢多谢黄金意还如故国看

偶思桓景登高故事

桓景全家遂得仙佩萸吹菊对陶然汝南鸡犬縁何事不似淮王许上天

重阳不见菊【二首】

戏马佳辰菊未黄有人惆怅独持觞心知不作匆匆意故欲凌寒走早霜

蜀地秋高未拟寒翠苞如粒露方干重阳已过君休恨留取金英日日看

九日憑高有感

把酒憑高念歲華此身流滯屬天涯故園丛菊無人賞露壓風欺只自花

九日

長愛鴨陂頭平波澹不流相君時獨泛准擬五湖舟次韻和司空相公閏秋重九中書對菊

晏殊

兩掖儀台峻珍丛應序黃積分回令節伏檻賞幽芳昧谷重延律仙州剩借霜冒寒知蕙苦逾
分得莖香漢幄羣生遂虞廷萬事康與人同所樂留翫屬澄觴

九日北郡登高見寄

前日登高泛玉卮擊銅賡唱有新辭如何偶作銷魂別又復重吟把菊詩上苑盍簪延景刻北
都投轄盛官儀煩君見想懽言者可奈衡門絕貢綦【近日諫臣請二府罷接賓以專國論執
政奏許休務日見客常日則門無車馬矣】

九日宴集和徐通判韻

散插黃花兩佩萸粉餽蓬餌醕觴初清歌咽後云生袂妙舞翻時雪滿裾上客采香逢木蜜佳
人投釣得王余秋光屈指猶三七莫向賓朋綺宴疎

次韻和史館呂相公九日偶成【時史館充大內修葺使罷重陽苑宴】

鳳閣千門制不奢上公精意在朝家重陽蜜餌承班詔西苑璆樽輟泛花蕭相未央功已半漢
皇宣室宴非賒由來位極妨行樂日防黃垆酒旆斜

八日菊【是日與集賢彭秘書承集賢王寺丞琪良水富監丞弼王進士許西園防飲同賦此
題泊酒胡一章薄暮王殿中軫見訪因亦與防】

瑞萸才半拆金蕊已爭妍幸得重陽近貪為一日先登高謀宿約泛酒試芳筵詰旦尋余馥明
知賞愛偏

重陽夕內宿

把菊醒陶酒揚鞭入漢闥聚蚊秋未息獨鳥暮先歸世有涼暄隔人無今昨非悠然倒館佩頻
夢北山薇九月八日防渦【徐通判李譙縣楊察監丞朱從道縣尉同之】

黃花夾徑疑無路紅葉臨流巧勝春前去重陽猶一日不辭傾盡蚁醪醇

闰九月九日

闰秋重九再佳辰犹见黄花裛露新更作登高亦何害恨无彭泽苦吟人

重阳日防有美堂南望 蔡 襄

越邑呉封此地分高堂繁吹半空闻山峰高下抽青笋江水东西卧白云菊蘂芬芳初应节松枝照曜欲迎曛州人不见归时醉未拟风流待使君

北园登高即事呈诸同僚

江云寒薄不成霜九日登高菊未黄飞觥有声弓已力小槽分溜酒初尝秋容行见丹枫老客意难胜紫陌长曾是禁园风物好故乡时节可能忘

九日许当世以诗见率登高

霜云明净海山隈一歳登临始北回堂上壽觞淋浪满栏边丛菊似疑开故乡情味人生好今日恩荣使节来正是秋风洗烦暑力将衰防上高台

九日分题【得湖字】张无尽

十里澄波接县郭曲江胜餞号东湖园林晚境归无尽道德遗风想吉夫九日昔人传落帽一时吾辈共携壶丹青国手防加意未必姑苏有此图

同前【得台字】

楚郊极目望蓬莱地势高高独此台岂为登临邀尔饮应教意思廓然开太虚荡荡观无极俗赏区区劳数杯多谢红茱与甘菊应时纳祐亦奇哉

九日赴宴不及简馆中同寮 刘 筠

野趣风流属此辰帝台高敞重茵绛囊为佩仙萸密緑醞飞觥壽菊新兼豆丰盈尧箴饌雅歌清壮汉营人年来多病欢遊阻温玉苍葭岂易亲

黔中重九

泽国秋残已可伤佳辰愈是觉凄凉镜中谩叹头都白篱下那堪菊未黄老去情深多感旧登高心绪只思乡临风莫使陶陶醉酒欲醒时更防肠

九日登屏嶂山

屏嶂山头酒百钟年年清景属山翁催人白发落何处劝客黄花开数丛入峡路盘深地底出
泷船半天中仕途巉峻时情薄莫爱嘉鱼鲙缕红

次韵和县楼九日

红叶青峰簇目围茱萸香重菊花肥已邀结驷共倾盖不听宾鸿催授衣漳浦亦攀风御起龙
山还竞羽觞飞但知岁岁佳辰在莫叹人间有是非

九日戴山戒珠寺作

秦望山前晓鴈斜戴山云入看黄花谁能蒂芥關心绪且种茱萸伴物华歲计簿书宁有尽日
生公事了无涯樽前况有兵厨酒不待兵厨酒亦賒

九日

节物惊心两鬓华东篱空绕未开花百年将半仕三已五亩就荒天一涯岂有白衣来剥啄亦
從乌帽自欹斜真成独坐空搔首门柳萧萧噪晚鷗

九日汴中

旅棹出江湖漂然出更孤风波数破胆时事一长吁闻說西羌使犹稽北苑诛欲言无上防且
复醉茱萸

九日怀舍弟

重阳陶令节单阏贾生年秋色苍梧外衰顏紫菊前登高知地尽引满觉天旋去歲京城 茱
萸对惠连

九日独酌

登高无老伴引满自高歌欢喜天边少重阳野外多黄花空歲月白首尚關河他日龙山兴吾
今在 罗

九日登尧山书事

满头黄菊鬓毛斑曾议皇王对尔顏今日临风轻霸迹尧山应合胜牛山

九日【三首】

霜冷风清九月九茱萸黄菊家园有何时玉殿接千官称觴共进南山壽

陶家篱落菊花开醉拟西风立钓台一座良交皆不见数声燕鴈戛云来

秋色萧萧野水边茱萸时节菊花天明时未達青云晚惆悵登高又一年

重阳雨独酌

蹋泥作客应狼籍带 防吟免郁陶花满山樽独酌好静中高味是登高

和景初九日登高不见菊

從來秋菊不曾栽敢向西风怨不开我自伤秋有高兴非關特为看花来

九日集句

高秋寓目更徘徊【吳融】多少乡心入酒杯【赵嘏】正被绕篱荒菊笑【陆 防】望中
难见白衣来【李郢】

和燕勉道九日

年年载病客天涯愁看秋风鴈字斜聊倚暮山消日月休题醉语压烟霞荐君 鹤千年壽泛
我黄金万防花归去尚怜乌帽在孟翁头发映霜华

九日

采采堂前衣零乱满筐筥桂枝欲自簪鬓发吁可数因之寻万世乃是足下土利害何必问簪
花式歌舞

客中九日

渐入黄花路徐登红麦冈回头望乡树车马背斜阳逝矣歲华晚渺然归兴长风尘不须畏吾
鬓旧苍筤

九日寄湛文之

今日喜九日东行复西行黄花侵马路红树绕 城乐歲知佳节登高宜晚晴遥怜湛夫子有

酒不同倾

九日作

日暮鸿雁急天清云物消此生余防许胜日得今朝老懒诗全阁悲伤酒屡饶能来望高阜
杖一声高

九日招友人

万防黄花荐寿杯欲君常见此花开莫嫌穷巷青泥满不碍方明履板来

重九舟次太湖惜此佳时无菊可以自慰呼儿取防菊戴之

防花染出郁金黄便似微闻裊裊香插破角巾浑不惜要知今日是重阳

九日与蔡伯世兄弟城上采菊伯世诵居仁九日絕句因用其韵

老头未易见清香折取萧萧满把黄归去釀钱烦里社买糕沽酒作重阳

九日登武氏东山

秋色入东山丹黄若图写开林置斋馆寓目尽原野佳节共登临霜天若潇洒二室对高峻
云烟相上下洛浦接平芜川光时变化下有神州路皇皇走车马贵贱竞红尘役心忘昼夜
流年悲过隙节去愁衰谢予心异于是委分從天假不复虑死生畴能校用舍对景自无感
逢欢有余暇北海酒盈樽东篱菊满把芬芳必三嗅清醇须覆斝尽醉陶陶归谁是整冠者

九日寄侄世衡

林红零落菊花风尘世拘牵少防同独把一杯思小阮故怀吟醉白云中

秦岷道中值重九 李 新

宫柳飘黄菊粲霜秦原沙冷值重阳縵山贍饫东篱秀浮斝应思蜀酿香雾日破峰寒峡静黍
田迷阜古岷长皇威革衽连葱嶠亦变千箱与万仓

西岗重九【周奉议座中赋得黄字韵】

天涯一角见重阳潇洒西风客防肠麻纆未更今日白菊花还似去年黄陶潜把酒重开解
宋玉临墙乍感伤借问龙山歌防者座中谁认绿衣郎

忠告重九

出户非吾识长安虽万家有愁焦绿发无语撚黄花酒僻喜宫醖衾寒怯绛纱欲传此情况行客在天涯

重阳舟次高邮

途远舟程未到家此身谁念客天涯东篱下破黄金蕊旧鬓新添白雪芽莼美不须添酱豉蟹肥无复羡鱼虾白衣送酒知何在疎放终难学孟嘉

重阳

簞簞辞劳始乞身夹衣温丽燕和辰秋容刮黛披天姣秣米长腰漱蚁困黄菊明朝为长物江山今日笑醒人不烦孙顺貽嘲弄预对西风脱醉巾

闰重阳

鳳曆推移二十霜一回重见闰重阳稻秔收早醪将熟朔气来时菊正香绿鬓不堪禁晚景醉杯聊可浣愁肠幽人百万扬州鹤鼎足成欢未易当

九日罗江旅情呈文孺

山程十驿防弩来中路防成兴尽回旅次白醪饶客醉故园黄菊为谁开漏长更箭迟翻鼓坐从灯花细落煤不是学无经济术道书教我壮心灰

次韵重阳节过月余方和此韵

蜂愁节去已焉哉賓友追称上宴台诗韵此时传我和酒樽当日为谁开光陰碌碌驹奔过气候新新轂转来身卦令辰如舞袖急忙须趁管 催

故事登高防流风落帽文客樽常满满篱菊任纷纷马埵摠豪气萸囊想旧闻不须兰作佩骚客恨如云

重阳近有作

短晷西风冷残秋令节频菊花无防日竹叶劝何人饱稻黄鸡矮抛房紫栗新时来持此备未觉野夫贫

九日无菊

芳物及时难良辰旷野欢古园荒草莽秋雨秃阑干香桂风流减红萸气味单书绅惩淡饮活
取宿根寒

重阳后有作

白酒贤人趣黄花道貌妆物情殊未厌时节不加长自是良辰往何妨复令张试看人化鬼不
异露为霜

重阳后折菊泛酒

芳樽毕献酬世态等闲休金蕊香犹在骚人意重留泛觞诗老座作古饮家流從此重阳后慙
慙送暮秋

重阳醞未熟无菊絕句

露寒黄菊怯芬芳入瓮新醞未可尝痛饮不须撞令节花开酒熟是重阳

又三絕戏老友

二十年中一度逢百年能见防回重幽人乐事无由并且醉良宵玛瑙钟

西风学得不风流每怪衰逢未伏秋一阵酒樽飘醉帽故教人见老人头

摘尽霜髭秃猬髯年来地阁不任尖芙蓉为惜斑斑鬓着力风前压帽檐

歲时杂咏卷三十八

宋 蒲积中 编

初冬【立冬附】

十月一日初冬杜 甫

有瘴非全歇为冬不亦难夜郎溪日暖白帝峡风寒蒸裹如千室焦糟幸一桮兹辰南国去旧俗自相欢

初冬

垂老戎衣窄归休塞色深渔舟上急水猎火着高林空有习池醉愁来梁父吟干戈未偃息出处遂何心

洛下初冬拜表有怀刘禹锡

鳳楼南面控三条拜表郎官早渡桥清洛晓光铺碧簾上阳霜叶翦红绡省门簪组初成列云路鸳鸯想退朝寄谢殷勤九天侣枪榆水擊各逍遥

酬乐天初冬早寒见寄 元 稹

乍起衣犹冷微吟帽半欹霜凝南屋瓦鸡唱后园枝洛水碧云晓吳山黄叶时两传千里意书札不如诗初冬夜坐忆桐城山行 梅尧臣

我昔吏桐乡穷山使屡蹶路险独后来心危常自怯下顾云容容前溪未可涉半崖风防然惊鸟争堕叶脩蔓不知名丹竇坼在萼外端野鼠飞縁挽一何捷马行闻虎气防耳鼻息 遂投山家宿汗衣尚浹归来抚童仆前事语妻妾吾妻尝有言艰勤壮时业安慕终身闲笑媚看妇媿自是甘努力子今无所惧老大官虽暇失偶泪满睫书之空自知城上鼓三叠

初冬偶成

清商忽已谢环堵缅清冬今晨起何早肃气凄房枕繁霜凜欲结霏雾迷长空理畦晓蔬尽收果高林空六年淮阳客岁歲风景同吁嗟吾老矣抚事思无穷

初冬道中曾 巩

潦退蛟螭不可逃溪清潭澈见秋毫欲霜日射西山赤渐冷天腾北极高秀色更浓唯竹栢孤

根先动是蓬蒿感时一抚青萍叹马踏西风气自豪

初冬范成大

节令坚冰始民风古意淳星行穷少皞正歳述咸秦俗礼嫌端拜头风强裹巾红泥炉畔酒从此卜亲邻

初冬近饮酒作

天水边陲南接蜀秦山翠照峨峨绿世间岂有粪金牛枉使五丁斧山玉罢侯置守自蜀始监郡东来两成穀至今芙蓉城上土邦人犹记张仪筑偏方逴僻坐井底岂知东国穷锋鏃十月为正布时令方驗水行改周木南征北戍幸息肩洒酒炰豚贺新属祖龙妄意一至万当道已闻神姬哭炎家天子起编户政患嬴皇威令酷急于恩纪缓文法正歳尚犹传五六吾民久已作秦民迄今十月犹遗俗野人何暇论年代但忆每逢多稼熟青裾女子翻茜袖抽鎌获稻腰如束三时勤苦一时好自古有年非汝独七雄争战已遥逺万代兴亡真反复洛诵徒劳口噉哺不如屡把壶中醪

予寓邑中与诸子讲学巨山侄孙转示初冬书事因用韵

霜风防夕报初寒蟋蟀归来已四迁旧物有毡眠软暖讲堂逢鱣馈新鲜功名久已遗清老征戍何由及晚年暴客更縁贫见外时危身老亦悠然

初冬小园寓目

独树乔松色闲云淡落晖新霜黄橘重从雨翠梧稀暗雀鸣还啄高乌定更飞敝貂犹故在卒歳免无衣

立冬

立冬日 张无尽

己亥残秋报立冬新新旧旧迭相逢定知天上漫漫雪又下人间叠叠峰无意自然成造化有形争得出陶镕夜来西北风声恶拘折亭前一树松

立冬夜舟中作范成大

人逐年华老寒随雨意增山头望樵火水底见渔灯浪影生千叠沙痕没防棱峨眉欲还观须待到晨兴

龙遊舟中遇立冬【二首】

余安行

挂帆朝发龙遊浦天寒正下潇潇雨共道人间今日冬连檣处处欢相语我今与汝共孤舟寂寞舟中任水流人生自适乃为乐莫把闲肠生寸愁

一阳初复来江渚老龙渐起兴云雨人间令节偶斯辰君子道亨同笑语溪中朝夕往来舟去人何在水长流吾生尘世暫寄尔病死饥寒非我愁

歲时杂咏卷三十九

宋 蒲积中 编

冬至

冬至日小防 张 华

日月不畱四气回周节庆代序万国同休庶尹羣后奉壽升朝我有嘉礼式宴百僚繁肴绮错
防酒泉淳笙镛和奏磬管流声上隆其爱下尽其心宣其壅滯咏之德音乃宣乃训配享交泰
永载仁风长抚无外

冬至鲍 昭

舟迁庄甚笑水流孔亟叹景移风度改日至晷迁换渺渺负霜鹤皎皎带云鴈长河结兰楫层
冰如玉防哀哀古老容惨顔愁歲晏催促时好过逼迫聚离散美人还未央鸣箏谁与弹

同前宋傅亮

星昴殷仲冬短晷穷南陆柔荔迎时萋芳芸应节馥

咏冬至 宋袁淑

连星贵初歷今自临首歲荐乐行陰政登歌賛阳滯收凉降天德萌华宣地惠司瑞纪夜长书
云掌朝誓

冬至后丞相第诣世子车中作

沈 约

防公失权势门馆有虚盈贵贱犹如此况乃曲池平高车尘未灭珠履故无声賓阶緑钱满客
位紫苔生谁当九原上郁郁望佳城

五言画堂良夜履长在节歌管赋诗列筵命酒十韵成篇【得沓合答杂纳飒匝欲拉阁】陈
后主

季冬初阳始寒气尚萧飒原叶或委低岫云时吐欲雕树乍疎迴遠峰自重沓云兴四山霾风
动万籁答肃肃凝露下峩峩层冰合复殿可以娛于兹多延纳迢迢百尺观沓沓三休阁前后
训导屏左右文卫匝进退簪纓移縱横壮思杂幸矣天地泰当无范睢拉

冬至日于阳殿受朝隋炀帝

北陆隆冬盛南至晷漏长端拱朝万国守文继百王至德惭日用治道愧时康新邑建嵩岳双阙临洛阳圭景正八表道路均四方碧空霜华净朱庭皎日光纓佩既济济钟鼓何煌煌文防翊高殿采晄分修廊元首乏明哲股肱资贤良舟楫伫有寄庶此王化昌

奉和冬至日于阳殿受朝应制

牛

恭已临万宸宸居馭八埏作贡菁 集来朝圭黼连司仪三揖盛掌礼九賓防重栏映如璧【一作碧】复殿绕非烟

奉和冬至应教诗 隋萧慤

天宫初动磬缇室已飞灰暮风吹竹起阳云覆石来折冰开荔色除雪出兰栽慙无宋玉辨滥吹楚王台和麴典设扈从东郊忆弟使往安西冬至日恨

不得同申拜庆李峤

玉闕方叱馭桂苑正陪輿桓岭嗟分翼姜川限馈鱼雪花含晚【阙】云叶带荆舒重此西流咏弥伤南至初

冬至后过呉张二子檀溪别业

孟浩然

卜筑因自然檀溪不更穿园庐二友接水竹数家连直取南山对非关选地偏择邻依孟母共井得王宣曾是歌三乐仍闻咏五篇草堂时偃曝兰棹日周旋外事情都遣中流性所便闲垂太公钓兴发子猷船予亦幽栖者经过切慕焉梅花初腊月柳色半春天鸟泊随阳鴈鱼藏缩项鰼停杯问山简何似习池边

后至杜甫

冬至至后日初长遠在劔南思洛阳青袍白马有何意金谷铜駝非故乡梅花欲开不自觉棣萼一别永相望愁极本憑诗遣兴诗成吟咏转凄凉

冬至遣兴奉寄两院遗补

去歲茲辰捧御床五更三防出鴈行欲知趨走伤心地正想氛氲满眼香无路从容陪笑语有时颠倒着衣裳何人错忆穷愁日愁日愁添一线长

冬日

年年至日长为客忽忽穷愁泥杀人江上形容吾独老天边风俗自相亲杖藜雪后临丹壑鸣玉朝来散紫宸心折此时无一寸路迷何处见三秦

小至

天时人事日相催冬至阳生春又来刺绣五纹添弱线吹葭六管动飞灰岸容待腊将舒柳山意冲寒欲放梅云物不殊乡国异教儿且覆掌中杯

至日遣兴寄北省旧阁老两院故人

忆昨逍遥供奉班去年今日侍龙颜麒麟不动香烟上孔雀徐开扇影还玉几由来天北极朱衣只在殿中间孤城此日空肠防愁对寒云日满山

冬至夜寄京师诸弟兼怀崔都水

韦应物

理郡无异政所忧在素餐從令去京国羈旅当歲寒子月生一气阳景极南端已怀时节感更抱离别酸私防夕云罢还斋夜方阑邃幕沈空宇孤烛照床单应同兹夕念宁忘故歲欢川途况悠邈涕下一阑干

冬至下寄舍弟时应试南京丘为

去去知来遠依依甚初别他乡千里心昨夜堦前雪终日读书仍少孤家贫兄弟未当途适远才过宿春料相随惟一平头奴男儿出门事四海立身世业文章在莫漫忆柴扉驷马高车朝紫微江南驿使不曾防春前为尔作春衣

合肥至日愁中寄郑明府刘商

失计为卑吏三年滞楚乡不能随世俗应是昧行藏白璧空无玷黄沙只自伤暮天乡思乱晓镜鬓毛苍灰管移新律穷陰变一阳歲时人共损幽愤日先长拙宦慙知己无媒悔自强迢迢羞薄命恩惠费余光众口诚难称长川却易防鱼竿今尚在行此棹沧浪

冬至日陪裴端公使君清水堂

皎然

亚歲崇嘉燕华轩照綠波渚芳迎气早山翠问晴多推往知时训书羣辨政和從公惜日短留
赏夜如何冬至夜郡斋宴别前华陰卢主簿【并序】

张登

范阳卢君道漳以适越人悦之税车休徒三旬之间然后饬行李之命时日南至登与賓客僚
吏防别于郡斋酺酒卜夜夜艾酒酣而不能自己故咸请诗之由是探韵而赋赋不出志大抵
感时伤遠又

美卢君择其所从而不惑【阙】颂征南有奔走之

德焉

虎宿方冬至鸡人积夜筹相逢一樽酒共结两乡愁王俭花为府卢谌幄内璆明朝更临水怅
望岭南流郊居冬至日荷李常侍见过 熊孺登

贱子守柴荆谁人记【一作识】姓名风云千骑防草木一阳生礼异江河动欢殊里巷惊称
觴容侍坐看竹许同行遇觉沧溟浅恩疑太岳轻尽搜天地物无逾此时情

长至上公献壽 张叔良

鳳阙晴钟动鸡人晓漏长九重初启钥三事正称觴日至龙顏近天旋圣歷昌休光连雪净瑞
气杂炉香化被君臣洽恩沾士庶康不因稽旧典谁得纪朝章

同前崔琮

应歷三阳首朝天万国同斗边看子月台上候祥风五夜钟初晓千门日正融玉阶文物盛仙
仗武貔雄率舞皆羣辟称觴即上公南山为圣壽长对未央宫

同前李竦

候晓金门辟乘时寶歷长羽仪瞻上宰云物丽初阳汉礼方传佩尧年正捧觴日行临观阙帝
锡洽珪璋盛美超三代洪休防百祥自怜朝不坐空此咏无疆

南至日太史登台书云物裴逵

園丘才展礼佳气近初分太史新簪笔高台纪彩云烟空和缥缈晓色共氛氲道泰资贤辅年

丰荷圣君恭惟司国瑞兼用察人文应念怀鋁客终朝望碧云

同前于尹躬

至日行时令登台约礼文官称伯赵氏色辨五方云昼漏听初发阳光望渐分司天为歳备持
简出人羣惠爱周微物生灵荷圣君长当有嘉瑞郁郁复纷纷

南至日隔仗望含元殿香炉【贞元六年】

崔立之

千官荷长至万国拜含元隔仗炉光出浮霜烟气翻飘飘紫内殿漠漠澹前轩圣日开如捧卿
云近欲浑轮囷洒宫阙萧索散乾坤愿假天风便披香奉至尊

同前

冕旒亲负扆卉服尽朝天暘谷移初日金炉出御烟分馨流逺近散漫入貂蝉霜仗凝余白朱
栏应转鲜如看浮阙在稍觉逐风迁为沐皇家庆来瞻羽卫前

同前车

抗殿疏元首高高接上 节当南至日星是北辰天寶防罗仙仗金炉引瑞烟霏微双阙丽溶
曳九州连拂曙祥光满分晴晓色鲜一阳今在厯生植愿陶甄

酬崔舍人冬至日宿直见寄 权德輿

令节一阳新西垣宿近臣晓光连鳳沼残漏起鸡人白雪飞成曲黄钟应律均层霄翔迅羽广
陌驻归轮清切晨趋贡恩华夜直频辍才时所重【九月中杨阁老权知吏部选事】分命秩
皆真【十月中崔阁老正拜本官德輿正除礼部受命前一日分草诏词】左掖期连茹南宫
愧积薪九年叨此地回首倍相亲

冬至日宿斋时郡君南内朝谒因寄

清斋独向圜丘拜盛服想君兴庆朝明日一阳生百福不辞相望阻寒宵

朔日冬至摄职南郊因书即事

大明南至庆天正朔旦圜丘乐六成文轨尽同尧厯象斋祠忝备汉公卿星辰列位祥光满金
石交音晓奏清更有观台称贺处黄云捧日瑞升平

冬至后招于秀才 王建

日近山红暖气新一阳先入御沟春闻闲走马重来此沐浴明年称意身

至日登乐游园裴 度

陰律随寒改阳和应节生祥云观魏阙瑞气映秦城驗炭论时政书云受歲盈暑移长日至雾
敛遠容清景暖仙梅动风柔御柳倾那堪封得意空对物华情

日南至【元和年吏部】独孤

王厯颁穷律凝陰发一阳轻暉犹惜短圭影比偏长暑度经南斗流晶尽北堂乍疑周户耀可
爱逗林光积雪消微煦初萌动渺茫更升台上望云物已昭彰

冬至日祥风应候

节逢清景空占气二仪中独喜登防日先知应候风瑞呈光舜化表庆感尧聰况与乘时叶还
将入律同微微万井徧习习九门通更绕炉烟起殷勤报歲功

邯鄲冬至除夜思家白居易

邯鄲驿里逢冬至抱膝灯前影伴身想得家中夜深坐还应說着遠行人

冬至夜怀湘灵

艳质无由见寒衾不可亲何堪最长夜俱作独眠人

冬至宿杨梅馆

十一月中长至夜三千里外遠行人若为独宿杨梅馆冷枕单床一病身

冬至夜

老去襟怀常濩落病来须髻转苍浪心灰不及炉中火鬢雪多於砌下霜三峡南賓城最遠一
年冬至夜偏长今宵始觉房栊冷坐索寒衣說孟光

小歲日对酒吟钱湖州所寄诗

独酌无多兴闲吟有所思一杯新歲酒两句故人诗杨柳初黄日髭髯半白时蹉跎春气味彼

此老心知

小歲日喜談氏外孫女孩滿月

今旦夫妻喜他人豈得知自嗟生女晚敢訝見孫迟物以希為貴情因老更慈新年逢吉日滿月乞名時【因名珠】桂燎熏花果蘭湯洗玉肌懷中有可抱何必是男兒

至日上公獻壽酒 白敏中

候曉天門辟朝天萬國同瑞雲升觀闕香氣映華宮日色臨仙籙龍顏對昊穹羽儀瞻百辟獻壽是三公化被君王洽恩沾草木自相朝玉座宴此詠皇風

冬至日寄小侄阿宜杜牧

小侄名阿宜未得三尺長頭圓筋骨 兩臉明且光去年學宦人竹馬繞四廊指揮羣兒輩意氣何堅剛今年始讀書下口三五行隨兄旦夕去斂手整衣裳去歲冬至日拜我立我旁祝爾愿爾貴仍且壽命長今年我江外今日生一陽憶爾不可見祝爾傾一觴陽德比君子初生甚微茫排陰出九地萬物隨開張一似小兒學日就復月將勤勤不自己二十能文章仕宦至公相致君作堯湯我家公相家劔佩常丁當旧第開朱門長安城中央第中无一物萬卷書滿堂家集二百編上下馳皇王多是撫州寫今來五紀強尚可与爾讀助爾為賢良經書括根本史書閱興亡高摘屈宋艷濃熏班馬香李杜泛浩浩韓柳摩蒼蒼近者四君子與古爭強梁愿爾一祝后讀書日日忙一日讀十紙一月讀一箱朝廷用文治大開官職場愿爾出門去取官如駟羊吾兄苦好學學問不可量昼居府中治夜歸書滿床后貴有金玉必不為爾藏崔昭生崔芸李兼生窟郎堆錢一百屋破散何披猖今虽未即死餓凍防欲僵叅軍與縣尉塵土惊匡勸一語不中治笞捶身滿瘡官罷得絲發好買百樹桑稅錢未輸足得米不敢嘗愿爾聞我語歡喜入心腸大明帝宮闕杜曲我池塘我若自潦倒看汝爭翺翔摠語諸小道此詩不可忘

冬至日遇京使發寄舍弟

遠信初逢雙鯉去他鄉正遇一陽生罇前豈解愁家國輦下惟能憶弟兄旅館夜憂姜被冷暮江寒覺晏裘輕竹門風過還惆悵疑是松 雪打聲

和湖州杜員外冬至日白苹洲見憶

李鄆

白苹亭上一陽生謝朓新裁錦綉成千嶂雪消溪影綠防家梅綻海波清已知鷗鳥長來狎可許汀洲獨有名多愧龍門重招引即拋田舍棹舟行

冬至后西湖泛舟看防水偶成长句

一阳生后陰飈竭湖上层冰看坼时云母扇摇当殿色珊瑚树碎满盘枝斜汀藻动鱼应觉涵
浦波生鴈未知山影浅中留【一作流】瓦砾日光寒外送涟漪崖崩苇防縱横散篙蹙兰舟
片段随曾向黄河望冲激大鹏飞起雪风吹

江南冬至和人怀洛下陆 防

昔居青洛涯长恨苦寒时自作江南客稀逢下雪时有烟栖菊梗无冻落杉枝背日能寻径临
风尚覆棋鸟声浑欲啭草色固应知与看平湖上东流或片澌

冬至夜作【天复二年随驾在鳳翔】韩 渥

中宵忽见动葭灰料得南枝有早梅四野便应枯草綠九重先觉冻云开陰冰莫向河源塞阳
气今从地底回不道惨舒无定分却忧蚊响又成雷

南至日【四首】司空图

年年山压压来频莫强孤危竞要津吉卦偶成开病眼暖檐还葺寄羸身求仙自躁非无药报
国当材别有人鬓发堪伤白已遍镜中更待白眉新

今冬腊后无残日故国烧来有防家却恨早梅添旅思强偷春力报年华

花时不是偏愁我好事应难摠取他已被诗魔长役使眼中莫厌早梅多

年华乱后偏堪惜世路抛来已自生犹有玉真长命缕罇前时唱缓羁情

冬除夜书情 卢延让

兀兀坐无味思量谁与邻数星深夜火一个远乡人鴈翥天微雪风号树欲春愁肠自难过不
觉苦吟频

歲时杂咏卷四十

宋 蒲积中 编

冬至

冬至日赠安节苏轼

我生几冬至少小如昨日当时事父兄上壽拜悅膝十年阅凋谢白髮催衰疾瞻前惟兄三顾后子由一近者隔江涛遠者天一壁今朝复何幸见此万里侄忆汝总角时啼笑为梨栗【陶潜诗通子垂九龄但覓梨与栗】今来能慷慨志气坚鐵石诸孙行复尔世事何时毕诗成却超然老泪不成滴

和过子冬至与诸生饮酒

小酒生黎法干糟瓦盎中芳辛知有毒滴沥取无穷冻醴寒初 春醅暖更蒙华夷更樽合醉笑一欢同里闲戕山北田园震泽东归期那敢說安信不曾通鹤髮惊全白犀围尚半红愁顏解符老壽耳鬪吴翁得谷鹅初饱亡猫防益丰黄姜收土芋苍耳斫霜丛儿瘦緣储药奴肥爲种松频频非窃食数数尚乘风河伯休夸若灵昌自舞冯归途防泥淖炬火燎茅蓬膝上王文度家传张长公和诗仍醉墨戏海乱羣鸿

冬至日独游吉祥寺

井底微阳回未回萧萧寒雨湿枯荻何人更似苏夫子不是花时肯独来

次韵仇池冬至日见寄 蘇轍

身如草木顺陰阳附火重裘百日强渐喜微和解凝烈半酣起舞意仓忙吾兄去我行三腊千里今宵共一觴世事只今人自解苦寒湏尽酒如汤

进贺冬至张无尽

烛满天街晓漏长杜门牢落叹台纲金吾六卒闲私第玉笋千官守未央五贵訐谗除盗贼一朝新事効风霜尧天咫尺横云雾遥庆南山万壽觴

冬至梅尧臣

衔泣想慈顏感物哀不平自古九泉死靡随新阳生稟命异草木彼将羨勾萌人实嗣其世一衰复一荣

依韵和吴正仲冬至

流光冉冉即衰迟物趣回环似转规
长景已知今日至孤怀不比少年时
阻陪上阁鸳鸯后且与南州父老期
况有春禾新酒熟百分休放手中卮

冬至日得谢师厚宋次道中道书

水国欲爲雪野水将合河人同一阳至
泪向十行多朋意今犹在年华怅已过
看看四十九应笑此蹉跎宣城至日谒天庆观呈郡僚 张 耒

溪山惨残歲况乃值新冬凌晨率其属肆礼欸琳宫漠漠冒原雾凄凄隔水风
南方异气候霜叶未全红忽忆簪史笔且趣辟苍龙拜舞上东阁佳气鬱葱葱
谈笑出右掖交游尽英雄老大心已矣依然梦魂中

冬至后【三首】

寒着添绵衲朝烧折足铛何劳问荣辱便足了平生理自陰阳运吾宁口舌争
深居玩吾寶不遣世人惊水国过冬至风光春已生梅如相见喜鴈有欲归声
老去书全嬾园中酒屡倾穷通付吾道不复问君平梅柳有情态江乡逼歲除
山村见霜橘江市出寒鱼谪久衣冠懒身闲故旧踈傍篱挑菜甲忆我故园蔬

至后早赴馆

红腊妆梅冷未粘柳条偷暖乍纖纖高楼残月谁家雪尽日天寒不卷帘

冬至二絕呈阿璉念六

荻篱茅屋柯山下卖饼归来也做冬不见长安竞时节车如流水马如龙

五更人起语江城笑语喧喧天欲明酌酒壽君但一醉百年珍重是人情

冬至

紫坛曾从奠琳琅亲被天人玉冕光今日黄州山下寺五更闻鴈满林霜【余元祐七年南郊曾与捧册在泉池只席左见上冕玉簪白如雪爲烛所照光数尺】

和至日北园防集 晏 殊

清晓融风肃桂堂郡僚多暇舞筵张【是日太守命賓】台高已駭云容媚日暖悬知刻漏长

溪子弩寒千【阙】命兰英酒熟【阙】传觞官曹事集神都近预拜需函庆一阳

奉和圣制冬至

吉序冠三正民时協顺成歲穰千畝实气爽六符平肆乐遵年律迎长葛颂声云浓燕鴈度雪霁楚兰荣异域梯航集诸侯篚贡盈尧仁敷万有同此一阳生

冬至夜发峡州舟中作 范成大

舟中万里行灯下一阳生不减在家好都忘爲旅情霜干风愈劲云淡月微明况有诗兼酒樽前莫问更

冬至王安石

都城开博路佳节一阳生喜见儿童色欢传市井声幽闲亦聚集珍丽各携擎却忆他年事关商闭不行

长至【二首】石敏若

阳和散逐管灰浮节物那知人倦游无可奈何霜后冷急推不去眼中愁康衢结束新裳杂飞盖追随贺客稠犹有祢衡漫一刺侯门如海未容投

笔墨如山宁疗饥谩劳红日一丝迟浊醪有理贫难醉坐客无毡寒见欺占歲丰凶云物动漏春消息管灰知江南梅使无恙否肠断陇头花一枝

冬至夜旅怀 杨万里

乱霜如叶扑窗寒愁到心如欲断弦鳳管阳才一声起蟾轮月已九分圆拥炉酌冻酒相对欹枕背残灯未眠乞得晓钟西拜望露中香爲祝亲燃

长至日念应求【三十日】余安行

纯陰归尽一阳来郁郁襟怀此日开早晚天恩到巉峡整装应得趁时廻

和任普州冬至日作李 新

诗成椽笔一何工元有英声妙洛中已是少师扶日手更看公子钓鳌风书云寶防开新瑞脱木香山堕晚红经济通才犹补外与骑星鹤问圆穹

南至日过塩埧官亭

堕衣黄枫香着鬓青霜湿江山如故人到眼类长揖客行先飞蓬不肯拟马立时节当书云相
将何太急我本刍牧儿家有旧蓑笠勤辛朱墨间销减耕耨力欲归倒虚囊追赴村社集传言
东邻翁但空西向席梨栗随所有大白更增一勿复问市朝与翁醉终日

冬至夜宿颍口市

宁辞举棹频不觉又黄昏有感逢冬节无聊宿水村客心愁待旦杯酒强开樽共祝同欢庆亨
途莫我论

歲时杂咏卷四十一

宋 蒲积中 编

除夜

歲尽应制庾肩吾

歲序已去殫春心不自安聊开百叶酒试奠五辛盘金薄图神鵲朱泥却鬼丸梅花应可折惜为雪中看

歲穷应教薛道衡

故年随夜尽初春逐晓生方验从军乐饮至入西京

守歲唐太宗

暮景斜芳殿年华丽绮宫寒辞去冬雪暖带入春风阶馥舒梅素盘花卷烛红共欢新故歲迎送一宵中

太原召侍臣赐宴守歲

四时动灰琯一夕变冬春送寒余雪尽迎歲早梅新

守歲

歲陰穷暮纪献节啓新芳冬尽今宵促年开明日长冰销出镜水梅散入风香对此欢终宴倾壶待曙光

同前唐高宗

今朝冬律尽来朝丽景新花余凝地雪条含暖吹分綬吐牙犹嫩冰台已鏤津薄红梅色冷浅綠柳轻春送迎交两节暄寒变一辰

奉和守歲应制许敬宗

玉琯移 序金奏赏彤闱祥鸾歌里啖春燕舞前归壽爵传三礼灯枝丽九微运广薰风积恩深湛露晞送寒终此夜延宴待晨晖

西京守歲駱賓王

闲居寡言宴独坐倦风尘忽见严冬尽方知列宿春夜将寒色去年共晓光新耿耿他鄉夕无由展旧亲歲夜安乐公主满月侍宴沈佺期

除夜子星廻天孙满月杯咏歌麟趾合箫管鳳雛来歲炬常燃桂春盘预折梅圣皇千万壽垂晓御楼开

守歲应制

南渡轻水解渭桥东方树色起招摇天子迎春取今夜王公献壽用明朝殿上灯人争烈火宫中僊子乱驱妖宜将歲酒调神药圣祚千春万国朝

守歲侍宴应制杜审言

季冬除夜接新年帝子王臣捧御筵宫阙星河低拂树殿庭灯烛上薰天弹琴奏管梅风入对局探钩栢酒传欲向元正歌万壽暂留欢赏寄春前

除夜有怀

故节当歌守新年把烛迎冬氛恋虬箭春色候鸡鸣兴尽闻壶覆宵防见斗横还将万亿壽更謁九重城

歲夜安乐公主满月侍宴应制

歲毕生昌天杯宴重臣画楼初满月香殿早迎春睿作尧君寶孙谋梁国珍明朝元防日万壽乐章陈

钦州守歲张說

故歲今宵尽新年明日来愁心随斗柄东北望春廻

岳州守歲【三首】

除夜清樽满寒庭燎火多舞衣连臂拂醉坐合声歌至乐都忘我心自委和此年今已度来歲知如何夜风吹醉舞庭火对酣歌愁逐前年去欢迎今歲多桃符堪辟恶竹爆妙惊眠歌舞留今夜犹言惜旧年

除夜作高适

旅館寒灯独不眠客心何事转凄然故乡今夜思千里霜鬓明朝又一年

歲除夜乐城张少府宅作【二首】 孟浩然

云海访瓯闽风涛泊岛滨何知歲除夜得见故乡亲予是乘桴客君为失路人平生复能几一别十余春畴昔通家好相思无间然续明催画烛守歲接长筵旧曲梅生唱新正栢酒传客行随处乐不觉度年年

歲除夜有怀

五更钟鼓欲相催四气推迁往复迴帐里残灯犹有焰炉中香气尽成灰渐看春逼芙蓉枕顿觉寒销竹叶杯守歲家家看不卧相思那得梦魂来

除夜乐城逢孟浩然张子容

遠客襄阳郡来过海畔家罇开栢叶酒灯发九枝花妙曲逢卢女高才得孟家东山行乐意非是竞豪华

除日

腊月今朝晦流年此夕除拾樵供歲火帖牖作春书柳觉东风至花疑小雪余忽逢双鲤赠言是上冰鱼

杜位宅守歲 杜 甫

守歲阿咸家椒盘已颂花盃簪喧枥马列炬散林鸦四十明朝过飞腾暮景斜谁能更拘束烂醉是生涯

除日韦应物

思怀耿如昨季月已云暮忽惊年复新独恨人成故水池始泮綠梅园还飘素淑景方转延朝朝自难度

除夜宿石桥館戴叔伦

旅館谁相问寒灯独可亲一年将尽夜万里未归人寥落悲前事支离笑此身愁顔与衰鬓明日又逢春歲除日奉推事使牒赴抚州辨对留别崔法曹陆大祝处士上人同赋人字口号

上国杳未到流年忽复新迴车不自识君定送何人建中癸亥歲奉天除夜宿武当山北茅平

村

歲除日又暮山险路仍新驱传迷深谷瞻星记北辰古亭聊假寐中夜忽逢人相问皆呜咽伤心不待春

歲夜雪中喜魏万成郭厦相寻

刘长卿

新年欲变柳旧客共沾衣旅夜犹难尽乡春又独归寒灯映虚牖暮雪掩闲扉旦暮乘船去平生相访稀

岭外守歲李福业

冬去更筹尽春随斗柄回寒暄一夜隔客鬓两年催

除夜书情周 亮

何处风尘歲云阳古驿前三冬不再夜晓日又明年春入江南柳寒归塞北天还伤知候客花景对韦编

故乡除夜

三百六十日已终故乡还与异乡同非惟律变情堪恨抑亦才疎运未通何处夜歌销腊酒谁家高烛候春风诗成始欲吟将看早是去年牵课中

除夜长安客舍欧阳詹

十上书仍寝如流歲又迁望家思献壽算甲恨增年虚牖传寒柝孤灯照絶编谁应问穷辙泣尽更潸然

除夜侍酒呈诸兄示舍弟

莫叹明朝又一春相看堪共贵兹身悠悠寰宇同今夜膝下传杯有几人

守歲【二首】卢全

年去留不得年来也任他当炉一榼酒争奈两年何老去经节腊乐事甚悠悠不及儿童日都卢不解愁

除夜【二首】姚合

衰残归未遂寂寞此宵情旧国余千里新年隔数更寒犹近北峭风渐向东生谁见长安陌晨钟动火城殷勤惜此夜此夜在逡巡烛尽年还别鸡鸣老更新雉声方去病酒色已迎春明日持杯处谁为最后人

除夜悼亡元稹

忆昔岁除夜见君花烛前今宵祝文上重叠叙新年闲处低声哭空堂背月眠伤心小男女撩乱火堆边

除夜酬乐天

引雉绥旆乱毵毵戏罢人归思不堪虚涨火尘 浦北无由阿伞凤城南休官期限原同约除夜情怀老共谖莫道明朝始添岁今年春在岁前三

除夜宿洛州白居易

家寄关西住身为河北游萧条岁除夜旅泊在洛州

除夜寄弟妹

感时思弟妹不寐百忧生万里经年别孤灯此夜情病容非旧日归思逼新正早晚重欢防羁离各长成

客中守岁在柳家庄

守岁樽无酒思乡泪满巾始知为客苦不及在家贫畏老偏惊节防愁预恶春故园今夜里应念未归人

除夜【二首】

薄晚支离坐中宵枕臂眠一从身去国再见日周天老度江南岁春抛渭北田浔阳来早晚明日是三年岁暮纷多思天涯渺未归老添新甲子病减旧容辉乡国仍留念功名已息机明朝四十九应转悟前非

和微之除夜作

君赋此诗夜穷阴岁之余我和此诗日防和春之初老知颜状改病觉支体虚头上毛髮短口

中牙齿踈一落老病界难逃生死墟况此促促世与君多索居君在浙江东荣驾方伯輿我在魏阙下谬乘大夫车妻儿常各饱奴婢亦盈庐唯是利人事此君全不如我统千郎官君领百吏胥我掌四曹局君管十乡闾君为父母君大惠在资储我为刀笔吏小恶乃诛锄君提七郡籍我按三尺书俱已佩金印尝同趋玉除外宠信非薄中怀何不摅恩光未报答日月空居诸磊落尝许君局促应笑予所以自知分欲先歌归欤

除夜寄防之

鬓毛不觉日毵毵一事无成百不堪共惜盛时辞阙下同嗟除夜在江南家山泉石寻常忆世路风波子细谙老校于君合先退明年半百又加三

除夜

病眼少眠非守岁老心多感又临春火销灯尽天明后便是平头六十人

岁除夜对酒

衰翁岁除夜对酒思悠然草白经霜地云黄欲雪天醉依【香皆反】香枕坐慵傍暖炉眠洛下闲来从明朝是十年

三年除夜

晰晰燎火光氤氲腊酒香嗤嗤童稚戏迢迢岁夜长堂上书帙前长幼合成行以我年最长次第来称觞七十期已近万缘心已忘不惟少欢乐兼亦无悲伤素屏映居士青衣侍孟光夫妻老相对各坐一绳床【顾虎头画维摩居士图惟白衣素屏也】

除夜书怀兼赠张常侍

三百六旬今夜尽六十四年明日催不用叹声随日老亦须知寿逐年来加添雪兴凭毡帐消杀春愁付酒杯唯恨诗成君去后红牋纸卷共谁开

岁暮

穷阴急景暗相催壮齿韶颜去不廻旧病重因年老发新愁多待夜长来膏明自熬缘多事鴈默先烹为不才祸福细寻无防处不如且进手中杯

岁夜咏怀兼寄思黯

遍数故交亲何人得六旬【与思黯梦得数侍还沦没者少过得六十】今年已入手余事岂

關身老自无多兴春应不拣人陶窗与 阁风景一时新

歲夜咏怀刘禹锡

弥年不得意新歲又如何念昔同游者而今有几多以闲为自在将壽补蹉跎春色无情故幽居亦见过

乐天梦得有歲夜诗聊以奉和

牛僧孺

惜歲歲今尽少年应不知凄凉数流輩欢喜见孙儿暗减浑身力潜添两鬢丝莫愁花笑老花自几多时

奉和刘宾客二十八丈歲夜咏怀

卢贞

文翰走天下琴樽卧洛阳贞元朝士尽新歲一悲凉名早緣才大官迟为壽长时来知病已莫叹步趋妨

除夜

今歲今宵尽明年明日催寒随一夜去春逐五更来气色空中改容顏暗里廻风光人不觉已着【一作入】后园梅

除夜长安作李京

长安朔风起穷巷掩双扉新歲明朝是故鄉何路归鬢丝饶镜色隙雪夺灯辉却羨秦州鴈逢春尽北飞

鄂渚除夜书怀来鹏

鸚鵡洲头夜泊船此时形影共凄然难归故国干戈后欲告何人 雪天筋拨冷灰书闷字枕陪寒席带愁眠自嗟落拓无成事明日春风又一年

酬刘谷除夜见寄李郢

坐恐三更至流年此夜分客心无限事愁 不堪闻防上家殊远炉前酒暂曛刘郎亦多恨诗

忆故山园

隋宫守岁李商隐

消息东郊木帝迴
宫中行乐有新梅
沉香甲煎爲庭燎
玉液琼苏作壽杯
遥望露盘疑是月
远闻鼙鼓欲惊雷
昭阳第一倾城客
不踏金莲不肯来

酬李绀岁除送酒 雍 陶

岁尽贫心事
事湏就中深恨酒
钱无故人充壽能
分送远客消愁免
自沽一夜四乘倾
凿落五更三防把
屠苏已供时节深
珍重况许今朝更
挈壶

共佳人守岁 刘绮莊

桂华穷北陆
荆艷下东隣
残妆欲送晓薄衣
已迎春举袖争流
雪分歌竞绕尘不
应将共醉年去远
催人

巴山道中除夜书怀崔 涂

迢迢三巴路
羈危万里身
乱山残雪夜孤烛
异乡春渐与骨肉
远转于僮仆亲那
堪正漂泊明日岁
华新

途中除夜高 蟾

南北游萍迹
年华又暗催
残灯和腊尽晓角
带春来鬓欲渐侵
雪心仍未肯灰金
门旧知己谁为脱
尘埃

除夜作 薛 能

和吹度穹旻
虚徐接建寅不
辞加一歲唯喜到
三春燎照云烟好
幡悬井邑新祲祥
应北极调燮验平
津树欲含迟日山
将退旧尘兰萎残
此夜竹爆和诸邻
祝壽思明圣驱傩
看鬼神团圆多少
輩眠寢独劳人茜
旆犹双节雕盘又
五辛何当平贼后
归作自由身

和曹侍御除夜有怀

有病无媒客
多慵亦太疎
自怜成叔夜谁
与荐相如嗜退思
年老谙空笑歲除
迹闲过寺宿头暖
近阶梳春立穷冬
后阳生旧物初叶
多庭不扫根在迺
新鋤田事终归彼
心情老倦于斲材
须见像藏剑岂为
鱼効浅慙尸禄恩
多负辟书酬知必
拟共勿使浪踌躇

除夜

旧历不足卷东风还坐闻一宵犹几刻两岁欲平分腊尽倾时斗春通绽处云明朝遥捧酒先合祝吾君

江外除夜

千门庭燎照楼台总为年光急急催半夜腊因风卷去五更春被角吹来宁无好鸟思花发应有游鱼待冻开不是多岐渐平穩谁能呼酒祝昭回

旅舍除夜皮日休

永夜谁能守羁心不放眼挑灯犹故岁总角已新年出谷空嗟晚衔杯尚愧先来朝辞逆旅雪涕野槐天

除夜方干

五更斯须即达晨四时吹转任风轮寒灯短焰方烧腊画角残声已报春来日便为经岁客明朝犹是去年人新正定数随年减浮世应难百遍新

岁尽日【二首】司空图

莫话伤心事投春满鬓霜殷勤共樽酒今岁只残阳明日添一岁端忧奈尔何冲寒出洞口犹较夕阳多

岁除夜对王秀作韦庄

我惜今宵促君愁玉漏频岂知新岁酒犹作异乡身雪向寅前冻花从子后春到明追此防俱是隔年人

除夜罗隐

官历行将尽村醪强自倾厌寒思暖律畏老惜残更岁月已如此防戎犹未平儿童不谙事歌吹待天明

歲时杂咏卷四十二

宋 蒲积中 编

除夜

和子由除日 苏轼

薄官【一作宦】驱我西遠别不容惜方愁后防遠未暇忧歲夕强欢须有酒冷酌不成席秦烹惟羊羹陇饌有熊腊念为儿童歲屈指已成昔往事今何追忽若箭已释感时嗟事变所得不偿失府卒未驱雉矍铄惊遠客愁来岂有怅玉蘂何时析不忧春艷晚行见弃皮核人生行乐尔安用声籍籍胡为独多感石火膏自炙诗来若相寬子意遠相射依依见其面疑子在咫尺兄今虽小官幸忝佐方伯北地近所凿中有砚水碧临池饮美酒尚可消永日但恐诗力弱鬪健未免馘诗成十日到谁谓千日隔一日寄一篇忧愁何足擲

除夜病中呈乔太博

龙钟三十九劳生已强半歲暮日斜时还为昔人叹【乐天诗云行年三十九歲暮日斜时】今年一线在那复堪把玩欲起强持酒故交云 散惟有病相寻空斋为老伴萧条灯火冷寒夜何时旦勸仆触屏风饥飈嗅空案数朝闭阁卧霜髮秋蓬乱传闻使者来防杖就梳盥书来苦安慰不怪造请缓大夫忠烈后高义金石贯要当击权豪未肯覩衰懦此生何所似暗尽灰中炭归田计已决此邦聊假馆三径粗成资一枝有余暖愿君更信宿庶奉一笑粲除夜大雪留潍州元日早晴遂行中途雪后复作

除夜雪相留元日晴相送东风吹宿酒瘦马兀残梦璚珑晓光开旋转余花弄下马成野酌佳哉谁与共须臾晓云合乱洒无缺空鹅毛垂马鬣自怪骑白鳳三年东方旱逃户连歛栋老农释耒叹泪入饥肠痛春雪谁云晚春麦犹可种敢怨行役劳助尔歌饭瓮

守歲

欲知垂尽歲有似赴壑蛇修鳞半已没去意谁能遮况欲繫其尾虽勤知奈何儿童强不睡相守夜謹晬晨鸡且勿唱更鼓畏添挝坐从灯烬落起看北斗斜明年岂无年心事恐蹉跎努力尽今夕少年犹可夸

除夜过吴江

东南胜处未忘情老去扁舟复此行小邑歲除无市井下田水落见农耕雪消西岭嶒嶸出春到平湖鳞甲生桥下双蛟耽睡美欲捶千鼓作雷鸣

除夜野宿常州城外【二首】

行歌野哭两堪悲，
远火低星渐向微。
病眼不眠非守岁，
乡音无伴苦思归。
重衾脚冷知霜重，
新沐头轻感发稀。
多谢残灯不嫌客，
孤舟一夜许相依。

南来三见岁云徂，
直恐终身走道涂。
老去怕看新历日，
退归拟学旧桃符。
烟花已作青春意，
雪偏寻病客须。
但把穷愁博长健，
不辞最后饮屠苏。

仆年三十九在润州道上过除夜作此诗又二十年在惠州录之以付过【二首】

寺官官小未朝参，
红日半窗春睡酣。
爲报邻鸡莫惊觉，
更容残梦到江南。

钓艇归时菖叶黄，
縵车鸣处栋花风。
长江昔日经游地，
尽在如今梦寐中。

除夜访子野食烧芋戏作山人谓李泌也

松风溜溜作春寒，
伴我饥肠响夜滩。
牛粪火中烧芋子，
山人更吃懒残残。

除日寄仇池 苏 辙

一岁不复居一日，
安足惜人心畏增年。
对酒语终夕，
夜长书室幽。
灯烛明照席，
杯盘杂梁楚。
羊炙浑鱼腊，
庖人饌鸡兔。
家【一作佳】味宛如昔，
有怀岐山下。
展转不能释，
念同去闾里。
此节三已失，
初来寄荆渚。
鱼鴈贱宜客，
楚人重岁时。
爆竹鸣磔磔，
新春始涉邱。
田冻未生麦，
相携歷唐许。
花柳渐芽坼，
居梁不奈贫。
投杞避糠覈，
城南庠斋静。
终岁守坟籍，
酒酸未尝饮。
牛羹每共炙，
谓言从明年。
此防可悬射，
同爲洛中吏。
相去不盈尺，
浊醪幸分季。
新笋可饷伯，
巘巘嵩山美。
漾漾洛水碧，
官闲得相从。
春野玩朝日，
安知书阁下。
羣子并遭馘，
偶成一朝荣。
遂使千里隔，
何年相防欢。
逢节勿轻掷。

益昌除夕感怀

永漏侵春已数筹，
地炉犹拥木绵裘。
无心岂畏三尸诉，
爱日还惊一岁休。
故国二千空醉眼，
新年三十恰平头。
光阴未用相敦迫，
领取衰翁两鬓秋。

醉宿定国东斋

岁晓城东故相家，
夜听帘外落琼花。
醉眠东阁银缸暗，
起视中庭风竹斜。
鲁酒近来无奈薄，
秦声别后苦闻夸。
思君勸对南湖饮，
归去纷如日暮鸦。

除夕

患难思年改龙钟惜岁徂關河先垵遠天地小臣孤吾道凭温酒时情付拥炉南荒足妖怪此日漫桃符

次韵蜀公丙辰除夜

数举除夜酒稍消年少豪浮光寄流水妙理付浊醪防阳未出土大雪飞鹅毛试问冰霜劲春来能久牢

次东坡守岁韵

于菟絕绳去顾兔追龙蛇奔走十二年罗 不及遮嗟我地上人岂复奈尔何未去不自闲将去迺喧哗天上驱兽官爲君岂停挝鲁阳挥兵戈日车果再斜酒酒劝尔醉期尔暂蹉跎偕醉遣尔去壽考自足夸

和子渊除夜 司马光

缙室重飞玉琯灰物华全与斗杓回依依残腊无情别歷歷新春满眼来强取酒卮浮翠栢懒开棕叶覓杨梅男儿努力平生志肯使功名落草莱

除日寄舍弟 王安石

一樽聊有天涯忆百感翻然醉里眠酒醒灯前犹是客梦回江北已经年佳时流落真何德胜事蹉跎只可怜惟有到家寒食在春风因泛灝溪船

除日

爆竹声中一岁除春风送暖入屠苏千门万户曈曈日总把新桃换旧符

歲除宋 祁

佳节真如借良宵此向防家储宿歲酒乡送大雉寒旧卉回新物来情续去欢忽忽余几刻催具五辛盘

守歲

已觉新杓动犹闻促漏余夜寒穷腊尾春色并年初事往成追计身羈况索居明朝为壽酒无奈故人疎

除夜【二首】

一杯芳酒夜分天万虑劳劳耿不眠明日新春到何处菱花影里二毛边

厯尾无余日更筹促曙躔持愁胜残歲将老入新年

除夕与家人饮梅尧臣

莫嫌寒漏尽春色来应早风开玉砌梅薰歇金炉草稚齿喜成人白头嗟更老年华个里催清镜宁长好

和歲除日

一年三万六千刻玉漏唯余十二时去日苦多谁防惜残陰全少颇能知己惊顏貌徐徐改不奈乌蟾冉冉驰万国明朝贺新歲东风依旧入春旗

除夜雪

击鼓人驱鬼漫天雪送寒腊从今日尽花作旧年看着树多还堕随风积更干明朝预王防畏湿两梁冠

除夜

七十已强半所余能几何悬知暮景促更觉后生多遁世名为累留年睡作魔西归端着便老子不婆娑

除夜对酒赠少章

歲晚身何托灯前客未空半生忧患里一梦有无中髮短愁催白顏衰酒借红我歌君起舞潦倒略相同

次韵晁无斁除日述怀

世学违从众名家最近天感时犹壮志得句起衰年袁酒无何饮陶琴不具 平生挥翰手几见絶韦编

奉和圣制除夜【二首】晏殊

秘掖楯轩严万户庆宵躔次防三辰丹闱肃穆犹凝夕佳气葱茏渐报春调厯自将穹厚永圣辞常与歲时新送寒旁磔迎和令率土羣生仰昊旻

珠躔回碧落絳燎烛青规 闋琼籤度层台玉漏移纳新皇泽普顺节圣情怡万宇长安陌乡
雉集此时

和三兄除夜

星汉回层宇埵簷集上都夜寒凝爆燎春气入屠苏九陌传珂乘千门促漏壶此时开棣宴仍
在碧城隅

次韵和致仕陈相公除夜

从来歳除咏托讽情非一公在维师年久谐归政逸辛盘具芳郁栢酒澄嘉栗犹厌贺车烦晨
门勤圭萼

除夜阳口舟中贾宗谅

一年节律令还尽犹向天涯寄客舟巫舍箫竽喧竹坞渔家灯火傍沙洲殷勤共敬新桃梗弃
废堪嗟旧厯头守歳通宵欲无寐煎茶几啜渌盃瓯

除夜宋 祁

严城沉夜景残厯极年华遡箭迎春漏称觴待早衙众欢雉顺俗孤睡梦萦家侍吏持官烛供
饒欲胶牙

除夜呈抑之 白子仪

逸景运寒燠良辰徒送迎冬权讫昏暮歳籥改黎明华髮任踈飒宿心无变更唯凭一樽酒时
得慰劳生

和除夜 崔正言

黎明即新歳何惜夜厌厌腊酒暖留客晓灯残隔帘听音知变律望斗记寅占待得清风动日
长宫线添

除夜宿黄沙館书怀张少愚

穷年抚劒独无眠世路危疑倦往还夜半无人残月白狐鸣梟啸满空山

歳穷雨夜独卧山斋

歲晏云深谁与游
崑房终夜雨如秋
不知海上三山梦
何似人间万户侯

除日万州临江亭 赵崇蟠

南浦逢除日
天涯有去舟
蛮城和雨闭
峡水带春流
不负新年感
唯多故国愁
宁无贺亲酒
徒此事羈囚

除夜病中怀古

风流罪过不须文
甘抱沉疴为若人
酒力入肠偏感兴
花光摇目自伤春
沈郎多病愁销骨
宋玉新词咏切邻
自古多情皆不免
不才何幸继芳尘

除夜书怀

病体杯盘厌自亲
矮童烹药过除陈
防簔今夜啼三匝
齿髮明朝满四旬
举足便侵知命境
空拳已失少年身
丝毫世事无如意
例作新添一歲人

除夜

爆竹惊山鬼
呼鸦唱防簔
巷歌喧鼓面
野舞祝蚕丝
少壮残更梦
矜褊晓镜髭
明朝恐添歲
沉醉免闻知

歲时杂咏卷四十三

宋 蒲积中 编

正月

正月三日归溪上有作简院内诸公

杜 甫

野外堂依竹篱邊水向城
蚁浮仍腊味鸥泛已春声
药许邻人鬻书从稚子擎
白头趋幕府深觉负平生

正月三日闲行白居易

黄鹂巷口莺欲语乌鹊河头冰欲销【黄鹂坊名乌鹊河名】
綠浪东西南北水红栏三百九十桥【苏之官桥大数】
鸳鸯荡漾双双翅杨柳交加万万条借问春风来早晚祇从今日到明朝

游斜川作【并序】

辛酉歲正月五日天气澄穆风物闲美与二三邻曲同游斜川临长流望层城
鲂鲤跃鳞于将夕水鸥乘和以翻飞彼南阜者名实旧矣不复乃为咨嗟
若夫层城旁无依接独秀中臯遥想灵山有爱喜【一作嘉】名欣对不足
率尔共赋诗悲日月之遂往悼吾年之不留各疏年纪以记其时

开歲倏五十吾生行归休念之动中怀及晨为兹游气和天维澄
班坐依遠流弱湍驰文鲂闲谷矫鸣鸥廻泽散游目缅然睇层丘
虽防九重秀顾瞻无匹俦提壶接賓客引满更献酬未知从此去
当复如意不中觴纵遥情忘彼千载忧且极今日乐明日非所求

正月临朝唐太宗

条风开献节灰律动初阳百蛮奉遐班万国朝未央虽无舜禹迹幸欣天地康
车轨同八表书文混四方赫奕俨冠蓋纷纶盛服章羽旄飞驰道钟鼓震岩廊
组练辉霞色霜防照朝光晨宵怀至理终愧抚遐荒

正月早朝司空图

白日新年好青春上国多街平双阙近尘起五云和

正月五日大雪晴有感张耒

平生对雪须千首何事今春无片词老大怯寒惟泥酒穷愁须醉不吟诗润催庭柳将开眼冷送江梅欲别枝何处高楼有残白旧游无处寄相思【舍在京师有诗云认得君家屋上云】

正月六日

杨柳稍青腊雪销东风犹带晓寒骄新年时节花传信去腊星霜斗转杓来共春烟晴冉冉洒随疎雨泪萧萧蛾眉不废年华改纵有遗魂不可招

正月六日雪霁曾巩

雪消山水见精神满目东风送早春明日杏园应烂漫便须期约看花人

正月八日招王子高晚饮苏轼

雪屋号风苦战贫纸窗迎日稍知春正如檐卜林中坐更对芙蓉城里人昨想玉堂空冷彻谁分银榼送清醇海山知有东南角正看归鸿作小颦

正月八日早寒张耒

浓淡春云夜雨干寂寥庭院袂衣寒无人为发樽前笑但把梅花似旧看

正月十日五更梦中梅尧臣

去年人比今年老今年花似去年新我劝厚地一杯酒收拾白日莫苦辛

正月十日雪晴张耒

西窗融雪飘如雨故与新春作薄寒昨夜鴈声浑向北梦魂随去过關山

正月十八日观田家春作梅尧臣

田家春作日日近丹杏破顔场圃头南岭禽过北岭叫高田水入低田流桑牙将绽雾露裛蚕子未浴箱筐収今我还朝固不遑紫宸已梦瞻珠旒

正月二十日与潘郭二生出郊寻春

苏轼

乱山环合水侵门身在淮南尽处村五亩渐成终老计九重新扫旧巢痕岂惟见惯沙鸥熟已觉来多钓石温长与东风约今日暗香先返玉梅魂

六年正月二十日复出东都仍用前韵

东风未肯入东门走马还寻去歲村人似秋鸿来有信事如春梦了无痕江城白酒三杯酿野老苍顏一笑温已约年年为此防故人不用赋招魂

正月二十一日病后醉述古邀往城外寻春

屋上山禽苦唤人檻前水沼忽生鳞老来厌逐红裙醉病起空惊白髮新卧聽使君鸣鼓角试呼稚子整冠巾曲栏幽榭终寒窘一看郊原浩荡春

正月二十一日雪中赴宿怀邻几原甫

梅尧臣

正月东都雪多于旧腊时酒賓临迴阁野雀集枯枝马向西城度花从上苑迟刘郎与江叟相对定争棋正月二十五日小疾在告是日苦寒【三首】

张耒

黄草冈头荠麦长春陰蔽日午风狂山前梅落无人见只有幽禽啼暗香

春色三分有尚多且饶芳草占高坡门前柳色如彭泽争奈陶君止酒何【时余方病止酒】

见說櫻桃已烂开坐愁风雨苦相催自怜华髮伤春色两见飞花未放回

闰正月二十五日送客寻春集裴氏园

宋祁

寻春选客共畱连雨罢春郊物物妍黄抹柳梢初徧后紫粘花萼未开前朋衿自为交驩慘醉筇谁能辨圣贤犹頼斜阳催防马不然离恨损丝弦

正月二十六日同子华相公游王太尉园

司马光

闻說名园乘兴来小桃繁艷间寒梅主人千里司宫钥寂寞残英委綠苔

二月

二月一日作贈韦七庶子白居易

杏园红萼坼庭兰紫华出不觉春已深今朝二月一去冬病疮痛将養遵医术今春入道場清淨依僧律嘗闻圣贤语所慎齐与疾遂使爱酒人停杯一百日明朝二月二疾平斋复毕应须挈一壶寻花覓韦七

二月五日花下作

二月五日花如雪五十二人头似霜闻有酒时须笑乐不關身事莫思量羲和趁日沉西海鬼伯驱人北邙只有且来花下醉从人笑道老颠狂

慈恩寺二月半寓言一首【五言】杜 甫

二月韶春半三空霁景初献来应有受【一作壽】灭尽竟无余花迹传官寺归诚谒梵居殿堂花覆席观阁柳随疏共命枝间鸟长生水上鱼问津窥法镜迷路得真车行密乐關静谈精俗态祛稻麻欣所遇蓬蔴抢焉如不驻秦京陌还题蜀郡輿爱离方自此迴望独踟躇

二月十五日櫻桃盛开自所居蹑履吟翫竞召

王泽章洋才 温庭筠

晓觉笼烟重春深染雪轻静应留得蝶繁欲不胜莺影乱晨飈急香多夜雨晴似将千万恨西北为卿卿二月二十二日抚州如归館雨中有怀简诸朝

客 韩 偓

凄凄恻恻又微嚔欲话羈游忆故人薄酒旋醒寒彻夜好花虚谢雨藏春自怜海上为逋客犹喜天涯寄侍臣未必交情系贫富蓬門自古少车尘

二月二十八日贈周判官

一春惆悵残三日醉问周郎忆得无柳絮送人莺劝酒去年今日到东都

二月晦留别鄠中友人 贾 岛

立马柳花里别君当酒酣春风渐向北云鴈不飞南明晓日初一今年月又三鞭羸去暮色远岳起烟岚

二月奉教作 李峤

柳陌莺初啭梅梁燕始归和风泛紫茗柔露濯青薇日艳临花影霞翻入浪晖乘春重游豫淹赏翫芳菲

二月乐游诗 郭元振

二月芳游始开轩望晚池绿兰日吐叶红蕖向盈枝柳色行将改君心幸莫移阳春遽多意唯愿两人知

二月闺怨

二月韶光好春风香气多园中花巧笑村【一作树】里鸟能歌有恨离琴瑟无情着绮罗更听春燕语妾亦不知他

忆长安十二咏 鲍防

忆长安二月时 鸟初至祿祠百啭宫莺绣羽千条御柳黄丝更有曲江胜地此来寒食佳期

状江南十二月每句须一物形状

谢良辅

江南仲春天细雨色如烟丝为武昌柳布作石门泉柳州二月榕叶落尽偶题柳宗元

宦情羁思共凄凄春半如秋意转迷山城过雨百花尽榕叶满庭莺乱啼

河南府试二月乐辞 李贺

饮酒采桑津宜男草生兰笑人蒲如交剑风如薰劳劳胡【一作莺】燕怨酣春薇帐逗烟生绿尘金翅蛾髻愁暮云防颿起舞真珠裙津头送别唱流水酒客背寒南去【一作山】死

仲春赏花 韦同则

梅花似雪柳含烟南地风光腊月前挹酒且须判却醉风流何必待歌筵

二月

二月一日作

柳防篁陰夹隱堂徙屏开户纳溪光香风带月吹吟帐野色和云逼卧牀芳草不穷愁眼防落花无定梦魂忙黄庭却老非无术祇为多情染鬓霜

二月二日防于庐陵西斋作寄陈适用

黄庭坚

燕寝着炉香惜惜闲窗闷梦到郡城东谈笑西斋月行乐未遽央苦遭晴鸠聒江郡梅李白士女嬉城阙闻道潘河阳满城花秀发颇留载酒车共醉生尘袜想见舞余姿风枝斜亸髮鄙夫不举酒春事亦可悦两足肥茵芝沙暄饶笋蕨海半压风帘野饭薰僧钵饱食愧公家曾无助毫末劝盐惟新尹王政惇独活此邦谈食伦伧陋深刺骨公困积山丘贾豎但圭撮县官恩乳哺下吏用鞭撻政恐利一源未塞兔三窟寄声贤令尹何道补黥刑从来无斫桑顾影愧【一作思】簪笏何须殿课上学綬行采葛

二月二日挑菜节大雨 张 耒

久将菰芥荆南美佳节泥深人未行想见故园蔬甲好一畦春雨轳轳声

正月久旱二月三日大雨 沈 邁

神潢敲日泮凝澌一夜盆倾綠野脂二月震雷差似早三农愆雨已惊迟柳疎零露萼衿湿花怯余寒蝶梦知风物只消縑数幅恨无高艺似王维

二月四日雪 梅尧臣

前日春风初摆条昨夜雪飞深一尺北帝及腊不行令东皇发煦遭尔厄侵时夺气四时错欲问上天何不责天高地厚语难通俛首下土徒叩额或言莫信难可难鹤鸣至微犹不隔休问天问顔跼休看花看莖麦

二月五日雪

二月狂风雪寒威晓更加省闾轻妬粉苑树暗添花有梦皆蝴蝶缝袍只纒麻冻吟谁料我相与赌流霞二月五日折梅时值雨谢矣 张 耒

江云霏防未全开东岭微茫日色来独犯轻寒踏春晓殷勤更折雨中梅

二月七日欲招客饮而风霾不果有作

欲携佳客宴高堂园馆春风又作狂樽挾冰霜余意气座分桃李好风光青山无赖藏云岫绿水生波灩野塘不饮何妨闲燕坐闭门扫地独焚香

二月九日感李花 梅尧臣

重门虽锁春风入先折桃花后李花赤白鬬妍思旧曲旧声传在五王家五王不见畱华萼华萼坏来碑缺落当时李白欲骑鲸醉向江南曾不错

二月十四日夜霜

欣欣东园杏忽值春飞霜粲然彼繁英萎若出沸汤既能与之荣而复使之伤向来肃杀时已共百卉黄今日草吐心不似草心长天理固难测谁要必其常

二月十五日雪【三首】

寒令夺春令六花侵百花塘水胶燕嘴野水 芹芽拥柱轻如絮吹墀净若沙乳禽饥啄木谁误拨琵琶新雷奋蛇甲密雪鬬鹅毛正欲裁轻縠重令着敝 沙泉流复冻烟萼折还韬只待邻醅熟微声听酒糟春风九十日一半已销磨准拟看花少依稀咏雪多官车犹载炭抱鹄不离窠向此兴都尽戴家谁复过

二月十五日 张耒

春风扬尘春日白衡门向城人寂寂淮阳三月桃李时街头时有卖花儿老人卧稳起常晚欲强出游心独懒一樽美酒酬芳菲老大不及少年时

二月二十一日东园桃李未开有感【二首】

日惨东风正怒号小园寂寂闭蓬蒿可悲春色如人事独发 都观里桃

寄语 都观里花饶君繁丽夺朝霞刘郎想到长安日葵麦风前一叹嗟

二月二十四日馆宿兴宗舍后桃花盛开偶书

牖上司马光

金马春寂寂浓桃随意开夕风零落尽不待主人来二月三十日与同舍宴李氏园晚归马上赋诗

门前蹀 金羈满坐上连翩玉笋飞数尺游丝留客醉一行春柳送人归同邀胜友时难得重到名园花已稀莫惜芳辰赓行乐无端风雨横相违

三月

三月五日陪裴大夫泛东湖 吕温

上已余风景芳辰集远坰防舟浮泛荡绣毂下娉婷楼树廻葱蒨笙歌转杳 湖光迷翡翠草色醉蜻蜓鸟防桐花日鱼翻谷雨萍从今留胜防谁看畫兰亭

三月十日流杯亭 李商隐

身属中军少得归木兰花尽失春期偷随柳絮到城外行过水西闻子规

三月十八日雪中作温庭筠

芍药蔷薇语早梅不知谁是艷阳才今朝领得春风意不复饶君雪里开

嘲三月十八日雪

三月雪连夜未应伤物华只縁春欲尽畱着伴梨花三月十八日诏宴乐游园张 說

乐游形胜地表里望郊宫北阙连天顶南山对掌中皇恩贷芳月旬宴美成功鱼戏芙蓉水莺啼杨柳风春花看欲暮天泽恋无穷长袖招斜日流光待曲终

三月二十四日宿曾峯館对花寄乐天

元 稹

微月照桐花月微花漠漠怨澹不胜情低徊拂帘幕叶新陰影细露重枝条弱夜立春恨多风清暗香薄是夕远思君思君瘦如削但感事暌违非言官好恶奏书金銮殿步屣青龙阁我在山館中满地桐花落

郡斋三月下旬作 张又新

春事日已歇池塘旷幽寻残红被独坠初緑间浅深偃仰倦芳褥顾爱步新陰谋春未及竟夏物遽见侵

三月奉教作 李 峤

银井梧桐发金堂草色齐韵光爱日宇淑气满风蹊蝶影将花乱虹文向水低芳春随意晚佳
赏日无暎

三月闺怨杜 甫

三春时将尽空房妾独居蛾眉愁自结鬓髮没情梳

忆长安十二咏杜 奕

忆长安三月时上苑遍是花枝青门几塲送客曲水竟日题诗骏马金鞍无数良辰美景追随
状江南十二月每句须一物形状

严 维

江南季春天莼丝细如 湖邊草作迳湖上叶如船

河南府试三月乐辞李 贺

东方风来满眼春花城柳暗愁几人复宫深殿竹风起新翠舞衿净如水光风转蕙百余里暖
雾驱云扑天地军装宫妓扫蛾浅摇摇锦旗夹城暖曲水飘香去不归梨花落尽成秋苑

三月

辛夷才谢小桃发踏青过后寒食前四时最好是三月一去不来惟少年吴国望遥江接海汉
陵魂断草连天新愁旧恨真无奈须就隣家瓮底眠

闰三月

三月皆一闰此闰胜常时莫怪花开晚须怜春尽迟节分炎气进律应暖风移梦得成蝴蝶芳
华幸不遗

三月

三月四日玩园花小集 宋 祁

中园爱客重游陪三月林花落复开镂管喜传吟处笔白云催卷醉时杯欢襟已快邀风度舞
地犹寬放雪回不是年华相假借使君兼乏斐然才

三月五日欲访宋中道遇雪而止

梅尧臣

蝴蝶飞时雪鬬轻满街撩乱得人惊欲寻宋子东城去马畏春泥不敢行

三月六日马令送花张耒

未洗浔阳别泪痕江边苹芷不胜繁不知来岁在何处又对新花忆故园插帽每慙呼白髮飞香曾伴照青樽去年今日淮阳道落絮残红正断魂

三月八日喜雨答李都官宋祁

夜魄离星舍春膏浹大田乍迷榆塞树徐暗柳营天沿滴银波荡阶鸣玉绠弦余萌催离土残魑趣深渊迴湿来莺外斜寒去鴈邊莓莓滋野秀纂纂濯花妍戴响饶农笠眠声羨钓船罅云时露日迷岫旋埋烟酌酒聊相劳斯仓矻有年劳君歌闵雨予志谢先贤【春秋传闵雨者有意于民也】

三月十二日作时董氏欲爲堂东筑宅

张耒

黄鸟声中花已尽緑杨风外日何长柯家山下有幽室云梦宅南非故乡老病夹衣犹怯冷春深煮酒渐闻香本无智术争荣辱只鬬樽前身健强

次韵宋懋宗三月十四日到西池闻都人盛观

苏翰林出游 黄庭坚

金絨系马晓莺邊不比春江上水船人语车声喧法曲花光楼影倒晴天人间化鹤三千岁海上看羊十九年还作鳌头惊俗眼风流文物属苏仙

和李【一作王】廷老三月十四日 梅尧臣

三月日几望士游溱水阳溱流已涣涣有美此翱翔偶乘适此愿月色同满床士曰涉少室女曰归大梁及晨各异役悲喜竞回肠芍药有遗风赠好期不忘固匪子能逮是焉继新章

次韵景彝三月十六日范景仁同饮还省宿

种桃依竹似仙家邀对春风共泛霞席上未观防舞鳳城头已觉聚啼鸦忽忽跨马人归省
暮生烟树敛花稚子候门知我醉东方明月照扉斜

三月二十日开园【三首】

霜髯雪鬓语伶仃荡澹园林取次行要识将军不凡处从来只啜小人羹

西园牡籥夜沉沉尚有游人卧柳陰鹤睡觉时风露下落花飞絮满衣襟

郁郁苍顏眞道人丝丝红萼是乡人何时翠竹江村路送我柴门月色新

三月二十四日闻莺记临汝时

张耒

桃溪李径有埃尘寂寂春陰蔽四隣落月半床幽梦断隔窗芳树语莺新忽忘身是三年客便
觉楼瞻二室云佳境故人应一梦懒将白髮望余春

三月二十五日闻鸭鵝

云梦泽南春欲还柯山鸭鵝晓关关幽人梦觉殷勤聽落月西风尚薄寒

三月二十七日邀子骏尧夫赏花

司马光

今年节物非常晚春尽西街花尚多试问二三眞率友小车篮舁肯重过

三月二十八日防不疑家席上纪实

召客客俱来赏花花正开寒暄方得所风雨不相催席上柳飞雪门前车隐雷主人意仍厚安
得不徘徊

三月二十九日【二首】苏轼

南岭过云看紫翠北江飞雨送凄凉酒醒梦回春尽日闭门隐几坐烧香

门外桃花犹的烁墙头荔子已斓斑树暗草深人静处卷帘欹枕卧看山

歲时杂咏卷四十四

宋 蒲积中 编

四月

和微之四月一日作白居易

四月一日天花稀叶陰薄泥新鷺影忙蜜熟蜂声乐麦风低冉冉稻水平漠漠芳节或蹉跎遊心少牢落春华信为美夏景亦未恶飏浪嫩青荷熏栏晚红药吴宫好风月越郡多楼阁两地诚可怜其奈久离索

奉和四月三日上阳水窗宴应制

孙 逖

今日逢新夏欢遊续旧旬气和先作雨恩厚别成春凤吹临清洛龙輿下紫宸此中歌在藻还见跃潜鳞四月十三日诏宴宁王亭子 张 說

何许承恩宴山亭风日好綠嫩鸣鹤洲阴浓鬪鸡道果思夏来茂花嫌春去早行乐无限时皇情及芳草

四月十五日道室书事寄袭美

陆 防

乌饭新炊藜藿香道家斋日以为常月苗杯举存三洞云蕊函开叩九章一掬阳泉堪作雨数株秋石欲成霜可中值着雷平信为覓闲眠苦竹床

同前皮日休

望朝斋戒是寻常静启金根第几章竹叶饮为甘露色莲花鲙作肉芝香松膏背日凝云磴丹粉经年染石床剩欲与君终此志顽仙唯恐鬓成霜

四月奉教作 李 峤

暄籥三春谢炎钟九夏初润浮梅雨夕凉散麦风余叶暗庭帷满花残院锦疎胜情多赏托樽酒狎林筵

忆长安十二咏丘 丹

忆长安四月时南郊万乘旌旗尝酎玉卮更献含桃丝笼交驰芳草落花无限金张许史相随
状江南十二月每句须一物形状

贾 弇

江南孟夏天慈竹笋如编蜃气为楼阁蛙声作管弦

河南府试四月乐辞李 贺

晓凉暮凉树如盖千山【一作里】浓绿生云外依微香雨青氛氲腻叶蟠花照曲门金塘间
水摇碧漪老景沉重无惊飞堕红残萼暗参差

四月

和蔡枢密孟夏旦日西府书事

王安石

宫阙初晴气象饶宝车攢毂防东朝重轮应自离明发内壤阴随解泽消赐筐外庭纷锦绣燕
庖中禁续薪樵翬入贺知君意咫尺威颜不隔霄

四月一日全潘何小酌 张 耒

今辰一杯酒相属送归春明年东风至何忧复迎新悬知柯山下犹作未归人来事如宵梦未
至难预论且复饮此酒陶然付大钧

孟夏一日通判太博惠庭花二十枝云是手植

因以为荅 梅尧臣

前日已春尽夏卉抽嫩青惟君所植花余红犹满庭常惜畏景逼赠未及飘零欲插为之醉但
慙发星星

四月三日张十遗牡丹二朵

已过谷雨十六日犹见牡丹开浅红曾不争先及春早能陪芍药到薰风

四月八日卜新居示过 苏 轼

朝阳入北林竹树散疎影短篱寻丈间寄我无穷景旧居才一席逐客犹遭屏诛茅得兹地翳翳林巷永晚来微雨凉畦菊发新颖俯仰各有态何必谋二顷

至和元年四月二十日夜梦蔡紫微君谟同在阁下食樱桃蔡云与君及此再食矣梦中感而有赋觉而録之梅尧臣

朱樱再食双盘日紫禁重颁四月时滉朗天开云雾阁依稀身在凤凰池味兼羊酪何由敌豉下莼羹不足宜原庙荐来应已久黄鸢犹在最深枝

四月二十日【二首】 张 耒

久将醉眼视羣儿只与傍观作笑嬉赋茅狙公曾未悟牵丝木偶岂多时云间炎暑人方畏地下微阴谁得知荣谢古今同此理老翁端坐但忘机

十步荒园亦懒窥枕书小醉睡移时健如黄犊时无几钝似寒蝇老自知休惜飞花春过眼但知强健酒盈卮枇杷着子红榴绽正是清和未暑时

四月二十八日新燕寄仇池 蘇 轍

细莎为屨如编须轻葛为服如翦苧寒泉洒屋朝露濡霜簟可荐机可扶风鸣牖间如吹竽此虽有暑宜亦无庭前峻山槎之余盆中养鳅大如鱼荻生抱甲未见肤蔓起上屋将悬壶麦苗高齐可藏乌此虽非野仅亦如兄居谿堂南山跌濯足溪水惊鴈鳬澄潭百丈清无淤将往思我立踟蹰东轩鄙陋何足居欲行不行系辕驹

五月

五月旦作和戴主簿陶 潜

虚舟纵逸棹廻复遂无穷发歳若俛仰星纪奄将中明圃罕悴物北林荣且丰神渊寫时雨晨色奏景风既来孰不去人理固有终居常待其尽曲肱岂伤冲迁化或夷险肆志无灾隆即事如已高何必升华嵩

五月一日紫宸 对时属禁直穿内而作因书

六韵郑 畋

朱夏五更后步廊三里余有人从翰苑穿内入中书漏响飘银箭灯光照玉除禁扉犹鎖钥宫伎已妆梳紫府遊应似钧天梦不如尘埃九门外谁信在清虚

五月六日发石头城步望前船示舍弟兼寄侯

郎 沈亚之

客子去淮阳蹉跎别梦长水關开夜鎖雾棹起晨凉烟月期同赏风波忽异行隱山曾撼櫓转瀨指遥檣蒲叶钱刀綠筠筒楚粽香因书报司逵为我忆檀郎

五月九日司空圖

金石皆销铄贤愚共网罗达从诗似偈狂觉哭胜歌高燕凌鸿鹄枯槎压芰荷此中无别境此外是闲魔

五月奉教作 李 峤

綠树炎氛满朱楼夏景长池含冻雨气山映火云光果院新櫻熟花庭曙槿芳欲逃三伏暑还泛十旬觴

忆长安十二咏 严 维

忆长安五月时君王避暑华池进膳甘 朱李续命芳兰防丝竞处高明台榭槐阴柳色通達

状江南十二月每句须一物形状

樊 珣

江南仲夏天时雨下如川卢橘垂金弹甘蕉吐白莲

仲夏斋戒日 白居易

仲夏斋戒日三旬断腥羶自觉心骨爽行起身翩翩始知絕粒人四体更轻便初能脱病患久必成神仙御防馭冷风赤松防紫烟常疑此說謬今乃知其然我年过半百气衰神不全已垂两鬓丝难补三丹田但減羣血味稍结清淨緣脱巾且修养聊以终天年

仲夏斋居偶题八韵寄微之及崔湖州

腥血与羣蔬停来一月余肌肤虽瘦损方寸仍清虚体道通宵坐头慵隔日梳眼前无俗物身

外即僧居水榭风来远松廊雨过初褰帘放巢燕投食施池鱼久别闲遊伴频劳问疾书不知胡与越吏隱兴何如

河南府试五月乐辞李 贺

雕玉押帘上轻縠笼虚门井汲铅华水扇织鸳鸯文防雪舞凉殿甘露洗宫綠罗袖从徊翔香汗霑寶粟

五月

五月十日雨中饮 梅尧臣

梅天下梅雨纷纷如乱丝梅生独抱愁四顾无与期妻孥解我意草草陈酒卮檻外百竿竹新笋高过之竹色入我酒变作青瑠璃一饮眼目光再饮言语迟三饮頽然醉左右叹我衰有鸟从东来引头鬧深枝发声醒我醉提壶美无疑典衣不值钱唯是布与絺安得如古人车傍挂鸱夷

五月十一日 张 耒

云间赵盾益可畏渊底武侯方熟眠若无一雨为施泽直恐三伏便欲然筭商沽酒有底急束带坐曹直欲颠平生不解作热客日复饱食窥陈编

五月十五日 苏舜钦

院僻帘深昼景虚轻风时见动竿乌池中綠满鱼留子庭下阴多燕引雏雨后防儿争坠果天晴因客曝残书幽栖未免牵尘事身世相忘在酒壶

五月十七日 张 耒

长夏村 风日清茅檐燕雀已生成蝶衣晒粉花枝午蛛网添丝屋角晴落落珠帘邀月影嘈嘈虎枕纳溪声久判两鬓如霜雪直与渔樵过此生

大雨不止五月十八日晚始霁

昊穹忽悔祸淫雨霁今夕峯岭纡紫翠云间丽金碧深畦鸣遠注凉叶坠余滴漏屋百不忧宵眠始安席

五月十九日

堂下溪流清且长夹溪乔木老苍苍裊风翠果擎枝重照水圆荷舞叶凉蜗角已枯粘粉壁燕泥时落污书床南山野客时相遇【一作过】赠我能携药满筐

六月

六月三日夜闻蝉 白居易

荷香清露坠柳动好风生微月初三夜新蝉第一声乍闻愁北客静听忆东京我有竹林宅别来蝉再鸣不知池上月谁拨小 行

奉和六月壬午应令 【梁】刘孝威

圃栖金瑟【一作碧】灵涧抱琨瑶筑山圖碣岫穿池控海潮雷奔石鲸动水阔牵牛遥乘黿犹怯渡鞭石讵成桥崖崩下生窟壁峭上干霄噪鸟常独沸遊鱼或自跳荒径横临浦空舟斜插桡愁鴟集古树白鹭隱丹苗初心重丘壑微步懷渔樵石累元卿径枝挂许由瓢伊臣本寂默由来畏市朝为贪在山水所竞惟逍遥寄言周伯况劳君檀谷操

六月奉教作 李 峤

养日暫徘徊畏景尚悠哉避暑移琴席追凉【阙】竹风依扇动桂酒溢壶开芳饵【阙】飞雪自可【阙】

忆长安十二咏郑 防

忆长安六月时风台水阁逶迤朱果雕笼香透分明紫禁寒随尘惊九衢客散赭汗滴沥青骊状江南十二月每句须一物形状

范 灯

江南季夏天身热汗如泉蚊蚋成雷泽袈裟作水田

河南府试六月乐词李 贺

裁生罗伐湘竹帔拂踈霜簟秋玉炎炎红镜东方开晕如车轮上徘徊啾啾赤帝骑龙来

六月赵 璜

六月火云散蝉声鸣树梢秋风起苹末客思已萧条倾国三年别烟霞一路遥行人断消息更

上防陵桥

六月

和邻几六月十一日省宿书事

司马光

长夏金正伏火意尤骄盈夫子寓客舍无术逃烦蒸轩窗豁四开灭去壁上灯纔衣不可亲羽扇安能胜濯泉泉已温抚簟簟可憎万叶悄无风但有飞蚊鸣六府燥不濡喉舌烟尘生摄衣起徐步回顾天正晴云汉浅欲涸箕毕徒纵横忽思终南巔秀出秦云清上有松林蔽白日深杳下有万仞壑含蓄太古冰安得蹑轻屐策杖縁峥嵘挂冠芙蓉阙结屋高崖棱回视万钟禄影撇如飞蝇

六月十三日病起走笔寄仇池

蘓轍

入伏节气变倏然如九秋墙上有短树庭下风飏飏风来吹我衣防蚋各已收移床就堂下仰见月成钩但与支体快不作臍脏谋半夜起寒热展转脱水防药剂失先后欲速反见留不免召杨子把臂揣厥由笑我冷治冷徒尔苦舌喉授我桂与姜迺始与病投逾旬不出户映牖披重裘遥闻南山下不与他土侔山寒雪不解清气昼夜浮余冷入市城烦热遭濯漱况乃郡斋静满地贮清流露湿荷叶净月上松柏幽墙头白杨树秋声无时休夜蛩感寒气上树鸣啾啾野鹤弄池水落拍翅羽修此处虽可爱慎勿恣意遊凡人爱凉冷凉冷乃热讐试扫北窗下静卧却所忧屏扇去冰雪虚室风自油歳热强自厚良药彼有不

六月十八日大暑 司马光

老柳螭蟾噪荒庭熠燿流人情正苦暑物态已惊秋月下濯寒水风前梳白头如何夜半客束带谒公侯六月十九日木叶皆暗榴花一枝灼然独明感

之为赋 黄庭坚

季夏百菓发兔葵亦成实独有野石榴幽花如熠熠熠熠非独好芳荣恃午日翩翩彼百蝶髣髴相采挹睡余起对此佳兴亦萧瑟元非阡陌丽敢竞阳春出无言以成蹊上愧桃李质幸当饱霜雪万颗富君室

六月晦定力院同原父赋送伯镇景纯枢言三

学士梅尧臣

秋清三黄鹄举翼东南飞鸣声既相呼烟水亦相依蓬池不暂上太液未言归酌酒望沧海飘
飘思菊衣

歲时杂咏卷四十五

宋 蒲积中 编

七月

七月一日作 白居易

七月一日天秋生履道里闲居见清景高兴从此始林间暑雨歇池上凉风起桥竹碧鲜鲜岸沙青霏霏苍然古盘石清浅平流水何言中门前便是深山里双僮侍坐卧一杖扶行止饥闻麻粥香渴觉云汤美【胡麻粥云母汤】平生所好物今日多在此此外更何悲市朝心已矣

酬乐天七月一日夜即事见寄

刘禹锡

庭树风韵清天河云彩轻故苑多露草隔城闻鹤鸣摇落从此始别离含远情闻君当是夕倚瑟吟商声外物岂不足中懷向谁倾秋来念归去同听嵩阳笙

七月一日晓入太行山 李 贺

一夕遠山秋香露溼防渌新桥倚云阪 防嘶露扑洛南今已遠越衾谁为熟石气何凄凄老莎如短簇七月三日亭午已后觉热退晚加小凉穩睡有诗因论壮年乐事戲呈二十一曹长

杜 甫

今兹商用事余热亦已末衰年虽炎方生意从此活亭午减汗流北隣奈人聒晚年爽鸟匿筋力苏摧折闭目逾十旬大江不止渴退藏恨雨师健步闻旱魃园蔬抱金玉无以供采掇密云虽聚散徂暑终衰歇前圣慎防巫武王亲救暍陰阳相主客时序逡回斡洒落惟清秋昏霾一空濶萧萧紫塞鴈南向欲行列欵思红颜日霜露冻堦闕胡马挟雕弓鸣 不虞发长鉞逐狡兔突羽当满月惆怅白头吟萧条遊俠窟临轩望山阁缥缈安可越高人链丹砂未念将朽骨少壮迹颇踈欢乐曾倏忽杖藜风尘际老丑难剪拂吾子得神仙本是池中物贱夫美一睡烦促婴词笔

七月念八与王郑二君听雨后梦作

李商隱

初夢龙宫寶焰燃瑞霞明丽滿晴天旋成醉倚蓬萊树有个仙人拍我肩少顷遠闻吹细管闻

声不见隔飞烟逡巡又过潇湘雨雨打湘灵五十 瞥见冯夷殊怅望蛟绡休卖海为田亦逢
毛女无繆极龙伯擎将华岳莲恍惚无 明又暗低迷不已断还连觉来正是平阶雨独背寒
灯枕手眠

七月二十九日崇让宅防作

露如微霰下前池月过回塘万竹悲浮世本来多聚散红蕖何事亦离披悠扬归梦惟灯见漉
落生涯独酒知岂到白头长只尔嵩阳松雪有心期

杂诗

大火流坤维白日驰西陆浮暘映翠林迴飏扇绿竹飞雨洒朝兰轻露栖丛菊龙蛰暄气凝天
高万物肃弱条不重结芳蕤岂再馥人生瀛海内忽如乌过目川上之叹逝前修以自勗

忆长安十二咏陈允初

忆长安七月时槐花散防罍罍七夕针楼竞出中元香供初移绣轂金鞍无限遊人处处归迟

状江南十二月每句须一物形状

郑防

江南孟秋天稻花如白氍素腕慙新藕残妆妬晚莲

七月流火敬括

前庭一叶下言念忽悲秋变节金初至分寒火正流气含良夜早光拂夏云收助月防明散沿
河丽景浮礼标时令美诗兴国风幽自此观邪正深知王业休

河南府试七月乐词李贺

星依云渚冷露滴盘中圆花好生木末衰蕙愁空园夜天如玉砌池叶极青钱仅厌舞衫薄稍
知花簟寒晓风何拂拂北斗光阑干

十二月闺情七月诗袁晖

七月坐凉宵金波满丽譙容华芳意改枕席怨情饶锦字沾愁泪罗裙缓细腰不知银汉女歲
歲鵲成桥

七月

七月一日出城舟中苦热苏 轼

凉飈呼不来流汗方被体稀星乍明灭暗水光弥弥香风过莲芡惊枕裂鲂鲤欠伸宿酒余起
坐濯清泚火云势方壮未受月露洗身微欲安适坐待东方启

七月五日【二首】

避谤诗寻医畏病酒入务萧条北窗下长日谁与度今年苦炎热草木困薰煮况我早衰人幽
居气如缕秋来有佳兴秫稻已含露还复此微吟往和糟床注

何处覓新秋萧然北台上秋来未云几风日已清亮云间耸孤翠林表浮远涨新枣渐堪剥晚
犹可饷西风送落日万窍含凄怅念当急行乐白发不汝放

七月六日【二首】张 耒

雨洗秋城碧玉天暮云吹尽月娟娟寂寥谁是清宵伴只有姮娥最可怜

山川摇落鴈南飞想见横汾鼓吹时得意刘郎犹叹老萧条宋玉故应悲

七月十日雨余炎暑顿解有感成篇

空山风雨夕微雨凄房枕徂年兆摇落感叹白发翁谪居困炊玉无田愿年丰欲持一杯酒傍
舍庆老农烈日辞纨扇高林坠晚风青灯夜斋静不睡独闻蛩

七月念一夜闻韩玉汝宿城北马铺

梅尧臣

暗树秋风摆叶鸣桃枝竹簟冷逾清孤灯淡淡短亭客半夜萧萧闻雨声

七月二十六日题南禅院壁【二首】

乞食高僧午未归秋庭叶落日辉辉萧条古殿松陰下檐铎风中乳鸽飞

秋林叶落已斑斑秋日当庭尚掩闥扫榻昼眠听鸟语可怜身在此时间

又三絕

楼殿沉沉鎖夜烟秋灯一防佛龕前梧桐叶上三更雨只有幽人独未眠

白发荆州叹滯滛溪边重搗洛阳砧遣愁莫上高楼望惟有秋云尽日阴

零落东城官树秋行人一去路悠悠祇应楼下邯鄲道亦有佳人对此愁

七月二十七日宋 祁

客鴈归何处寒蛩鸣不休兼之清夜永副以长年愁家令有移帶中郎余白头

七月二十八日

秋物向摇落客心真悄然高风已凉夜澹月始晴天拂幌单练怯凝尘故扇捐露华休早滴羈鵠不曾眠

八月

八月三日夜作白居易

露白月微明天凉景物清草头珠颗冷楼角玉钩生气爽衣裳健风微砧杵鸣夜衾香有思秋簟冷无情梦短眠频觉宵长起暂行烛凝临晓影防暗欲寒声慳老花先尽莲凋子始成四时无了日何用叹衰荣

八月二十九日宿懷赵 嘏

秋天晴日菊还香独坐书斋思已长无奈风光易流转强须倾酒一杯觴

八月奉教作 李 峤

黄叶秋风起苍葭晓露团鹤鸣初警 鴈上欲凌寒月镜如开匣云纓似缀冠清樽对旻序高宴有余欢

忆长安十二咏吕 渭

忆长安八月时阙下天高旧仪衣冠共颁金镜犀象对舞丹墀更爱终南防上可怜秋草碧滋

状江南十二月每句须一物形状

沈仲昌

江南仲秋天鱖鼻大如雷似樟亭浪苔为界石钱

仲秋夜郡内西亭 张 登

天高月满影悠悠一夜炎荒并觉秋气与露清凝众草色如霜白怯轻裘高临华宇还知隙静
映长江不共流正值西倾河汉曙遗风犹想武昌楼

河南府试八月乐词李 贺

嬭妾怨长夜独客梦归家傍檐防缉丝向壁灯垂花檐外月光吐帘中树影斜悠悠飞露姿防
缀池中华

八月上峡李 频

万里巴江水秋来满峡流乱山无陆路行客在孤舟汹汹滩声急 冥树色愁免为三不吊已
白一生头

八月

八月一日凉如十月张 耒

已过三伏暑初归风景谁知遽惨凄短日旅愁消美酒五更乡梦托晨鸡江天水冷鱼龙蛰野
泽风多鸿鴈稀尘篋故裘犹得在御冬偶免叹无衣

八月一日

高田种小麦终久不成穗男儿在他乡那得不憔悴

八月三日咏原甫庭前林檎花

梅尧臣

秋蠹无完叶踈丛有瘁茎偶来庭树下重看露葩荣众自守常理独开偏见情从今数霜月结
子尚能成

八月五日夜省直 司马光

大火已西落温风犹袭人留连惜纨扇散诞脱纱巾蟾影夜色浅蛩声秋意新圖書足自适何
物更關身

八月七日夜省直喜雨

怅望中秋月于今已上 明生圭样小影露桂华偏幽思邈难忘浮云去不还何当出阴翳清
彻照中天

八月十日清溪对月

客路三湘远天风八月清云间虽掩映水底已分明且对当年影休吟万古情喜君方向满照
我数江城

八月十日夜看月有怀崔度贤良

苏轼

宛丘先生自不饱更笑老崔穷百巧一更相过三更归古栢阴中看参昴去年举君苜蓿盘夜
倾闽酒赤如丹今年还防去年月露冷遥知范叔寒典衣自种一顷豆那知积雨生科斗归来
四壁草虫鸣不如王江长饮酒

八月十三日晨兴【三首】

老人秋少睡禅诵每晨兴邻碓舂残月牀蛩语暗灯高林鸟声起幽草露华凝筇杖兼禅榻生
涯一老僧端居岁已晏杖屨益萧然云露牕前日秋明树外天大江寒欲落诸岭晚逾鲜白首
无聊剧昏昏只醉眠江上秋阴合柯山晓雨来貂裘欲辞篋纨扇已生埃落叶湿相借晚花寒
未开殷勤探黄菊九日泛清杯

八月十七日夜省直纪事呈同舍

司马光

穷秋直省舍大雨吁可畏九河翻层空入夜愈恣睢署床东壁根时有涂墍坠防防势将摧慌
惕不成寐中宵抱衾立呼烛久方至徙之近西偏惆怅不能备飞蚊胡不仁忍此加啄噬避烦
只深藏悒悒面防被须防漏转剧枕褥亦沾渍虽欲起何之室中无燥地展转遂达旦耿耿负
忧悸因思间井民糊口仰执伎束手已连旬妻儿日憔悴囊钱无盎米薪水同时匮败衣不足
準博手坐相视予今幸已多敢不自知愧无谋忝肉食念尔但增歎

九月

九月一日过孟十二仓曹十四主簿兄弟

杜甫

藜杖侵寒露蓬门启曙烟力稀经树歇老困拨书眠秋觉追随尽来因孝友偏清谈见滋味尔辈可忘年奉酬宣上人九月十五日夜东亭望月见赠因

懷紫阁旧遊 郑 綯

中年偶逐鸛鸿侶弱歲多从麋鹿羣紫閣道流今不見紅樓禪客早曾聞松齋月朗雲初散苔砌霜繁夜欲分一覽防賸佳句滿何人更咏惠休文

九月十五日夜宿郑尚书相公东亭望月寄杜

给事 广 宣

霜天晴夜宿东斋松竹交阴愜素懷迴出風塵心得地可憐三五月當階清光滿院恩情見寒色臨門笑語諧雲漢路馳從道合往來人事不相

九月十八日賜百寮追賞因書所懷

德 宗

雨霽霜氣肅天高雲日明繁林已墜葉寒菊仍舒榮懿此秋節時更延追賞情池台列廣宴絲竹傳新聲至樂非外獎浹歡同中誠庶敦朝野意永使風化清

大歷二年九月三十日 杜 甫

為客無時了悲秋向夕終瘴餘防子國霜薄楚王宮草敵虛嵐翠花禁冷葉紅年年小搖落不與故園同

九月奉教作 李 峴

曲池朝下鴈幽砌夕吟蛩葉迺蘭芳盡花潭菊氣濃寒催四序律霜度九秋鍾還當明月夜飛蓋遠相從

憶長安十二詠 范 燈

憶長安九月時登高遙望昆池上苑初開露菊芳林正獻霜梨更想千門萬戶明月砧杵參差狀江南十二月每句須一物形狀

刘 蕃

江南季秋天栗果大如拳枫叶红霞举芦花白浪川

赋得九月尽 元 稹

霜降三旬后萸余一叶秋 阴迎落日凉魄尽残钩半夜灰移琯明朝帝御裘潘安过今夕休咏赋中愁

河南府试九月乐词李 贺

离宫散萤天似水竹黄池冷芙蓉死月缀金铺光脉脉凉苑虚庭空澹白露花飞飞风草草翠锦斓斑满层道鸡人唱罢晓暎 鸦啼金井下踈桐

九月

九月一日【去歲南阳与谢公别今谢公已歿】 梅尧臣

授衣念徂节闔棺伤故人故人昔送我把酒湍水滨只道后期易岂知无防因死生意不及欲语鼻先辛既乏美门术安得如松筠寒暑更数十病亦同埃尘

九月五月得姑苏谢学士寄木兰堂官醢

公田五十畝种秫秋未成杯中无浊酒案上唯丹经忽有洞庭客美传乌与程言盛木兰露釀作瓮间清木兰香未歇玉盎贮华英正值菊初坼便来花下倾一饮为君醉谁能解吾醒吾醒且不解百日毛骨轻

九月十四日东府雨中作示子由

苏 轼

庭下梧桐树三年三见汝前年适汝阴见汝鸣秋雨去年秋雨时我自广陵归今年中山去白首归无期客去莫叹息主人亦是客对牀定悠悠夜雨空萧瑟起折梧桐枝赠我西北行归来强健否莫忘此时情

九月二十日微雪懷子由【二首】

岐阳九月天微雪已作萧条歲暮心短日送寒砧杵急冷官无事屋庐深愁肠别后能消酒白发秋来已上簪近买貂裘堪出塞忽思乘传问西琛

江上同舟诗满篋郑西分马涕垂膺未成报国惭书剑岂不懷归畏友朋官舍度秋惊歲晚寺
楼观雪与谁登遥知读易东窗下车马敲门定不膺

次韵子瞻九月二十日微雪见寄【二首】

蕲 辙

秋气萧骚仍见雪客愁缭绕动紫心幽吟百户牕声细归梦函關马迹深疎树飞花轻簌簌衰
荷留柄乱簪簪遥闻诗酒皆争胜杜客何人近纳琛

平时出处常聯袂文翰叨陪旧服膺自信老兄怜弱弟岂關天下少良朋何时杯酒看浮白清
夜霜柑竹满登离思隔年诗不尽秦梁虽遠速须膺

九月二十四日雪 梅尧臣

秋露未为霜秋空已飞雪着树憎叶危压丛忧菊折平明开户防斗觉頽檐洁天时莫仓猝谁
预衣裘设

九月二十四日大风

秋飈无踪迹空中声奔驰枯桑固已驗老病仍先知惊沙入破隙危叶堕绿枝幽懷聒不寐山
岳将恐移

九月二十七日见梅花

江南风土暖九月见梅花遠客思边草孤根暗磧沙何曾逢寄驿空自听吹笳今日樽前胜其
如秋鬢华

九月二十八日牡丹

香包已向青春发又见秋深特地开应笑菊残无意思不能邀赋洛阳才

九月晦日谒韩子华遂留邀江隣几同饮是夕值其内宿不终席明日有诗予次其韵

乘兴驱车偶一来旋呼江老旧遊陪惊风送雨寒初动举酒浮蛆泼不开骐驎韝时闻内宿琵琶
弹急怨虚催接防帶去今传樣自此逢欢未便回

九月末大风一夕遂寒安置火炉有感【二首】

张耒

谪官两向黄州火不知明年何处冬
须信炎凉相代至亦知荣辱到头空
怨咨莫起天公念燕坐何妨佛理通
更有墙边一樽酒能于愁面放春红
【余以己丑年春至黄今见二冬矣】
风声一夜下林端遽作霜天十月寒
三伏炎蒸不可过北风凜冽亦何难
人情伺待常宜缓天令推移古不刊
幸有布裘羶履在雪深高卧更安闲

九月末风雨初寒【二首】

栗冽已戒 阴淡达朝昏
出门无所诣幽斋谁与言
尘埃羣书积兴至时一翻
呼兕具枣栗时亦頼芳樽
老肌畏寒苦幸此手足温
间有旧笔得句时复援

爱此庭下菊萧萧何及时
郊原一秋曠麦种待荣滋
今年真有秋禾菽实累累
老农笑谓子不复悯汝饥
桑榆可析薪秋风可夜吹
晴明理置缴雉兔日已肥

歲时杂咏卷四十六

宋 蒲积中 编

十月

十月九日题云梦亭崔 櫓

薄烟如梦雨如尘霜景晴来却胜春好住池西红叶树明年今日伴何人

十月戊寅梁简文

喧尘是时息静坐对重峦冬深柳条落雪后桂枝残星明雾色静天白鴈行单云飞乍想阁水
皓遠凝紈晚橘隱重屏枯藤帶迴竿岳阴连水气山峰添月寒

代孟冬寒气至刘 铄

白露秋风始秋风明月月初明月照高楼露落皎 除迨及凉云起行见寒林疎客从遠方至贈
我千里书先叙懷旧爱未陈久离居一章意不尽三复情有余愿遂平生眷无使甘言虚

十月奉教作 李 峤

白藏初送节 律始迎冬林枯黄叶尽水耗綠池空霜帶临庭月寒随入牖风别有欢娛地歌
舞应丝桐

十二月乐遊诗十月郭元振

十月严阴盛霜氛下玉台罗衣羞自解綺帳待君开银箭更筹緩金炉香气来愁仍夜未几已
使炭成灰

孟冬杜 甫

殊俗还多事方冬变所为破柑霜落爪尝稻雪翻匙巫岫寒都薄乌沙瘴遠随终然減滩瀨暫
喜息蛟螭同羣公十月朝宴李太守宅 高 适

良牧徵高赏褰帷问考槃歲时当正月甲子入初寒已听甘棠頌欣陪防酒欢仍怜門下客不
作布衣看

忆长安十二咏樊 珣

忆长安十月时华清士马相驰万国来朝汉阙五陵共腊秦祠昼夜歌钟不歇山河四塞京师
状江南十二月每句须一物形状

谢良辅

江南孟冬天荻穗软如绵绿绢芭蕉裂黄金橘柚悬

孟冬蒲津关河亭作吕温

息驾非穷途未济岂迷津独立大河上北风来吹人霜雪自兹始草木当更新严冬不肃杀何以见阳春

河南府试十月乐词李贺

玉壶银箭稍难倾钿花夜笑凝幽明碎霜斜舞上罗幕烛龙两行照飞阁珠帷怨卧不成眠金
凤刺衣着体寒长眉对月鬬弯环

十月

十月五日见菊上蜂梅尧臣

黄蜂得晴日不道菊开稀向蕊晚寒起落丛无力飞轻轻难自举帖帖一何微莫问巢房处斜
阳奈欲归十月十二日夜孤宿寄内张耒

寒夜欺老人展转睡不足长年怕为客况此空斋宿啾啾度云鴈瑟瑟受霜竹冻骹冷如植不
觉重衾燠天明起冠带淡日初照屋寄声家具酒买鱼烹鴈鹜

十月十四日以病在告独酌苏轼

翠柏不知秋空庭失摇落幽人得佳荫露坐初独酌月华稍澄穆雾气尤清薄小兒何所知相
语翁正乐铜炉烧栢子石鼎煮山药一杯赏月露万象纷酬酢此生独何幸风缆欣初泊逝逃
顔跼网行赴松乔约莫嫌风有待漫欲戲寥廓冷然心境空髣髴来笙鹤

十月十五日早饭清都观逍遥堂

黄庭坚

心防魏阙鱼千里梦觉邯郸黍一炊蔬食菜羹吾亦饱逍遥堂下叶辞枝

十月十六日记所见苏轼

风高月暗云水黄淮阴夜发朝山阳山阳晓雾如细雨炯炯初日寒无光云收雾卷已亭午有风北来寒欲僵忽惊飞雹穿户牖迅驶不复容遮防市人颠沛百贾乱疾雷一击如颓墙使君来呼晚置酒坐定已复日照廊恍疑所见皆梦寐百种变怪旋消亡共言蛟龙厌旧穴鱼鳖随徙空陂塘愚儒无知守章句论說黑白推何祥惟有主人言可用天寒欲雪饮此觞

十月十八日 梅尧臣

霜梧叶尽枝影疎井上青丝转轳轳西厢舞娥艳如玉东楯贵郎才且多纒头谁惜万钱锦映丫自有明月珠一为轳轳情不已一为梧桐心不枯此心此情日相近卷起飞泉注玉壶

古诗

十一月

十一月中旬至扶风界见梅花

李商隱

匝路层层艳飞时裊裊香素娥惟与月青女不饶霜贈逺虚盘手伤离适断肠为谁人早秀不待作年芳

十一月奉教作李峤

凝阴结暮序严气肃长飈霜犯狐裘夕寒侵兽火朝水深遥架浦云冻近封条平原已纵猎日暮整还镳

忆长安十二咏刘 蕃

忆长安子月时千官贺至丹墀御苑雪开琼树龙堂冰作瑶池兽炭毡庐正好貂裘狐白相宜
状江南十二月每句须一物形状

吕渭

江南仲冬天紫蔗节如鞭海将 作雪山用火耕田河南府试十一月乐辞 李贺

宫城团廻凜严光白天碎碎墮琼芳挝钟高饮千日酒战却凝寒作君寿御沟泉合如环素火

井温泉在何处今诗

十一月

和十一月八日圃人所小桃花

梅尧臣

常时开向杏花后今日绽当梅萼前不畏雪霜何太甚繁英如火满枝燃

前占寒食一百六算到其间未合开丹艳已先灰管动不由人力与栽培

和十一月十二日与诸君登西园亭榭怀旧

冬日萧条公府清独将诸吏上高城而今何防异畴昔鐵墓下闻狐夜鸣

莎径依然见莎叶莲塘无复有莲花更看白水满城下説着当时龙骨车

十一月十三日病后始入仓

曾非雀与防何恋太仓为狐裘破不温黄狗补其皮霜花逐落月缀在枯槁枝予年过五十瘦寝水生肌

十一月十七日五首

寒更催欲尽曙色转鸡吭鸣鴈晓北斗清笳凝夜霜空山藏华晚故园归梦长晨起临清镜悲嗟鬓已霜寒着添绵衲朝脯折足铛无言病居士面壁老胡僧佛祖岂欺我乾坤终有憑宿年无一事高卧醉腾腾山与晴天晚江连夕照红高鸿知夜渚乔木受霜风买酒缸须满温炉火屡烘走逋定何物随意束衰翁三杯无奈酒一褐有余温眼下幸无事世间何足论山僧元饱饭词客谩招魂杖策何知诣门前老圃村小雾今晨重山川不复分自然无日色那更挟霜雰乌鸟依寒寂渔樵散暝昏一杯聊慰疾今吾忆韦君古诗

十二月

十二月一日【三首】杜甫

今朝臈月春意动云安县前江可怜一声何处送书雁百丈谁家上水 未将梅蕊惊愁眼要取椒花媚逺天明光起草人所羨肺病几时朝日边

寒轻市上山烟碧日满楼前江雾黄负盐出井此溪女打鼓发 何郡郎新亭举目风景切茂陵著书消渴长春花不愁不烂熳楚客谁听棹相将

即看燕子入山扉岂有黄莺历翠微短短桃花临水防轻轻柳絮防人衣春来準拟开懷久老去亲知见面稀他日一杯难强进重嗟筋力故山围

答崔賓客晦叔十二月四日见寄

白居易

今日歲余二十六来歲年高六十二尚不能忧眼下身因何更算人间事居士忘筌默默坐先生枕麴昏昏睡早晚相从归醉乡醉乡去此无多地

庚子臘月五日司空图

复道朝严火延城夜涨尘骅骝思故第鸚鵡失佳人禁漏虚传防妖星不扼辰何当廻万乘重覩玉京春

臘月八日于 野石城寺礼拜

孟浩然

石壁开金像香山绕铁围下生弥勒佛四向一心归竹栢禅庭古楼台世界稀夕嵐增气色余照发光辉讲席邀谈柄泉堂施浴衣愿从功德水从此濯尘机

十二月十九日酬王十八全素

元稹

君念世上川嗟予世瘴天那堪十日内又长白头年

忆长安十二咏谢良辅

忆长安臘月时温泉防仗初移瑞气遥迎凤輦日光先暖龙池取酒虾蟆陵下家家守歲传卮

状江南十二月每句须一物形状

丘丹

江南季冬天红蟹大如编湖水龙为镜鱸峰气作烟

十二月奉教作李 峤

玉烛年行尽铜史漏犹长池冷凝宵冻庭寒积曙霜兰心未动色梅馆欲含芳徘徊临歲晚顾步伫春光河南府试十二月乐词 李 贺

日脚淡光红洒洒薄霜不销桂枝下依稀和气解冬严已就长日辞长夜

臈后歲前遇景咏意白居易

海梅半白柳微黄冻水初融日欲长度腊都无苦霜霰迎春先有好风光郡中起晚听衙鼓城上行慵倚女墙公事渐闲身且健使君殊不厌余杭

十二月拜起居表回许 浑

一章西奏拜仙曹回马天涯北望劳寒水欲春冰防薄晓山初霁雪峰高楼形向日攢飞凤宫势凌波压扑鳌空鎖烟霞絕巡幸周人谁识鬱金袍

今诗

十二月十一日早苦寒与家妇酌酒因成古风

张 耒

寒夜不可旦老鸡鸣苦迟晨兴出户视风折山海枝最蚤堂东梅冽寒亦弄姿夜来月中影窥我读书帷中庭石井栏晨汲气如炊今日复何事环佩聯冰澌瓮甕有芳醇庖舍具鲜肥地炉炽新炭三酌对山妻

十二月十三日喜雪梅尧臣

三月朔风吹暗沙蛟龙卷起喷成花花霏万里夺晓月白石烂堆愁女娲大明广庭踏朝贺雉尾不扫粘宫靴宫中才人承圣顏捧觴称寿呼南山三公免责百姓喜斗酒十千讎复慳

十三日雪后晚过天溢榴堤上行

堤上残风雪榴边盛酒楼据鞍衰意尽倚檻艳歌留海月开金鉴河水卧玉虬当年洛阳醉偏忆薰糟丘

和十二月十七日雪

残冬劲腊已过半晓雪先春何处来岂是全资南畝麦多应不分北枝梅庭中未许儿童扫林上惟愁狂吹催莫问兔园同赋客相如居右最为才

十二月十八日防饮园夫头桃花

宋 祁

今歲臙未破明年春尚賒天教摧朔气先霏塞南花晚秀尚可惜早开真讶奇君看早开处定是向南枝己卯十二月二十九日感事 张 耒

高楼乘兴独登临搔首天涯歲暮心带雪臙风藏泽国犯寒春色着烟林山川极目风光异歲月惊懷老境侵可是斯文天遂丧楚囚何事涕沾襟

蹉跎流落已华颠又见荆湖一歲迁人怯苦寒愁短日天收残雪放新年园林寂歷飘梅后里巷经过守歲前自料知非犹得在潜心久学卫蘧先

臙月下旬偶作

啄块饥禽傍短篱飞鸢一笑起高枝君看草木冰霜冻都是东风欲到时

风折蒹葭水结澌燕鸿相语定归期淮南水濶山长处少待燕山霰雪归

歲暮烟霜泽国寒晚鸦鸣处是柯山地炉有火樽余酒自起焚香深掩關

残臙

臙雪初消上古台桑郊向日防旗开山横南陌城中见春逐东风海上来老去每惊新歲换病多能使壮心摧自嗟空有东阳瘦览物慙无八咏才

残臙独出蘓 轼

幽寻本无事独往意自长钓鱼丰乐桥采杞逍遥堂罗浮春欲动雪日有清光处处野梅开家家臙酒香路逢 道士疑是左元放我欲从之语恐复化为羊

江边有微行诘曲背城市平湖春草合步到栖禪寺堂空不见人老稚掩關睡所营在一食食已寧复事客来岂无得施子静扫地松风独不静送我作鼓吹

残臆

逼老忧添歲居贫憚制衣客妻怜酒嫩馋稚幸豚肥俗累随年尽春光趣臆归莫嫌花未发明
哲玩先几